

UNIVERSIDAD DE EXTREMADURA

TS-4058

b111330013
AN253236

UNIVERSIDAD DE EXTREMADURA.



2 202000 148418

DE ARTE
RHETORICA

LIBRI QUINTU, 4058
ECTISSIMIS VETERUM SCRIPTORUM
ÆTATIS AUREÆ,

Perpetuisque Exemplis illustrati :

AUCTORE

DOMINICO DE COLONIA.

Accessere in hac novissima Editione
INSTITUTIONES POETICÆ,

AUCTORE

JOSEPHO JUVENGYO.



MATRITI.

In Regia Typographia , vulgo de la GAZETA.

SUPERIORUM PERMISSU.
MDCCCLXXX.

Don Francisco
y
Ximena Fernández
el 23 de Enero de
1866.
ANEXO EN OBTENIENDO
que el libro sea devuelto
en el plazo de 15 dias
COTILLEJO GUTIERREZ

A U C T O R

LECTORI.

Praeceptis paucis brevi-
busque, exemplis verò
bene multis constat hæc Ars
Rhetorica. Præcepta hauisimus
ex vetustissimis Græcorum La-
tinorumque Rhetorum fontibus;
Aristotelem dico, Ciceronem,
Quintilianum, Demetrium Pha-
lereum, Hermogenem atque
Longinum. Exempla, quæ lec-
tissima sunt perpetuaque, sum-
mo studio, singularique diligen-
tia selegimus fere ex elegan-
tissimis ætatis aureæ Scripto-
ribus. Atque hoc exquisito ve-
te-



terum exemplorum delectu co-
piaque nostrum hunc qualem cum-
que labore speramus posse
commendari , si cetera omnia
desunt ; illumque etiam politio-
ribus & urbanis hominibus nec
inutilem , nec injucundum , hoc
saltem nomine , fore confidimus .

ELE-



ELEMENTA RHETORICÆ.

CAPUT PRIMUM.

De Fabula.

Quid est *Fabula*?
R. Est Oratio falsa veritatem effingens. Tali est apud Horatium (a) elegantissima illa *Fabella* equi, hominis opem adversus cervum implorantis.

Cervus equum, pugna melior, communibus herbis Pellebat; donec minor in certamine longo
Imploravit opes hominis, frenumque recepit.
Sed postquam victor (b) violens discessit ab hoste,
Non equitem dorso, non frenum depulit ore.

Vide quam sollertè Horatius sub illis Fabulæ involucris, & quasi integumentis, verum ac rectum nos doceat: & nos repente à levi illa in speciem narratiuncula, ad veritatem traducat illis quæ sequuntur versibus:

Sic qui pauperiem veritus, potiore metallis
Libertate caret, dominum vehet improbus, atque
Serviet æternum, quia parvo nesciet uti.

A 3

§. I.

(e) *Epist. 10. Lib. 1.*

(b) *Violens pro violentus, vox parum usitata.*

§. I. De variis Fabularum generibus.

Q Uot sunt genera Fabularum?

R. Tria numerantur ab Aphthonio, & a Theone Sophista, qui Rheticas exercitationes, seu progymnasmata, (sic enim appellant) Tironibus admodum usilia, nobis scripto reliquere. Tria igitur statuunt genera Fabularum. Aliæ sunt Rationales: aliæ Morales: aliæ Mixtæ.

§. II. De Fabula Rationali, sive Parabola.

Q uid est Fabula Rationalis, seu Parabola?

R. Fabulæ Rationales sunt illæ, quibus ad nubes instruendos fingimus ab homine dictum, vel factum quidpiam, quod tamen re ipsa neque dictum fuit, neque factum, sed tamen dici, vel fieri omnino potuit. Hujusmodi sunt Divinæ illæ Parabolæ de Virginibus decem, de Divite & Inope, de Filio Prodigo, aliisque, quibus Christus Dominus Apostolos, & circumfusam plebem ad omnem virtutem erudiebat; (a) *Sine Parabolis non loquebatur sis*: inquit Sacra Pagina; tum ut se ad rudem populi caput accommodaret, tum etiam in primis ut serviret Palæstinorum moribus ac consuetudini, apud quos nimis hujusmodi Parabolæ majorem in modum erant usitatæ, & unde in reliquias Orientis partes dimanarunt.

Rationales id genus Fabulas, seu Parabolas circiter duodecim habes in aureo Phædri libello. Exemplum esto hæc, quam hic affero.

Æsopus & Petrus ans.

(b) *Æsopo quidam petulans lapidem impegerat: Tanto, (c) inquit, melior; assem deinde illi dedit, Sic prosecutus: plus non habeo me hercule: Sed unde accipere possis, monstrabo tibi. Venit ecce dives & potens: huic similiter Impinge lapideum, & dignum accipies præmium. Persuasus ille fecit quod monitus fuit.*

Sed

(a) *Matth. 14.* (b) *Lib. 3. Fab. 4.*

(c) *Inquit Æsopus.*

Sed spes fefellit impudentem audaciam;
Comprehensus neimpe poenas persolvit cruce.

§. III. De Fabula Morali, sive Apologo.

Quid est *Fabula Moralis*, seu *Apologus*?

R. Est illa, quæ belluarum mores & indolem exprimit ad mores hominum informandos. Morales hujusmodi Fabulæ dicuntur *Æsopicae*; non quod *Æsopum* auctorem habeant, ut vulgus existimat, cum longissimè ante *Æsopi* tempora (a) ab Homero, (b) & Hesiodo fuerint usurpatæ; sed quod valde fuerint in deliciis *Æsopo*, qui illas admodum ingeniose tractavit. Interdum etiam non soluna feræ, sed arbores quoque & plantæ, mallei, incudes, aliæque res hujusmodi, loquentes inducuntur. Exquisitissimum Fabulæ Moralis exemplum habes in hoc Phædri Apologo:

Rana rupra, & Bos.

Inops potenter dum vult imitari, perit.
In prato quodam Rana conspexit Bovem:
Et taeta invidia tantæ magnitudinis,
Rugosam inflavit pellem; tum natos suos
Interrogavit, an Bove esset latior?
Illi negarunt: rursum intendit cutem
Majore nisu, & simili quæsivit modo,
Quis major esset? illi dixerunt, Bovem,
Novissimè indignata, dum vult validius
Inflare sese, rupto jacuit corpore.

Quantoque valeat hic Apologus ad nostros mores emendandos, satis liquet ex primo versiculo;

Inops potenter dum vult imitari, perit.

Quapropter vir antiquis comparandus Julius Cæsar Scaliger ait in sua Poetica, Apologum sic appellari, (c) quasi si aliud palam & aperte dicat, aliud clam innuat doceatque, quemadmodum Allegoria.

A.4

Quid

(a) *Æsopus* floruit anno 185. à Roma condita.

(b) *Homerus* Poetarum Græcorum Princeps vixit esse circiter annis ante Christam.

(c) οὐτὶ λόγει λόγει.

Quid interest inter Apologum & Parabolam?

R. Hoc interest, quod *Apologus* sit earum rerum, quae fieri omnino nequeunt; neque enim belluae loqui possunt: *Parabola* verò est eartum rerum, quae si reipsa non sunt, esse quidem certe potuerunt.

§. IV. De Fabula Mixta.

Quid est Fabula Mixta?

R. Est ea, quae ex *Rationalis*, & *moralis* admixtione componitur, seu in qua homines cum brutis sermocinari finguntur. Eximum *Fabulæ Mixtæ* exemplum reperies apud *Justinum*, *Historiarum* libro XLIII. cap. IV. Hanc opportune adhibuit *Regulus* quidam ad concitandos veterum Gallorum animos contra *Massilienses*, qui ex Asia nuper in Ligurum regionem advehti, locique amoenitate capti, condendæ urbis locum ab incolis preceario impetraverant.

Canis & Pastor. Fabula Mixta.

Canis aliquando partu grava locum a Pastore preceario petiit, in quo pareret: quo obtento, iterato petiit, ut sibi educare eodem in loco catulos liceret. Ad extremum adultis catulis, fulta domestico præsatio, proprietatem loci sibi vindicavit. Non aliter Massilienses qui nunc inquilini videntur, quandoque dominos regionum futuros.

Quantum porro valuerit hæc *Fabula*, continuo subjungit *Justinus*; *His, inquit, incitatus Rex insidigs Massiliensibus extruxit.*

§. V. De legibus, &c artificio *Fabulæ*.

*Quam est prima, ac præcipua *Fabulæ* lex?*

R. Prima hæc est *lex*, ut *Fabula* quælibet adjunctam habeat suam interpretationem, qua *moralis* illius sensus breviter explicetur: quam interpretationem quasi *Fabulæ* animam ausim appellare. Hæc *interpretatio*, si ponatur post *Fabulam*, vocatur (a) *Afabulatio*; si vero ponatur initio, vocatur (b) *Prefabulatio*, si ita loqui fas esset. Ce-

(a) ἀπομύθιον. (b) προμύθιον.

terum initio ne ponas, an fine, non refert maximopere.

Quanam est altera lex Fabula?

R. Secunda lex haec est, ut Fabulæ narratio sit perspicua, probabilis, brevis, & jucunda. Verum de illis quatuor narrationis cum Fabulosæ, tum Historicæ virtutibus, itemque de Figuris, quibus utraque potest illuminari, capite subsequenti dicuntur: sumus.

Quomodonam probabilis reddi potest, veroque similis Fabula, quæ nimirum ficta semper res est & commentitia, ac persepe etiam incredibilis, fideique processus absona, quales sunt Apologi, qui bellus humanus sermonem affingunt?

R. Fabulæ, quantumvis ficticiæ, quamdam tamen inesse probabilitatem, ac verisimilitudinem, si sua cuilibet animanti servetur indeoles ac suum ingenium: si Vulpem facias versipellem & subdolam; Lupum rapacem & truculentum; Agnum mitem & simplicem; ac ceteræ demum belluæ germandis propriisque sui coloribus depingatur. Hinc sapienter monet Horatius in Arte Poetica; poetæ mendacia ad veritatem accedere omnino debere: Ficta voluptatis causa sint proxima veris.

Et alio loco ejusdem Poeticæ.

Atque ita mentitur, si veris falsa remisceris.

Primo ne medium, medio ne discrepetimum.

§. VI. De utilitate Fabulæ.

Quanam est utilitas Fabula?

R. Mirabiles quosdam usus habet Fabula; sibi in loco ac tempore adhibetur, ut par est. Primo enim mirum in modum valet ad exhilarandos recreandosque auditorum animos, & ad conciliandam attentionem, quæ delectationi solet esse conjuncta. Hac arte sibi paravit olim attentionem summus Orator Demosthenes.

Cum enim, licet de rebus gravissimis agens, fastidiosè tamen & oscitantè audiretur ab Atheniensibus, hac eleganti Fabella repente illorum aures & animos ad audiendum convertit.

Asini umbra. Fabula.

Aloescens astivo tempore Athenis Megaram projecturus, asinum conduxit; cumque effervescente iam meridie, ardor solis cœpisset esse vehementior, vitandi caloris causa, sub asini ventrem se coniœcit, ut umbram inde captaret. At (a) agaso, qui lacaverat asinum, hinc hominem serio perturbare, asserens se nihil nisi asinum, non vero asini umbram locasse: alter contra affirmare, se cum asino pariter illius umbram conduxisse. Cum autem vidisset Demosthenes captos hac Fabula Judices risu corruere, ac pene emoti, discessum repente paravit, vel parare seinxit: sed rogantibus enixè Acheniensibus, ut Fabulæ quod reliquum erat perficeret: Itane vero, mutata voce inquit, (b) de asini umbra audire vultis, de rebus gravibus & seriis non vultis? & illos hoc artificio ab oscitantia tædioque ad summam quamdam audiendi alacritatem traduxit.

Quenam est altera utilitas Fabulæ?

R. Fabula non solum valet ad delestandum, sed, quod caput est, facit etiam in primis ad docendum, ad movendum, & ad corruptos hominum mores condemnandos. Hic etenim est, quemadmodum Philosophiæ, sic etiam Fabulæ laudabilis scopus, ut utraque mortales ad honestatis ac virtutis studium à vitiorum foeditate traducat. Sed Philosophus & Fabulator diversis itineribus eodem contendunt. Philosophus objurgat vitia palam & aperte, sine ambagibus & integumentis: unde offensi persæpè improborum animi salutare monitum aspernantur, ac respuunt, castigatique remordent, ut inquit Juvenalis.

At Poeta vitium impugnat, quasi aliud agens, ac veluti (c) per cuniculos & monitorum austernitatem Fabularum condimento mitigat: ut nempe captus ac delinitus innoxiae voluptatis illecebris ani-

(a) Italice: *Mulattiere, Vettulare.*

(b) *Plutarchus in vita Demosthenis.*

(c) Ital. *Per via di Mine.*

animus salutarem medicinam libenter admittat
ut sapienter monet Lucretius, lib. 3. & 4.

Ac veluti pueris absinthia terra (a) medentes.
Cum dare conantur, prius oras pocula circum
Contingunt mellis dulci flavoque liquore,
Ut puerorum ætas improvida ludificetur
Labrorum tenus; interea perpotet amarum
Absinthi laticem, deceptaque non capiatur;
Sed potius tali facto recreata valescat.

Quid enim aptius, v.g. ad inanum promissorum
tumorem sine cuiuspiam offensione castigandum,
quam hæc lepidissima Phædri de monte parturien-
te Fabella? (b)

Mons parturiens.

Mons parturiebat, gemitus immanes ciens;
Eratque in terris maxima expectatio;
At ille murem peperit. Hoc scriptum est tibi,
Qui magna cum minaris, extricas nihil.

Quo etiam ingeniosè alludit Horatius. In Arte
Poetica.

Quid dignum tanto feret hic promissor hiatu?
Parturient montes; nascetur ridiculus mus.

Ad hanc Fabulæ utilitatem pertinet etiam quod
ait idem Horatius in Sat. I. l. I.
Tantalus à labris sitiens fugientia caprat
Flumina. Quid rides? mutato nomine, de te
Fabula narratur.

Quo veterum exemplo probari potest, Fabulam ad
docendos animos & affectus concitandos utilem esse?

R. Exemplo Menenii Agrippæ, qui plebem Ro-
manam, quæ graviter offensa in montem Aventi-
num aliquando secesserat, ad Patrum auctoritatem
concordiamque revocavit narratiuncula Apologi de
membris humanis adversus stomachum conspiranti-
bus; & quod nec legum, nec magistratus auctori-
tas potuerat, id fictitiæ narrationis blandimento
perfecit. Apologum sic narrat T. Livius, L. 2.

(a) Id est medies. (b) Lib. 4.

Venter & reliqua humani corporis membra. Apologus.

Tempore quo in homine, non ut nunc, omnia in unum consentiebant, sed singulis membris suum cuique consilium, suus sermo fuerat, indignatas reliquas partes, suaque cura, suo labore, ac ministerio ventri omnia queri, ventrem in medio quietum nihil aliud quam datis voluptatibus frui, (a) conspirasse inde, ne manus ad os cibum fertent, nec os acciperet datum, nec dentes conficerent. Hac ira dum ventrem fame domare veilent, ipsa una membra totumque corpus ad extremam laborem venisse, inde apparuisse, ventris quoque ~~hunc~~ segne ministerium esse; nec magis ali, quam alere eum, reddentem in omnes corporis partes hunc, quo vivimus vigemusque divisus pariter in venas, mature confecto cibo, sanguinem. Comparando hinc quam intestina Corporis seditio similis esset ita plebis in Patres, flexitentes hominum.

CAPUT SECUNDUM.

De Narratione.

Quid est narratio?

R. Est rei gestæ, vel quasi gestæ expositio. Dicitur rei gestæ, vel quasi gestæ, ut nempe Narrationem tum Historicam, tum Fabulosam complectatur hæc nostra definitio.

§. I. De virtutibus Narrationis.

Quænam sunt virtutes Narrationis?

R. Quatuor a Tullio recensentur: perspicuitas, probabilitas, brevitas & suavitas.

Quomodo perspicua fiet Narratio?

R. Fiet perspicua. 1. Si temporum serverur ordo, adeo ut quod primum gestum est, primum etiam referatur.

2. Si verbis propriis & usitatis utamur.

3. Si res non interrupte narretur.

4. De-

(a) Supple ajebat vel narrabat.

4. Denique si diligenter vitetur omnis verborum ambiguitas, qualis esset ista, v. g. Ajunt. Regem (a) Pyrrhum Romanos viciisse. Quis enim inde vicit, qui vicitus intelligi possit?

Quantum porrò enīt, ac contendere debeat Orator, ut perspicuè narret & aperte, facile intelligere poteris ex aureo illo Quintiliani præcepto: Prima sit Orationis virtus, perspicuitas: Quo spectat etiam quod eodem capite inculcat idem Fabius: Dilucida & negligenter quoque audientibus aperta sit... ut in animum, tamquam sol in oculos, et iamsi non intendatur, incurrat. Quare non ut intelligere possit auditor, sed ut omnino possit, non intelligere, curandum.

Quod si obscuritatis virtus laboret narratio, jure ac merito cadet in illius auctorem, quod de obscurissimo quodam Scriptore jactatum est à nobilissimo (b) Poeta:

Quid juvat obscuris involvere scripta latebris,

Ne pateant animi sensa? tacere potes..

Cedo ex veteribus Exemplum aliquod Narrationis perspicua?

R. Instar omnium esse potest laudatissimum. illud Epigramma (c) Ausonii de venere armata & de Pallade.

In Venerem armatam.

Armatam vidi Venerem (d) Lacedæmonie Pallas,

Nunc certemus: ait, judice vel Paride..

Cui Venus: Armatam cur me, temeraria temnis,

Qæ, quo te viçi tempore, inermis eram.

Q Uomodo fiet probabilis Narratio?

R. 1. Si is, qui narrat, sit nota probitatis & fidei.

2. Si rei gestæ seriem exponat sine suco; quam-

(a) Pyrrhus fuit Epirotarum Rex ferrissimus, qui contra Romanos pro Tarentinis sex annos bellum gessit.

(b) Scœvola Sammarthano. (c) Ausonius egregius Rhetor & Poeta, præceptor Imperatoris Gratiani, fuit Consul anno 379. (d) Lacedæmonii Venerem armatam celebant.

IO Elementa Rhetorice.

simplicitate nimis atque candore plus multo va-
lebit ad persuadendum, quam alii calamistris, le-
nociis & hyperbole.

3. Si nihil afferat fidei absonum, & quod abhor-
reat à communi hominum sensu; quia, ut rectè ad-
monet Horatius in Arte Poetica.

Quodcumque ostendis mihi sic, incredulus odi.

Quod si fortè rei veræ, sed incredibili fidem fa-
cere velis, usurpare poteris sapiens illud cuiusdam
Veteris dictum: *Multa esse vera, que tamen non
sint verisimilia; & probabile omnino esse, quamplu-
rima contra probabilitatem contingere.*

4. Denique si clare apertaque exponas rerum
circumstantias, & adjuncta personarum, locorum ac
temporum; unde vel maxime pendet facti proba-
bilitas. Ita Cicero in mirabili illa Narratione Milo-
niana, probabile reddit à circumstantiis personarum
quod narrat de insidiis Miloni à Clodio Paratis.
*Cur igitur, inquit, vixtus est? (Clodius). Quia non
semper viator a latrone, nonnumquam etiam latro à
viatore occiditur; quia quamquam paratus in impa-
ratos Clodius, tamen mulier inciderat in viros.*

Quid factò est opus, ut brevis sit Narratio?

R. Brevis erit, 1. si narrandi initium altius
non repetas, & ab ovo, ut ajunt, quemadmodum
ineptus ille, quem rider Horatius:

Qui gemino bellum Trojanum oritur ab ovo.
Sed si inde sumas exordium, unde necesse est,
2. si non inutiles, putidasque circumstantias, quae
nihil faciant ad rem, in Narrationem tuam infar-
cias. Quid enim opus est dicere: v. g. *In portum
veni, navem paratam asperi, de pretio conveni, subla-
ta sunt ancoræ, è portu solvi?* Satis erat dixisse: è
portu solvi.

Vide tamen etiam, atque etiam, ne nimia bre-
vitas obscuritatem afferat orationi, ut observat
Fabius. *Vitanda, inquit, illa Sallustiana brevitas &
abruptum orationis genu.* Et alio loco: *Narratio,*
inquit, præcisa non tam Narratio vocari potest,
quam

quam confusio. Audi rursus Horatium nostrum:
— Brevis esse labore;
Obscurus fio.

Qua ratione suavis reddetur Narratio?

R. Suavis erit. 1. Si utamur verbis leniter & numerosè sonantibus. 2. Si ita collocentur verba, ut nec hiucus, nec aspersit illorum concursus. 3. Si, quæ narramus, sint magna, nova & inexperta. 4. Si adhibeantur certæ quædam narrandi formulæ Tullio præfamiliares, cum v. g. pro tempore præterito præsens usurpatur; item cum plures infiniti subauditio verbo junguntur, ut cum ait: *Rex prime nihil metuere, nihil suspicari, dies unus & alter intercedere.* Ita enim Cæsar, lib. I. de Bello Gallico: *Divitiacus multis cum lacrymis Cæsarem complexus obsecrare cœpit, ac quid gravius in fratrem statueret: Scire se illa esse vera, nec quemquam ex eo plus quam se doloris capere.* Suple, dixit. Ita Virgilius in misericordiis hisce versibus Lib. VI. Æneidos.

At Danaum Proceres, Agamemnoniæque Phalanges
Ut videre virum, fulgentiaque arma per umbras,
Ingenti trepidare metu: pars vertere terga,
Ceu quondam perierte rates: pars tollere vocem
Exiguam: inceptus clamor frustratur hiantes.

5. Denique suavis erit Narratio, si diversis figuris illuminetur; & si habeat admirationes, expectationes, suspensiones, exitus inopinatos & interpositos motus animorum, dolorem, lætitiam, metum, cupiditatem.

Harum omnium rerum admirabile quoddam exemplum habes in jucundissima illa Narratione de Dionysio Syracusarum Tyranno, & de Damocle quiodam illius Parasito, in quam intueri satis non potuerunt Tirones, ut suaviter & festive narrare discant.

Dionysius Syracusarum Tyrannus & Damocles.

Jucunda Narrationis exemplum ex Tusc. lib. 5.

Cum quidem ex ejus assentatoribus Damocles commotaret in sermone copias ejus, opes, majestatem, dominatus, rerum abundantiam, magnificantiam adiun-

12 Elementa R̄hetorice.

adium regiarum, negaretque umquam beatorem quemquam fuisse. Visne igitur, inquit, Damocle, quoniam hæc te vita delectat, ipse eamdem degustare & fortunam experiri meam? Cum se ille cupere dixisset, collocari gussit hominem in aureo lecto, strato pulcherrimo, (a) textili stragulo, magnificis operibus picto, (b) abacosque complures ornavit argento aureoque calato. Tum ad mensam eximia forma pueros delectos jussit consistere, eosque nutrum ejus intuentes diligenter ministrare. Aderant unguenta, corona; incendebantur odores; mensa conquisitissimis epulis extruebantur; fortunatus sibi Damocles videbatur. In hoc medio apparatu, fulgentem gladium (c) lacuari, seta equina apium demitti jussit, ut impenderet illius beati cervicibus. Itaque nec pulchros illos ministratores aspiciebat, nec plenum artis argentum, nec manum porrigebat ad mensam: jam ipsæ defluebant corona; denique exoravit Tyrannum, ut abire liceret, quod jam beatus nolle esse. Satisne videtur declarasse Dionysius, nihil ei esse beatum, cui semper aliquis terror impendeat.

Ad hanc suavissimam narrationem allusit Horatius, cum ait Odarum lib. 3:

Districtus ensis cui super impia

Cervice peendet, non Siculae dapes;

Dulcem elaborabunt saporem,

Non avium, citharaque cantus;

Somnum reducent, &c.

§. II. De Schematis, seu Figuris, quibus illuminari potest Narratio.

Quid est Figura?

R. Figura, seu Schema est ornamentum quadam narrationis, seu loquendi modus illustrior, &c. à communi consuetudine remotus, cuiusmodi sunt hæc Ciceronis verba: *O Dii immortales, ubinam gentium sumus?... O scelus, o portentum in ultimasterras amandandum!* Itemque illa Virgilii verba in Ecloga II.

Ah Corydon, Corydon, quæ te dementia cœpit?

Vel

(a) Ital. Conarazzi ricamati a supervisissimi lavori.

(b) Credenza. (c) Soffitta.

Vel cum idem Virgilius Aeneid. VI. Sibyllam
ita loquentem inducit:

Bella, horrida bella,

Et multo Tibrim spumantem sanguine cerno.

Quis enim non videt, haec orationis lumina &
illas dicendi quasi faces in quotidiano communi-
que sermone adhiberi nequaquam solere?

Quibus potissimum Figuris erit illuminanda Nar-
ratio, ut sit suavis?

R. Præcipuae Narrationis Figuræ sunt Hypo-
thesis, Suspensio, sive Sustentatio, Exclamatio,
Communicatio, & Sermocinatio, sive Dialogismus.

Ouid est hypotyposis?

R. Est figura, qua aliquid tam vivis, spiranti-
busque, ut ita loquar, coloribus pingitur atque
narratur, ut non tam audiri, vel legi, quam spec-
tari & oculis quasi subjici videatur. Ita Cicero
V. in Verrem Gavii cujusdam Civis Romani sup-
plicium narrat per Hypotyposim: Cædebatur virginis
in medio foro Messanae (a) Civis Romanus; cum
interea nullus gemitus, nulla alia vox istius miseri-
zante dolorem, crepitumque plagarum audiebatur, ni-
si hæc: Civis Romanus sum.

Sic etiam Virgilius narrator & rerum imitator
plane mirificus, Didonis & Aeneæ venationem
describens, rem quasi sub oculos ponit his versi-
bus egregiis.

. Ostroque insignis & auro.

Stat sonipes, ac frena ferox spumantia mandit.

Idemque Poeta libro quinto, Entelli & Dareius
pugnam pene sub aspectum ita subjicit:
Hæc fatus (b) duplē ex humeris ejecit amictum,
Et magnos membrorum artus, magna ossa (c) la-
certosque

Exuit, atque ingens media consistit Arena.

Constituit exemplo in digitos arrectus uterque.

Brachiaque ad superas interritus extulit auras

Pre-

(a) In Sicilia, vulgo Messina.

(b) Entellus. (c) Versus hypermeter.

I4 Elementa Rhetorice.

Præcipitemque Darem ardens agit æquore toto,
Nunc dextra ingeminans i&etus, nunc ille sinistra.
Nec mora, nec requies : quam multa grandine
nimbi.

Cylminibus crepitant ; sed densis i&tibus Heros
Creber utraque manu pulsat versatque Daretæ

Ast illum fidi æquales genua negra trahentem,
Ja&tantemque utroque caput, crassumque cruorem
Gre rejetantem, mixtosque in sanguine dentes,
Ducunt ad naves.

Quid est Suspensio ?

R. Suspensio, seu Sustentatio est Figura, qua Orator ad sibi conciliandam attentionem, &c ad excitandos atque arrigendos auditorum animos, illos tenet aliquandiu suspensos & incertos quid dicturus sit. Ita Tullius contra Verrem ; *Etiamnum mihi expectare videmini, judices, quid deinde factum sit...* *Expectate facinus quam vultis improbum, vincamus tamen expectationem vestram.*

Quid est Exclamatio ?

R. Est vocis elatio, sive contentio, qua interjectione vel adhibita, vel subaudita, vehementiorem animi motum significamus, & rei magnitudinem exprimimus. Ita Tullius, post narratum indignissimum illud Gavii, licet Civis Romani, supplicium, de quo paulo supra, in has doloris & indignationis voces subito erumpit (a) ; *O nomen dulce libertatis ! O jus eximium nostræ civitatis ! O lex Porcia, legesque Semproniae, o graviter desiderata & aliquando redditia plebi Romana Tribunitia potestas ! baccine tandem omnino redierant, ut C. vis Romanus in Provincia populi R. in oppido Fæderiorum, ab eo qui beneficio populi R. fasces & secures haberet, deligatus in foro virgis cederetur ? Qui cum ignes, ardentesque laminae, ceterique cruciatus admovebantur si te illius acerba imploratio, & vox mirabilis non inibebat, ne civium quidem Romanorum, qui turba aderant, fletu & gemitu maximo commovebare ? In*

cru-

(a) *Cicer. in Verrem.*

crucem tu agere ausus es quemquam , qui se civem Romanum esse diceret ?

Eodem plane modo Æneas apud Virgilium lib. 2.
equi Trajani fatalem ingressum primo narrat:
Dividimus muros , & moenia pandimus urbis.
Accingunt omnes operi , pedibusque rotarum
Subjiciunt lapsus , & stupea vincula collo
Intendunt. Scandit fatalis machina muros
Fœta armis ; circum pueri innuptæque puellæ
Sacra canunt , funemque manu contingere gaudent.
Illa subit , mediæque minans illabitur Urbi.
Deinde per summum dolorem repente sic exclamat:
O patria , o divum domus Ilium , & inclita bello
Moenia Dardanidum ! quater ipso in limine portæ
Substitit , atque utero sonitum quater arma dedere.
Instamus tamen immemores , cæcique furore,
Et monstrum infelix sacrata sistimus arce.

Quid est communicatio?

R. Est figura , qua Orator causæ suæ confidens
deliberat cum iis ipsis , apud quos , vel contra quos
dicturus est , illos nimirum consulens quid acturus
sit ; vel etiam quid ipsimet in simili causa essent
acturi. Ita Cicero per summam fiduciam videtur
consilia sua communicare cum adversario suo Ver-
re , illumque quasi consulere in hunc modum:
*Si tu apud Persas , aut in extrema India deprehensus
Verres , ad supplicium ducerere , quid aliud clamitares ,
nisi te civem esse Romanum (a) ? & si tibi ignoto apud
ignotos , apud Barbaros , apud homines in extremis at-
que ultimis gentibus positos , nobile & illustre apud om-
nes nomen tua civitatis profuisset ; ille quisquis erat ,
quem tu in crucem rapiebas , qui tibi esset ignotus
cum Civem se Romanum esse diceret , apud te Pra-
torem , si non effugium , ne moram quidem mortis men-
tione atque usurpatione civitatis assequi potuit ?*

Quid denique est sermocinatio , seu Dialogismus ?

R. Est Figura , qua duo , vel plures homines in-
ducuntur & quentes , aut secum ipsi , aut cum aliis.
Le-

(a) Una hac voce D. Paulus Civis Romanus
eruiciatus , & mortem vitavit. Alter. 22.

Lepidum illius exemplum habes in hac pereleganti
Narratione Ciceroniana libri primi Tusculanarum
quæstionum.

Diogenes & amici Narratio per Dia'ogismum.

Cum ab amicis rogaretur Diogenes , ubi vellet inhuma-
mari , projicite me , inquit , inhuma um. Tunc ami-
ci : Volucribusne & feris ? Minime vero , inquit , sed
baciolum prope me , quo abigam , ponitote. Quid po-
teris ? illi : non enim senties . Quid igitur mihi ferarum
Ianiatus oberit nihil sentienti ?

Nec minus festivum videbitur quod hic subjicio
aliud exemplum ex eodem Tullio , lib. 2. de Orat.

Scipio (a) Nasica & Ennius Poeta.

Scipio Nasica cum ad Poetam Ennium venisset , ei-
que ab ostio querenti Ennium , ancilla aixisset , domi
non esse . Nasica sensit illam domini jussu dixisse , &
illum intus esse. Paucis post die us cum ad Nasicam
venisset Ennius , & eum a janua quereret , exclamat
Nasica se domi non esse . Tunc Ennius , Quid ? ego non
cognosco vocem , inquit , tuam ? Hec Nasica : Homo es
impudens : ego cum te quererem , an oīlā tua credidi te
domi non esse : tu mihi non credis ipsi ?

S. III. Varia Narrationum genera , & selecta
illarum exempla.

*Q*uartuplex est Narrationis genus ?

R. Triplex , alia est enim Narratio Poeti-
ca , alia Historica , alia Civilis & Oratoria . Narra-
tio Poetica rem fictam exponit : Historica rem ges-
tam ; Civilis & Oratoria rem exponit , quæ in con-
troversiam adducitur .

Quid differt inter hæc tria Narrationum genera ?

R. Hoc potissimum interest , quod Historicus ,
& Orator ordinem temporis & rei gestæ seriem
in narrando sequantur & servent ; contra quam
facit Poeta , qui etiam à fine aut à medio , rem
solet ordiri , quomodo Virgilius ab anno septimo
excidii Trojani suam Æneidem suspicatur ; ut
li-

(a) Erat cognomen Scipionis illius , qui etiam Cor-
utum vocabatur ab summam prudentiam .

Liquet ex hisce Didonis verbis ad Aeneam, ad calcem libri primi:

Nam te jam septima portat
Omnibus errantem terris & fluctibus æstas.

2. Hoc interest, quod Historicus veritatem consecetur, Orator verisimilitudinem; Poeta vero commenitiis etiam fabulis veritatem asperget.

3. Denique hoc interest, quod Historica Narratio sit ferme simplex, brevis ac nuda. Oratoria sit ornatiōr & fusior. Poetica vero ornamentis abundet, & omnibus artis coloribus picta sit atque polita.
Afer ex veteribus illustre quodpiam exemplum Narrationis Poeticae?

R. Instar omnium esto Ovidiana illa Narratio de Dædalo, & de infelici Icaro, in qua omnes, quas diximus, virtutes, dotesque optimo jure miraberis.

Dædalus & Icarus. Narratio Poetica.

Mætamorph. lib. 8.

(a) Dædalus interea Cretem, longumque perosus
Exilium, tactusque (b) solis natalis amore,
Clausus erat pelago. Terras licet, inquit, & undas
Obstruat, at cœlum certe patet; ibimus illac;
Omnia possideat, non possidet aera Minos.
Dixit, & ignotas animum dimittit in artes,
Narramque novat: nam ponit in ordine pennas;
A minima cœptas, longam breviore sequente,
Ut clivo crevisse putes: sic rustica quondam
Fistula disparibus paullatim surgit avenis..
Tum lino medias & ceris alligat imas;
Atque ita compositas parvo curvamine flectit.
Ut veras imitetur aves, Puer Icarus una
Stabat, & ignarum sua se tractare pericla,
Ore residenti, medo quas vaga moverat aura,
Captabat plamas, flavam modo pollice ceram
Molibat, iusque suo mirabile patris
Impediebat opus. Postquam manus ultima cœptis
Im-

(a) *Dædalus in labyrinthum, cuius auctor fuerat, conjectus fuit à Minoe, ob Theseum ejus consilii servatum.* (b) *Patria Athenarum.*

Imposita est , geminas opifex libravit in alas
 Ipse suum corpus , motaque pependit in aura.
 Instruit & natum ; medioque ut limite curras ,
 Icara , ait , moneo ; ne si demissior ibis ,
 Unda gravet pennas ; si celsior , ignis adurat.
 Inter uerumque vola : nec te spectare (a) Bootem
 Aut (b) Helicem jubeo , strictumque (c) Orionis ense .
 Me duce carpe viam. Pariter præcepta volandi
 Tradit , & ignotas humeris accommodat alas.
 Inter opus monitusque genæ maduere seniles ,
 Et patriæ tremuere manus , dedit oscula nato
 Non iterum repetenda suo ; pennisque levatus
 Antevolat , comitique timer (velut ales ab alto ,
 Quæ teneram prolem produxit in aera nido)
 Hortaturque sequi ; damnosasque erudit artes ;
 Et movet ipse suas , & nati respicit alas ,

Cum puer audaci cœpit gaudere volatu ,
 Deseruitque Ducem , Coelique cupidine tactus
 Altius egit iter. Rapidi vicinia solis
 Mollit odoratas pennarum vincula ceras.
 Tabuerant ceræ ; nudos quatit ille lacertos ,
 (d) Remigioque cadens non ullas percipit auras ;
 Oraque cœrulea patrium clamantia nomen
 Excipitur aqua , quæ (e) nomen traxit ab illo ,
 At pater infelix ; nec jam pater , Icare , dixit ,
 Icare , dixit , ubi es ? qua te regione requiram ?
 Icare , dicebat , pennas aspexit in undis ;
 Devovitque suas artes , corpusque sepulcro
 Condidit ; & tellus à nomine dicta sepulti est.

Cedo vetus quoddam exemplum Narrationis Historica?

R. Habes in veteribus Historiæ Romanæ scrip-
 toribus Narrationes bene multas tam singulari ope-
 ra artificioque elaboratas , ut nihil supra : in T. Li-
 vio 1. Sabinarum raptum ; 2. Horatiorum & Cu-
 ra-

-
- (a) *Signum septentrionale.* (b) *Ursam majorem.*
 (c) *Sidus quod pingitur cum ense stricto.*
 (d) *Alis , quibus quasi remigebat.*
 (e) *Icarium mare vocatur.*

fatorum pugnam ; 3. Lucretiae mortem , (f) exactos à Bruto Tarquinios , interemptosque à patre propios filios ; 4. Audax Matii Scævolæ facinus adversus Regem Porsenam ; 5. Varios Coriolani eventus ; 6. Pugnam Caenensem ; 7. Hannibal's eum Scipione congressum Ephesi apud Antiochum Regem ; 8. Supra cetera vero omnia , mirificum illud ejusdem Hannibal's iter in Italiā , per Hispaniam , per Pyrenæos , per Gallias , per Alpes & Appenninum , quod exquisitissimum quoddam artis opus existimo.

Habes præterea in Sallustio pugnam adversus Catilinam ; in Q. Curtio Tyri obsidionem , singularem Abdalonymi eventum , Alexandri Magni mortem , exercitus consternationem , & Reginæ Sisi-gambis dolorem ac interitum , &c.

Verum sat esto ex omnibus illis Narrationibus unam , aut alteram hoc loco commemorare . Tu ex duabus illis disce omnes .

Horatiorum pugna cum Curiatiis.

Narratio Historica. Ex Livi Histor. Lib. I.

Datur signum , infestisque armis , velut acies , genui juvenes magnorum exercitum animos gerentes concurrunt . Nec his , nec illis periculum suum sed publicum imperium servitiumque obversatur animo ; futuraque ea deinde patriæ fortuna , quam ipsi fecissent . Ut primo statim concursu increpue-re arma , micantesque fulsere gladii , horror ingens spectantes perstringit , & neutro inclinata spe , torpebat vox spiritusque .

Conseratis deinde manibus , cum jam non motus tantum corporum , agitatioque ances telorum armorumque , sed vulnera quoque & sanguis spec-taculo essent , duo Romani super alium alias , vulneratis tribus Albanis expirantes corruerunt . Ad quorum casum cum clamasset gaudio Albani exercitus , Romanas legiones jam spes tota , siquondum tamen cura deseruerat exanimes vices unius

(f) Ital. *discorsi*.

unius quem tres Curiatii circumsteterant. Fonteſe integer fuit, ut universis ſolus nequaquam par, ſic aduersus singulos ferox. Ergo ut ſegregaret pugnam eorum, caperat fugam & ita ratus ſecundus ut quemque afflatum vulnere corpus ſineret. Jam aliquantum ſpatii ex eo loco, cum pugnatum eſt, aufugerat: cum respiciens videt magnis inter Vallis ſequentes unum haud procul ab ſe abeffe, in eum magna impetu rediit; & dum Albanus exercitus inclamat Curiatis, ut opem ferant fratri, jam Horatius cæſo hoste, viator ſecundam pugnam petebat. Tunc clamore (qualis ex insperato faventium ſolet) Romani adjuvant militem ſuum, & ille defungi prælio festinat. Prius itaque quam alter, qui nec procul aberat, conſequi posset, & alterum Curiatum confeſcit.

Jamque æquato marte singuli ſupererant, ſed nec ſpecie, nec viribus pares (a): Alterum intactum ferro corpus & geminata victoria ferocem in certame tertium dabant: Alter fessum vulnere, fessum curſu trahens corpus, vietusque fratrum ante ſe ſtrage victori objicitur hosti: nec illud prælium fuit. Romanus exultans, Duos, inquit, fratrum Manibus dedi, tertium causam belli hujusce, ut Romanus Abanno imperet, dabo. Male ſuſtinenti arma gladium ſuperne jugulo defigit, jacentem ſpoliat. Romani ovantes ac gratulantes Horatium accipiunt, eo magiore cum gaudio, quo propius metus res fuerat.

(b) *Abdalonymus ex Oſitore Rex Sidoniorum factus ab Alexandro Magno.*

Ex Lib. IV. Q. Curtii.

Erant (c) Hephaestioni hospites clari inter suos juvenes, qui facta ipsis potestate regnandi, negaverunt quemquam patrio more in id fastigium recipi, niſi regia ſurpe ortum: Admiratus Hephaestion magni-

(a) Hæc eſt recta syntaxis: *Corpus intactum ferro, & victoria geminata dabant alterum ferocem in certamen tertium.* (b) *Alii Abdolominum dicunt.*

(c) *Erat is apud Alexandrum & atiosissimus.*

estote qui primi intellexistis quanto magis esset regnum custodire, quam accipere. Ceterum date aliquem regiae stirpis, qui meminerit a vobis acceptum habere se regnum. Atilli cum multos imminere tantæ spei cernerent, singulis (a) amicos Alexandri, ob nimiam regni cupiditatem, adulantibus, statuunt neminem esse potiorem, quam Abdalonymum quemdam, longa quidem cognatione stirpi regiae annexum, sed ob inopiam suburbanum hortum exigua colentem stipe. Caussa ei paupertatis, sicut plerisque, probitas erat. Intentusque operi diurno, strepitum armorum, qui totam Asiam concusserat, non exaudiebat.

Subito deinde, de quibus ante dictum est, cum regiae vestis insignibus hortum intrant; quem sorte steriles herbas eligens Abdalonymus repugnabat. Tunc rege eo salutato, alter ex his, Habitus, inquit, is quem cernis in meis manibus, cum isto squalore permutandus tibi est. Ablue corpus (b) illuvie externisque sordibus squalidum; cape regis animum, &c in eam fortunam, qua dignus es, istam continentiam profer. Et cum in regali solio residebis, vitæ necisque omnium civium dominus, cave obliviscaris hujus status, in quo accipis regnum: immo hercule propter quem.

Somnio similis res Abdalonymo videbatur. Interdum satisne sani essent, qui tam proterve sibi illuderent, percontabatur. Sed ut constanti squalor ablatus est, & injecta vestis purpura auroque distincta, & fides à jurantibus facta; ericjam res, iisdem comitantibus in regiam pervenit. Fama, ut solet, strenue tota urbe discurrit. Aliorum studium, aliorum indignatio eminebat. Dicitissimus quisque humilitatem inopiamque ejus apud amicos Alexandri criminabatur. Admitti eum rex protinus jussit, diique contemplatus, Corporis, inquit, habitus fama generis non reputantur; sed libet scire, inopiam qua patientia tuleris. Tunc ille, Utinam, inquit, eodem animo regnum pati possim. Ha manus sufficerunt desiderio meo: nihil habenti nihil defuit. Magnæ

B

in-

(a) Ita genuina lectio: (b) Ital. Brutura.

indolis speciem ex hoc sermone Abdalonymi capit.
Cedo denique exemplum Narrationis Oratoria.

R. Laudatur ab omnibus, & in primis à Quintiliano celebris illa Miloniana Narratio, qua Cicero suspicionem insidiarum à Milone in Clodium tam callide tamque ingeniose detorquet. Sic autem rem aggreditur:

Narratio Miloniana.

Milo autem, cum in Senatu fuisset eo die quoad Senatus dimissus est, domum venit, calceos, & vestimenta mutavit, paulisper, dum se uxor (ut sit) comparat, commoratus est. Deinde profecitus est id temporis, cum jam Clodius, siquidem eo die Romam venturus erat, redire potuisset. Ob viam fit ei Clodius expeditus in equo, nulla rheda, nullis impedimentis, nullis Græcis comitibus, ut solebat; sine uxore, quod numquam fere; cum (a) hic insidiator, qui iter illud ad cædem faciendo apparasset, cum uxore veheretur in rheda (b) penulatus vulgi magno impedimento, ac maliebri & delicate ancillarum puerorumque comitatu.

Fit obviam Cludio ante fundum ejus, hora ferre undecima, aut non multo secus. Statim complures cum telis in hunc faciunt de loco superiori impetum; adversi rhedarium occidunt. Cum autem hic de rheda, rejecta penula, desiluisse, seque acri animo defenderet; illi qui erant cum Cladio, gladiis eductis, partim recurrere ad rhedam, ut à tergo Milonem adorirentur; partim, quod hunc jam imperfectum putarent, cædere incipiunt ejus servos, qui post erant, ex quibus qui animo fideli in dominum erant, & præsentes fuerunt, partim occisi sunt, partim, cum ad rhedam pugnari viderent, & domino succurrere prohiberentur, Milonemque occisum etiam ex ipso Cladio audirent, & ita esse putarent, fecerunt id servi Milonis (dicam enim non derivandi criminis caussa, sed ut factum est) neque imperante,

ne-

(a) Milo, ironice. (b) Penula, seu pallio & volutus.

neque sciente, neque præsente domino, quod suos quisque servos in tali re facere voluisse.

Hæc sicut exposui, ita gesta sunt, judices: insidiator superatus, vi victa vis, vel potius oppressa virtute audacia est.

Miloniana illa Narratione nihilo inferiorem existimo hanc alteram Narrationem lepidissimam, qua Tullius ostendit, in lib. 3. de Officiis, quam sint perfidi improbique, qui aliud agunt, aliud simulant.

Malus Pythii cuiusdam dolus. Narratio oratoria.

C. Canius eques Romanus, homo nec infacetus & satis litteratus, cum se Syracusas otiandi, ut ipse dicere solebat, non negotiandi caussa contulisset, dicitabat, se hortulos aliquos velle emere, quo invitare amicos, & ubi se oblectare, sine interpellationibus posset. Quod cum percrebuissest; Pythius ei quidam, qui (a) argentariam faceret Syracusis, venales se quidem hortos non habere, sed licere uti Canio, si veller, ut suis, & simil ad cœlam hominem invitavit in hortos in posterum diem. Cum ille promissser, tum Pythius, qui esset, ut argenterius, apud omnes ordines gratiosus, piscatores ad se convocavit, & ab his petivit, ut ante suos hortulos postridiè pescarentur, dixitque quid eos facere vellat.

Ad cœnam tempore venit Canius, opipare à Pythio apparatum convivium, cymbarum ante oculos multitudo: pro se quisque quod ceperat afferebat; ante pedes Pythii pisces abjiciebantur.

Tunc Canius, quæso, inquit, quid est hoc, Pythi? tantumne piscium? tantumne cymbarum? & ille, Quid mirum, inquit, hoc loco est, Syracusis quidquid est piscium. Hic (a) aquatio: hac villa isti carere non possunt.

Incensius Canius cupiditate, contendit à Pythio ut venderet. Gravate ille primo, quid multa? impetrat; emit homo cupidus & locuples tanti quar-

B 2 ti

(a) Banchiere. (b) Ital. aut *il bagno* aut *il luogo, dove vengono a promedersi all' acqua;* ab aquor, aris

24 Elementa Rhetorica.

ni Pythius voluit, & emit instructos: (a) nomina facit; negotium conficit.

Invitat Canius postridie familiares suos, Venit apse mature, scalmum nullum videt (b); querit ex proximo vicino, num feriae quedam piscatorum essent, quod eos nullos videret. Nullæ (quod sciām) inquit ille; sed hic piscari nulli solent. Itaque heri mirabar quid accidisset. Sthomacari Canius. Sed quid ficeret? Nondum enim (c) Aquilius collega & familiaris meus protulerat de dolo malo formulas... Ergo & Pythius, & omnes aliud agentes, aliud simulantes, improbi, & malitiosi sunt,

C A P U T I I I .

§. I. De Chria.

Quid est Chria?

R. Est brevis commemoratio facti, vel dicti cuiuspiam utilis & memoria digni: unde etiam Chria suum nomen invenit à Græco vocabulo (*) (d) quod usum, utilitatem, commodum significat.

Quotuplex est Chiarum genus?

R. Triplex. Aliæ versantur in verbis, aliæ in actione, aliæ in utroque consistunt. Seu, ut vulgus Rhetorum loqui solet, aliæ sunt Verbales, aliæ Actuae, aliæ Mixtae.

Quid est Chria Verbalis?

R. Ea est, quæ explicat verba graviter ab aliquo & sententiose prolata: qualis est v. gr. Virgilii versus: (e)

Discite justitiam moniti, & non temnere Divos.

Vel hoc effatum Senecæ: *Nulla est honesta avaritia, nisi temporis; itemque hi Horatii versus:* (f) Pallida mors æquo pulsat pede pauperum tabernas Regumque turres. Aut

(a) Ital. far la seritta, dichiarandosi devictore.

(b) Non vede neppure un cavicchio, un pivoletto della barca. (c) Aquilius præstans Jurisconsultus; Prætor fuerat ante Ciceronem. (d) Sunt qui scribunt Chreja, sed male. (e) Eneid. 6. (f) Odarum l. 1.

(*) apia.

Aut denique sapientissima illa Juvenalis sententia?
Orandum est, ut sit mens sana in corpore sano.

Quid est Chria activa?

R. Ea est, quæ memorabile aliquod factum exponit, & verbis exornat, ut: *Sapiens Pythagoras interrogatus aliquando quam longa esset hominum vita, sese paulisper conspiciendum exhibuit: tum subito expectantium oculis evolavit; ut nimirum celeri illa fuga caducae, & fugacis mortalium vitae brevitatem designaret.*

Sic etiam **Corys Thraciae Rex**, cum quidam pardalim, seu pantheram, ferocissimum animal, illi dono misisset; ipse vicissim leonem misit, ne verbum quidem addens; sed malam bestiam sic male pensando, re ipsa hominem prudenter admonuit, par pari, ut est veteri proverbio, esse omnino referendum.

Memorabile quoque in primis & omnibus notum quod referunt Livius & Florus de duobus Tarquiniis patre, & filio. Cum enim Sextus Tarquinius Tarquinii Superbi Regis ultimi Romanorum filius, acceperat a patre contumeliam & injuriam simulans, ad (a) Gabios transfugisset, breve que ad summam apud illos, regiæque poene parem potestatem pervenisset, misit clanculum Romam unum è suis, sciscitatum à patre quidnam demum se facere vellet. Rex ad hæc nihil voce respondit, sed veluti deliberandus in hortum ædium transit, sequente filii nuntio, ibi inambulans tacitus eminentia papaverum capita baculo decussit, & per hasce ambages filium admonuit, primores civitatis esse interficiendos. Quod cum à filio non ita multo post variis artibus factum esset, brevi & consilio, & præsidio orbata civitas, fuit in Tarquinii potestate nullo labore redacta.

Rem sic narrat Ovidius nativo quodam, ut solet, simplicique candore, libro secundo de Fastis:

(a) *Gabii Volscorum urbs, lxx. milia: passuum ab urbe Roma distans.*

26 Elementa Rhetorica.

Ultima Tarquinius Romanæ gentis habebat
Regna, vir injustus; foris ad arma tamen.
Ceperat hic alias, alias everterat urbes,
Et Gabios turpi fecerat arte suos.
Namque trium minimus proles manifesta superbì
In medios hostes nocte silente venit.
Nudarunt gladios: occidite, dixit, inermem;
Hoc cupiant fratres, Tarquiniusque pater,
Qui mea crudeli laceravit verbere terga.
(Dicere ut hoc posset, verbera passus erat.)
Luna fuit, spectant juvenem, gladiosque recondunt,
Tergaque deducta veste notata vident.
Flent quoque, & ut secum tuatur bella precantur;
Callidus ignaris annuit ille viris.
Jamque potens misso genitorem appellat amico
Perdendi Gabios quod sibi monstraret iter.
Hortus odoratis suberat cultissimus herbis,
Septus hī mūm rivo lene sonantis aquæ;
Illic Tarquinius mandata latentia nati
Accipit, virga lilia summa metit.
Nuntius ut rediit, decussaque lilia dixit,
Filius, agnosco jussa parentis, ait.
Nec mora, principib; cœsis ex urbe Gabina,
Traduntur ducibus mœnia nuda suis.
Ouid est Chria Mixta?
R. Est ea, quæ Faustum aliquod sermoni con-
junct m exponit. Exempla si queris, aliquot se-
lecta hic damus.

Exempla Chrie mixta.

Marmoream statuam cum aliquando vidisset in foro
Diogenes Philosophus, ad illam supplex accessit, & ma-
num illi quasi ad stijem diu multumque portexit. Mi-
rantibus valde amicis, & interrogantibus quid porre
faceret, respondit: Ad repulsam me experior.

II. Exemplum.

Idem Diogenes cum aliquando confertissimam popu-
li turbam se e è theatre effusdeniem vidisset, adversus
illum solus inredi tot's viribus caput, & oceurganti-
bus respondit: Hoc in omni vita facere studeo.

III.

III. Exemplum.

Miles Spartanus (a) intempesta nocte tumulum preteriens cum horribile quoddam spectrum vidisset, stritta lancea, in illud audacter terruit, ita verbis compellans: *Quo me fugis anima bis moritura? Hoc singulari facto docemur, Faunorum terriculamenta, & inania larvarum ac lemurum ludibria à cordatis fortibusque omnino rideri.*

Quot sunt Chria partes, seu Capita?

R. Chria sive Verbalis, sive Activa, sive Mixta, continetur partibus octo, inquit Aphthonius in Progymnasmatis. Sunt autem partes illae, Encomium, Paraphrasis, Causa, Contrarium, simile Exemplum, Testimonium veterum, & Epilogus.

Sive ut trita illa, usitataque formula potius utimur: Chria tractanda est.

1. A Laudativo.
2. A Paraphrastico.
3. A Causa.
4. A Contrario.
5. A Simili.
6. Ab exemplo.
7. A Testimonio veterum.
8. A Brevi Epilogo.

Quæ singula Capita sigillatim enucleare necesse est.

Quid sibi vult à Laudativo?

R. Significat, in ipso Chriæ initio laudandum esse dicti vel facti auctorem; ut scilicet ex auctoris laudatione major illius seu dictis, seu factis auctoritas, ac veluti pondus accedat.

Quid hoc sibi vult à Paraphrastico?

R. Idem prorsus ac si dices, ab expositione dicti, vel facti, de quo agitur. Paraphrasis enim, ut vox Græca satis indicat, est liberior ac copiösior rei explanatio.

Quid illud est à Causa?

R. Indicat, diligenter investigandam esse, & afferendam caussam illius seu dicti, seu facti, quod pertractandum & amplificandum suscepimus: v.g.

(a) Ital. di notte; fuor d' ora.

Chriæ verbalis argumentum esto hæc sapiens sententia: Ferenda sunt amicorum vitia; erit in promptu hæc caussa justissima: quod scilicet: sine vitiis nemo nascitur: optimus ille est, qui minimis urgetur, ut ait Horatius.

Quid est a Contrario?

R. Admonet, sententiam nostram ex contraria-
rum rerum confictione esse confirmandam, v. gr.
postquam probaveris dulce ac decorum esse pro patria
mori, (a) dices è contrario rem esse turpissimam
ac (b) propudosam, si miles pro patria pugnans,
inhonesta mortis formidine; terga fugæ convertat.
Item postquam ostenderis, otium & desidiam om-
nium vitiorum fontem, ac fomitem esse, dices è
contrario labore, & vigilias esse firmissimum
mūrūm integritatis, innocentiaeque præsidium.

Quid à Simili?

R. Monet, propositam sententiam apta quapiam
similitudine exornandam ac illustrandam esse. Ita
si laborem & diligentiam commendare velis, di-
ces cum Tullio: Ut ad cursum equus, ad arandum
bos, ad indagandum canis; sic homo ad intelligendum,
& agendum natus est.

Quid vocas ab exemplo?

R. Hujusce vocis sensus est, rem, quam pertra-
tam, illustris cuiuspiam exempli appositione con-
firmandam esse. Sit tibi v. g. amplificandom illud:
Dulce & decorum est pro patria mori, afferes exem-
plum Codri (c) Atheniensium regis, de quo ceci-
nit Horatius ode 14. lib. 3. *Codrus pro patria non
timidus mori*: vel afferre poteris exemplum Decii
Consulis Romani, qui se velato capite, certisque
verbis pro patriæ salute ulti devovit.

Quid a testimonio veterum?

R. Ostendit nostram sententiam veterum audie-
rum verbis ac testimonio compr̄obandam esse. Sic
hoc argumentum: v. gr. *Injurias esse condonandas*

pō-

(a) Horat. (b) Ital. *infame, vergognosa.*

(b) *Codrus ultimus Atheniensium Rex seipsum nec
obtulit pro patriæ salute in bello contra Dorientes.*

Petius, quam ulciscendas: usurpabis aureum illud Taciti verbum: Multa contemptu curantur; vel hanc ejusdem sententiam homine Christiano dignissimam: Convicia spreta (a) exolescent.

Quid demum sibi vult a Brevi Epilogo?

R. Indicat, apta quædam & rotunda verborum conclusione comprehendenda esse quæcumque fusiūs dicta sunt. Est enim Epilogus brevis & artificiosa clausula, qua colligimus in pauca, quæ fusiūs commemorata fuere.

Sed quoniam, ut initio diximus, per præcepta longum est iter, per exempla vero expeditum & facile, idcirco operæ pretium est aliquod Chriæ exemplum hoc loco subjicere.

§. II. Chriæ verbalis in hanc Virgilii sententiam, Aeneid. 10.

Breve & irreparabile tempus.

Omnibus est vita . . .

A Laudativo.

CUM optimo cuique Poetæ propositum illud fuerit semper, ut misceat utile dulci, hoc est, ut delectando doceat, & docendo delectet: neminem tamen adhuc legi Poetam hac in re poetarum principi Virgilio comparandum. Ille enim non solum ceteros omnes ante se & post se Græcos Latinosque Poetas facile vincit elegantia, suavitate, judicio, splendore, numero delectuque verborum; non solum hoc habet, ut illius versibus perfectis ingenio, elaboratis industria nihil addi possit, nihil detrahi, nihil mutari, verissimeque de illo dictum olim fuerit, Musas & Apollinem non aliter in suo choro loqui, Jovemque ipsum, si sit Poeta, non alio modo loquunturum; verum etiam, quod caput est, sententiarum gravitate, & frugiferorum, quibus abundat, præceptorum sapientia, hoc assequuntur est, ut optimus vita virtutisque magister jure merito possit a nobis appellari.

Inter cetera vero documenta, ad vitam insti-

B 5

tuen-

(a) Ital. hanno fine, vanno à terra.

quendam & ad mores informandos idoneam, quibus aspersum est passim divinum illius Poema, saluberrimum in primis est atque laudabile quod ait *Aeneidos* libro decimo de brevitate temporis, fluxaque & caduca mortalium vita.

Breve & irreparabile tempus
Omnibus est vitæ.

A Paraphrastice.

Ita est profecto: tam exiguum tamque aridum vivendi curriculum nobis à natura circumscriptum est, ut vix bene lucem ingressis sit de hujus mortalis mundi statione decedendum, & vita cum morte commutanda: Nihil nisi temporis punctum quoddam est caduca hæc, quam tantopere deperitus, (a) vita, minimumque est ac pæne nullum intervallum illud, quod ortum inter & occasum nostrum interjacet. Fugit retro levis hora, truditur dies die, præcipiti causa fugaces anni sese mutuo pellunt, & adolescentiæ senectus, senectuti mors obrepit improvisa semper & inopinata: quodque gravius est, cum semel effluxit brevissimum hoc vitæ tempus, tam irreparabilis est illius lapsus, ut nulla deinde possit ratione vocari.

A Causa.

Neque vero est cur adeo parvam temporis usum nobis ad vivendum concessam jure merito conqueramur. Præterquam quod enim vita, si scias uti, satis longa est, præterea ea certa stabilique lege natos nos esse scimus, ut denique moriamur. Quis enim tam vecors esse potest, qui nesciat hanc esse tristissimam peccati mercedem poenamque justissimam: hanc esse mortalium conditionem ac sortem, humana omnia caduca esse & fluxa atque mobilia; nihil, quod ortum sit, sempiternum esse posse: definitum esse cuilibet certum quoddam breveque temporis spatium ad felicem in coelo vitam promerendam? Cumque olim

am-

(a) Ital. *dietro à cui andiamo si matri, è si perduti.*

amplioribus terminis circumscripta esset nostra hæc mortalis vita, & in sæcula bene multa propagantur, eam nostris flagitiis sceleribusque breviorem effecimus: *Semotique prius tarda necessitas leti corripuit gradum.*

A Contrario.

Contra vero cum semel post miseræ hujuscæ vitæ decursum terreni corporis contagione solutus erit noster animus, cum demum inter felices spiritus ævo sempiterno perfruemur in cœlo, nulla jam amplius pertimescenda nobis neque vicissitudo rerum, neque conversio temporum, nec æstatum commutatio: nullus jam erit neque horarum lapsus, nec fluxus dierum, nec annorum sibimet mutuo succedentium cursus. Sed eodem semper hærentes & felicitatis & temporis vestigio, stabili certaque beatitate, æternis sæculorum æstatibus cum Deo ipso potiemur.

A Simili.

O nos igitur male cautos! O numquam satis deplorandam sortem nostram! si æterna hæc solidaque oblii nihil nisi umbras imaginesque conseuerimur. Si enim ex veritate magis, quam ex opinione res velimus æstimare, quid demum aliud est fragilis hæc fugaxque vita, nisi levis quidam fumus, qui puncto temporis evanescit? nisi præcepst torrens, qui cum vano strepitu celeriter effluit? nisi flosculus brevi marcescens, qui matè oritur, vespere floret, & nocte cadit? nisi umbra quædam & larva inanis, quæ nostras effugit manus,

Par levibus ventis, volucrique simillima somno? (a)

Ab Exemplo.

Testes hoc loco possem appellare ab omni memoria Christianos illos Heroes virosque sapientissimos, qui mirificam fugacis vitæ brevitatem tot laboribus, tot vigiliis, tot indefessis curis redemptam compensarunt. Testes appellate possem tot virgines,

(a) *Eneid. I.*

nes, tot viros principes, tot nobiles adolescentes, qui fragilem hanc rerum humanarum mobilitatem atque inconstantiam pertaeserunt, quæcumque apud cæcos mortales prima putantur, pro nihilo duxere, & voluptatum illecebras, ac perniciosa rerum cœducarum blandimenta generosa quadam alacritate concularunt.

A Testimonio veterum.

Hoc inculcare Corinthiis voluit Divus Paullus, eum dixit: *Tempus breve est.* Hoc ipsum nos admonet summus ille vir Jobus, dum afflatus divino Spiritu sic loquitur: *Breves dies hominis sunt.* Hæc eadem erat mens vel ipsi quoque Horatio, profano licet homini, cum amicum sapienter sic admonet:

(a) *Omnem crede diem tibi diluxisse supremum.*
Eratlo loco: Quid brevi fortes jaculamur a vobis multa?

Hoc denique sentiebat Phœdrus, cum in eleganticibus suis fabulis hanc verissimam protulit vocem:

Abiturus illuc, quod priorés abierunt.

Quid mente cœca miserum torques spiritum?

A Brevi Epilogo.

Cum igitur adeò breve tempus sit, adeòque irreparabile, relinquitur id unum, ut cogitemus etiam atque etiam nihil esse loci socordiæ, neque segnitiaz; nobis inter tantas angustias nequaquam licere esse pretiosos; miseros esse, qui se per summam incuriam, re una omnium pretiosissima defraudari patiuntur. Restat denique id unum, ut cum celeritate temporis intendi celeritate certemus, & tamquam ex torrente quodam, qui rapide dilabitur, celeriter hauriamus.

S.III. Argumenta Christianorum verbalium ex Horatio.

1. *Omnes eodem cogimur.* 2. *Vivitur parvo bene.* 3. *Levius fit patientia, quidquid corrigerere est nefas.* 4. *Magnas inter opes inops.* *De averso.* 5. *Ira furor brevis est.* 6. *Multa senem circum-*

ve-

(a) *Epist. lib. I.*

veniunt incommoda. 7. Fortes creantur fortibus.
8. Omneni crede diem tibi diluxisse supremum.
9. Quanto quisque sibi plura negaverit, à Diis plu-
ra feret.

Ex Virgilio.

10. Quid non mortalia pectora cogis,
Auri sacra fames?
11. Facilis descensus Averni.
12. Labor omnia vincit.

Ex Ovidio.

13. Principis obsta: sero medicina paratur.
14. Oria si tollas, periere cupidinis arcus.
15. Dicique beatus
Ante obitum nemo, supremaque funera debet.
16. ----- Paupertatemque ferendo
Effecere levem.
17. Livor, iners vitium, mores non exit in altos.

Ex Juvenali.

18. Fronti nulla fides. 19. Crescit amor nummi,
quantum ipsa pecunia crescit. 20. Nemo repente
fit turpissimus. 21. Res est sacra miser. 22. Nobilitas sola est atque unica virtus.

Ex Seneca.

23. Tota vita discendum est mori. 24. Etiam sine
magistro vicia discuntur. 25. Qui genus jactat suum,
aliena laudat. 26. Sequitur superbos ultiꝝ à tergo
Deus.

Ex Persio.

27. O curas hominum, o quantum est in rebus ina-
me! 28. Virtutem videant, intabescantque relicta
De sceleratis.

Ex Martiali.

29. Extra fortunam est quidquid donatur (a) egenis;
Quas dederis, solas semper habebis opes.
30. Non est, crede mihi, sapientis dicere, vivam:
Sera nimis vita est crastina: vive hodie.

Ex

(a) Legitur Amicis.

Ex Terentio.

31. Crescit in adversis virtus.

Hæc igitur , aut alia id genus argumenta pertrahere si velis , facies sedulo quod supra dictum est

1. Laudabis breviter auctorem Sententiae. 2. Planius & copiosius explicabis sententiam , illamque variis verborum coloribus pictam in bono, ut ajunt, lumine collocabis. 3. Afferes caussam aliquam quam obrem res ita se habeat. 4. Ex contrariorum confitione, & quasi concursu illam confirmabis. 5. Illustrabis eam similitudine , quæ in rem aptissime quadret. 6. Probabis illam singulari quodam exemplo. 7. Veteris auctoris testimonio & auctoritate illam confirmabis. 8. Denique ex omnibus hisce capitibus rem ita se habere concludes.

Quoniam tractanda est Chria activa?

R. Eadem prorsus ratione , qua Chria verbalis; eadem enim est utriusque ars , eademque plane regulæ. Itaque actum ageremus , si de Chria activa separatis ac seorsim tractaremus.

Idem plane dico de Chria mixta.

C A P U T I V.

De Amplificatione.

Quid est amplificatio?

R. Ineptè prorsus ac ridiculè facere mihi videntur , qui perperam interpretantes Isocratis (a) verba , Amplificationem cum vulgo ita definiunt ; Amplificatio , inquiunt , est oratio , quæ ex parvis magna facit ; seu quæ res exiguae verbis exaggerat , &c in majus attollit. Puerilis , inquam , &c (b) præstiglatore ac Sophista potius quam Oratore digna mihi semper visa fuit hæc vulgaris definitio , quæ res mendacio fallacibusque pigmentis (c) supra meritum velit augeri. Ut enim facere ajebat Spartanorum rex Agesilaus ; Ego pessimum enim sutorum

(a) Isocrates pater eloquentia dictus à Tullio, vixit annos centum. (b) Ital. Giocoliere. (b) Ital. belletti, ornamenti.

rem arbitrabor semper, qui magnos calceos pedibus parvis inducat.

Nos igitur cum Tullio sic Amplificationem commodius longè definimus. *Amplificatio est gravior quedam affirmatio, qua motu animorum conciliat in dicendo fidem.* Quia vero sub obscura cuiquam forte vide ri posset hæc definitio: & quia vis & facultas Oratoris potissimum in amplificando consistit; idcirco definitionem illam & totam amplificandi artem planius & apertius explicate operæ pretium existimamus.

Quid igitur sibi volent hac verba; Gravior quedam affirmatio?

R. Gravissima illa affirmatio, de qua hic agitur, nihil aliud est, quam vehementius quoddam copiosusque dicendi genus, quo rei vel dignitatem & amplitudinem, vel indignitatem & atrocitatem, pondere verborum & enumeratione circumstantiarum ita demonstramus, ut non animos auresque prætervolet, ut ferme sit cum res leviter ac strictim attinguntur, sed ut feriat animos, permoveat affectus, & audientium memoriam penitus insideat.

Cedo illustre quodpiam exemplum Amplificationis hujusmodi?

R. Habet luculentissimum in atrocissima illa Didonis adversus Æneam abeuntem querela. Poterat Dido simpliciter & nude Æneam appellare *durum, inkumanum, ferreum*, sed querimoniam illam sic amplificat mirifice Virgilius' Æneidos Lib. IV.

Talia dicentem jam dudum aversa tuetur.

Huc illuc volvens oculos, totumque pererrat,

Luminibus tacitis, & sic accensa profatur:

Nec tibi Dâva (a) Parens, generis nec Dardanus (b) auctor,

Perfide: sed duris genuit te cautibus horrens

Caucasus, Hyrcanæque admirant ubera tigres.

Sic etiam Libro 2. poterat Æneas exiliter & jejunie dicere se amissam conjugem Creusam clamoribus maximis per noctis tenebras appellasse: verum rem ita verbis exaggerau;

Au-

(a) *Venus.* (b) *Dardanus primus Rex Trojanorum, Jovis filius.*

36 Elementa Rhetorica.

Ausus quin etiam voces jactare per umbram,
Implevi clamore vias, moestusque Creusam (a)
Nequidquam ingeminans iterumque iterumque
vocavi.

Quotuplex est amplificatio?

R. Duplex: Alia est verborum, alia rerum: seu,
quod idem est, alia fit rebus ac sententiis, alia ver-
bis tantum. De utroque genere seorsim agendum
nobis est.

§. I. De amplificatione rerum.

Q Uot modis fit amplificatio rerum?

2 R. Octo præcipuis i. Fit per congeriem de-
finitionum, seu per definitiones conglobatas.
2. Per congeriem adjunctorum. 3. Per congeriem,
seu per enumerationem partium. 4. Per congeriem
caussarum & effectuum. 5. Per cogeriem conse-
quentium. 6. Per congeriem similium, compara-
tionum & exemplorum. 7. Per contrariorum, dis-
similium & inter se pugnantium confictionem. 8.
Denique per incrementum. Singula hæc capita si-
gillatim persequantur.

§. II. De amplificatione per congeriem Definitionum.

Q uid est definitio?

R. Est brevis & circumscripta rei explicatio:
seu, ut ajunt Philosophi, est oratio, quæ rei
naturam breviter explicat.

*Quid est amplificatio per congeriem definitionum
sive à definitionibus conglobatis?*

R. Est ea, in qua variæ ejusdem rei definitiones
congeruntur, & quasi coacervantur, ut cum ait
Cicero: *Historia est testis temporum, lux veritatis,*
vita memoria, magistra vite, nuntia vetustatis. Ex
iisdem definitionibus conglobatis, Curiæ ac Sena-
tus Romani majestatem sic amplificat idem Orator
in oratione pro Milone: *Curia templum sanctitatis,*
amplitudinis, mentis consilii publici, caput turbis,
ara seiorum, portus omnium gentium, sedes ab
uni-

(a) Creusa Priami & Heenba filia, Aenea Con-
jux, Ascanii mater.

universo populo R. concessa uni Ordini.

Poteris tu vicissim , ad illarum definitionum conglobatarum imitationem , dicere quid sit eloquentia , quid poesis , quid amicitia , quid vita hominis , quid Deus ipse .

§. III. De amplificatione per congeriem
adjunctorum,

Quid est amplificatio per congeriem adjunctorum ?
R. Est ea , quæ ducitur ab omnibus seu rerum , seu personarum adjunctis ac circumstantiis simul coacervatis . Cicero 2. Agraria : Ego qualem Kalendis Januariis acceperim Rempubl. Quirites , intelligo plenam sollicitudinis , plenam timoris , in qua nihil erat mali , nihil adversi , quod non boni metuerent , improbi expectarent : omnia turbulentia consilia contra hunc Reip. statum & contra vestrum otium partim iniri , partim , nobis Consulibus designatis , initia esse dicebantur : sublata erat de foro fides , non ita aliquo nocte calamitatis , sed suspicione ac perturbatione iudiciorum , confirmatione rerum iudicatarum noxae dominationes , extraordinaria non imperia , sed regna queri putabantur .

Virgilius sub fine libri primi Georgicorum de Julii Cæsaris interitu lugubriter admodum & tragicementatur , coacervando funestissima prodigia , monstraque , quæ vel antecessere , vel mox subsecuta sunt .

Ille (a) etiam extincto miseratus (b) Cæsare Romam ,

Cum caput obscura nitidum ferrugine texit ,
Impiaque æternam timuerunt sæcula (c) noctem .

Vox quoque per lucos vulgo exaudita si lentes
Ingens : & simulacra modis pallentia miris
Visa sub obscurum noctis , pecudesque locutæ :
Infandum s'istunt omnes , terræque dehiscunt ,
Et moestum illacrymat templis ebûr , æraque sudant ,

To-

(a) Sol . (b) Subaudi , est . (c) Dictatore Junio Cesare a conjuratis occiso solis globum diu subcallidum apparuisse narrant Plutarchus , & Plinius .

Totum hunc locum, ut eximium amplificationis exemplar, &c ad excitandam commiserationem in primis idoneum, tu consulito, si me audis.

S. IV. De amplificatione per congetriem,
seu enumerationem partium.

Quid est Amplificatio ab enumeratione partium? R. Est illa, quæ sit, dum totum aliquid in suas partes distribuitur; seu dum rei aliquis partes vel omnes, vel præcipue certe quidem, sìgillatim enumerantur. Ita Cicero funestum Pisonis Consulatum describit: *Omnes memoriam consularius tui, facta, mores, faciem denique ac nomen à Rep. detestantur. Legati, qui una fuere, alienati. Tribuni militum, inimici: Centuriones, & si qui ex tanto exercitu reliqui milites existunt, non dimissi abs te, sed dissipati, te oderunt, tibi pestem ex optant, te execrantur. Achaja exhausta, Thessalia vexata, lacerata Athene: Apollonia ex inanita; Ambracia direpta; Bullienses illusi: Epirus excissa: Locri exusti; Atbamanum gens vendita; Macedonia condonata barbaris; Aetolia amissa; Dolopes finitimique montani oppidis atque agris exterminati; Cives Rom. qui in iis locis negotiantur, te unum solum suum depeculatorum, vexatorem, prædonem, hostem venisse senserunt.*

Ovidius lib. II. Metamorph. dilatat sententiam hanc:

*Rex Midas omnia quæcumque tangit,
in aurum convertit.*

Lætus abit, gaudetque malo Berecynthius heros, (a) Pollicitique fidem tangendo singula tentat: Vixque sibi credens, non alta fronde virentem Illice detraxit virgam: virga aurea facta est: Tollit humo saxum: saxum quoque palluit auro: Contigit & glebam: contactu gleba potenti (b) Massa fit: arentes Cereris decerpit aristas: Aurea messis erat. Demptum tenet ardore pomum: (c) Hesperias donasse putes: si postibus altis

Ad-

(a) *Midas Phrigie rex, ubi mons Berecynthius.*

(b) *Auri moles.* (c) *In carum hortis erant aurea pomum.*

Admoveit digitos, postea radiare videntur;
Ille etiam liquidis palmas ubi laverat undis,
Unda fluens primis (a) Danaen eludere possit.

Sic etiam Maffejus Latinæ linguae elegantia mun-ditiaeque nulli inferior, urbis Venetiarum pulchri-tudinem præstantiamque per partium enumeratio-nem describit in vita S. Ignatii, omnibus pieta & posita artis coloribus.

Venetiarum descriptio per enumerationem partium.

Venetiarum urbis, in recessu intimo sinus Adria-tici, ea regio ac situs est, ut leniter stagnantes ex alto aquæ, illam omni ex parte circumluant. Ea inclytæ urbi & ad merces copiasque invehendas op-portuna rēceptacula, & contra hostiles incursus munimenta firmissima sunt. Ex iis porro æstuariis (b) majores minoresque Euripi totam urbem inter-cursantes, variis meandris ac flexibus ita distinguuntur quod in partes pedibus, in totidem fere mari aditus sit, egregio sane vel artis, vel naturæ miraculo. Inde v corum, insularum & pontium ingens numerus: ut qui diutius ibi versati non sunt, via-rum locorumque modo varietate, modo similitu-dine sæpe fallantur. Sed contra ejusmodi ambages certum paratumque remedium est maxima multi-tudo cymbarum, quæ usquequaque dispersæ, no-minatim ad omnia & publica & privata loca quemlibet haud ita magna mercede, trajiciant.

§. V. De Amplificatione per congeriem caussarum & effectum.

Quid est Amplificatio per congeriem causarum & effectuum?

R. Est ea, in qua multæ simul unius rei causæ & effiectus multi congregantur; ut si diceres cum cele-bris artis magistro: Quereris multis modis vexatam esse provinciam, sed ad caussas calamitatis attende. Vigebat in ea ambitio, luxuria dominabatur; segnes erant magistratus, populus ipse molli otiosaque segni-trie

(a) Jupiter in auream pluviam mutatus, illam deluxit converso in pretium Deo. Horat. (b). Itale. Luogo dove stagnan dell' acque pel flusso del mare.

*rie diffuebat. Expecta igitur danna longe graviora.
Exhaurientur pecuniae, jacebit spreta Religio, iures
impune grassabuntur, &c. Ex hoc eodem loco im-
manissimam Mezentii crudelitatem amplificat rex
Evander apud Virgilium Aeneid, 8.*

Quid memorem infandas cædes, quid facta Ty-
ranni (a)

Effera? Di capiti ipsius generique reservent.
Mortua quin etiam jungebat corpora vivis,
Componens manibusque manus atque oribus ora.
(Tomenti genus) & sanie tabeque fluentes,
Complexu in misero, longa sic morte necabat.

S. VI. De Amplificatione per congeriem consequentium.

Quid est Amplificatio per congeriem consequentium?
R. Est ea, in qua plura ponuntur acervacim
ex eadem re consequentia. Ex hoc loco Virgilius
noctem egregie describit Aeneidos 4. amplificando
res varias, quæ noctem ferme consequuntur.

Nox erat, & placidum carpebant fessa soporem
Corpora per terras, silvaeque & cæva quierant
Æquora, cum medio volvuntur sidera lapsu,
Cum tacet omnis ager, pecudes piæque volucres,
Quæque latus late liquidos, quæque aspera dumis
Rura tenent; somno (b) positæ, sub nocte silenti,
Lenibant curas & corda oblita laborum.

S. VII. De Amplificatione per comparationes, similitudines, & exempla.

Quid est Amplificatio per comparationes, simili-
tudines, & exemplia?

R. Est ea, quæ fit per unam, vel per multas
comparationes ac similitudines, & per unum exem-
plum, vel per plura. Fiet Amplificatio per plu-
res comparationes, si dicas, v. g. cum Tuilio in
Pisone: Ego non te recordem, non furiosum,

non

(a) *Mezentius immanissimus Tyrrhenorum, seu
Hetruscorum Tyrannus, qui pro Turno contra Aeneam
pugnavit.* (b) *Posita, idest, jacentes. Somno autem
lenibant curas &c.*

non mente captum, non tragico illo (a) Oreste, aut Athamante dementiorem putem? Vel si dicas cum Marciali, in improbum quemdam Gaurum, qui sua letulenta vita magnorum virorum exemplo solebat excusare.

In Gaurum.

Quod nimio gaudes noctem producere vino,
 Ignosco; vitium, Gaure, (b) Catonis habes.
Carmina quod scribis Musis & Apolline nullo,
 Laudari debes: hoc (c) Ciceronis habes.
Quod vomis, (d) Antoni, quod luxuriaris, (e)
 Apici:

Quod fur es; vitium, dic mihi; cujus habes?
 Fit amplificatio per unam tantum similitudinem
 in hoc Virgili loco, ubi fortissimam Amazonem
 Camillam de imbelli hoste nullo labore trium-
 phantem sic exprimit Aeneid. II.
 Quam facile accipiter saxo sacerales ab alto
 Consequitur pennis subliniem in nube columbam,
 Comprensamque tenet, pedibusque eviscerat uncis,
 Tum crux & vulsa labuntur ab æchere plumæ.

Itemque in Libro septimo, ubi Reginæ Amatae
 (f) furorem ac circum cursationes depingit lepidissima
 turbinis verbere à pueris agitati similitudine.
 Ceu quondam torto volitans sub verbere turbo,
 Quem pueri magno in gyro, vacua atria circum,
 Intentii ludo exercent: ille aclus habena
 Curvatis fertur spatiis: stupet inscia turba,
 (g) Impubesque manus, mirata volubile buxum,
 Dant

(a) *Orestes Agamemnonis filius, furiis agitatus fuit ob Clitemnestram matrem occisam. Athamas Thebanorum Rex, furiis etiam agitatus.*

(b) *Cato Uticensis quam saepè mero incaluerit, testis Horatius. (c) Cicero non bonus Poeta fuit.*

(d) *Qui frustis violentis gremium suum & totum tribunal implevit. (e) Apicius bello celeberrimus.*

(f) *Amata Regis conjux.*

(g) *Impuberum, id est, puerorum turba.*

Dant animos plagæ. Non cursu segnior illo,
Per medias urbes (a) agitur, populosque feroces.

Addite denique pulcherrimam istam juvenis (b)
Pallantis à Turno occisi cum flosculo decerpit
comparationem, quam Scaliger quovis nectare dul-
ciores non veretur appellare.

Hic juvenem agresti sublimem in stramine ponunt;
Qualem virgineo demessum pollice florem.

Seu mollis violæ, seu languentis hyacinthi,

Cui neque fulgor adhuc, necdum sua forma recessit.

S. VIII. De Amplificatione per confictionem contrariorum.

Quid est Amplificatio per confictionem contrarie-
rum & inter se pugnantium?

R. Est ea, quæ plura contraria per antitheses
oppontuntur, ut illa Ciceronis in Catilinam: *Hoc*
vero quis ferre possit, inertes homines fortissimis insi-
diari; utilissimos prudentissimis; ebriosos sobrios; dor-
mientes vigilantibus? Indidem est illud ejusdem Ci-
ceronis in Pisonem & Gabinium Consules: *Qui la-*
trones igitur, si quidem vos Consules? qui prædones?
qui hostes? qui proditores? qui Tyranni nominabuntur?
Magnum nomen est, magna specie, magna majestas
Consulis. Non capiunt angustiae peccoris tui, non recipit
levitas ista, non egestas, non infirmitas ingenii susti-
net, non insolentia rerum secundarum tantam personam,
tam gravem, tam severam.

Sic etiam Seneca (c) in Thyeste:

Quem dies vidi veniens superbum,

Hunc dies vidi fugiens jacentem.

Tale est etiam incerti auctoris, sed tamen anti-
qui in Alexandri magni tumulum:

Sufficit huic tumulus, cui non sufficerat orbis;

Res brevis huic ampla est, cui fuit ampla brevis,

Ex hoc eodem loco magni nominis Poeta San-

to-

(a) *Regina Amata.*

(b) *Erat Evandri Regis filius. Aeneid. II.*

(c) *Tragœdia sic inscripta, actu 2. vers. 614.*

tolis Victorinus admirabiles Sanctorum virtutes amplificat per congregatas antitheses (a)

Illi summi fuit gloria despici,
Illi divitiae pauperiem pati,
Illi summa voluptas
Longo suppicio mori.

§. IX. De Amplificatione per incrementum.

Quid est Amplificatio per incrementum?

R. Est ea, qua oratio velut per gradus videatur augeri & ascendere, donec ad summum pervenerit. Ita Tullius Verris crudelitatem eo per incrementum ducit, ut verba explanando criminis non ultra suppeditent: *Gacinus est, inquit, vincire civem Romanum: prope parricidium necare: quid dicam in crucem tollere? Nihil addi jam videtur ad hanc amentiam, improbitatem, crudelitatemque posse.*

Vide etiam quomodo per gradus & per incrementum assurgat oratio in hac sapientissima Senecae sententia in Epistola ad Lucilium: *Magna vita pars elabitur male agentibus: maxima nihil agentibus tota aliud agentibus.*

De amplificatione verborum.

De hoc toto Capite tametsi sumus propediem accuratissime dicturi; postulat tamen instituti nostri ratio, ut cursim illud in antecessum (b) delibamus.

Quomodo fit Amplificatio verborum?

R. Fit sex præcipue modis. 1. Per verba translatæ, seu metaphorica. 2. Per verba superlata. 3. Per verba synonyma. 4. Per verba gravia & illustriora. 5. Per periphrasim, seu circumlocutionem. 6. Per repetitionem.

§. X.

FIT igitur primum Amplificatio verborum per verba metaphorica, quæ nempe mirum in modum valent ad excitandos animos, & ad orationem grandiorem efficiendam.

Quid

(a) In hymno de Sanctis Monachis. (b) Ital. Anticipatamente.

44 Elementa Rhetorica.

Quid est metaphora, seu translatio?

R. Est quoddam loquendi genus, quo vox aliqua à propria sua significatione transfertur ad aliam, v. g. si dicas *Prata ridere, parietes gestire gaudium, aliquem esse ira incensum, inflammatum cupiditate, errore lapsum*; voces illæ omnes sunt metaphoricae, quia tribuunt pratis & parietibus risum & gaudium, quæ propria sunt hominis solius. Idem plane dico de ceteris locutionibus, quæ tribuunt hominiflammam, & incendium ignis proprium, &c. Fiet igitur amplificatio per Metaphoram, si cum Virgilio dicas de Ænea irato:

(a) . . . Irarumque omnes effundit habenas.

Vel si dicas de Didone:

(b) . . . Magnoque irarum fluctuat æstus.

Qui habenas, & æstum, quæ proprie convenient equis ac fluctibus, tribuit Æneæ & Didoni. Item si de homine impavido & imperterritu dicas cum Oratio in Odis (c):

Illi robur &c æs triplex

Circa pectus erat, qui fragilem truci

Commisit pelago ratem

Primus.

§. XI.

2. FIT Amplificatio per verba superflata, hoc est quæ veritatem superant, & plus dicunt quam reapse esse possit. Ue cum ait Tullius de Julio Cæsare, in oratione pro Marcello: *Domästi gentes immanitate barbaras, multitudine innumerabiles, locis infinitas, omni copiarum genere abundantes.* Itemque cum dicit de Pompejo in oratione pro lege Manilia: *Qui, sapius cam hoste confixit, quam quisquam cum enimico concertavit; plura bella gessit, quam alii legerunt; plures Provincias confecit, quam alii concupiverant; cuius adolescentia ad scientiam rei militaris non alienis præceptis, sed suis imperiis; non (d) offendionibus bellè, sed victoriis; non stipendiis, sed triumphis est eruditæ.*

Hanc amplificandi artem adhibuit Virgilius Ænei-

(a) Lib. 12. (b) Lib. 4. (c) Lib. 1.

(d) Ital. sinistri incontri.

Aeneidos lib. 12. cum de Turni equis dixit per
Hyperboleum:

Qui candore nives anteirent, cursibus auras.

Item cum de equo Trojano dixit:

Instar montis equum divina Palladis arte
Ædificant.

Sed nusquam magis indulsisse videtur huic sche-
mati (a) quam cum Amazonem (b) Camillam lau-
dans libro septimo dixit per verissimam hyper-
boleum:

Ilia vel intactæ segetis per summa volaret

Gramina, nec teneras læsisset aristas:

Vel mare per medium, fluctu suspensa tumenti

Ferret iter, celeres nec ringeret æquore plantas.

§. XII.

Quomodo fit Amplificatio per verba synonyma?

R. Fit per congeriem verborum & sententiarum idem pæne significantium: ut cum ait Cicero pro Ligario: *Quid enim, Tabero, tuus ille di trictus in acie Pharsalica gladius agobat? cuius latus mucro ille petebat? qui sensus erat armorum tuorum? quo tua mens? oculi? manus? ardor animi? quid cupiebas? quid optabas?* Vide quam multa sint hæc verba idem pæne significantia: *gladius, mucro, arma, sensus, mens, animus, cupiebas, optabas.* Qæ sanè Synonymorum coacervatio actem in primis & illustrem reddit orationem, ut liquet ex hoc alio ejusdem Ciceronis exemplo in Gadlinam: *Non feram, non patiar, non sinam;* & ex duobus hisce Virgilii versibus **Aeneidos** libro primo, ubi Ilionæus **Aeneæ** foris adhuc ignarus, sic de illo ad Didonem:

Quem si fata virum servant, si vescitur aura

Aetheria; nec adhuc crudelibus occubat umbris.

§. XIII.

Quomodo fit Amplificatio per verba graviora, & Illustriora?

R. Fit cum adhibentur verba splendida, quæ

C

rem

(a) Ital. Figura. (b) Camilla Volcorum Regina beatissima, quæ Turno adversus **Aeneam** tulit auxilium.

rem significantius exprimant, & in quibus plenum quiddam, numerosum & sonans esse videatur: cūjusmodi sunt ista: *Polluerat stupro sanctissimas religiones; Senatus gravissima decreta perfregerat. Itemque illa in Verrem: Non enim furem, sed rapto rem; non adulterum, sed expugnato rem pudicitiae; non sagitatum, sed hostem sacrorum religionumque; non sarcinum, sed crudelissimum carnificem civium sociorumque in vestrum judicium adducimus.*

Ejusdem etiam generis sunt magnifica illa Virgili verba de Dione moritura.

*At trepida & coepitis immanibus effera Dido,
Sanguineam volvens aciem, maculisque trementes
Interfusa genas, & pallida morte futura,
Interiora domus irrumpit limina; & altos
Conscendit furibunda rogosensemque recludit
Dardanium, non hos quæsitum munus in usus.*

XIV.

Quomodo fit Amplificatio per periphrasim, seu circumlocutionem?

R. Fit cum longiori verborum ambitu circuituque dicimus quod brevius ac simplicius dici poterat. Ita Cicero pro Milone, cum gravius videretur dicere Clodium à Milone fuisse occisum; maluit illud hac verborum circuitione mollire: *In quos incensos ira, vitamque domini desperantes cum incidisset, hæsit in pennis, quas ab eo servi fideles pro domini vita expeterunt.*

Circumlocutione Virgilius utitur Æneid. 12. cum pro hac una voce Meritur, sic ait:
*Olli dura quies oculos & ferrens urget
Somnus: in æternam clauduntur lumina noctem.*

Et in Ecloga prima, ubi pro hac voce jam aduerserascit, longiori hac, tritaque utitur periphrasi:

*Et jam summa procul villarum culmina fumant,
Majoresque cadunt altis de montibus umbræ.*

Nota Periphrasim apud Poetas esse frequentem, quam apud Oratores. Quos si non idonea sit, vel

(a) si nimis redundet, jam non appellabitur *Périphrasis*, sed *Perissologia*. (a)

§. XV. De Amplificatione per repetitionem.

Q. *Uomodo fit Amplificatio per repetitionem?*

R. Fit, cum verbum idem, sive ornatus caussa, sive ad motus excitandos iteratur, duplicaturque vel in principio, vel in fine, vel in medio dictio. Ut cum ait Tullius: *vidi enim, vidi penitusque perspexi.* Sed utitur in primis hoc Amplificationis genere in exordio Orationis pro Roscio Amerino, cum ait: *Accusant ii, qui in fortunas ejus invaserunt: Causam aicit is, cui præter calamitatem nihil reliquerunt. Accusant ii, quibus occidi patrem Sexti Rosci bonum fuit; Caussam dicit is, cui non modo luctum mors patris attulit, verum etiam egestatem.* *Accusant ii, qui hunc ipsum jugulare summe cupierunt: Caussam dicit is, qui etiam ad hoc ipsum judicium cum præsidio venit, ne hic ibidem ante oculos vestros trucidetur.* Denique accusant ii, quos populus poseit; *Caussam dicit is, qui unus relictus ex illorum nefaria cæde restat.*

Quantopere vero valeat Repetitio ad addendam vim pondusque orationi, & ad affectus ciendos, discere poteris ex sequentibus exemplis. Priora tria sunt ex heroicis Ovidii Epistolis, in quibus, si quid judico, præ ceteris omnibus illius operibus, elegantiæ, ingenii & eloquentiæ lumen quoddam elucet: in primo sororem Annam sic compellat infelix Dido;

Anna soror, soror Anna, meæ malè consicia culpæ.

In altero Demophoontem (b) ita compellat Phyllis:

Credidimus blandis, quorum tibi copia verbis,

Credidimus generi, numinibusque tuis.

Credidimus lacrymis: an & haec simulare docentur?

Haec quoque habent artes, quaque jubentur eunt.

In tertio conjux Herculis Dejanira cum illi per-

C 2 im-

(a) *Id est Sermonis redundantia.* (b) *Demophoon Thesei ex Phedra filius, à Phillide Lycurgi Regis filia hospitis & lecto suscepitus, data prius futuri conjugis fide.*

Imprudentiam mortem intulisset, in has justi doloris voces erumpit identidem:

Impia quid dubitas Dejanira mori?

Hei mihi quid feci? quo me furor egit amantem?

Impia quid dubitas Dejanira mori?

Hilta (a) Ne sejo misi tibi texta veneno,

Impia quid dubitas Dejanira mori?

Omnibusnam potissimum figuris varianda erit & distinguenda Amplificatio?

R. Præcipia quæ Amplificationem ornant Schema, sunt Hypotyposis, & Exclamatio, de quibus supra dictum à nobis es. Qibus addito tria alia, nempe Prosopopejam, Apostrophem, interrogacionem, ceterasque id genus vehemensiores figuræ, de quibus agendum nobis erit in libro de Elocutione.

§. XVI. Quid sit in Amplificatione vitandum.

Duo sunt in primis vitia, ac veluti scopuli quidam duo, in quos incurvare solent Tirones, dum orationem amplificant. Primus scopulus est illorum, qui minutissima quæque singulatim, exiliat, & per exiguum consequuntur; quod certè est in Oratore vitium vel maximum. Ut enim rectè monet Cicero, in Amplificationibus nihil est nimis tenaciter enucleandum, quia hic locus grandia potius, quam exilia, minutaque requirit.

Alter scopulus est illorum, qui ad explendum orationis numerum, nihil nisi vacuas voces, & inanem verborum sonum in illam infarciunt. Hoc vulgare vitium fugies, si nihil prorsus dicas, quod vim & pondus non addat orationi, & sensum non augear. *Quid est enim tam furiosam*, inquit Tullius Libro i. de Oratore, *quam verborum vel optimorum sonitus inanis, nulla subiecta sententia?* Et ut sapientissime præcipit Horatius in Arte Poetica: sint tibi provisæ, paratæque, & ad manum, ut ita dicam, sententiæ: voces ipsæ ultrò sese offerent, & ad exprimenda animi sensa nullo labore succurrent.

Verbaque provisam rem non provisa sequentur.

Quam-

(a) *Centauri Nessi ueste qua indutus Hercules in furorem versus est.*

Quamquam, ut dicam id, quod res est, si Tironi peccandum sit in alterutram partem, malim certe ut, instar Ovidii, peccet potius ubertate quadam copiaque verborum, quam eorumdem jejunitate atque inopia; quia, ut optimè notat Tullius, nimia hæc & redundans verborum ubertas, & quasi luxuries stilo atque exercitatione brevi depascetur.

APPARATUS, SEU PROœMIUM RHETORICÆ.

RHETORICÆ Proœmium, sive Apparatum appellamus ea omnia, quæ pertinent universim ad Artem Rheticam. Quinque autem sunt, quæ de Rheticæ generatim & universe, prolationis more quæri possunt.

1. Quæ sit natura & finis Rheticæ.
2. Quæ sit illius materia.
3. Quæ sint illius partes.
4. Quæ sit dignitas, vis & utilitas Rheticæ.
5. Quibus rebus ac subsidiis possit facile comparari.
§. I. De natura, & fine Rheticæ.

Quid est Rheticæ?

R. Est ars, seu disciplina bene dicendi; hoc est ornatè, graviter & copiosè loquendi. Ita *Quintilianus*, lib. 2.

Unde nomen suum traxit Rheticæ?

R. A voce græca (a) dico, *loquor*, unde (b) Orator, & (c) ars *Oratoria*.

Quare vocatur ars?

R. Quia certis quibusdam & numquām fallenbus præceptis continetur.

Quare dicitur ars bene dicendi?

R. Quia docet quomodo optimis sententiis, verbisque letissimis dici possit. C 3 Un-

(a) *ρήτω*. (b) *ρῆτωρ*. (c) *ρητωρία*.

Undenam orta est ars illa bene dicendi?

R. Notatio naturæ & animadversio peperit artem. Cum enim aliqui nativa quadam facultate, sine ullo artis subsidio, bene dixissent; alii contra insultum omnino & malè; extitit aliquis, qui discrimen illud observaret attentius; qui causas illius indagaret sedulò; atque ita rem sensim ad artem ac præcepta revocare, & quasi vijam traderet, quæ ad eloquentiam tutò ferreret. Unde liquet, non esse eloquentiam natam ex artificio; sed potius artificium ex eloquentia natum, atque profectum.

Qui differunt inter se Rhetor & Orator?

R. Hoc differunt, quod Rhetor sit, qui bene dicendi præcepta tradit; Orator vero sit is, qui accommodatè ad persuadendum dicere potest; tametsi erretur persæpe in nomine, & aliud pro alio indiscriminatim accipiatur.

Ouisnam est finis ultimus Artis Oratoria?

R. Est persuadere dictione, hoc est diserta oratione quempiam impellere ad aliquid vel credendum, vel agendum, vel omittendum.

Quednam est officium Oratoris?

R. Est dicere appositi ad persuadendum, quod fieri docendo, delectando, & movendo. Docemus argumentis & argumentatione; delectamus ornatō, illustri & apto dicendi genere; amplificazione & affectibus. Docere necessitatē est; delectare suavitatis; movere vero, seu flectere victoriæ; atque hic demum est verissimus eloquentiæ triumphus.

Unde erit ille summus & perfectus Orator, qui cum appositi tñixerit ad persuadendum, hoc est, ad docendum, delectandum & movendum; re ipsa rāmen, sive auditoris vitio, sive quacunque demum alia de caussa non persuaserit.

§. II. De Materia Rhetorice.

Quidnam est materia cuiusque artis in genere?

R. Ea est, circa quam versatur Ars; ut Medicinae materia sunt morbi, quia in iis curandis Medicina versatur.

Ouenam est speciatim materia Rhetorice?

R. Nihil omnino est in rerum natura, de quo ornate, eleganter & copiose disputare non possit Orator.

ter. Ut enim observat Cic. 2. de Orat. Bene dicende Ars non habet definitam aliquam regionem, cuius terminis septa teneatur. Unde ajo cum Aristotele, Reticæ Marianam esse (a) quamlibet quæstionem ad dicendum propositam.

Quotuplex est quæstio quæ Oratori ad dicendum proponi potest?

R. Duplex. Alia est infinita, seu universalis: alia finita, seu singularis. Quæstio infinita, quæ vocatur etiam Thesis, ea est, quæ nullis alligatur temporis, loci & personæ circumstantiis: ut, si queratur generatim atque universe. *Sitne bellum gerendum, vel pax facienda?*

Quæstio finita, quæ etiam vocatur Hypothesis & causa sive controversia, ea est quæ universalem quæstionem restringit ac revocat ad certas quasdam personæ, temporis, loci, reique circumstantias: ut, si queratur. *Sitne hoc anno nobis pax facienda, iis, quæ ab hostibus feruntur, legibus ac conditionibus?*

Quæstio autem, sive finita sit, sive infinita, dividitur quadrifariam: primo in quæstionem cognitionis & actionis. Quæstio cognitionis ea est, quæ instituitur solius scientiæ gratia: ut, *Que sit causa defectus solis. . . . sitne terra major quam luna?* Quæstio actionis ea est, cujus finis est aliquid efficiere, ut, *An liceat vim vi repellere . . . an sit inimicis ignoscendum?*

Præterea quæstio vel est principalis, vel incidens. Principalis ea dicitur, quæ præcipue venit in controversiam: incidens vocatur, quæ tractatur propter aliud.

Quot sunt universim genera quæstionum rive causarum, in quibus versari potest Orator?

R. Tria. Genus judiciale, genus deliberativum, & genus exornativum, seu demonstrativum, quod à Græcis vocatur Epidicticum.

Quid spectatur in genere judiciali?

R. Accusatio & defensio.

Quid spectatur in genere deliberativo?

R. Suasio & dissuasio.

Quid in exornatio?

R. Laus, &c vituperium. Unde generis judicialis finis est *aequitas*; delibera*tivi utilitas*; demonstrati*vi honestas*. Judiciale genus versatur circa tempus præteritum; Deliberativum circa tempus futurum; Demonstrativum vero circa præteritum simul & præsens.

§. III. De partibus Rhetoricae.

QUæ & quod sunt primariae partes Rhetorica?

Quartuor: Inventio, Dispositio, Elocutio, & Pronunciatio; quemadmodum sunt præcipuae quatuor Oratoris partes: 1. Argumenta invenire; 2. Inventa disponere; 3. Disposita verbis exornare; 4. Exornata pronunciare. Sunt qui pro quinta parte memoriam statuant; sed nos cum Aristotele illam ad pronunciationem revocamus.

Quid est inventio?

R. Est excogitatio rerum verarum ut verisimum, quæ valeant, tum ad faciendam fidem, tum ad motus excitandos.

Quid est Dispositio?

R. Est rerum inventarum in ordinem distributio.

Quid est Elocutio?

R. Est idoneorum verborum & sententiarum ad res inventas accommodatio.

Quid est Pronunciatio?

R. Est vocis ac corporis ea moderatio: quam res inventæ ac verba requirunt.

§. IV. De dignitate, & utilitate Rhetoricae.

Quanam est Rhetorica dignitas, vis & utilitas?

Quoniam nihil addi potest ad hæc illustria Tullii verba, libro I. de Oratore: Quid est, inquit, aut tam admirabile, quam ex infinita multitudine existere unum, qui id cum omnibus natura sit datum, vel solus, vel cum paucis facere possis, aut tam jucundum cognitione atque auditu, quam sapientibus sententiis, gravibusque verbis ornata oratio, & perpolita? aut tam potens, tamque magnificent, quam populi motus, iudicium, religiones, Senatus gravitatem unius oratione converti? Quid majus, quid splendidius dicere posset eloquentia, si pro se ipsa loqueretur.

De subsidiis Rhetoricae.

Quibus potissimum subsidiis omnes illae, quas diximus Rhetoricae partes, comparari poterunt?

R. Quatuor: natura, arte, exercitatione & imitatione.

Quid natura confert ad eloquentiam?

R. Ex parte animi confert celeres motus, ad excoxitandum acutos, ad ornandum uberes, ad memoriam firmos ac diuturnos. Ex parte vero corporis confert latera firma, canoram vocem, solutam linguam, aptamque oris & totius corporis conformatiōnem.

Quid facit ars ad eloquentiam?

R. Excolit quæ dedit natura; supplet quæ illi desunt: quæ vero redundant luxuriantque, castigat atque coercet. Uno verbo; certissimam, veluti dīgito, monstrat viam, quæ ad eloquentiam toto perveniat.

Quid afferit exercitatio?

R. Conservat & auget quæ ars expolivit, aut emendavit in natura; Multi enim naturæ vitium exercitatione sustulere, ut olim Demosthenes aliquæ sexcenti.

Quid est exercitatio?

R. Est assiduus usus & consuetudo dicendi, vel scribendi; quod quidem valde facit ad eloquentiae laudem adipiscendam; Ut enim ait Cicero: *Situs est optimus dicendi effector, & magister, Triplex est autem exercitationis gēnus, nempe Scriptionis actionis & memoriae.*

DE IMITATIONE.

Quānam est imitationis utilitas?

R. Facit imitatio, ut, optimo cuique auctori similes in dicendo evadamus, & quæ sunt in eo summa, diligenter persequamur. Et quoniam imitatio, si recte hat, multum afferit ad eloquentiam, & pauci admodum imitari sciunt, ut par est; ideo de imitandi ratione fusius aliquid & uberioris disputationis nobis esse existimavimus.

Quānam igitur est vera rectaque imitandi via & ratiō?

R. Multiplex.

1. Cave vulgare quoddam ac mediocre tibi proprias exemplar, *Mox daturus progeniem vitiosiorem,*

54 Elementa Rhetorice.

sed deligatur imitandus summus aliquis & excellens auctor, in quem tota mente intuearis. *N*s autem erit, in Poetis ferme Virgilius, qui ceteros omnes Poetas longe post se reliquit, & ut ipse loquitur de Turno, *toto vertice supra est*. In oratorio vero arte deligatur unus Cicero, de quo, quam tritum ac pervulgatum, tam verum est illud Quintilianii dictum: *Ille sciat se profecisse, cui Cicero valde placere cäperit*; & in quem bellissime cadit magnifica illa Senecæ (a) de illo vox, *Ingenium, quod solum Populus R. par imperio suo habuit*, & ut non minus splendide de eodem Tullio dictum fuit à Vellejo Paterculo: *Vir ingenio maximus, qui efficit, ne quorum arma viceramus, eorum ingenii vinceremur*.

2. Non optimos solum autores imitaberis, verum etiam quæ in illis optima sunt, ac præstantissima: *S*i, v. g. Scribenda tibi sit oratio latina, habebis præ oculis loca illa eximia, in quibus se plurimum amavit Cicero, & in quibus sese ipse viderat quodammodo viciisse, cujusmodi sunt illius pleræque perorationes. Illas interscribendum lectitabis idem idem, ut illarum assidua lectio Tulliani stili germanum tibi saporem & gustum aspergarat.

Ut vero semper habeas in promptu selectissima quæ subinde possis imitari luculentissimorum auto-
rum loca; copiosum, summaque cura elaboratum
illorum indicem tibi ad nostræ Rheticæ amplioris calcem exhibemus.

3. Illustria hæc, quæ dixi, loca neque pueriliter imitaberis, neque serviliter, putideque, ut solent homines illi, quos jure optimo ridet Horatius, dum ait; *O imitatores servum pecus*; & ut à bene multis fieri video, qui cum picarum, aut psittacorum more easdem omnino voces reddiderint, tum demum magnos se veterum imitatores arbitrantur. Tu vero quæcumque imitaberis, sic facies tua, ut eruditis & emundatæ naris hominibus appareat imitatio; sed tamen res omnino alia, tibique propria facta jam esse videatur.

Tuæ autem facies hæc veterum scriptorum loca,
tibi-

(a) *Controv. lib. 2.*

tibique illa quasi jure tuo poteris vindicare.

Primo si vim ac pondus sententiae retineas: verba vero omnia, vel magna ex parte saltem immutes. Dixerat olim Tullius: *Virtus est una altis defixa radicibus, que nulla umquam vi labefactari potest.* Hanc egregiam Tullii sententiam vide quam scienter, mutatis omnino verbis, exprimat Horatius, cum dicit de homine probo & in colenda virtute constanti:

(a) Si fractus illabatur orbis,

Impavidum ferient ruinæ,

Sic etiam cum dixisset idem Cicero Philippica nona, *Vellem, Dii immortales fecissent, ut vivo potius Servio Sulpitio gratias ageremus, quam mortuo honores quereremus.* Hanc eamdem sententiam, mutatis omnino verbis, ingeniose admodum expressit Ovidius Lib. 13. Metamorphoseon, ubi Ulyssem de Achillis mortui armis certantem cum Ajace, & pro se ita loquentem inducit:

Si mea cum vestris valuissent vota, (b) Pelasgi,
Non foret ambiguus tanti certaminis heres;

Tuque tuis armis, nos potiremur, Achille.

Secundo si eadem ferme servando verba, transferas illa ad alium sensum, vel similem, vel contrarium: v. gr. dixit Tullius in Antonium: *O audaciam immanem! Tu ingredi illam domum ausus es? tu illud sanctissimum limen intrare? tu illarum adium Diis Penatibus os importunissimum ostendere?* Poteris verba hæc paullulum immutata in Judam, hortos ad Christum prodendum subeuntem, opportune transferre.

Sic etiam Catilinariæ primæ exordium ad aliud argumentum nullo labore ita convertent vel ipsi mehercule tirunculi: *Quousque tandem, homo nequam atque improbe, intemperanter abuere divina patientia? Quandiu illam eludet vita ista tua omni scelerum genere cooperta? Quem ad finem se inveterata tua jactabit impietas? nihil ne te impendentia mortis pericula, nihil inferorum poenæ, nihil in te Divinæ justitiæ gladius, nihil terror conscientiæ, ni-*

(a) *Ode 4. lib. 3.*

(b) *Sic appellati vetustissima Gracia populi.*

hil severissimi judicis tribunal, nihil illius os vultus que movebunt? Patere tua fugitia non sentis, &c.

Tertio, recte imitaberis, si figuras, si periodos, si transitiones, si commissuras incisaque & torum orationis ductum, ac sirum porius imiteris, quam verba ipsa, vel ipsas sententias. Dixit, v. gr. Cicero Philippica II. Non placet Antonio consulatus meus, at placuit P. Servilio, ut eum primum nominem ex illius temporis consularibus qui primus mortuus est: Placuit Quinto Lutatio Catulo, cuius semper in hac Republica vivet auctoritas: Placuit duobus Lucullis, M. Crasso, Q. Hortensio, C. Curioni. Maxime vera consulatum meum Cn. Pompejus probavit. Hanc figuram transferre poteris eleganter in eos, quibus non placent humaniores Litterae, quas omnium ordinum ac ætatum viri sapientissimi in deliciis habuerunt.

Quanto laudem habebit imitatio, si propositum exemplar vel in pauca contrahas, vel amplificando fusius uberioriusque dilates. Ita cum Virgilius dixisset I. Georgicorum:

Prima Ceres ferro mortales vertere terram instituit.

Hunc eumdem locum imitando, fusius more suo amplificavit Ovidius V. Metamorph.

Prima Ceres unco gleba dimovit aratrum;

Prima dedit fruges, alimenteraque mitia terris;

Prima dedit leges: Ceteris sunt omnia munus.

Contra vero cum à Tullio fusius ac uberiorius dictum fuisse de Cæsare, in oratione pro Marcello:

Bellicas laudes solent quidam extenuare verbis, easque detrahere ducibus, communicare cum militibus, ne propriæ sint Imperatorum. Et certe in armis militum virtus, locorum opportunitas, auxilia sociorum, classes, commeatus mulum juvant. Maximum vero partem quasi jure suo fortuna sibi vindicat, & quidquid est prospere gestum, id plane omne dicit suum. A vero hujus gloria, C. Cæsar, quam es paullo ante adeptus, socium habes neminem. Tatum hoc, quantumcumque est, quod certe et maximum, totum est, inquam, tuum. Nihil sibi ex ista laude enturio, nihil praefectu, nihil cohors, nihil turma decerpit. Quinetiam illa ipsa rerum domina Fortuna in istius se gloria sociatem non offert; tibi cedit; tuam esse totam ac propriam fatetur. Totam hanc ornatissimam laudationem in duos

quos versiculos ita collegit Poeta egregius.

Gloria vincendi juncta est cum milite, Cæsar,
Cæsar, parcendi, gloria tota tua est.

Quinto, laudabitur imitatio, si quæ ab Oratoriis
bus scripta fuere, sollerter transferas in orationem
adstrictam. Ita facile crediderim cum M. (a) An-
tonio Mureto, perfectissimo talium rerum aestima-
tore, Virgilianum illum versum,
Quamquam animus meminisse horret, luctuque re-
fugit.

Ciceronem imitatum fuisse. Ita enim ille Philip-
pica XIV. sc. serat in Antonium: *Refugit animus*
P. C. eaque dicere reformidat, quæ Lucius Antonius
in Parmensium liberis & conjugibus gesserit.

Sexto, bonus imitator eris, si vel ex Græcis La-
tina facias, vel ex Latinis, aut etiam Græcis ver-
nacula. Ita Tullius tam multa singulari quodam
artificio expressit ex Demosthene, quem miraba-
tur, & quo ne Athenas quidem ipsas magis Atticas
fuisse, urbano quodam & liberali joco dicitabat.
Sic etiam Virgilius, acer & diligens Græcorum
imitator, in Æneide Homerum est imitatus, & in
Bucolicis (b) Theocritum. Sic Terentius ex Me-
nandro & ex Aristophane tam multa invexit in
Latium. Ita Horatius Pindari (c) Callimachique
vestigia persecutus est in suis odis, & nominatum
in tertia quarti libri:

Quem tu Melpomene semel

Nascentem placido lumine videris, &c.

Quam quidem tantis laudibus ornavit summus ille
vir Julius Cæsar Scaliger, ut mallet à se similem
scriptam fuisse. Quam esse totius Tarragonensis Rex.
Sic enim (per ludum opinor) dicitare consueverat.

Atque, ut hisce elementis tandem aliquando finem imponamus, laudem maximam habitura est
imitatio, si quos imitaris, eos non dicam adæqua-
re,

(a) Fuit orator & criticus celeberrimus saeculo 16.

(b) Theocritus Poeta Syracusanus scripsit Græco
idyllia in genere bucolico laudatissima.

(c) Callimachus nobilis Poeta Græcus vixit post
Alexandri Tempora.

re, sed vincere etiam omni ope coneris: ut ait Quintilianus Lib. 10, *Conandum est aliquid supra eos, quos imitaris*; &c., ut etiam admonet vetus proverbium; Invenire, rem admodum difficilem esse; præfacilem vero, inventis addere.

Ita Virgilius, cum exiliter admodum ac jejune de Hectore dictum fuisse à veteri Poeta Ennio; (a) *O lux Trojæ, germane Hector,*
Quid ita cum tuo lacerato corpore miser?

Versus eosdem, vel potius eamdem sententiam ex plumbea fecit auream Æneid. Libro secundo:
O lux Dardanæ, spes ò fidissima Teucrum,
Quæ tantæ tenuere moræ? Quibus, Hector, ab Oris
Expectate venis? ut te post multa tuorum
Funera, post varios hominum urbisque labores
Defessi aspicimus? quæ caussa indigna serenos
Fœdavit vultus? aut cur hæc vulnera cerno?

Hunc eumdem Ennii Virgilique de Hectore locum apertissime imitari conatus est Seneca in (b) Troade, ubi viduam illius Andromachen ita loquenter inducit:

Cum subito nostros Hector ante oculos stetit:
Non qualis ultro bella in Argivos ferens,
Grajas petebat facibus Idæis rates;
Nec cæde vasta quali in Danaos furens,
Vera ex Achille spolia simulata tulit.
Non ille vultus, flammeum incedens jubat;
Sed fessus, ac dejectus & fletu gravis,
Similisque nostro, squalida obrectus coma.

Quæ imitatio, quamquam non infelix, tu vide tamen quantum à Virgiliana distet. Verum quanto inferior Virgilio videtur in hoc loco Seneca, tanto sane jure videbitur Ennio superior in hac altera ejusdem imitatione in eadem Troade:

Columen patriæ, mora fatorum,
Tu præsidium Phrygibus fessis,
Tu murus eras, humerisque tuis
Stetit illa decem fulta per annos;

Te-

(a) *Ennius Poeta antiquissimus vixit tempore secundi belli Punici, centum & amplius ante Ciceronem annis.*

(b) *Tragœdia sic inscripta.*

Tecum cecidit, summusque dies
Hectoris idem patriæque fuit.

Hanc Ennianam imitationem aliquando mirantibus amicis festive admodum respondit Virgilius, sex Ennii stercore gemmas anrumque colligere. Cum vero assidua haec diligensque veterum imitatio vitio illi verteretur, ut sit ab invidis & obtestatoribus, cumque illi malevolentiae livore suffusi palam jactarent in vulgus, illum pleraque ab Homero sumpsisse, hoc uno responso calumniatoribus os obstruere, illosque penitus elingues reddere consueverat Virgilius: *Cur non ipsi quoque eadem furtæ tentarent?* Verum intellecturos, facilius esse Herculi clavam detrahere, quam Homero vel unum eripere versum illumque ad rem suam accommodare.

Ratio tamen quedam est Tyronibus præsertim adhibenda, ne, dum propositum sibi exemplar co[n]tantur vincere, & dum ab illo paullulum, sed in melius aberrare satagunt, prava quadam imitatione ab illo prorsus deficiant, & in pejus aberrent, quod Lucano præscriptim contigisse videmus.

Cum enim mirifice, sed sobrie tempestatem ita descripsisset Virgilius Aeneidos primo:
Incubuere mari, totumque à sedibus imis
Una Eurusque Notusque ruunt, creberque procellis
Africus; & vastos volvunt ad litora fluctus.
Eripiunt subito nubes cœlumque diemque
Teucrorum ex oculis: ponto nox incubat atra.
Intonuere poli, & crebris micat ignibus æther,
Præsentemque viris intentat omnia mortem.

Hanc Virgilii locum cum sibi vel imitandum, vel superandum proposuisset Lucanus immodo quodam calore raptus, suoque nimium veificatus ingenio, & laxatis illi velut habenis, sic aberravit in pejus.

Ah, quoties frustra pulsatos æquore montes
Obruit illa dies! quam celsa cacumina pessum
Tellus victa dedit! non ullo litore surgunt
Tam validi fluctus, alioque ex orbe voluti,
A magno venere mari: mundumque coercens
Monstriferos agit unda sinus.

ARTIS RHETORICÆ LIBER PRIMUS.

DE ELOCUTIONE.

Quid est Elocutio?

R. Elocutio, inquit Tullius, est idoneorum verborum, & sententiarum ad res inventas accommodatio.

Cur tandem, & quorsum ab Elocutione, contra quam fieri solet, exordimur?

R. Tametsi ex quatuor Rhetoricæ partibus, ordine naturæ, prima sit Inventio; quia tamen plusculum difficultatis habet, idcirco eam Elocutioni postponendam esse cum erudito Vossio, aliisque artis Rhetoricæ magistris bone multis, judicavimus.

Cum enim verborum delectus origo sit eloquentiae, ut ait Julius Cæsar in suo de analogia, seu de ratione Latine (a) loquendi Libro, quem Cicero nominatim nuncupavit: & cum verborum cura, quæ ad Elocutionem pertinet, sit longe facilior quam cura rerum, quæ spectat ad Inventionem, liquet profecto nos Tyronum commodis utilitatique servire, dum Aristotelis ordine nonnihil immutato, ab Elocutione ducimus initium, & in primo artis oratoriae quasi limine vestibuloque paullis per hæremus, priusquam in intima illius penetralia pedem (b) ausimus inferre.

Ut huic eidem Tyronum utilitati consulatur nostrum hunc de Elocutione librum trifariam dividimus. Agendum nobis est primo de Figuris, in quibus nullo ferme negotio se solent exercere vel ipsi Tyrunculi. Secundo dicetur de Periodo, in qua videtur plusculum esse negotii. Tertio tractabimus de Stilo; à facilitioribus, ut par est, ad difficiliora sensim progrediendo.

CA-

(a) Cic. in Bruto.

(b) Penult. producta pro audeamus.

CAPUT PRIMUM.

De Figuris, seu schematibus.

Figura, ut diximus in Elementis, est ornamentum quoddam Orationis: seu loquendi modus illustrior, & à communi consuetudine remotus: cujusmodi sunt hæc Ciceronis verba in Catilinam: *Vivis, & vivis non ad deponendam, sed ad confirmandam audaciam.* Itemque illa Didonis morientis (a) verba: Mortem inultæ?

Sed moriamur, ait. Sic, sic juvat ire sub umbras.

Aut hæc ejusdem Didonis:

Litora litoribus contraria, fluctibus undas
Imprecor, arma armis: pugnent ipsique nepotes.

Quot sunt genera figurarum?

R. Duo. Aliæ enim versantur in (b) sententia & sensu ipso; aliæ in verbis tantum. Quia vero res prius animo menteque concipiendæ sunt, quam verbis exprimantur; ideo de Figuris sententiarum, quæ ad mentem pertinent, ante dicendum nobis est, quam de figuris verborum.

§. I. De Figuris Sententiarum.

Inter Figuras Sententiarum aliæ videntur aptiores ad movendum, aliæ ad docendum, aliæ ad delecatandum, Initium faciamus ab his, quæ ad movendum; seu ad animos flectendos præcipue valent.

§. II. De Figuris ad movendum idoneis.

De Exclamatione.

CUR ex omnibus figuris Exclamationem primam eridine collocamus?

R. Primam collocamus, quod vehementiores animi motus exclamando soleamus exprimere.

Quid est exclamatio?

R. Est vocis elatio, seu contentio, qua, interjectione vel adhibita, vel subauditâ, vehementiorem animi affectum significamus, reique magnitudi-

(a) *Eneid. 4.*

(b) *Διεγεις ναιδιαιρειας.*

dinem exprimitius. Ita Tullius oratione 1. in Catilinam, per summam indignationem sic exclamat: *O tempora! o mores!* Senatus hæc intelligit, Consul videt: hic tamen vivit. Vivit? Immo vero etiam in Senatum venit. Et oratione 2. in Antonium: *O miserum me!* consumptis enim lacrymis, infixus tamen animo hæret dolor.

Exclamatio adjunctam ferme haber aliquam ex hisce interjectionibus: *o!* *heu!* *ah!* *vah!* *proh Superi!* *proh Superum,* atque hominum fidem! Persæpe tamen subauditur interjectio ut si dicas, *Miserum me!* vel *Hoccine Seculum!* Veteres pro interjectione *o,* sæpe adhibebant voces istas (a) *Ædepol!* *Hercle!* *Mehercule!* *Jupiter!* *Me castor!* *Medius Fidius!* *Catullus.*

Chartis.

Doctis, Jupiter! & laboriosis.

Heu & *Eheu* triste aliquid & molestum indicant. Ita (b) Cicero: *O domus antiqua, ehen quam dispari domino dominaris!* Virgilius vero *Æneidos* 4.
 . . . Tunc Carthaginis altæ
 Fundamenta locas, pulchramque uxoribus urbem
 Extruis; heu regni rerumque oblite tuarum.

Proh adhibetur sæpe ad obstentandum. Ita Terentius! *Proh Deum atque hominum fidem, quid est si non hec contumelia est?*

Mirum in modum facit Exclamatio ad significandam indignationem doloremque ex re atrocis conceptum, ut Tullius pro Cælio: *Proh Dii immortales!* *cur interdum in hominum sceleribus maximis aut (c) connivetus, aut præsentis fraudis pœnam in diem reservatis?*

Servit etiam misericordiæ. Ita pro Sylla: *O miserum & infelicem diem illum, quo Consul omnibus centuris P. Sylla renuntiatus est!* *O fallacem, & volucrem fortunam!* *O cacam cupiditatem!* *O præpostaram gratulationem!* quam cito illa omnia ex latitia &

vo-

(a) Quasi dicas per adem Pollucis. . . ita me Hercules, me Jupiter, me Jovis filius juvet.

(b) *De Officii.*

(c) Ital. *Chindetegli occhi.*

voluptate ad luctum & lacrymam redierunt! Et pro Milone; O terram illam beatam, qua hunc virum excepit; hanc ingratam, si ejecerit; miseram, si amiserit! Sic etiam perfidus ille Sinon Trojanorum misericordiam exclamando captat (a):

Heu, quæ nunc telus, inquit, quæ me æquora possunt

Accipere, aut quid jam misero mihi denique restat?

Aliquando etiam lætitiam, animique hilaritatem exprimit Exclamatio, v.g. Cicero ad Atticum (b) *O suaves epistolas tuas, uno tempore mihi datas duas, quibus evangelia quæ reddam, nescio, deberi quidem plane fatetur. Evangelia vero (si quæris) erant merces allati jucundi nuntii; vel etiam sacrificia & supplicationes, quæ pro læto nuntio decerni olim à Romanis consueverant. Unde non immerito à Christianis *Evangelium* appellatum est salutiferum illud nuntium à CHRISTO veracissimo Patri Nuntio nobis allatum,*

Denique Exclamatio servit interdum Ironiæ; Ita (c) Tullius; *O præclarum custodem ovium, ut ajunge lupum! & in Pisonem; O stultos Camillos, Curios, Fabricios, Scipiones, Marcellos, Maximos! O amantem Paullum; rusticum Marium; nullius consilii patres istorum amborum Consulum, qui triumpharunt!*

Quibus potissimum in locis utendum est Exclamatione?

R. Adhibenda est præsertim in Amplificatione, in Perorationibus, & ubi res magnas auditori persuaseris. Exclamare enim in rebus minutis frigidum esset ac puerile,

§. III. De Dubitatione.

Quid est dubitatio?

R. Dubitatio est (d) Schema, quo Orator fluctuans, animique pendens dubitat aliquamdiu quid sibi agendum dicendumve sit. Ita Scipio apud Livium

(a) *Aeneid. 2. (b) Lib. 2. Epist. 8.*

(c) *Philp. 3. (d) Habitus, figura.*

vium (a) milites alloquitur quasi dubitans: *Apud nos quemadmodum loquar, nec consilium, nec oratio suppeditat, quos ne quo nomine quidem appellare debeam, scio. Cives? qui a patria vestra descivistis. An milites? qui imperium auspiciumque abnuistis, Sacramentis religionem rupistis. Hostes? corpora, ora, vestitum, habitum civium agnosco; facta, dicta, consilia, animos hostium video.*

Illustre omnino Dubitationis exemplum suppeditat nobis Virgilius, cum Didonem ita dubitantem inducit: (b)

*En quid agam? rursus ne procos irrisi priores
Experiar? Nomadumque petam connubia supplex,
Quos ego sum toties jam dedita maritos?
Iliacas igitur classes, atque ultima Teucrum
Justa sequar.*

*An Tyriis omniq[ue] manu stipata meorum
Insequar? Et quod Sidonia vix urbe revelli,
Rursus agam pelago, & ventis dare vela jubebo.*

Denique sequitur electio, quae fit nimirum, cum is qui dubirat, subito consilium capit, quasi oborta sit novam quadam luce.

Quin morere, ut merita es, ferroque ayerte dolorem.

Est item apud Ciceronem egregium aliud ejusdem Schematis exemplum in Oratore: *Utrum diffisius, aut majus esset negare tibi sapius idem roganxi, an efficere id quod rogares, diu multumque, Brute, dubitavi. Nam & negare ei quem unice deligerem, cuique me carissimum esse sentirem; praesertim & justa petenti & praelare cupienti, durum admodum mihi videbatur; & suscipere tantam rem quantam non modo facultate consequi difficile esset, sed etiam cogitatione complecti vix arbitrabar esse ejus, qui vereretur reprehensionem doctorum atque prudentium.*

Habes etiam breve, sed luculentum Dubitationis exemplum in illis Tiberii verbis apud Tacitum in Annalibus: *Quid scribam, P. C. aut quomodo scribam, aut quid omnino non scribam hac tempore? Dii me Deaque pejus perdant, quam perire quotidie sentio, si scio.*

§.IV.

(a) Decad. 3. (b) En. 4.

§. IV. De Obsecratione.

Quid est obsecratio?

R. Obsecratio, ut nomen ipsum per se satis indicat, fit cum alicujus sive Dei, sive hominis opem imploramus. Hoc Schemate mirum in modum mitetur Tullius pro rege Dejotaro: „Quamobrem „hoc nos primum metu, C. Cæsar, per fidem, & „constantiam & clementiam tuam libera, ne resi- „dere in te ullam partem iracundiæ suspicemur. „Per dextram te istam oro, quam Regi Dejotaro „hospes hospiti porrexiisti: is am, inquam, dex- „teram, non tam in bellis, & in præliis, quam in „promissis & fide firmiorem. Tu illius domum „inire, tu vetus hospitium renovare voluisti: te „ejus Dii Penates acceperunt; te amicum & pla- „catum Dejotari Regis aræ focique viderunt.

Vehemens est etiam, atque flexamina (a) Palinuri ad Æneam obtestatio apud Virgilium Æneid. 6.

Quod te per coeli jucundum lumen & aures,
Per genitorem oro, per spem surgensis Juli,
Eripe me his, inviète, malis. Aut tu mihi terram
Injice, namque potes, portusque require Velinos:
Aut tu, si qua via est, si quam tibi Diva creatrix
Ostendit (neque enim credo sine numine divum
Flumina tanta paras, stygiamque innare paludem)
Da dextram misero; & tecum me tolle per undas.

Hæc figura, præ ceteris, vehemens est, & in perorationibus potissimum solet adiberi.

§. V. De Imprecatione.

Quid est Imprecatio?

R. Est execratio quædam, qua malum imprecamer alicui, vel etiam nobismetipsis. Tale est illud Ciceronis pro Dejotaro: *Dii te periant, fugitive. Ita non modo nequam & improbus, sed etiam fatuus & amens es?* Et in Antonium: *Quin tu abi in mulam rem, malumque cruciatum.* Tale est etiam illud Diodonis, (b)

Sed

(a) *Palinurus Æneæ navis gubernator, qui somno oppressus, una cum gubernaculo in mare delapsus est.*

(b) *Æneid. 4.*

Sed mihi vel tellus optem prius imam dehiscat.
 Vel pater omnipotens adigat me fulmine ad umbras,
 Pallentes umbras Erebi, noctemque profundam,
 Ante, pudor, quam te violem, aut tua iurâ resolvam.

§. VI. De Interrogatione, & Subjectione.

Quid est Interrogatio?

R. Fit cum interrogamus aliquem, non tam ad rem dubiam querendam, quam ad urgendum instantiumque, & ad vehementiorem affectum exprimendum! Ita Cicero Catilinam urget hisce verbis, *Patere tua consilia non sentis? Constrictam jam horum omnium conscientia teneri coniurationem tuam non vides? Quid proxima, quid superiore nocte egeris, ubi fueris, quos convocaveris, quid consilii ceperis, quem nostrum ignorare arbitraris?*

Quibus sane interrogationibus Catilinam multo acris pungit Cicero, quam si frigide diceret: Patent, Catilina, tua consilia, coniuratō tua cinnium, conscientia constricta tenetur; quid egeris, nemo ignorat. Similiter poterat dicere Virgilius: *Ipse ego te vidi Damonis, pessime caprum Excipere insidijs, multum lacrante Lycisa.*

Sed plus spiritus nervorumque habet hæc interrogatio: (a)

Non ego te vidi, Damonis, pessime, caprum Excipere insidijs?

Quod si interrogati subjiciatur responsio, Subiectio vocabitur. Sic Tullius pro lege Manilia: *Quid tam novum, quam adolescentulum privatum, exercitum difficultate Republicæ tempore confidere? Confecit; huic praesesse? Praesuit; rem optime dicto suo gerere? Gessit. Quid tam præter conuentudinem, quam homini adolescenti, cuius a Senatorio gradu atas longe abasset, imperium atque exercitum dari, Siciliam permitti, atque Africam, bellumque in ea aministrandum? Fuit in iis Provinciis singulari innocentia, equitate, virtute; bellum in Africa maximum confecit, vittorem exercitum deportavit.*

§. VII.

(a) *Ecl. 3.*

§. VII. De Præteritione & Reticentia.

Quid est Præteritio?

R. Præteritio, quæ Ciceroni viderur in amore & deliciis fuisse, fit cum simulamus nos vel nescire, vel nolle dicere id, quod vel maxime dicimus. Ita Tullius suum Pompejum magnifice laudat per præteritionem:

Itaque non sum prædicaturus, Quirites, quantas illeres quantaque domi militiaeque, terra marique, felicitate gesserit: ut ejus semper voluntatibus non modo cives assenserint, socii obtemperarint, hostes obedient, sed etiam venti tempestatesque obsecundarint; hoc brevissime dicam. . . .

Habes etiam luculentam ejusdem Tullii præteritionem in Vatinium: *Atque illud tenebrisissimum tempus ineuntis atatis tua patiar latere. Licut impune per me, parietes in adolescentia perfoderis, vicinos compilaris, matrem verberaris. Habet hoc præmium tua indignitas, ni adolescentiae turrido obscuritate & sororibus tuis tegatur.*

Præteritioni vicina est & affinis Reticentia apopsis Græce dicta, quæ fit cum orationem abrumpimus subito, & reticemus aliquid, ut majora auditoribus cogitanda relinquamus, quia nimur quæ latent, graviora putantur. Tale est illud (a) Juvenalis:

*Majorum primus quisquis fuit ille tuorum,
Aut pastor fuit, aut illud quod dicere nolo.*

Illustre omnino bujusce Schematis exemplum nobis suppeditat Virgilius Aeneid. I. ubi Neptunus ventos tumultuantes sic increpitat:

*Jam Cœlum terramque meo sine numine venti.
Miscere, &c tantas audetis tollere moles?
Quos ego. . . sed motos præstat componere fluctus.
Post mihi non simili poena commissa luetis.*

A posipæsi utimur ob pudorem, ut Virgilius in ecloga 3.

Novimus & qui te.

§. VIII.

(a) Sat. 8.

§. VIII. De Expolitione.

Quid est Expolitio?

R. Expolitio, sive Commoratio, & Exornatio
(nam tria hæc vocabula unum atque idem sonant) est figura ad motus excitandos valde insignis.

Fit autem, cum eamdem sententiam variis modis versamus, ut altius in auditorum animis defigatur. Ita Cicero pro Sextio: „An mihi ipsi, ut quidam putant, fuit mors æquo animo appetenda? quid tum mortem non fugiebam? an erat res ulla, quam mihi magis optandam putarem? tam eram rufus? tam ignarus rerum, tam expers consilii, aut ingenii? nihil audieram, nihil visideram, nihil ipse legendo, querendoque cognoveram? nesciebam vitæ brevem esse cursum, gloriariae sempiternum? quum esset omnibus definita mors, optandum esse, ut vita, quæ necessitatibus debetur, patriæ potius donata, quam reservata naturæ videretur? Nesciebam, inter sapientissimos homines hanc contentionem fuisse, ut alii dicerent, animos hominum sensusque morte restinguui, alii autem tum maxime mentes sapientum ac fortium virorum, quum è corpore excessissent, sentire ac vigere? quorum alterum fugiendum non esse, carere sensu; alterum etiam optandum, meliore esse sensu.

§. IX. De Epiphonemate.

Quid est Epiphonema?

R. Est exclamatio sententiosa, quæ fieri solet post rem aliquam insignem, vel narratam, vel probatam. Ut cum Virgilius, post narratos classicos Trojanæ labores, sic exclamat sententiosè: (a)

Tantæ molis erat Romanam condere gentem.

Sic etiam Lucretius lib. 1. post commemoratum exemplum Agamemnonis, filiam suam Iphigeniam immolantis, hac gravi sententia claudit narrationem:

Tantum Religio potuit suadere malorum,

Simile est illud Ciceronis in libro de Senectute:

(a) *Eneid. I.*

re: Senectutem ut adipiscantur, omnes optant: eamdem accusant (a) adeptam; tanta est inconstans, stultitia atque perversitas. Sic etiam Virgilius, post quam apum, in melle confiendo, industriam laboresque descriptis, hoc addit Epiphonema:

Tantus amor florum, &c generandi gloria mellis.
Itemque hoc 2. Georgicorum.

. . . Adeo à teneris consuescere multum est.

Et alio in loco, de crudeli atque impio Polyanestore loquens: (b)

Fas omne abrumpit; Polydorum obtruncat, &
auro

Vi potius. QUID non mortalia pectora cogis
Auri sacra fames?

C A P U T I I.

De Figuris ad delectandum magis idoneis.

§. I. De Apostrophe.

Quid est Apostrophe?

R. Est Schema, quo sermonem ad aliam personam, vel quasi personam convertimus, quam instituta oratio requirat. Ita Cicero pro Milone: *Vos vos appello, fortissimi viri, qui multum pro Republica sanguinem effudistis: vos in viri & civis invicti appello periculo, Centuriones, vosque milites; vobis non modo inspectantibus, sed etiam armatis, & huic iudicio præsidentibus, hac tanta virtus ex hac urbe expelletur.*

Apostrophe fit aliquando ad Superos, ad invocandum. Ita Tullius 1. in Catilinam: *Tum tu, Jupiter, qui iisdem, quibus hac urbs, auspiciis a Romulo es constitutus, quem statorem hujus urbis, atque Imperii vere nominamus; hunc & hujus socios suis artis, ceterisque templis, aedificis, urbibus, a mæniibus, a vita fortunisque omnium civium arcebis; & emnes inimicos bonorum, hostes patriæ, latrones Italia, scelerum fædere inter se ac nefaria societate con-*

D

jun-

(a) Alii, adepti, quæ lectio videtur melior,

(b) vñqid, 3.

junctos, aeternis suppliciis vivos mortuosque macabris.

Nec tantum ad personas fit Apostrophe; sed etiam ad res inanimes, sensuque carentes, aut aliquando etiam ad bellusas. Ejusmodi est apud Virgilium notissima illa Mezentii Apostrophe ad equum suum, nomine Rhœbum:

Rhœbe, diu (res si qua diu mortalibus ulla est)
Viximus.

Ita Cicero pro Milone: *Vos enim jam Albani tumuli atque luci, vos inquam, imploro atque obtestor, vosque Albiorum obrutæ aræ, sacrorum Populi Romaniani sociæ & aequales.* Poetis porro nihil familiarius est, quam illa ad res sensu carentes Apostrophe. Ita Dido moriens Aeneid. 4.

Dulces exuviae, dum fata, deusque sinebant,
Accipite hanc animam, meque his exsolvite cutis.

Quenam sunt Apostrophes regulae?

R. Tres. 1. Raro est usurpanda. Si enim crebris adhibetur, inepta erit, & frigidiuscula.

2. Tametsi multis videatur, Apostrophem in ipso dicendi principio nequam adhiberi posse, interdum Orationem inchoat egregie, ut docet initium princiæ Catilinariæ: *Quousque tandem abutere, Catilina, patientia nostra?*

3. Fast est Poeris solius metri caussa, Apostrophem adhibere. Ita Ovidius lib. 3. Tristium:

Nunc ego jactandas optarem sumere pennas,
Sive tuas, (a) Persim; Dedale, sive tuas.

S. II. De Hypotyposi.

Quid est Hypotyposis?

R. Est Figura, qua res ita (b) graphice describuntur, ut non tam audiri, vel legi, quam ante oculos versari videantur. Splendidum in primis ac illustre illius exemplum habes in septima Verriena, ubi Tullius Verris inhumanitatem oculis ita subjicit: *Ipse inflammatus scelere & furore in forum venit. Ardebat oculi, toto ex ore crudelitas eminebat*

Ex-

(a) Perseus Jovis filius, Talaribus à Mercurio dominatus, Andromedam liberavit. (b) Ital. esattamente, & quasipitterescamente, è a pennello.

Expectabant omnes quo tandem progressurus, aut quidnam acturus esset; cum repente (a) hominem corripi, atque in foro medio nudari ac deligari, & virgas expediti jubet. Camat ille miser se civem esse Romanum.

Nihilo inferior est Virgiliana illa de Mexentii equo Hypotyposis, quam merito mirantur omnes: (b) Tollit se arrectum quadrupes, & calcibus auras Verberat, effusumque equitem super ipse secutus Implicat, ejectoque incumbit cernuus armo.

Hypotyposim creberrime solent usurpare Poetæ ac præsertim Virgilius, qui res adeo vivis, & spirantibus, ut ita dicam, coloribus describit, ut pæna sub oculos cadant. Ita Cyclopes depingit Æneid. 8.

Ferrum exercebant vasto Cyclopes in antro Brontesque, Steropesque, & nudus membra Pyramon.

Alii ventosis follibus auras
Accipiunt redditumque: alii stridentia tingunt
Æra lacu, gemit impositis incudibus antrum.
Illi inter sese, multa vi brachia tollunt
In numerum, versantque tenaci forcipe massam.

§. III. De Prosopopœja.

Quid est Prosopopœja?

R. Prosopopœja est fictio personæ, seu Schema, quo personæ mortuæ vel absenti, aut etiam rei sensu carenti sermonem tribuimus, per quamdam licentiam oratoriam; v. g. cum inducimus loquentem Urbem, Provinciam, Angelum, Beatum, parietem, alisque id genus. Talis est apud Lucanum celebris illa Prosopopœja patriæ; quæ Julio Cæsari juxta fluvium Rubiconem apparet, illum à civili bello dehortatur (c)

Jam gelidas Cæsar cursu superaverat Alpes,
Ingentesque animo motus, bellumque futurum
Ceperat. Ut ventum est parvi Rubiconis ad undas,
Ingens visa Duci Patriæ trepidantis imago

D 2

Cla-

(a) Gavium Civem Romanum. (b) Æneid. 10.

(c) Lib. 1. Pharsallæ.

Clara per obscuram , vultu mœstissima , noctem ,
 Turrigerò canos effundens vertice crines ,
 Cæsarie lacera , nudisque adstare lacertis ,
 Et gemitu permissa loqui : Quo tenditis ultra ?
 Quo fertis mea signa viri ? Si jure venitis ,
 Si cives , huc usque licet.

Sic etiam Tullius in prima Catilinaria ita loquenter patriam inducit : „Quæ (patria) tecum „Catilina , sic agit , & quodammodo tacita loqui- „tur : Nullum jam tot annos facinus extitit , nisi „per te : nullum flagitium sine te . Tibi uni mul- „torum neces , tibi vexatio direptioque sociorum- „impunita fuit ac libera . Tu non solum ad negli- „gendas leges & quæstiones , verum etiam ad ever- „tendas perfringendasque valuisti . Superiora illa , „quamquam ferenda non fuerunt , tamen ut potui , „tuli : Nunc vero me totam esse in meū propter „te unum (a) quidquid increpuerit , Catilinam ti- „meri : nullum videri contra me consilium initi- „posse , quod à tuo scelere abhorreat , non est fe- „rendum . Quamobrem discede , atque hunc mihi „timorem eripe : Si verus , ne opprimar , si falsus „ut tandem aliquando timere desinam . Hæc si te- „cum , ut dixi , patria loquatur , &c.

Venustissimum est & aurea Agusti ætate dignissimum Epitaphium hoc , in quo viventem maritum „per Prosopejam sic alloquitur uxor mortua :

Immatura perii ; sed tu felicior annos

Vive tuos ; conjux optime , vive meos .

S. IV. De Ethopœja.

Quid est Ethopœja ?

R. Ethopœja est expressio morum , seu Schema , quo alicujus studia , mores , indolem , ingenium verbis exprimimus . Ita Sallustius (b) Catilinam omnibus artis coloribus egregie pingit in illa Ethopœja . tantopere omnium consensione laudata .

Ethopœja Catilina.

Lucius Catilina nobili genere natus , fuit magna

vi

(a) Ital. Che per ogni romor , che si senta , s' abbia
 a temer Catilina . (b) In bello Catilinario .

vi & animi & corporis, sed ingenio mao pravoque
Huic ab adolescentia, bella intestina, cædes, rapi-
næ, discordia civilis grata fuere, ibique juventutem
suam exercuit. Corpus patiens inediæ, algoris, vî-
giliæ, supra quam cuique credibile est. Animus au-
dax, subdolus, varius, cuiuslibet rei simulator ac
dissimulator, alieni appetens, sui profusus. Ardens
in cupiditatibus: satis eloquentiæ, sapientiæ pa-
rum. Vastus animus, immoderata, incredibilia, ni-
mis alta semper cupiebat.

Sic etiam Plautus senis avari sordidique mores
mirabiliter exprimit, (a) dum illum inducit hæc
servo mandata dantem:

Senex Avarus.

Cave quemque alienum in ædem intromiseris.
Si quispiam ignem quærat, extingui volo,
Ne caussæ quid sit, quod te quisque querit.

• • • • • • • • •
Tum aquam effluxisse, dico: si quis peter
Cultrum, securim (b), pistillum, mortarium,
Quæ utenda vasa semper vicini rogitant;
Fures venisse, atque abstulisse dico.

Mulierum mores graphicè pingit Terentius, dum
ait: *Novi ingenium mulierum: Nolunt, ubi velis;* &
ubi nolis, cupiunt ultra. Et alio loco *in Heau. 2. 2.*
11. Nasti mores mulierum: dum (c) moluntur, dum
comuntur, annus eit.

Ethopœja dividitur in Prosopographiam, & in
Ethopœjam propriæ dictam, de qua jam egimus.

Quid est Prosopographia?

R. Est expressio vultus ac corporis totius, seu
Schema, quo alicujus vultum, os, lineamenta, in-
cessum, cultum (d) habitumque omnem exprimi-
mus. Ita Martialis deformem Zoilum lepide pingit,
Crine ruber, niger ore, brevis pede, lumine lesus,
Rem magnam præstas, Zoile, si bonus es.

D 3

Sic

(a) *In Astularia.* (b) Ital. *pestello.*

(c) Alii alia: ego sic. *Machinano, è studiano la maniera di abbigliarsi.* (d) Ital. *portamento.*

Sic etiam Franciscus Vavassor, in suo illo eximio de *Iudicia dictione* libro Socratis, habitum, os, figuramque depingit.

Socrates Æsopo non absimilis deformitate corporis fuit: utpote (a) simis naribus, extantibus & prominentibus oculis, recalva fronte, pilosis humeris, (b) obeso ventre, (c) repandis cruribus, quem propterea recte Alcibiades cum Sileno & Satyris etiam forma & specie contulit. Ac licuit semper animadvertere, luscios, (d) gibbosos, (e) ventricos, claudos, similesque eorum eo fere dicaciores esse hominibus ceteris, quo sunt vitiis corporis insigniores, materiamque præbent ad jocundum magorem. sive quod saepius facessiti propter suam fœditatem assuecant vicissim adversarios repungere, atque ita exercitatores in eo ipso genere niant: sive quod priores occupent, ne feriantur, aut ut feriantur levius.

Feliciter admodum miscentur Prosopographia & Ethopœja proprie dicta, & ex tali mixtura Schema gratissimum efflorescit, ut liquet in exemplo sequenti, ubi M. Calphurnium pingit (f) Tullius: *Consul ipse parvo animo & pravo: tantum (g) cavillator* genere illo moroso, quod etiam sine dicacitate ridetur, facie magis quam facetiis ridiculus: a quo nihil speres boni Reipublicæ, quia non vult; nihil me tuas mali, quia non audet.

C A P U T III.

De Figuris ad docendum idoneis.

§. I. De Antithesi.

Quid est Antithesis?

R. Antithesis, sive oppositio, est Schema, quo verba verbis, sententiæ sententiis opponuntur;

CV-

(a) Ital. Schiacciate. (b) Pieno, panciuto.

(c) Strambo, sbilenco, storto. (d) Gobbi. (e) Tripponi, panciuti. (f) Ad Atticum. (g) Ital. Burlone, • faceto in quella sorta fantastica, e sdegnosa di burle, eh' è propria degli stitici.

cujuſ rei ſplendidum in primis & illuſtre exemplum habes in Catilinaria. Ex hac parte pudor pugnat, illinc petulantia: hinc pudicitia, illunc ſuprum: hinc fides, illinc fraudatio: hinc pietas, illinc ſcelus: hinc honestas, illinc turpitudo: hinc continentia, illinc libido. Denique aequitas, temperantia, fortitudo, prudētia, virtutes omnes certant cum iniuitate, cum luxuria, cum ignavia, cum temeritate, cum vitiis omnibus, poſtremo copia cum egestate, bona ratio cum perdiſta: mens ſana cum amentia: bona denique ſpecem om̄pium rerum desperatione conſlitit.

Sic Martialis in amicum quemdam morosum, ſibi que imparem, facere ludit per Antitheses. (a)

Difficilis, facilis, jucundus, acerbus es idem.

Nec tecum poſſum vivere, nec ſine te.

Ita Ovidius (b)

Frigida pugnabant calidis, humentia ſiccis,

Mollia cum duris, ſine pondere habentia pondus.

Sic etiam Justinus (c) Agathoclem, Syracusis obſeffiſis, bellum nihilominus in Africam tranferentem, laudat per Antithesēs: Mira proſus audacia, ut quibus in ſolo urbiſ ſua par non erat, eorum urbe bellum inferret: & qui ſua tueri non poterat, impugnaret aliena, victusque victoribus insultaret. Ejusdem etiam generis eſt memorabile illud dictum Auguſti, jam æratae valde proiecti, ad nobiles quoſdam Juvenes, qui forte tumultuantur: Audite Juvenes ſenem, quam juvenem ſenes audire.

Hoc etiam modo Horatius in Odis: Privatus ille census erat brevis, commune magnum; & poſt illum (d) Seneca:

Cūræ leves loquuntur, ingentes ſtupent.

§. II. De Sustentatione.

Quid eſt Sustentatio?

R. Eſt figura, qua Orator, ad ſibi conciliandam attentionem, & ad excitandos, attrigendosque auditorum animos, illos tenet aliquandiu ſuspensos.

D 4

in-

(a) Lib. 12. (b) Metamorph.

(c) Agatocles Sicilia Tyrannus, patre figulo na-
tus. Lib. 22. (d) In Hypſolite.

incertosque quid dicturus sit, ut cum Tullius ait contra Verrem: *Etiamnum mihi expectare videmini, judices, quid deinde factum sit... expectate facinus quam vultis improbum; vincam tamen expectationem omnium.*

Habes salsum & facerum Sustentationis exemplum in Martialis Lib. 6.

In Luperium.

Quod convivaris sine me tam s^ep^e, Luperce,

Inveni, noceam qua ratione tibi.

Irascar, licet usque voces, mittasque, rogesque

Quid facies? inquis, quid faciam? veniam.

§. III. De Communicatione.

Quid est Communicatio?

Res figura, qua Orator, caussæ suæ confidens, deliberat cum iis ipsis, apud quos, vel contra quos dicturus est, illos nimirum consulens, quid acturus sit. Egregium hujusmodi exemplum habes in Verrina 2. ubi Cicero summam caussæ suæ fiduciam ita demonstrat: *Nunc ego vos consuluo quid mihi faciendum putetis. Id enim consilii profecto taciti dabitis, quod ego mihi necessario capiendum intelligo.* Et pro Cæcina: *Quaro si te hodie domum tuam redentem homines armati, non modo limine, tectoque adiunctorum tuarum, sed primo aditu vestibuloque prohiberent, quid acturus sis?*

§. IV. De Correctione.

Quid est Correctione?

Res Corre^ctio, seu Retractatio, est Schema, quo Orator sententiam, aut vocem à se prolatam retractat, ac veluti corrigit. Ita Cicero pro Cœlio: *O stultitia! Stultitiamne dicam, an impudentiam singularem?* Et prima Catilinaria: *Quamquam quid loquor!* *Te ut ulla res frangoat?* *Tu ut umquam te corrigas?* *Tu ut ullam sugam meditere?* *Tu ut ullum exsilium cogites?* *Utinam tibi istam mentem Dii immortales donarent!*

Sic etiam Terentius in comoedia, quæ inscribitur (a) *Heautontimorumenos*, miserum senem Menedemum sic loquentem inducit.

Fin.

(a) *Vox composita, quæ Grace sonat, se ipsum puniens; vulgo Nojoso à se stesso.*

*Filiū unicum adolescentulum
Habeo. Ah! qui dixi habere me? Immo habui, ēhrema
Nunc habeam, necne, incertum est.*

C A P U T I V.

De Figuris verborum.

Figuræ verborum aliæ sunt tropi, aliæ non sunt tropi. Figuræ, quæ sunt tropi, fiunt tantum in verbis translatis, hoc est, à sensu sibi proprio in alienum sensum traducti, ut cum dicimus: *Letas segetes. Prata rident. Geminos duo fulmina belli Sciapiadas, &c.* Figuræ vero, quæ non sunt tropi, fiunt etiam in verbis propriis, ut cum ait Tullius: *O tempora! O mores!* Et alio loco, *Abiit, excessit, evasit, erupit.*

§. I. De Tropis.

Quid est Tropus?

R. Tropus est verbi, vel (a) Orationis è propria significatione in alienam immutatio, cum virtute ac dignitate; ut cum dicitur: *Mulus pro Stupido;* vel *Laterem lavare, præfrustra laborem suscipere,* instar laterem lavantis. Ista porro immutatio, sive conversio fit cum virtute ac dignitate, hoc est ad addendum orationi pondus, majoremque illi vennustatem & dignitatem conciliandam. Porro Tropus sic appellatur à voce Græca (b), *vertō:* ut ad verbum *Inversionem* sonet.

Hæc autem Inventio fit multiplici, variaque ratione, sed quatuor potissimum modis: unde existunt primarij quatuor, nobilissimique Tropi, nempe Metaphora, Metonymia, Synecdoche & Ironia, de quibus sigillatim tractandum est.

§. II. De Metaphora.

Quid est Metaphora?

R. Metaphora, seu Translatio est tropus, quo vox aliqua à propria significatione ad alienam transfertur, ob similitudinem: Ut cum ait Tullius ad Cæsarem: *Parietes hujus curia tibi gratias agere*

D 5

ge-

(a) Ε'ξαλλωξις λόγος ἐπί τῷ μητρικῷ Arist.

(b) Ἐρεπω.

gestiuntur. Vox illa, *Gestire*, quæ est hominis propria, transfertur ad parietem, cuius non est propria; sed cum quo tamen habet hoc loco quandam similitudinem & affinitatem.

Hunc porrò usum ac modum verba transferendi necessitas genuit, cum scilicet verba propria deessent; postea vero delectatio jucunditasque celebavit. Quemadmodum enim vestis depellenda frigoris caussa primum reperta, postea etiam adhiberi coepit, est ad ornatum corporis & dignitatem; sic verbi translatio, solius inopiae caussa primum instituta, deinde etiam fuit ad delectationem, & ad ornatum orationis frequentata.

Undenam potissimum ducuntur Metaphorae?

R. Ex omnibus omnino rebus duci possunt, à divinis, à coelestibus, ab elementis, meteoris, lapidibus, metallis, plantis, bestiis, hominibus, eorumque operibus; adeò ut non minus latè pateat Metaphora, quam similitudo, quæ à re qualibet duci potest.

Metaphora dicitur, 1. à Divinis; ut apud Ciceronem, *Deus ille noster Plato*. Itemque apud Matthelem magnificentissima illa Romæ laudatio (a)

Terrarum Dea, gentiumque Roma,
Cui par est nihil, & nihil secundum.

2. Sumitur ab Elementis, ut cum dicitur à Tullio, *Nullius tantum est flumen ingenii, nulla scribendi, aut dicendi tanta vis, tantaque copia, quæ non dicam exornare, sed enarrare.* Cæsar, restuas gestas possit.

3. Metaphora sumitur à stipibus, plantis &c arboribus. Ita Cicero: *Virtus est una altissimis defixa radicibus, quæ nulla umquam vi labefactari potest.*

4. Sumitur à rebus arte manuque factis. Ita (b) Appion ille, contra quem Josephus scripsit vocabatur *Cymbalum mundi*. Longinus vero Rhetor eximus, appellabatur *Viva Bibliotheca & Museum ambulans*; quod etiam de Origene dictum acceperimus. Imperator autem Helvius Pertinax *Fortuna Pila*

(a) *Lib. 2.* (b) *Appion Grammaticus Alexandrinus vixit tempore Titerii.*

Pila fuit vulgo nuncupatus, quod nempe variis fortunæ casibus fuisset exercitus. Denique Augustus homines illos, qui sollerti promptoque erant ingenio ad res ex tempore conficiendas lepide ajebat, *Argentum habere (a) in numerato*. Metaphora à pecuniis ducta.

5. Metaphora dicitur ab homine; ut cum ait apud Virgilium Palinurus:

Mene salis placidi vultum, fluctusque quietos
Ignorare jubes?

Reliquos Metaphorarum fontes, qui innumerabiles sunt, & cuilibet obvii, persequi sigillatim, hominis esset otio intemperanter aburentis. Quatuor tamen præcipua capita Quintilianus enumerat, ad quæ omnes Metaphoræ commode possunt revocari.

Primo fit Metaphora, cum à re quapiam animata ad rem aliam animatam verbum transferimus; ut cum ait Titus Livius: *Scipionem à Catone solitum allatrari*: quæ vox *Allatrare*, cum propria sit solius canis, tribuitur tamen homini non inconcinnie. Sic etiam Christus ipse Herodem, ob mores vulpinos, hoc est ob calliditatem, atque versutiam, vulpem appellavit, Lucæ, cap. 13. *Ite, & dicite vulpi illi.*

Secundò fit Metaphora, cum inanima pro aliis inanimis ponuntur; ut *Habena* pro *Gubernaculo*; *Frenum* pro *Lege*; *Vinculum* pro *Communitate*; vel si dicas cum Tullio: *Hic orationis vela contrahamus*.

Tertio, cum inanima transferuntur ad animata; ut cum ipsa civitatis lumina extincta dicuntur in morte præstantium virorum; & cum ait Catullus:

O qui flos es juvencolorum!

Quarto, denique præcipuam quamdam venustatem habet, cum rebus inanimis sensuque carentibus sensum quendam, animosque, ac veluti vitam damus; ut cum ait Virgilius:

— Pontem indignatus (b) Araxes.

Sic etiam Cicero pro Ligario: *Quid enim Tu-*
be-

(a) Ital. *In contanti.*

(b) *Araxes Armenia fluvius.*

tero, tuus ille districtus in acie Pharsalica gladius agebat? cuius latus mucro ille petebat? qui sensus erat armorum thororum?

§. III. Quid vitandum in Metaphora?

Quenam Metaphora dicuntur vitiōsae?

R. Vitiosae dicuntur Metaphorae illae, quae humiores sunt, sordidæque, & ab re quapiam abjecta deformique desumptæ. Talis est ista, quam damnant Tullius, & Quintilianus: *Stercus curia Glaucia*; itemque ista: *Saxa mundi* (a) *verrucae*, id est, *rupes*. Horatius quoque ob eamdem caussam notavit versum illum cuiusdam M. Furii Bibacū: (b)

Juppiter hibernas cana nive conspicuit Alpes.

Quid enim sordidius ac turpius quam metaphoram à sputo mutari? Hoc eodem humiliatis, &c., ut dicam, ignobilis vitio laborare videtur celebris illa (c) Tertulliani Metaphora, qua diluvium appellat *Nature generale* (c) *lixivium*.

2. Vitiosae dicuntur Metaphoræ, quæ duriores sunt, vel longius accersitæ, vel quæ rem nimis amplificant; ut si dicas: *Syrtim Patrimonii*, *Charybdim honorum*; quod profecto duriusculum est, & à Tullio jure damnatum. Quod si verearīs, ne durior paullo & audacior videatur Metaphora, poteris illam mollite ac mitigare illis, aut similibus vocabulis: *Ut ita dicam... quasi... pene*. Si ita loqui fas est, &c. ut si dicas, *Mortuo M. Catone pupillum relictum esse Senatum*, poterit audacior videri hæc translatio: si vero dixeris cum Tullio, *Pupillum, ut ita dicam, relictum esse Senatum*, duriuscula Metaphora, hoc velut apposito condimento, mitescet. Nam, ut sapienter admodum monet idem Tullius, *Vereunda debet esse translatio*, ut deducta esse in alienum locum, non irruisse, atque ut precario, non vi venisse videatur.

3.VI-

(a) Ital. *Porri*. (b) *Sat. 5. l. 2.* (c) *Tertullianus scriptor Ecclesiasticus*, acris & vehementis ingenii, floe sunt initio tertii saeculi. (d) Ital. *Liscia*.

3. Vitium est in Metaphóra, si nimis poetica sit: v. g. si Orator dicat cum Virgilio *Volutres pennis remigare*; ut si cum Horatio dicat de Euro:

Per Siculas equitavit undas.

Neque enim quæcumque Poetis licent, ea omnia Oratoribus licere existimandum est.

4. Metaphorarum vitium est immoderata quædam illarum coacervatio. Etsi enim nullus est florētior tropus, & qui plus luminis afferat orationi, non tamen frequentari nūm debet: nam ut modicus illius usus maximopere délectat, ita immodus non parum affert satietatis atque fastidii, & in enigma transit, aut in allegoriam.

5. Denique vitiosa est Metaphora, quæ sibi non constat, res nimirū omnino dissimiles inter se conjungendo. Quippe, ut docet Fabius: *Id in primis est custodiendum, ut quo ex genere cœperis translationis, hoc desinas.* Multi enim cum imitium à tempestate sumpserint, incendio aut ruina fiunt, quæ est inconsequentialia rerum fædissima. Quamquam ut loquar ingenuè, huic de perpetua sibique consentanea translatione Rhetorum præcepto non adeo severè à summis viris obtemperari video. Scimus enim diversas omnino Metaphoras eleganter sæpe fuisse conjunctas à Virgilio, ab Horatio, à Catullo, &c. sic triplex est Metaphora in duobus hisce versibus Horatii: (a)

Nēmo adeo ferus est, ut non mitescere possit:
Si modo culturæ patientem commodet aurem.

Prima est de feris, quæ propriè mansuescunt, & circumluantur. Altera est de fructibus, qui acerbi sunt, & propriè mitescunt. Tertia est ab agris, quorum propria est cultura.

§. IV. De Allegoria.

Quid est Allegoria?

R. Allegoria est Metaphorarum continuatio, seu figura, qua aliud verbis dicitur, aliud reipsa intelligitur, unde non absurdè vocatur *Diversiliquum*; quod nimirū aliud dicatur, aliud sentiatur.

Hu-

(a) Epist. I. l. 1.

Hujusmodi est insignis illa Ciceronis in Pisonem Allegoria : Neque tam fui timidus , ut qui in maximis turbinibus , ac fluctibus , Reipublica navem gubernasse , saluamque in portu collocasssem , frontis tuae nubeculam , aut collegae tui contaminatum spiritum perhorrescerem . Alios ego vidi ventos ; alias prospexi animo procella ; aliis impendentibus tempestatibus non cessis , sed unum me pro omnium salute obtuli .

Illustris est & omnibus nota illa Horatii Ode Allegorica de bello civili , lib. 1.

O navis , referent in mare te novi
Fluctus ! O quid agis ? fortiter occupa
Portum. Nonne vides ut
Nudum remigio latus
Et malus celeri saucius Africo ,
Antennæque gemant ? ac sine funibus.
Vix durare Carinæ
Possint imperiosius
Æquor? Non tibi sunt integra lintera , &c.

In hac eximia allegoria navim pro Republica , fluctus pro civili bello : portum pro pace concordiaque ; remigium pro militibus ; nautas pro magistratibus ; malum pro præcipuis Ducibus usurpat Horatius ; & ab initio ad finem egregie sibi constat , quod in Allegoria præcipuum est .

§. V. De Metonymia.

Quid est Metonymia ? R. Metonymia , quæ etiam vocatur Hypallage , seu transnominatio , est troporum omnium vastissimus atque usitatissimus . Fit autem quatuor potissimum modis : 1. Cum caussa , vel quasi caussa ponitur pro effectu , & cum rerum inventor & auctor usurpatur pro rebus ipsis , quas invenit ; ut Mars pro bello ; Ceres pro frugibus ; Vulcanus pro igne ; Cicero , aut Virgilius , pro scriptis illorum ; dux exercitus pro exercitu ipso . Sic dicimus , vario Marte pugnatum est , hoc est vario belli eventu ; Virgilius : *Onerantque canistris dona laborata Cerevis* ; id est panis . Et Georgicorum lib. 2.

Bacchus amat colles ; Aquilonem & frigora taxi . Sic etiam dicimus , ab Hannibale apud Cannas cæsa fuisse sexaginta Romanorum millia ; hoc est ab

ab Hannibalis exercitu. Fit item hoc primo modo Metonymia, cum possessor usurpatur pro re possessa, ut cum ait Virgilius *Æneid.* 2.

Jam proximus ardet

Ucalegon.

Hoc est, domus Ucaleontis.

2. Fit Metonymia cum sumuntur effecta pro caussis, ut scelus pro scelerato ipso: Ita Comicus: *Ubi est scelus ille, qui me perdidit?* Ita Virgilius *Æneid.* 2.

Accipe nunc Danaum insidias, & criminis ab uno Disce omnes.

Ubi Crimen ponitur pro perfido Sinone criminis auctore, & hic est germanus illius loci sensus, ex uno Sinone disce Græcos omnes esse perfidos. Ita Cicero *I. in Ver.* *Quas res luxuries in flagitiis, crudelitas in suppliciis, avaritia in rapinis, superbia in contumeliis efficere potuisset, eas omnes se se hoc uno Praetore per triennium pertulisse.* Fit etiam cum id, quod proprium est effectui, tribuitur caussæ, & hoc Poetis valde familiare est: Ita timor dicitur fugax; mors dicitur pallida; morbi dicuntur pallentes, quia fuga est effectus timoris, & pallor est effectus morborum & mortis. Sic Horatius: *Pallida mors aquo pulsat pede pauperum tabernas Regumque turres.* Sic Virgilius:

Pallentes habitant morbi, tristisque senectus.

3. Fit Metonymia, cum res, quæ continet, usurpatur pro re contenta, ut Roma pro Romanis, Cœlum pro cœlestibus, terra pro terræ incolis. Huc pergit illud Ciceronis pro lege *Manilia.* „*Testis*, „est Italia, quam ille ipse victor Sylla hujus vir- „tute & consilio confessus est fuisse liberatam. „*Testis* est Sicilia, quam, multis undique ciuitatibus „periculis, non terrore belli, sed celeritate consi- „lii explicavit. *Testis* est Africa, quæ magnis op- „pressa hostium copiis, eorum impiorum sanguini- „ne redundavit. *Testis* est Gallia, per quam legio- „nibus nostris in Hispaniam iter, Gallorum inter- „nectione, patefactum est. „*Ubi Italiam pro Ital- iis, Siciliam pro Siculis &c. usurpavit.*

4. Cum signum usurpatur pro resignificata, ut

toga pro pace, fasces pro Magistratu. Ita Cicero
in Pisonem.

Cedant arma togæ, concedat laurea linguæ.

Huc referr, cum hæc vox *nomen* ponitur pro re
ipsa: ita Livius lib. I. ad singula oppida circumfe-
rendo arma *nomen omne Latinum domuit.*

§. VI. De Synecdoche.

Quid est Synecdoche?

R. Synecdoche est tropus apud Oratores æque
ac Poetas valde usitatus & tritus. Fit autem modis
quatuor.

1. Cum pars ponitur pro toto. v. g. mucro pro
enese; tectum pro domo; puppis vel carina pro nave
integra: Ita Virgilius Æneid. 2.

Non anni domuere decem, non mille carinæ.

Est autem carina ima pars navis. Sic etiam ho-
minis anima saepè usurpatur pro homine ipso. Ita
Tullius: (a) *Vos meæ charissimæ animæ, sapissime ad
me scribite.* Eodem refer vulgares illas locutiones,
quibus *Unus accipitur pro Pluribus*, ut cum dicit
Virgilius: *Hætitis habet muros.*

2. Fit Synecdoche, cum totum usurpatur pro
parte: ut in hoc decantato Virgilii versu. (b)

Aut (c) Ararim Parthus bibet, aut Germania
(d) Tigrim.

Et rursum Æneid. 12.

-----Fontemque ignemque ferebant.

Ubi fons accipitur pro parte fontis. Huc perti-
nent etiam, cum *Plures* usurpantur pro *Uno*; ut, cum
ait Tullius: *Nos populo impossumus, & Oratores visi-
sumus;* licet de se tantum loquatur.

3. Synecdoche fit, cum materia, ex qua facta res
est, accipitur pro re ipsa, v. g. ferrum pro gladio,
pinus pro navi, argentum pro pecunia, quæ fit ex
argento.

4. Denique fit Synecdoche, cum vel species su-
mi-

(a) Epist. 14. Lib. 14. (b) Eclog. 1.

(c) Arar. Ital. Senna, fluvius est Gallia.

(d) Tigris Asia fluvius insignis, sic dictus a vele-
sitate.

mitur pro genere, vel genus pro specie, ut Eurus, vel Aquilo, pro quolibet vento, Sabellicus sus, pro quolibet sue, Myrtoum, vel Carpathium mare, pro Mari quocumque. Sic Maro:

Dentesque (a) Sabellicus exacuit sus.

Ita Juvenalis pro quolibet homine frugi, Curius appellat:

Qui (b) Curios simulant, & (c) Bacchanalia vivunt.

Contra vero genus usurpabitur pro specie, si dicitur cum Virgilio *Ales pro Aquila.*

—Prædamque ex unguibus ales
Projecit fluvio.

§. VII. De Ironia.

Quid est Ironia?

R. Ironia, quæ Socrati adeo fuit in deliciis, est figura, qua aliud plane dicimus, quam verba ipsa significare videntur. Quando v.g. quempiam simulata laudatione salse ac ingeniose perstringimus; nimirum aliud aperte dicendo, aliud vero innuendo: unde recte vocatur à Quintiliano, *Diversiloquium, dissimulatio, & illusio*, ut sonat Græca ipsa Ironiæ vox.

Intelligitur autem Ironia: vel ex ipsa re, quæ dicitur, vel ipsa pronunciatione facete quidem; ut si dicas: *O præclarum ovium custodem lupum!* Ita Juvenalis impiam æque ac stolidam Ægyptiorum superstitionem, qui non quadrupedes solum colebant, uri canem, simiam, fellem bovemque: sed plantas etiam ipsas, uti porrum & cepe, divinis prosequebantur honoribus, salse cavillatur hac faceta & eleganti Ironia Satyræ 14.

Oppida tota (d) canem venerantur; nemo Dianam, Porrum & cepe nefas violare, aut frangere morsu. O sanctas gentes, quibus hæc nascuntur in hortis Numina!

Exi- 1

(a) *Sabelli seu Sabini, populi Italiae.*

(b) *M. Curius vir frugalis & optimus civis.*

(c) *Bacchanalia Bacchi festa, in quibus Romani crapula & libidini indulgebant.* (d) *Latrator Anubis.*

Eximia est Ciceronis Ironia in Miloniana: Sed stulti sumus, inquit, qui Drusum, qui Africanum, Pompejum, nosmetipsos cum Publio Clodio conferre audemus. Tolerabilia fuerunt illa: Clodii mortem aque animo ferre nema potest; luget Senatus; mæret Equester Ordo; tota civitas confecta senio est; squallent municipia; afflignantur Coloniae; agri denique ipsi tam beneficium, tam salutarem, tam mansuetum civem desiderant.

Ironiae exemplum exquisitius apud veteres nullum habemus: quod sciam, quam lepidam illam Apocolocytosim, in qua Seneca Claudium Imperatorem, qui vulgo (a) bardus & imbellis habebatur, facetissime ludit. Est autem Apocolocytosis Satyra quædam (b) Menippæa, qua fatuum Claudii caput multo urbanitatis sale defricatur. i porio vocatur, quasi si dicas Metamorphosim in cucurbitam, ad significandum hominis insulsitatem; est enim 2 Græce cucurbita. In hac igitur eleganti Ironia Poetas in funere Claudii ita jocose cantantes inducit Seneca Philosophus.

Fundite fletus,	Venale genus,
Fingite luctus:	Lugete novi,
Clamore forum	Qui concusso
Cordatus homo,	Lucra (d) fritillo.
Fuit in toto	Edite planctus,
Quo non (c) alias	Resonet tristi
Dicere caussas,	Cecidit pulchre
Parte audita,	Quo non alias
Quis nunc judex	Fortior orbe...
Audiet anno?	Deflete virum,
Sed relicta,	Potuit citius
Jure silenti,	Una tantum
Oppida centum.	Sæpe & neutra.
Pectora palmis,	Toto lites

Tibi

(a) Baraus idem ferme ac stultus. (b) Menippus, Cynicus Philosophus, mordacibus Satyris notus, unde Satyra Menippæa. (c) Claudius erat homo insanissimus. (d) Fritillus, vulgo Bossolo, in cui si agitano, dadi nel giuoco dello Sbaraglino.

I Α ωκολοκύντοσις 2 ηολοκύντα.

Tibi jam cedet,
Qui (a) dat populo
Cretæa tenens,
Cædite mæsti

O Caussidici,
Vosque Poetæ
Vosque in primis
Magna parasitis.

De Regulis Ironiæ.

Qua sunt Ironiæ Regulae?

R. Duæ. 1. Enim, quæ ambigua voce continetur, Ironiæ, eæ præcipuum quendam leporem ac venustatem habent.) Acuta q[ui]ippe, jocosaque videri solent, quæ dicuntur ex ambiguo. Ita Neronem Matricidam, qui sese ab Ænea oriundum gloriarabatur, non infacete lusit Poeta Romanus, teste Suetonio,

Quis neget Æneæ magna de stirpe Neronem?

Sustulit hic matrem: (b) sustulit ille patrem.
Ita (c) Plagiarium ridet Martialis libro secundo:
Carmina Paullus emit, recitat sua carmina Paullus:

Nam quod emas, possis dicere jure tuum.

Sic etiam in virum & uxorem eidem patibulo suspensos eximie lusit (d) Poeta recens:

Ecce jugo nexi pendent vir & uxor eodem:
Hoc merito possis dicere conjugium.

2. Ironia fieri solet adhibendo voces illas, scilicet, nimirum, si Superis placet, nempe, illas, inquam, adhibendo cum amara quadam & falsa vocis inflexione. Ita Terentius: *Id populus scilicet*, & apud Virgilium Dido Æn. 4.

Scilicet is Superis labor est; ea cūra quietos Sollicitat.

§. VIII. De Sarcasmo.

Quid est Sarcasmus, seu Subsannatio?

R. Sarcasmus, qui ad Ironiam pertinet, est amarulenta quædam irrisio, & truculentum gentis Ironiæ, quæ fit cum magna quadam acerbitate & con-

(a) *Minos Rex olim Cretæ, magnus erat aleator, & de alea librum scripsit.* (b) *Matrem Agrippinam interfecit Nero.* (c) *Plagiarius* est qui aliena scripta pro suis venditat. (d) *Joannes Commirius & S. J.*

contumelia, quia quispiam hosti crudeliter insultat, ut apud Virgiliū, Trojano à se imperfecto per **Sarcasmum** insultat viator Turnus:

En, agros, & quam bello, Trojane, petisti
Hesperiam metire jacens. Hæc præmia, qui me
Ferro ausi tentare, fuerunt: sic mœnia condunt.

*Potestne Ironia inter Sententiarum figuras numerari,
et quibusdam placet?*

R. Nequaquam. Liquet enim perspicue Ironiam
semper esse Tropum, cum semper voces à propria
significatione traducat ad alienam.

Falsamne, & mendacem orationem efficit Ironia?

R. Nequaquam; quia neque fallendi est animus
Oratori, dum utitur Ironia; neque est justa caussa,
cur fallatur auditor, si paullum modo intelligat
quod dicitur, quemadmodum falli non solet, cum
homo callidus & versipellis per Metaphoram **Vulpes** appellatur.

Suntne alii Tropi præter istos, de quibus egimus?

R. Sunt aliqui alii, sed qui ad superiores hosce
quatuor omnino revocantur: ut Metalepsis ad Me-
taphysiam; Antonomasia, & Syllepsis ad Sync-
dochēn.

C A P U T V.

De Figuris verborum proprie dictis, seu quæ non sunt Tropi.

Quid sunt figuræ verborum proprie dictæ?

R. Eæ sunt, quæ sic in verbis continentur, ut,
mutatis illis, figura tollatur; v. g. hæc sententia.
Anantes sunt amentes, est figura verborum, quia
perierit figura, si pro *amente*, dicas *stulti*, aut aliud
simile. Sed est figura sententiæ, si quis patriam
inducat loquentem, aut si utaris similitudine, quia
quæcumque demum hic usurpes verba, aut quo-
cumque ea colloces ordine, manet Schema.

Quot modis fiunt figuræ verborum?

R. Fiunt tribus potissimum modis; 1. Per ad-
jectionem; 2. Per detractionem; 3. Per simili-
tudinem.

§. I. Figuræ per adjectiōnem.

Quenam verborum Figuræ fiunt per adjectiōnem?

R. Octo præcipuae; nimirum Repetitio, Conversio, Complexio, Conduplicatio, Gradatio, Synonymia, Traductio, Polysyntheton.

Quid est Repetitio?

R. Est figura, in qua ab eodem vocabulo saepius inchoatur oratio, ut i. Catilinaria: *Nihil ne te nocturnum præsidium palatii, nihil urbis vigilia, nihil timor populi, nihil consensus bonorum omnium, nihil hic munitissimus habendi Senatus locus, nihil horum ora vultusque moverunt?*

Quid in Repetitione cavendum est?

R. Valet mirum in modum in exaggerandis virtutibus ac vitiis, estque Schēma plane venustum. Sed quia statim incurrit in oculos, propterea non est diutius continuandum, sed satius est, ut aliorum Schematum admixtione temperetur.

Quid est Conversio?

R. Est figura Repetitioni prorsus contraria, in qua saepius eodem vocabulo clauditur oratio: ut in Antonium Cicero: *Doletis tres exercitus P. C. interfectos? interfecit Antonius. Desideratis clarissimo ciues? eos queque vobis eripuit Antonius. Auctoritas hujus ordinis afflcta est? afflixit Antonius.*

Quid est Complexio?

R. Est figura, quæ repetitionem simul & Conversionem complectitur, cum nimirum ab eodem verbo, vel ab iisdem verbis incipiat, atque claudatur. Ita (a) Tullius: *Quis legem tulit? Rullus. Quis maiorem partem populi suffragiis privavit? Rullus. Quis omittiis prefuit? Rullus.* Sic etiam Martialis dividum quedam per Complexionem insecatatur, lib. 9.

Rumpitur invidia quidam, charissime Juli,

Quod me Roma legit, rumpitur invidia.

Rumpitur invidia, quod turba semper in omni Monstramur digito; rumpitur invidia.

Rumpitur invidia, tribuit quod Cæsar uterque

Jus

(a) *Pro Lege Afraria.*

Jus (a) mibi natorum , rumpitur invidia.
 Rumpitur invidia, quod rus mihi dulce sub urbe est,
 Parvaque in urbe domus , rumpitur invidia.
 Rumpitur invidia, quod sum jucundus amicis,
 Quod conviva frequens , rumpitur invidia.
 Rumpitur invidia, quod amainur , quodque probamur.
 Rumpatur , quisquis rumpitur invidia.

Verum figura hæc , quia maxime ferit oculos, uti præcedentes, idcirco parce admodum & in loca est adhibenda.

Quid est Conduplicatio ?

R. Est ejusdem vocabuli , vel plurium iteratio , sive initio orationis , sive in fine , sive alibi. Usum ait Maro:

Nunc . nun : insurgite remis :
Hæc forei socii.

Et libro nono , cum ait Nisus:
 (b) Me me: adsum qui feci,in me convertite ferrum,
 O Rutuli. Mea fraus omnis.

Quid est Gradatio ?

R. Gradatio , sive (c) , est figura , qua per quosdam quasi gradus vel ascenditur ad summum , vel descenditur ad infimum. Quale est illud Ciceronis in Catilinam : *Nihil agis , nihil moliris , nihil cogitas , quod ego non modo non audiam , sed etiam non videam , planeque sentiam.* Magnum est enim , quidquid agat Catilina , scire Ciceronem : majus quidquid molietur: longe maximum , quidquid etiam cogitet. Lepidum est illud ejusdem Ciceronis ad Atticum : *Si dormi , expergiscere ; si stas , ingredere ; si ingredieris , carre ; si curris , advola.* Ejusmodi est etiam ille Virgilii locus in Eclogis:
 Torva leæna lùpum sequitur : lupus ipse capellam,

Flo-

(a) *Magna iltis præmia erant constituta , qui tres aut plures habebant liberos , v. gr. in spectaculis honoratior locus , &c. Hoc jus Martialis concessum fuit , tametsi nullos haberet liberos.*

(b) *Subaudi : Occidite.*

(c) *Knīmag.*

Florentem cithysum sequitur lasciva capella.

Quid est Synonymia?

R. Est verborum idem ferme significantium coactatio, ad rei magnitudinem demonstrandam, ut in Miloniana : *An vero vos soli ignoratis? vos hospites in hac urbe versamini? vestrae peregrinantur aures? neque in hoc per vagato civitatis sermone versantur?* Hoc Schema poetis est valde usitatum. Ita Plautus: *Quicumque ubique sunt, qui fuere, qui futuri sunt.*

Stulti, stolidi, (b) fatui, (a) fungi, blenni, (c) buccones.
Solus ego omnes longe ante eo stultitia & moribus indoctis.

Quid est Traductio?

R. Traductio, seu Polyptoton, ut ajunt Græci, est variata casibus, aut generibus, aut modis, aut temporibus, ejusdem vocabuli repetitio; ut cum ait Tullius pro Archia: *Pleni sunt omnes libri, plena sapientium voces, plena exemplorum vetustas:* vel cum ait Ovidius:

Spectatum ornatae veniunt, spectentur ut ipsæ.

Quid est Polysynthon?

R. Polysynthon; seu, ut alii malunt, Polysyndeton, est Schema conjunctionibus abundans, ut, & justitia, & liberalitate, & fortitudine certos omnes Imperatores superavit. Itemque apud Virgilium: (d)

*Ascaniumque, patremque meum; juxtaque Creusam,
Alterum in alterius maciatum sanguine cernam.*

§ II. De Figuris per Detractionem.

Quid sunt Figurae que sunt per Detractionem?

R. Tres: Reticentia, Adjunctio, & Disiectio.

Quid est Reticentia?

R. Est figura, quæ fit, quando verbum aliquod subauditur, ut cum ait Tullius in Verrinis: *Hancine hominem? hanccine impudentiam? hanccine audaciam?*

(a) *Fungus*, Sciocco. (b) *Blennus*, Pazzo.

(c) *Buccones*, Briggiani, quei che si lodano da se

(d) *Lib. 2.*

ciam? Supple feremus. Et apud Virgilium: (a)

At vero Rutulis impar ea pugna videri

Jamdudum, & varia misceri pectora motu.

Ubi profecto vides intelligi cœpit, & cœperunt.
Itemque libro I. Sed vos qui tandem? subauditur
estis. Eodem pertinet illud Maffei: Ex eo tempore
Tiro vanis agitari terroribus, dies noctesque fletibus
jungere, nullam capere partem quietis, supple cœpit.

Quomodo fit adjunctio?

R. Fit Adjunctio, quando uni verbo plurima no-
mina substantiva respondent. Ita Cic. Vicit pudorem
libido, timorem audacia, rationem amentia.

Sic etiam Virgilius Æneid. 3.

(b) Trojugena interpres Divum, qui numina Phœbi,
Qui tripodas (c) Clarii lauros, qui sidera sentis,
Et volocrum linguas, & præpetis omnia pennæ.

Quomodo fit Disjunctio?

R. Disjunctio, seu dissolutio fit, quando con-
junctiones, & particulæ tolluntur, ut incitator fe-
ratur oratio; ita Tullius: Hæc studia literarum ado-
lescentiam alunt, senectutem oblectant, secundas res
ornant, adversis perfugium ac solatium præbent, defec-
tant domi, non impediunt foris, pernoctant nobiscum,
peregrinantur, rusticantur.

§. III. De Figuris per similitudinem.

Q *Uot sunt figurae per similitudinem?*

Tres in primis numerantur, nempe parono-
masia, similiter cadens, & similiter desinens.

Quid est Paronomasia?

R. Paronomasia, seu annominatio, est Figura,
qua voces pæne similes (d) colludentes usurpantur
in sensu dissimili. Ut cum ait Tullius ad Atticum:
Consul ipse parvo animo & pravo; facie magis quam
facetiis ridiculus. Et alibi: *Exaratore factus orator.*
Ita Martialis, qui in hoc genere frequens est:
Litigat, & podagra Diodorus, Flacce, laborat.

Sed

(a) *Æneid.* 12. (b) *Helenus Priami filius, Rex idem, & Phœbi Sacerdos.* (c) *Apollo dictus clarus ab arce Claro Apollinis oraculo nobilis.*

(d) Ital. *Corrispondentisi.*

Sed nihil patrono porrigit: hæc (a) chiragra est
Sic etiam ludit Ausonius in illo celebri Epigram-
mate de Venere:

Orta (b) salo, suscepta solo, patre edita cœlo,

Æneadum genitrix hic solo habito alma Venus.

Græcis quoque admodum usitata est Paronomasia,
ut apud Herodotum Lib. I. (*). Qua nōcent, decent.
Eiusdemque generis erat illud, quod Apollodorus
pictor præclarus inscripserat operi suo.

Factius erit ridere, quam imitari.

Delectat in primis, &c ferit hoc Schema, si par-
ce ac in loco adhibeat, &c sententiarum gravitate
sustentetur. Si vero frigidas allusiones, ut non raro
fit, venetur orator, ineptus nimirūm erit & putidus.

Quid est Similiter cadens?

R. Est vocabulorum per eosdem casus, &c per
eadem tempora expressorum consensus quidam, &c
quasi concentus: ut cum ait Cicero: *Quid tam
commune, quam spiritus vivis, terra mortuis, mare
fluctuantibus, litus ejectis?* Ubi vides quatuor nomi-
na in dativo plurali posita. Eiusdem generis sunt
tri illi Imperatoris Hadriani versiculi, quos mon-
iens (c) fecit:

Animula vagula, blandula,

Hospes comesque corporis,

Quæ nunc abibis in loca

Ranidula, rigida, nudula;

Nec ut soles, dabis locos!

Quid est similiter desinens?

R. Fit, cum orationis vel membra, vel articula
eadem modo terminantur; ut apud Quintilianum:
Eiusdem non est & facere fortiter, & vivere turpiter.
Ita Cicero pompejum laudans: *Bellum extrema hye-*
me

(a) *Qua nimirūm manus ipsi constringit, me quid
patrono largiatur.*

(b) *Venerem è maris spuma natans fabulantur
Poeta.*

(c) *Apud Alium Spartianum in vita Hadriani.*

(*) *modifiquata, modifidata.*

me apparavit, ineunte vere suscepit, media estate con-
ficit. (a).

§. IV. Appendix de transitione.

Quid est Transition?

R. Transitio, quam alii Figuram esse volunt, alii cum Fabio negant, est orationis quidam nexus, quo sit ut apte copulata inter se illius membra concinne cohærent, & unum quasi corpus efficiant.

Quot sunt transitionis genera?

R. Duo. Transitio enim vel est perfecta, vel imperfecta. Transitio perfecta est, qua b̄geviter monemur quid dictum sit, & quid dicendum restet: cujusmodi est ista pro lege Manilia: *Quoniam de genere belti dixi, nunc de magnitudine pauca dicam.*

Transitio imperfecta ea est, qua alterum tantum eorum exprimitur; ut in hoc Ciceronis pro Roscio: *Age, nunc illa videamus, judices, quae consecuta sunt.*

Utriusque indiscriminatim generis selecta ex Tullio præsertim afferemus exempla: quoniam vides in inveniendis hujusmodi Transitionibus soletere Tirones non mediocritè laborare.

Transitionum Ciceronianarum exempla selecta.

1. Satis mihi multa verba fecisse videor, quare hoc bellum esset genere ipso necessarium, magnitudine periculosum. Restat, ut de Imperatore ad id bellum deligendo, ac tantis rebus præficiendo dicendum esse videatur. 2. Satis multa de turpitudine: dicam deinceps, quod proposui, de periculo. 3. Uni epistolæ respondi: venio ad alteram. . . . 4. Sed nimis multa de nugis: ad majora veniamus. . . . 5. Verum ubi rerum testimonia ad- sunt, nihil opus est verbis. 6. Sed hæc vetera: illud recens, Cæsarem meo consilio interfectum. 7. Sed ne forte ex multis rebus gestis M. Antonii, rem unam pulcherrimam transiliat oratio,

ad

(a) Pro lege Manilia.

ad (a) Lupercalia veniamus. Non dissimulat, Pa-
tres Conscripti, apparet esse commotum, sudat,
pallet. 8. Sed arrogantiam hominis, insolentiamque
cognoscite. 9. At eriam ausus es (Quid autem est,
quod tu non audeas ?) 10. Sed jam satis multa
de caussa extra caussam etiam nimis fortasse mul-
ta, quid restat, nisi ut orem obresterque vos Ju-
dices, ut misericordiam tribuatis fortissimo vi-
ro? 11. Quæstura illius demonstrata, reliqua at-
tendite. 12. Atque ut inde oratio mea profici-
catur, unde hæc omnis caussa dicitur. 13. Atque
ut facilius intelligere possitis Judices, quæ facta
sunt, indigniora esse quam hæc sunt, quæ dixi-
mus; ab initio res quemadmodum gesta sit, vo-
bis exponam. 14. Sed hæc robustioris improbita-
tis scelera omittamus, loquamur potius de inquisi-
simo genere levitatis. 15. Id quod facilius facere
possitis, dabo operam, ut à principio res quem-
admodum gesta sit, cognoscatis. 16. Sed finis
fit: neque enim præ lacrymis jam loqui possum;
& hic se lacrymis defendi negat. 17. Sed quo-
niam emersisse jam è vadis, & scopulos præter-
vecta videtur oratio mea, perfacilis mihi reliquis
cursus ostenditur. 18. Accipite nunc aliud ejus
facinus nobile, & multis locis sæpe commemora-
tum, & ejusmodi, ut in uno omnia maleficia ines-
se videantur. Invenietis id facinus natum à cupi-
ditate, auctum per stuprum, crudelitate perfectum
& conclusum. 19. Plura de illo Archipirata dixi
quam volui, & tamen ea, quæ certissima sunt, hu-
jus criminis argumenta prætermisi. 20. Age ve-
ro, ne semper forum, subsellia, rostra, curiam
que meditemur. 21. Ad ejus Tribunatum, qui ad
sese jamdudum vocat, & quodammodo abserbec
orationem meam, contento studio, cursuque ve-
niamus. 22. Atque hæc oblationis, illa necessi-

E 2

ta-

(a) *Lupercalia Festa solennia in Panos honorem mense Februarii celebrari solita a Lupercis illius Sacerdotibus, qui nudi per urbem curvabat. Luperci sic vocabantur, quod Pan lupos arceres ab ovibus.*

tatis. 23. Hæc mihi fere in mentem veniebant, quæ dicenda putarem de natura Deorum. 24. Qui-
bus rebus expositis, satis docuisse videor, homi-
nes natura quanto omnes anteirent animantes.
25. Longa est oatio, multæque rationes, quibus
doceri potest. 26. Sed quid ego longinqua com-
memoro? 27. Intelligo quam scopuloso, diffi-
cilius loco verser. 28. Sed quid ego his argumen-
tis utor, quasi res dubia, aut obscura sit? 29.
Magna sunt hæc, vel potius maxima. Jam vero
quanto majus videbitur? 30. Multa hujusmodi
proferre possem: sed genus ipsum videtis. 31.
Nolo in hac re multus videri. 32. Sed quid ego
hæc aut tam levia, aut tam minima recordor?
33. Itaque fateamur necesse est nihil difficilius esse.
34. Quid loquar, quanta ratio in bestiis appareat?
35. Jam vero ista etiam notoria, quanto se opere
custodiant bestiæ. 36. Multa prætereunda sunt, &
camen multa dicuntur. 37. Vereor ne hoc quod
dicam, perinde intelligi audiri possit, atque ego
ipse cogitans sentio. 38. Sinite me illa minora
ac quotidiana prætermitere. 39. Illud tamen,
quamquam ad exitum festinet oratio, prætermit-
tere nullo modo possum. 40. Verum hæc missa
facio; illud quæro. 41. (a) De exordio satis di-
ctum est, deinceps ad narrationem transeamus.
42. Quod ad definitiones hactenus; reliqua videa-
mus. 43. Nunc reliquorum Oratorum actates per-
sequamur. 44. Tempus est ad ceteras partes ora-
tionis proficiisci. Deinceps igitur de dispositione
dicemus. 45. De (b) statutis diebus dixi: nunc de
Annalibus dicam. 46. Hæc de hædo: quod sequitur
de pecore. 47. De multitidine quondam quod satis
est, admonui, de obscuritate pauca dicam. 48.
Sed (c) ut omissio principio, rem ipsam aggredia-
mur, 49. (d) Hactenus de principe: quod sequi-
gur demonstro. 50. (e) Jam quantum illud est,
quod

(a) Ex Cicerone ad Herenium, vel potius ex Cor-
sicio. (b) Ex Varrone. (c) Ex Seneca.

(d) Suetonius, & Caligula. (e) Ex aliis.

quod in occupationibus summis numquam intermit-
tis studia doctrinæ? 51. Utinam vero mihi satis es-
set ad dicendum vel facultatis, vel temporis. 52.
Hic hic, Auditores, animos ad insignis facti me-
moriām sempiternam erige. 53. Sed hæc utcum-
que ferenda: hoc vero quis ferat? 54. Audistis gra-
vissima: audite nunc graviora. 55. Sed hæc priva-
tim: nunc quæ publice gesta sunt videamus. 56.
Verum hæc missa facio: illud quam.... 57. Nihil
jam dico de isto scelere. 58. postularet hic locus
ut dicerem de....

Variis hisce, quas attuli, Transitionibus addito-
breviores hasce formulas, particulasque conne-
ctentes.

His adde; accedit his; huc accedit, quod: Huc
pertinet; Eodem pertinet; Jam vero quid dicam;
Age vero explicemus nunc; His simillimum est?
Postularet hic locus ut dicerem; Restat ut dicam;
Nunc vero superest; Ex quo debet intelligi; Quid
quod ausus est etiam? Omitto domesticas tuas sor-
des; Nam illad quid attinet commemorare? Ita
est quemadmodum dixi.

C A P U T V I .

De Periodo.

Quid est Periodus?

R. Periodus est sententia brevis & absoluta, quæ
certis partibus, sive membris à se invicem penden-
tibus, & quodam veluti vinculo connexis numero-
se comprehenditur. Nomen traxit à voce Græca,
(a) quæ significat ambitum, atque circuitum.

*Quid sibi vult celebris illa Aristotelis definitio lib. 3.
Rhetorica, ubi ait: Periodum esse orationem, quæ ha-
beat principium, & finem, & magnitudinem, quæ uno
quasi aspectu perlustrari facile possit?*

R. Hanc Definitionem in nostram perbelle qua-
drare. Principium enim illud, de quo loquitur Ari-

stoteles, nihil aliud est, nisi primum Periodi membrum, quod ita suspensum ferri debet, ut aliud quidpiam subsequi omnino debeat; unde etiam vocatur principium. Medium vero ac finis sunt reliqua periodi membra, quae brevi quodam contractoque verborum ambitu debent illa circumscribere. Unde verè dicitur, illam uno conspectu facile cerni debeat, unoque spiritu pronunciari.

§. I. De partibus Periodi.

Quoniam sunt Periodi Partes?

R. Periodus constat certis quibusdam partibus, quarum majores appellantur, *Membra Græcè Cola;* minores vero appellantur *Incisa, Græcè, Commata.*

Quid est membrum Periodi?

R. Membrum, sive Colon, est pars Periodi continens sensum aliquem, sed suspensum ac imperfectum; v. g. (a) *Autequam de republica, Patres Conscripti, dicamea, quæ dicenda hoc tempore arbitror: ecce tibi Periodi membrum: neque enim hic sensus orationis conquiescit: Habebis Periodum absolutam, si ad primum illud membrum accedat hoc alterum: Exponam vobis breviter consilium & profactionis & reversionis meæ.*

Quid est Incisum?

R. Incisum, sive Comma, est pars membris quemadmodum enim in Periodo membrum, sic in ~~membro~~ ^{inciso} continetur incisum; v. gr. (b) *Nihil est, mihi crede viri te formosius; nihil pulchrius; nihili amabilius: ex tribus hisce incisis membrum unum efficitur. Itaque dicere incisim est crebris id genus incisis, & articulis suam orationem distinguere.*

Quandonam potissimum usurpanda sunt crebra illa Incisa?

R. Incisa mirum in modum valere, cum adversario vehementius & acrius instat orator. Ita Cicero per incisa Pisonem increpat, illumque (c) cæsim, ac punctum, utita loquar, objurgat & ferit: *No enim*

(a) Philip. i. (b) Cicer.

(c) Ital. *Di punta*, è di taglio.

enim nos color iste servilis, non pilosa gena, non dentes putridi deceperunt: oculi, supercilia, frons, vultus denique totus, qui sermo quidam tacitus mentis est, hic in fraudem homines impulit: hic eos, quibus erat ignotus, decepit, fefellit, in fraudem induxit. Paucum tua ista lusulenta vita noveramus: pauci tarditatem ingenii, stuporem, debilitatemque linguae.

§. II. De variis Periodorum generibus.

QUOT sunt genera Periodorum?

R. Tria. Alia est Periodus bimembris, sive dicolos; alia trimembris, sive tricolos; alia quadrimembris, sive tetracolos. Plura enim, vel pauciora membra, aut vix, aut nullo modo paritur germana sinceraque Periodus. Singula perro haec membra si vel paria sint, vel non valde disparia, multo gratior & venustior erit oratio.

Periodus bimembris.

Ergo & mihi mea pristinae vitae consuetudinem, C. Cesar, interclusam aperiui (a), & his omnibus ad bene de republica sperandum, quasi signum aliquod sustulisti.

Trimembris exemplum eximium esse potest illa Ciceronis Periodus, numeris, ut mihi videtur, omnibus absoluta, in exordio Manilianæ.

Nam cum antea per etatem hujus auctoritatem loca contingere non auderem: statucremque nihil luc nisi perfectum ingenio, elaboratum industria, afferri oportere, omne meum tempus amicorum tempore itus transmittendum putavi.

Periodi quadrimembris, quæ & quadrata dici solet, absolutissimum exemplum habes in orat. pro A. Cæcinna: Si quantum in agro locisque desertis audacia potest; * tantum in foro atque iudicis impudentia valeret: * non minus in causa cederet A. Cæcinna Sex. Ebutii impudentia, quantum in vi facienda cessit audacia.

(a) Pro Marcello.

§. III. De legibus ac regulis Periodi.

Quānam sunt Periodi leges?

R. Tres præcipua. Prima est, ut illius membra
nexibus quibusdam inter se quam aptissime cohæ-
reant: alioqui enim jam non esset Periodus, sed
oratio dissipata dissolutaque, & ut ajunt, *Arena sine
calce.* 2. Regula hæc est, ut sensus non sit nisi in
omnium membrorum fine perfectus. 3. Ut pleniore
verborum ambitu & circulo Periodus concludatur.

*Possetne fieri Periodus, quæ contineret membra vel
minus quam duo, vel plura quam quatuor?*

R. Posse fieri Periodum unius membra: atque
hæc est illa, quæ vocatur ab Aristotele Periodus
simplex, sive *monocolos*: Posset etiam omnino
usque ad quinque, aut sex, vel plura etiam mem-
bra produci. Verum perfecta, de qua hic tantum
sermo est, Periodus nec ultra quatuor membra
procurrit, nec infra duo contrahitur. Atque hæc
est unanimis sententia Demetrii Phaleræi, (a) Her-
mogenis, ac Terentiani quoque Mauri, cum ait:
Quatuor membris plenum formare videbis
Rhetora circuitum, sive ambitus ille vocetur.

Atque in primis nobiscum ita senit ipse Tul-
lius, cum ait in Oratore: *Constat ille ambitus, &
plena comprehensio ē quatuor fere partibus, quæ mem-
bra dicuntur, ut & aures impletat, & ne brevior sit,
quam satis sit, nec longior.*

Quod si, ut aliquando contingit, ultra quatuor
procedatur; ac nihilo tamen minus orbe quodam,
circituque conclusa feratur oratio, vocabitur *Am-
bitus*, sive *Oratio periodica*. Ita Cicero pro (b) Ar-
chia Poeta:

87

(a) Hēamōgenes Tarsenēs anno eratis 15. Rhētor
nobilissimus, rerum omnium obliquitur ante an-
num 24. & in extrema inscitia consernescit.

(b) Arcia Poeta Antiochenus, Ciceronis olim pre-
ceptor, ob ingenium & eloquentiam civitate donatur &
Commissus.

Siquid est in me ingenii, judices, quod sentio quam sit exiguum: aut si qua exercitatio dicendi, in qua me non inferior mediocriter esse versatum, aut si hujus rei ratio aliqua ab optimarum artium studiis & disciplina profecta, a qua ego confiteor nullum etatis meae tempus abhoruisse: earum rerum omnium vel in primis hic (a) A. Licinius fructum a me repetere prope suo jure debet.

§. IV. De artificio Periodi amplificandæ.

Quenam est prima ratio amplificandæ Periodi?
R. Tirones nullo negotio Periodos fundent; si habeant ad manum, & in promptu particulæ vel locutiones quasdam conficiendiss Periodis mirum in modum idoneas: cujusmodi sunt voces illæ omnes; quæ necessariam quamdam habent cum aliis subsequentibus affinitatem, v. gr. *Etsi, quamvis, quamquam, quemadmodum, sicut, cum, quoties, quantum, qualis, quo, non, minus*: quibus respondent tamen, veruntamen, *nihilominus, ita tum, toties, tantum, talis, eo, quam*.

In quavis enim Periodo partes duæ sunt, Protasis nimirum & Apodosis. Est autem Protasis prima Periodi pars, ex qua secunda pendet, & in qua oratio crescit quodammodo & attollitur. Apodosis vero est altera periodi pars, in qua oratio perfecta conquiescit. Illæ porrò, de quibus loquimur particulæ, suspensæque locutiones mirum in modum idoneæ sunt ad Protasim cum Apodosi connectendam, ut videre est in allatis exemplis, illo præsertim pro Cæcina supra §. II.

Quenam est secunda & tertia ratio amplificandæ Periodi?

R. Periodus pulcherrimè dilatatur; cum brevis quædam sententia in suas quasi partes distribuitur. Ita Tullius paucula hæc verba (*omnes lugent Clodium*) amplificat per enumerationem partium, cum ait, ironice nimirum, *Clodium defferri à Senatu, ab Equestri ordine à (b) Municipiis,*

(a) *Aulus.* (b) *Municipia erant civitates, quæ muneribus & honoribus populi Romani fungebantur.*

a (a) Colonis, ab Agris denique ipsis.

3. Facile dilatatur Periodus per definitiones, quas vocant conglobatas, per circumlocutionem & per interpretationem, quae sit cum res eadem aliis atque aliis elegantioribus verbis exprimitur. Vide quæ supra in Elementis diximus de Amplificatione.

§. V. De numero & ceteris virtutibus Periodi.

Q id est numerus Periodicus?

R. Numerus Periodi, de quo hic agitur, non est numerus arithmeticus; sed est numerus ille in harmonia & concentu positus, de quo Virgilius in Ecloga 4.

— Numeros memini, si verba tenerem.

Ec rursum in Ecloga 6.

Tum vero in numerum Faunosque ferasque vides Ludere...

Numerus autem Oratorius est harmonia quædam non exquisita, neque canora; qualis est in poematis & canticis: sed ita dissimilata latensque, ut tamen sentiatur, & aures mirifica quadam voluptate permulceat.

Atque ut exemplo res illustretur, suavis admodum est auribusque pergratus verborum numerus in hac Tullii sententia pro Marcello: *Nulla est tanta vis, tanta que copia, que non ferro ac viribus debilitari frangique possit.* Peribit funditus omnis venustas, si inverso numero dicas: *Nulla est vis tanta, & copia tanta, que non possit debilitari frangique viribus ac ferro.* Quid item suavius hac altera Ciceronis sententia in Philippica 2. *Te miror, Antoni, quorum facta imitare, eorum exitus non perhorrescere?* Quæ quidem verba tam apte mihi videntur constata, ut præclari cujusdam numeri absolutissimum exemplar esse possint. Abibit vero decor omnis, si sublato tam eleganti numero, dixeris: *Te miror, Antoni, non perhorrescere exitus eorum, quorum imitare facta.* Tanti nimirum est certa qua-

(a) *Colonia oppida, quæ populus ex urbe Roma deducebatur ad incolendum. Colonia fiebant etiam privigio, sine soli mutatione.*

quadam moderatione numerorum explere sententias: ideoque, ut optimè notat Quintilianus, *Neque Demosthenes fulmina vibrasse diceretur, nisi numeris vibrata fuissent.*

§. VI. Regulæ sex, quibus reddi potest numerosa Periodus.

QUÆ de varia collatione pedum ac mensuræ, & de optima ratione miscendi inter se sunt Dactylos, Spondæos, Anapestos, Jambos, Creticos, Molossos, Choræos, & Dichoræos tradunt Aristoteles, Tullius, Quintillianus, ceterique artis magistri, sunt egregia illa quidem, & Oratori perfecto numquam satis commendanda. Veruntamen, ut aperte & ingenue loquar, animadverti jamdum difficilioribus hisce & salebrosis, ut ita dicam, præceptionibus valde defatigari Tironum animos & illorum industria retardari solere potius, quam adjuvari.

Quapropter, ut animorum saietati fastidioque occurratur, operæ pretium me facturum existimavi, si ex laboriosis illis præceptionibus quemdam quasi succum exprimerem, & faciliores aliquot, brevesque regulas ad omnium captum, & quotidianiū usum accommodatas hoc loco proponerem.

*O*uænam est prima regula Periodi numerosæ reddendæ?

R. Numerosa fiet Periodus, si syllabæ breves ac longæ sic temperentur alterneanturque quodammodo, ut neque copia brevium incitator ac celerior feratur oratio, neque longarum multitudine retardata languescat. Concinnam hanc brevium & longarum syllabarum temperationem vides in illis Tullii verbis ad Cæsarem: *Domuisti gentes immunitate barbaras, multitudine innumerabiles, locis infinitas, omni copiarum genere abundantes, &c.*

Aiquando tamen, ex arte & industria, syllabæ breves, vel longæ, sine illa, quam dixi, mixtura concervantur, ad rei, de qua agitur, vel celeritatem, vel tarditatem exprimendum, & oculis quodammodo subjiciendam. Ita Virgilius Æneid. 5. remigantium sautaram impetum, naviumque velocitatem, Dactylorum crebritate depingit.

Inde ubi clara dedit sonitum tuba , finibus omnes .
Haud mora prosiliuere suis : ferit æthera clamor
Nauticus.

Item celeritatem equorum in hoc versu etiam
pueris noto:

— It clamor , & agmine facto,
Quadrupedante putrem sonitu quatit ungula cam-
pum (a)

Tarditatem contra egregie imitatur hic versus
lib. i.

Luctantes ventos , tempestatesque sonoras.

*Quanam est secunda regula numerosam efficiendi pe-
riodum?*

R. Voces unius, duarum , aut plurium syllaba-
rum si commisceantur , nascetur inde oratio val-
de numerosa ; v. g. Vivis , & vivis , non ad depo-
nendam , sed ad confirmandam audaciam. Contra vero
crebriore monosyllabarum iteratione quasi exilit
atque subsaltat oratio, v. g. Hac in re nos hic non ferret.

Quanam est tertia regula?

R. Cadet numerose Periodus , si magnificis &
bene sonantibus verbis terminetur ; ut in hisce
exemplis ex Cicerone desumptis: Quot amissimus
cives , eos non Martis vis perculit , sed ira victoriae.
Nam qui locis quietis ac tranquilitatis plenissimus
foe videbatur , in eo maxima moles molestiarum , &
turbulentissimæ tempestates extiterunt.

Quanam est quarta regula?

R. Nulla res magis facit ad numerum orato-
rium , quam verborum splendor , non solum in pe-
riodi clausula , sed etiam in toto illius quasi con-
textu. Ita Tullius in Pisonem : Obrepisti ad he-
siores errore hominum , commendatione fumosarum
imaginum , quarum simile habes nihil prater colorem.
Et in eloquentissima illa peroratione pro Fontejo:
Nolite pati , judices , aras (b) Deorum immortalium ,
Vestaeque Matris , quotidianis Virginis lamentationi-
bus , de vestro judicio commoveri. Et in 4. Catil.

Id

(a) Æneid. 8. (b) Fonteji soror una ex Virginibus Ve-
stalibus , qua sempiternum Vesta ignem custodiebat.

*Id est initum consilium, ut imperfectis omnibus, nemo
ne ad deplorandum quidem populi R. nomen, & ad la-
mentandam tanti imperii calamitatem relinquatur.*

Cedo quintam regulam?

R. Ut leniter, & quilibetque fluat periodus, fu-
giendus est asperior litterarum & vocabulorum con-
cursus, quod est in oratione vitium vel maximum.
Incurritur autem in illud vitium multis modis.

1. Cum durius ac crebrius concurrunt inter se
consonantes, quæ stridorem efficiunt, ut *Arſ stu-
diorum. . . Rex Xerxes.*

2. Cum verbi prioris ultimæ syllabæ finnt pri-
mæ sequentis, ut vel ipsi Ciceroni aliquando exci-
dit, cum ait: *Res mihi invisa visa sunt.* Itemque
cum dixit in Carmine:

O fortunatam natam me Consule Romam!

3. Cum eadem littera, vel etiam, quod pejus
est, eadem syllaba crebrius iteratur; quale est illud
Ennii Poetæ.

Africa terribili tremit horrida terra tumultu.

Itemque illud adèo tritum.

4. Tite tute^(a) Tati tibi tantu tyranne tulisti?

4. Cum similiter eadentibus ac desinentibus fre-
quenter utimur, ut *amatrices, adjutrices, præsti-
giatrices fuerunt.*

Tria tamen sunt, quæ Tirones etiam atque etiam
cavere debent: Primum, ne, dum numerose loqui
volunt, infarciant, ut persæpe fit, inania quædam
complementa & (b) ramenta numerorum quasi si
rimas explere vellent. Alterum est, ne dum ora-
torium numerum querunt, incident in metricum,
& periodi finis sit finis alicujus versus, præsertim
Heroici, vel elegiaci: quod non semel Ciceroni
ipsi excidisse Hieronymus Lagomarsinus è Societ.
Iesu in opusculo, quod sic inscribitur: *Risposta di
Galgario Pepugios Marsigliano*; allatis locis ipsis præ-
clare docet n. 19. p. 45.

Ter-

(a) *Tati* est vocativus a *Tatios*, ii.

(b) Ital. *Riempiture, rasme, e simili.*

Tertium est, ne, dum numero serviunt diligenter, & aurum voluptati morigerantur, omnis interea retardetur impetus visque orationis, & animus ab iis, quæ potiora sunt, penitus avertatur. Quapropter hæc aliaque hujusmodi in numero virtutia, non ut ingens crimen expavescenda sunt; ac nescio hac in re negligentia ne, an nimia sollicitudo sit pejor.

Ouenam est ultima numerosæ Periodi Regula?

R. Caput illud est, non in periodo solum, sed etiam in omni oratione, ut Latina constructio quam maxime distet à vernacula; hoc est, ut verba per inversam, quam vocant, constructionem ita trahiantur: ut quod reipsa prius est, fiat artificiosa quadam verborum collocatione posterius.

Et quoniam trajecta illa constructio ita est propria Latinæ Linguæ, ut omnis illius vis atque elegantia, ac quasi natura & indoles in eo potissimum sita esse videatur; visum est aliquot illustria illius exempla hoc loco ad imitandum proponere.

Exempla selecta constructionis trajecta.

1. Quos amisimus cives, eos Martis vis perculit,
non ita victoriæ. *Cic.*

2. Habet magnum dolorem, unde cum honore
discesseris, eodem cum ignominia reverti. *Cic.*

3. Frater tuus quanti me faciat, semperque fecit,
esse hominem qui ignoret arbitror neminem. *Cic.*

4. Quod cuique temporis datum est ad vivendum;
eo bene utatur.

5. Mea lenitas si cui solutionis via est, hoc expe-
ctabat, ut id, quod latebat, erumperet. *Cic.*

6. Quam quisque novit artem, in hac se exerceat.

7. Fac quæso, qui ego sum, esse te.

8. Quæ res in civitate duæ plurimum possunt,
hæ contra nos ambæ faciunt in hoc tempore, sum-
ma gratia & eloquentia. *Cic.*

9. Fere quem quisque locum pugnando ceperat,
eum, amisa anima, corpore tegebat *Sullust.*

10. Id sibi negotii credit solum dari, populo ut
placerent quas fecisset fabulas. *Terent.*

II. Quas.

11. Quas credis esse has, non sunt veræ nuptiæ.
Terent.

12. Quam rem vitio dent, quæso, animum ad-
vertite.

S. VII. Quomodo parari possit facultas numerose
dicendi.

QUÆ de Periodis numerisque, post Aristotelem, Ciceronem & Fabium, accurate præcepimus hactenus, non eo diēta sunt à nobis, quo Tiro in dinumerandis pedibus syllabisque dimetiendois consenescat; quod sane nec magui, nec felicis foret ingenii. Verum hæc apte numeroseque dicendi facultas non est profecto tanti laboris, quanti prima fronte videtur esse. Nihil est enim tam flexibile, & quod tam facile sequatur quocumque ducas, quam oratio; atque ut mollissimam ceram ad nostrum arbitrium formamus ac fingimus, sic plane dicti oīis genus ad orationem rationem & ad aurium voluptatem motumque animorum facile mutatur ac vertitur.

*Qua ratione viaque numerose scribendi facultas pa-
garbitur?*

R. Duplici porissimum. 1. Si Tiro numerosas aliquot & volubiles Tullii sententias non legere modo, sed elata etiam voce pronunciare assuescat: cuiusmodi sunt illæ, quas supra attulimus, vel illæ, quas affert Quintilianus: *Omnes prope civitates vir-
tute, gloria, dignitate superabat. Itemque ista; Patris
dictum sapiens temeritas filii comprobavit: qui nume-
rus ita placuit populo, inquit idem Tullius, ut hac
audita periodi clausula, clamorem ingentem sus-
tulerit.*

2. Parabitur numerose dicendi facultas, si numero-
rum illum & quasi concentum imitatione ac stylo
conceris exprimere; quod quidem exercitatione at-
que usu, qui est optimus dicendi magister, non ita
difficulter consequeris. *Ut enim qui in solo ambulat,
sensim coloratur, inquit Tullius: ita cum istos libros
lego, sentio orationem meam illorum quasi cantu collo-
cari.* Sed de Periodo satis hactenus dictum. Nunc
ad majora veniamus.

CA-

C A P U T . VII.

D e Stilo Oratorio.

Omaem hanc de Stilo doctrinam hausimus in pri-
mis ex aureolo illo libello Demetrii (a), cui
vulgo Phalerci cognomen tribuitur, & ex egregia
Longini (b) commentatione de Stilo magnifico:
Quod utrumque opusculum Tirones, si me audiant,
nocturna, ut eum Horatio loquar, diurnaque manu
versabunt. Verum quae illi præcepta, quantumvis
egregia, confuse tamen ac permixte tradunt, nos
faciliori ac commodiori ordine digesta sic disposui-
mus, ut ad omnium captum & communem intel-
ligentiam sit accommodata...

Quid est Stilus?

R. Stilus, si primam vocis vim & originem spec-
tes, est acus, seu instrumentum quo in ceratis, ta-
bulis scribebatur antiquitus. Hinc factum est, ut
Stilus, pro ipsa scriptione, seu dictione, & sermo-
nis confirmatione usurparetur...

Quot sunt Stolorum genera?

R. Stilus, seu orationis character, triplex est.
1. Magnificus, sive sublimis. 2. Humilis, sive te-
nuis, qui etiam insimus dicitur. 3. Mediocris, sive
æquabilis.

S. I. De Stilo sublimi.

Quid est Stilus sublimis?

R. Stilus sublimis ille est, qui constat verbis
splendidis, magnificisque sententiis, quique sua no-
bilitate rapit quodammodo extra se audientium ani-
mos, & admirationem extorquet etiam ab invitatis:
quale est illud morientis Didonis. (c).

Exo-

(a) *Demetrius Phæraeus facundia nobilis, annos de-*
cem præfuit Athenis, & statuis 360. areis fuit hono-
ratus; postea vero ejctus, fugit in Ægyptum ad Pto-
lemeum Lagum. (b) *Longinus Zenobia Palmyrenorum*
Regina magister & consiliarius, ab Imperatore Au-
teliano necatus, quod audaces Zenobie ad ipsum Aut-
lianum litteras scripsisset. (c) *Lib. 4.*

Exoriare aliquis nostris ex ossibus ulti,
Qui face Dardanios, ferroque sequare colonos.
Id genus sunt etiam verba illa ejusdem Didonis
in Aeneam. (a)
Nec tibi Diva parens, generis nec Dardanus auctor,
Perfide: Sed duris genuit te cautibus horrens
Caucasus, Hyrcanæque admirunt ubera tigres.
Vel, ut ait Ovidius in eamdem sententiam:
Te lapis & montes, innataque rupibus altis
Robora; te sævæ progenuere feræ.
Laudatur plurimum in hoc genere celebris illa
Alexandri Magni responsio, cum suam illi filiam,
cum decem talentorum millibus, & Asiæ media
parte, Persarum Rex Darius obtulisset. Ego vero,
inquit (b) Parmenio, acciperem, si Alexander essem:
Et ego, inquit Alexander, si Parmenio essem.

Tale illud ejusdem Alexandri ad Datii legatos:
Nunciate Dario gratiarum actionem apud hostem super-
vacaneum esse: me, quæ fecerim clementer & liberali-
ter, non amicitiae ejus tribuisse, sed natura meæ. Bellum
cum captivis & feminis gerere non soleo. Armatus si
oportet quem oderim.

Eodem pertinent egregia illa ejusdem Alexandri
verba ad suos milites: Non dum (c) Feminam aqua-
vimus gloria: & jam nos laudis societas tenet.

Magnificæ locutionis exempla passim apud Tullium
reperies; ut cum ait: Fasces lictorios januæ
Possidonii submisit Pompejus, cui se Oriens, Occidens-
que submiserat: Habes etiam in paucis hisce Ovidii
verbis, aliisque similibus non paucis:

Jam seges est, ubi Troja fuit.

§. II. De Arte comparandi Stili sublimis.

Quonam patto conciliari poterit?
R. Duobus potissimum modis. 1. Si nobilissima quæque rei, de qua loqueris, adjuncta
seu circumstantias consideres, illamque inspicias,
qua

(a) Dido Aenea. (b) Parmenio unus e fortissimis
alexandri Ducibus & amicis, postea ab illo occisus.

(c) Semiramis Nini Assyriorum Regis uxor Egy-
ptum, Ethiopiam, Indiam, &c. subegit.

qua parte illustrior est atque speciosior, cetera vero sileas atque dissimules: ut olim Apelles, teste Plinio, imaginem amici sui Antigoni laterere tantum altero (a) ostendit, ut amissi oculi deformitas lateret. Sic etiam Homerus tempestatem admodum magnifice pingit, illustrissima illius adjuncta mira quadam arte seligendo. Eadem arte Neptunum curru inventum, perambulantem maria, soloque nutu fluctus iratos pacantem, describit Virgilus *Aeneid.* 1.
Sic ait, & dicto citius tumida æquora placat,
Collectasque fugat nubes, soleaque reducit:

* * * * *

Atque rotis summas levibus perlabitur undas.

2. Metaphoræ, præsertim ex rebus illustribus desumptæ, mirum in modum faciunt ad Stili granditatem atque magnificentiam; ut cum Virgilius (b) ait de Augusto Cæsare:

. . . Cæsar dum magnus ad altum
Fulminat Euphratem bello.

Et cum ait Cicero pro Marcello: Nullius est tantum flumen ingenii, nulla dicendi, aut scribendi tanta vis, tantaque copia, quæ, non dicam exornare, sed enarrare, Cæsar, res tuas gestas possit. Aut cum ait Horatius: Curas laqueata circum tella volantes.

3. Stili magnificentiam facile consequeris, si legas assidue auctores eos, qui grandiloqui, ut ita dicam, fuere, cum ampla sententiarum gravitate, & majestate verborum, cuiusmodi sunt Cicero Catilinaria secunda, secunda Philippica, in Verrem, in Pisонem, pro Milone, præcipue sub finem: Virgilius, præsertim *Aeneid.* lib. 1. 4. & 6. Lucanus, Cornelius in Gallicis Tragœdiis, &c.

§. III. De Stilo simplici.

Quid est Stilus simplex?

R. Stilus simplex, qui etiam nuncupatur tenuis, & infimus, ille est, qui in rebus tenuioribus, & exilibus, cuiusmodi sunt epistolæ, dialogi, præceptiones, & sermo familiaris, solet usurpari.

Quanam sunt dotes Stili simplicis?

R. Piz.

(a) Ital. *In profilo* (b) *Georg. 4.*

R. Præcipuae illius dotes sunt perspicuitas, nitor atque munditia. Verecundus ac parcus in illo deber esse troporum ac Schematum usus; vehementiores vero figuræ, cuiusmodi sunt Apostrophe, Proso-popœja, aliæque id genus, omnino repudiat. Selectissima Stili simplicis exempla passim invenies in Phædri fabulis, &c in Virgilii Bucolicis, ut cum ait Ecloga I.

Urbem, quam dicunt Romam, Melibœe, putavi.
Stultus ego huic nostræ similem, quo sæpe solemus
Pastores ovium teneros depellere fœtus.
Sic canibus catulos similes, sic matribus hædos
Noram; sic parvis componere magna solebam.

§. IV. De Stilo mediocri.

Quid est Stilus mediocris?

R. Hic est, qui medium quemdam locum obtinet sublimem inter & infimam. Hoc dicendi genus neque majestatem verborum habet, aut gravitatem illam sententiarum, quæ in sublimi est, neque est subtili ac pressa oratione limatum, quemadmodum genus infirmum ac simplex: sed, ut ait Tullius; *Est Stilus quidam interjectus, intermedius, & quasi temperatus, nec acumine inferioris, nec fulmine utens superioris, vicinus amborum; in neutro excellens, utriusque particeps.*

Vocatur autem ab eodem Tullio, *Stilus floridus atque politus*, quod nimirum in hunc præcipue mediocrem Stilum omnes verborum veneres ac venustrates, omnes sermonis delitiæ soleant illigari. Absolutum hujusce Stili mediocris exemplum habes in Virgilii Georgicis: v. g. cum ait Lib. I.

Sæpe etiam steriles ascendere profuit agros,

Atque levem stipulam crepitantibus urere flammis;
Sive inde occultas vires & pabula terræ

Pinguia concipiunt, sive illis omne per ignem
Excoquitur vitium, atque exudat inutilis humor,
Seu plores calor ille vias, & cæca relaxat

Spiramenta, novas veniat qua succus in herbas,
Seu durat magis, & venas adstringit hiantes,
Ne tenues pluviae, rapidive potentia solis
Acrior, aut Boreæ penetrabile frigus adurat.

§. V.

§. V. De usu triplicis Stili, seu Characteris.

Quandonam utendum Stilo simplici, aut mediocri, aut sublimi?

R. Cum tria sint Oratoris Officia, docere, delcetare & movere; Stilo simplici uertetur ad docendum, mediocri ad delectandum, magnifico vero ad movendum, & ad affectus concitandos.

Præterea Stilus simplex, seu infimus convenit comœdiis; magnificus aptus est tragœdiis; mediocris vero in historia est adhivendus: quamquam Cæsar simplicem potius quam mediocrem Stilum usurpayit; quod nempe Commentarios potius scripsit quam Historiam, ut notat Tullius in libro de Claris Oratoribus.

Item Bucolicis, & Eclogis accommodatus est Stilus simplex; Georgicis convenit Stilus mediocris; Epico vero poemati, cuiusmodi est Maronis Aeneis, aptus est Stilus magnificus: quod triplex discrimen in Virgilio licet animadvertere. Quamquam hæc omnia genera non raro miscer in ipsa Aeneide, & simplicem Stilum adhibet in libro quinto, ubi de ludis agit, & mediocrem in libro primo. Idem plane dicit de Comœdiis, quæ altius assurgunt aliquando, ut monet Horatius in Arte Poetica: interdum tamen & vocem Comœdia tollit, Iratusque Chremes tumido delitigat ore.

Quinam Stilus ceteris duobus est anteponendus?

R. Stilum illum esse ceteris anteponendum, non qui sublimis sit, aut cuiuslibet alterius generis; sed qui ad rem, de qua agitur, maxime sit aptus: ita ut, quemadmodum loquitur Tullius, Magna graviter, medieca temperate, humiliu*m* subtiliter efferat.

§. VI. De Stilo vitioso.

Quanam sunt præcipua vitia in Stilo vitanda?

R. Vitiosum esse Stilum: 1. Tumidum, & inflatum: 2. Puerilem ac frigidum: 3. Fluctuantem, & dissolutum: 4. Denique succum & exsanguem.

Quid est Stilus tumidus & inflatus?

R. Ille est, qui verbis ac sententiis supra modum In-

Intumescit. Id genus sunt illi Imperatoris (a) Neronis inepti versiculi, quorum tumorem jure ridet
(b) Persius Satyra 1.

Torva (c) Mimalloneis implerunt cornua bombis,
Et raptum vitulo caput oblatura superbo
Bassaris, & lyncem Mænas flexura corymbis
(d) Evion ingeminat : reparabilis advocat echo.

Quid est Stilus frigidus?

R. Stilus frigidus, ac puerilis (sunt enim valde affinia hæc duo vitia) ille est, qui puerilia quædam ornamenta, frigidos lepores, ineptas allusiones, affectatas ac luxuriantes descriptiones, frivolaque hujusmodi crepundia putidius aucupatur, cujusmodi sunt istæ sententiæ, quæ merito repudiantur à Magistris artis: *Centaurus seipsum equitans...* *Auro enagis aurea, &c.*

Potest autem vitium illud esse vel in verbis, vel in sententiis. Erit in verbis, si sint vel molliora: quale est illud Mœcenatis: (e) *Femina cirro crispata, & labris columbatur, incipitque stspirans, ut cervice laxa feratur*: vel si sint indecora translata, qualia sunt ista, quæ damnat (f) *Cornificius; Montes belli fabricatus est, Campos sustulit pacis*: vel si juncta fuerint more dithyramborum, ut in illo Publili (g). *Syri de ciconia*:

Pietatis cultrix, gracilipes, (h) crotalistria,
Avis extul hiemis.

Erit vitium in sententiis, si nimis tumidæ sine & hyperbolicæ, qualis est ista lippis ac tonsoribus nota, quam referunt Plutarchus, & Cassius: „Mi-„nime mirandum est si Dianæ Ephesiæ templum „con-

(a) *Nero malus poeta, Bacchus seropsit & saltavit.*

(b) *Consule ipsum Persum.* (c) *Baccha mulieres dicebantur Mimallonea, vel Bassarides, vel Menades, hoc est, insanæ.* (d) *Evoe, evion, Bacchantium furentium voces.* (e) *Femen, inis, coscia.* (f) *Auctor libri ad Herennium.* (g) *Publius Syrus mimorum scriptor elegantissimus, vixii ante Virgilium tempore J. Cæsaris.*

(h) *Quasi Crotalum voce imitant. Crotalus autem est Italis Naccara.*



„ conflagraverit, qua nocte natus est Alexander.
 „ Quippe Dea in ipso Olympiae matris Alexandri
 „ partu, obstetricandi laboribus & curis distracta,
 „ ignem non valuit restinguere.“

Sic etiam nimis frigide ac pueriliter dictum fuit.
 à Plauto de Sene avaro, in Aulularia :
 Suam rem perdiisse, seque eradicarier :
 Quin Divum atque hominum clamat continuo fidem,
 De suo tigillo fumus si qua exit foras.

Quid est Stilus fluctuans ac dissolutus?

R. Ille est qui sine articulis, sine numero, sine arte fluctuat huc illuc neque sibi ullo pacto cohæret; quod sane virium Tironibus est valde familia-
 te. Hujusmodi autem afferit Cornificius : „ Socii
 „ nostri cum belligerare vellent, profecto ratioci-
 „ nati essent etiam atque etiam quod possent facere,
 „ siquidem sua sponte facerent, & non haberent
 „ hinc adjutores multos & malos, & audaces. So-
 „ lent enim diu cogitare omnes, qui magna negotia
 „ volunt gerere.

Quid est Stilus siccus, & exsanguis sive aridus?

R. Ille est, qui nihil ferme habet neque orna-
 menti, neque succi. Hoc Stili genus vulgo (a).
 Frontoni tribuitur.

§. VII. De Stilo Laconico & Asiatico.

Quid est Stilus Laconicus?

R. Est Stilus argutus, perbrevis, & acutus, quo multa paucis dicuntur. Nomen porro traxit à Laconibus, qui etiam Spartani dicebantur, ac Lácedæmoni, quibus Stilus ille erat in deliciis, & quibus prolixa loquacitate nihil erat odiosius.

Profer selecta aliquot exempla Stili Laconici?

R. 1. Hosti aliquando per atroces ac longiores litteras ferrum flammamque minitanti, hac una syllaba responderunt Spartani, si, hoc est, si potes, si per nos tibi licet.

2. Philippo Regi Macedonum injustum nescio quid fligitanti responderunt hac unica voce, non.

3. Ejus-

(a) Fronto Marci Aurelii magister, qui illi stan-
 tuam a Senatu, decerui curavit.

3. Ejusdem generis est responsum Cleomenis Spartanorum Ducis ad Samios: *Eorum qua dixistis, prima non memini, media non intelligo, ultima non probbo.*

His adde Laconicam illam epistolam Archidami ad Eleos bellum parantes: *Archidamus Eleis: Bonum est quiescere.*

Itemque illam (a) Philostrati litteram ad amicum: *Mitto ad te ficas hibernas. Mirare in illis vel quod jam sunt, vel quod adhuc sunt.*

Laconinam illam breviloquentiam mirifice expressit Cæsar in laureatis suis ad Senatum litteris, vieto Pharnace Ponti Rege, Mitridatis filio: **VENI, VIDI, VICI.**

Porro brevitas illa loquendi imperiosum quidam habet, ideoque aptissima est minantibus, mirificeque prodest ad animos perterrefaciendos. Nam ut in tenebris magis timentur omnia, quam in luce; sic illæ orationis quasi tenebræ terribilia reddunt ea, quæ proponuntur, inquit Muretus in variis lectionibus. Idque, ut opinor, secuti Lacedæmonii, cum ad Philippum, interposita nescio qua offensione, bellum minaciter intentantem ita scripserunt: *Lacedæmonii Philippo: Dionysius Corinthi.* Multo enim fortior, &c, ut Lucretii verbo utar, penetrabilior illa brevitas fuit, quam si ita dixissent: *Memento Dionysium Tyrannum tui prorsus similem, regno fuisse pulsum ob ambitionem ac turbulentum ingenium, & nunc privatam vitam agere Corinthi.* Videto ne tibi quoque contingat idem, dum aliorum libertatem studies opprimere.

Neque dissimile illud Demetrii ad Locrenses: *Faxo, cicada apud vos humicantan, cum significare vellet totam illorum regionem à se devastatumiri.*

Quid est Stilus Asiaticus?

R. Ille est, qui furiosi quadam orationis ambitu circumscribitur, multisque verbis pauca dicit. Asiatici nomen traxit ab Asia populis, qui diffusi-

(a) *Philostratus Philosophus, qui Apolinii Thyranae vitam Graece scripsit, sed elegantius quam verius.*

siorem illum Stilum habebant in deliciis. Illius exemplum quotidie vides in verbosis illis hominibus, qui tam multis tam pauca dicunt. Hunc porro stylum Asiaticum tu fugies, si sapis. Quid enim tam insulsum est, quam verborum vel optimorum sonitus inanis, nulla subiecta sententia.

De ratione Stili comparandi.

Stilus, qui aliud nibil est, quam certa quædam scribendi ratio cujusque propria, ex duabus maxime rebus coalescit: 1. Ex sententia: 2. Ex sententiæ conformatione, seu quod idem est, ex verbis, quibus ornatur & quodammodo versutior sententia.

De sententia id generatim & universe dici potest: in ea spectandum esse primum, ut sit vera; deinde ut sit perspicua; postremo ut sit argumento idonea, & ad rem de qua agitur accommodata. In conformatione vero sententiæ, qua una maxime Stilus continetur, quatuor sunt observanda: 1. Verborum proprietas: 2. Eorumdem elegantia: 3. Nexus: 4. Collocatio.

Quomodo cognosci & comparari poterit verborum proprietas, & elegantia?

Ad verborum proprietatem & elegantiam penitus cognoscendam, adjumenti multum afferent, 1. Aureus (a) Hadriani Cardinalis Liber *De sermoni Latino, & modis latine loquendi.* 2. Libellus à Scoto editus de verbis Ciceronianis. 3. Alius à Manutio scriptus, quem *Elegantias latinae locutionis* appellat. 4. Liber à Laurentio Valla elaboratus, *De latini sermonis elegantia.* 5. *Delectus Latinitatis Mureti.* & *Flos Latinitatis Pompey.* 6. Non omittendus Liber ab Henrico Stephano editus, *De latinitate falso suspecta:* nec opus posthumum Vayassoris: *De ori & usu quorundam verborum.*

Præcipue vero & supra cetera omnia adhibendus erit laudatissimus Nizolii Apparatus in Ciceronem, cum Francisci Silvii Progymnasmatis ad illius calcem editis.

sunt

(a) Hadrianus Cardinalis florebat in inicio saeculi 16.

Sunt autem Silvii Progymnasmata trecentæ observationes eximlæ, de incorrupta Latini sermoni integritate, quas ego Tironibus per necessarias semper existimavi.

Quo pacto intelligi poterit, & edisci verborum nexus & apta eorumdem collocatio.

R. Verborum nexus, & Ciceroniana collocatio continetur particulis quibusdam, seu commissuris, quæ vim habent hujusmodi, ut nihil sit abruptum in Stilo, nihil hians & absolum, nihil dissolutum & fluctuans, hoc est, quod sine nervis, articulisque fluentibus hoc illuc: sed ut omnes sententiae singulæque earum partes certo inter se nodo numeroque cohæreant.

Valde profuerit in eam rem legere auream Horatii Tursellini libellum: *De Particulis latine locutionis.* Habebis etiam utilitatem aliquam *Flos Latinitatis* in tertia parte, quæ est *de Particulis*; sed Tursellino longe multumque inferior.

Denique ad verborum collocationem Ciceronianam facilius noscendam, consulenda sunt Silvii Progymnasmata, de quibus supra dictum. Vide etiam quæ paullo ante diximus de regulis, quibus reddi poterit numerosa periodus.

Quibus rebus comparari facile poterit Stilus optimus.

R. Duabus maxime rebus: primo, diligentib[us] bonorum librorum lectione: 2. assidua eorumdem imitatione. Diximus in Elementis de Imitatione: nunc vero superest, ut de Lectione & de Librorum delectu videamus.

De Scriptorum Latinorum delectu.

Quæcumque diximus haec tenus, & posthac dictu[m] sumus, vel nullam, vel peregrinam habebimus utilitatem, nisi exquisitissimum quemdam delectu[m] in Latinis auctoribus legendis & imitandis adhibeamus.

Sunt autem Scriptorum Latinorum ætates quatuor nempe uti hominum apud Poetas. Sed Poetis, ut verbis ipsorum utar,

Aurea prima sata est ætas.

. Subiitque argentea proles,

Auro deterior, fulvo pretiosior æte.

Tertia post illam successit abenea proles.

. . . De duro est ultima ferro.

Latinæ vel linguæ ætates ordine contrario procedunt. Nam ferrea ad æneam, deinde ab ænea ad argenteam, & mox ad auream ventum est.

Quænam nuncupanda est ferrea Linguae Latinæ ætas?

R. Ad ferream ætatem refert Leges duodecim tabularum, & Columnam rostratam C. Duillii, quæ hodieque visitur Romæ; itemque Saliares hymnos Numæ Pompilii, vix tandem à sacerdotibus suis intellectos, cujusmodi est v. g. randiculum illud fragmentum, quod à Varrone citatur: *Omnia dapatilia comisse Jani Cusiones. . . . Dounus Ceruses Deivos Janos venet.* (a) Porro *dapatilia comisse* significat, si quæris, opipara comedisse; *Jani vero Cusiones* sunt curiones seu sacerdotes Jani: *Dounus Ceruses* est bonus creator: *Deivos* adhibetur pro *Divos*, ut nemo non videt, & *venet* pro *venit*.

Eodem refer vetustissimum illum versum de Saliarum exsalutationibus.

præsul ut amptruat, & volgu redamptruat olli.

Hoc est, cum Saliorum antistes & magister saltans, atque tripudians motum aliquem edidit, eundem omnino motum de compacto referat Saliorum chorus omnis:

Et volgu redamptruat olli.

Amptruare enim erat olim motum aliquem saltando edere. Porro ferream illam Latinæ Lingue ætatem jure poteris illius quasi pueritiam appellare.

Quænam est ænea Linguae Latinæ ætas?

R. Ænea ætas incipit à Livio Andronico, qui omnium primus Latinos versus scripsit. Ad eamdem ætatum pertinet.

Ennius ingenio Maximus, arte rudis.

Ut de illo scribit Naso; itemque Cæcilius, *Marius Latinitatis auctor*, inquit Tuilius. Totum porro tempus illud, quo floruere Andronicus, Ennius,

(a) *Lautissima erat Saliorum cœna, unde Hertius: Nunc salariibus ornare pulvinar Deorum Tempus erat dapibus, sudales.*

nius, Nævius, Cæcilius, Pacuvius, &c. quasi crescentem Latinæ Linguae ætatem poteris nuncupare.

Quænam est ætas argentea?

R. Ad ætatem argenteam pertinent Playtus in suis Comœdiis: & Cato de re rustica. Terentium vero ad auream ætatem omnino referendum esse judicamus; quamquam nonnullis, ob illius *Archaismos*, secus visum fuerit, sed immerito. Hanc vero argenteam ætatem quasi adolescentiam Latinæ Linguae possumus appellare.

Quænam demum est aurea Latinae Linguae ætas?

R. Auream ætatem appello tempus illud annorum ferme centum, quod vulgo Augusti ætas dicitur, estque magni Ciceronis ortum inter & ejusdem Imperatoris Augusti mortem interjectum. Hac aurea ætate floruerunt inter Oratores ac Rhetores, Cicero & Cörnificius, auctor, ut verissimilimum est: quatuor librorum ad Herentium, qui vulgo adscribuntur Ciceroni; inter Historicos Julius Cæsar, A. Hirius, qui scripsit commentarios de bello Alexandrino, de bello Africano, & de bello Hispanensi; Sallustius, (a) Vellejus, vulgo dictus Paterculus, Cornelius Nepos, & Quintus Curtius. Inter Poetas Virgilius, Horatius, Catullus, Tibullus, Propertius, Phædrus, Ovidius, Lucretius & Publius Syrus, quorum postremi duo ceteros ætatis aureæ Poetas aliquantum ætate antecessere. Inter Medicos, Philosophos, reique rusticæ, aut Architectonicæ Scriptores, Varro, Columella, Cornelius Celsus, & Vitruvius. Aureum vero illud tempus quasi virilem Latinæ Linguae ætatem vocare jure poterimus.

Eos igitur maxime legere & imitari oportet, qui hac aurea ætate vixerunt; ac ante omnes Tullium, calestem in dicendo virum, ut eum Fabius appellat, qui que, ut ait idem Fabius, apud posteros id consecutus est, ut Cicero jam non hominis nomen, sed eloquentia habeatur. Hunc igitur spectemus; hoc propositum sit exemplum. Ille se profectisse sciat, cui Cicero valde placuerit.

(a) Vellejus Paterculus fuit Prætor in Africa. Hinc errore Librariorum dictus Paterculus pro pater cuius.

Quanta vero cura ac religione sermonis proprietatem observaverit Cicero, satis magno argumento erit quod dicam. Fuit cum existimaret *inhibere remos*, idem esse ac retinere; & auriga equos inhibet, ut cursum sistat, sic etiam remos inhiberi, dum sustinentur. Postea vero ex nautis didicit inhiberi remos, cum remiges alio navigantes modo, navim ad puppim convertunt. Quod edocet, minime cessandum putavit, donec Atticus & Varro monerentur, ut in primo de Oratore libro, quem jam transmiserat, locus ille emendaretur. Quod ita esse indicant hæc Tullii verba ad Atticum (a): „Inhibere illud tuum, quod mihi arriserat, vehe- „, menter displicet: est enim verbum totum nauti- „, cum: quamquam id quidem sciebam: sed arbi- „, trabar sustineri remos, cum inhibere essent remi- „, ges jussi. Id non esse ejusmodi didici heri; cum „, ad villam nostram navis appellaretur; non enim „, sustinent, sed alio modo remigant. Id à (b) reten- „, tione remotissimum est. Quare facies, ut ita sit „, in libro, quemadmodum fuit. Dices idem Varro- „, ni, nisi forte mutavit.

Quod si de vocula una ita laborabit Tullius, nihil mirum si viro, ut omnium eloquentissimo, ita etiam proprietatis adeo amanti, omnium doctissimus Varro mitteret libros suos de Lingua Latina si item omnium fortissimus Julius Cæsar, nec vel eloquentia, vel doctrina illi minor futurus, si totum his se studiis tradidisset, eidem dicaret libros suos de Analogia. Qua de re sic Tullius in Bruto: *In maximis occupationibus ad me ipsum de ratione latine loquendi accuratissime scripsit Cæsar.*

Quisnam Ciceroni proximus est incorrupta Latini sermonis integritate & elegantia?

R. Primum post Ciceronem damus locum Cæsari, atque Terentio. Sane quam præclare de utroque senserit Tullius, liquet ex his quæ de utroque scripsit, ac de Terentio quidem sic loquitur ad Atti-

(a) *Epist. 21. lib. 13.*

(b) *Ιποχώρη.*

ticum : *Secentus sum, non dico Cacilium (malus enim auctor Latinitatis est)*: Sed Terentium, cuius fabella propter elegantiam putabantur a C. Lelio scribi.

De Cæsare vero sic idem in Bruto : „Etiam „Commentarios quosdam scripsit rerum suarum „valde quidem probandos: nudi enim sunt, recti „& venusti, omni ornatu orationis, tamquam ves- „te detracta : sed dum voluit alios habere parata „unde sumerent, qui vellent scribere historiam ; „ineptis gratum fortasse fecit, qui volunt illa (a) „calamistris inurere, sanos quidem homines à scri- „bendo deterruit.“

Quinam Latinitatis auctores, post tres hos, legendi sunt ?

R. Cum Fabio, *Ut quisque erit Ciceronis simili- mus*; Quales sunt Phædrus, Cornelius Népos, Li- vius, Curtius, & alii quos recensuimus, qui vel Ciceronis ævo vixere, vel non ita magno distant intervallo..

Degustari etiam poterunt, sed parce & sero, recentiores nonnulli, qui Ciceronem diligenter sunt imitati, & quomodo sit imitandus, ipsi exemplo esse poterunt. Quales sunt Muretus, Manutius in epistolis illis, quas ante senium scripsit, nam ceteræ frigidam sapiunt ætatem, Sadoletus, Bembus, Ma- feus piëtus atque politus, Bunellus, Turselinus, Longolius, Perpinianus, Vavassor, Petavius.

Post obitum Augusti, incorrupta illa, quam dixi, latini sermonis integritas sensim adulterari cœpta est, & quasi ex auro in argentum iterum commu- tari, ut ex Senecæ, Fabiique & aliorum querimo- niis liquet. In decrescente illa ætate sunt inter Oratores ac Rhetores, Fabius Quintillianus, Plinius Junior, &c. Inter Historicos Suetonius, Jus- tinus, &c. Inter Poetas Lucanus, Persius, Silius,

Ju-

(a) *Calamistrum* est ferrum illud teres, quo can- dente capilli intorquentur, in cincinnosque cris- pantur. *Inurere* vero *calamistris* metaphorice dicitur *pro vanum atque immodicum ornatum adhibere*, Ital. *Infraſcare, imbeljetare, ec.*

Juvenalis, Statius, Martialis, Seneca. Inter Philosophos vero Seneca, Plinius Veronensis, & inter Grammaticos denique Ascenius, Agellius, &c.

Denique à temporibus Severi auspicari licet æneam ætatem, quæ tandem in ferream desit, postquam variarum gentium irruptione ipsi Romani facti sunt barbari, & in hac ætate decrepita sunt Symmachus, Capella, Sidonius Apolinaris, quos omnes tu vitabis summopere, si sapias.

Finis Libri Primi.

AR.

ARTIS RHETORICÆ LIBER SECUNDUS.

DE INVENTIONE.

EGimus haec tenus de Figuris ac Tropis, de Periodo & Stilo. Postulat nunc instituti nostra ratio, ut agamus de Inventione, sine qua, teste Tullio, frivola erit & puerilis omnis locutio.

Quid est Inventio?

R. Est excogitatio argumentorum, quæ valeant cum ad fidem faciendam, cum ad motus excitandos. Primum igitur agendum nobis erit de argumentis, deinde de motibus, seu affectibus excitandis.

De Argumentis & locis oratoriis.

Quid est argumentum?

R. Est probabile inventum ad faciendam fidem, ut, si probare velis expetendam esse Rhetoricam, invenies, quod sit ars bene dicendi.

Unde sumuntur Argumenta, sive rationes ad aliquid probandum?

R. Sumuntur ex locis oratoriis, quos Tullius appellat *Argumentorum sedes*, *in quibus latent*, & *ex quibus sunt depromenda*. Quapropter, si vis Orator esse, in promptu tibi es se debent loci illi, &, ut ita loquar, ad manum; ut in illis uberrimam Argumentorum segetem facile possis invenire.

Quot sunt genera locorum?

R. Duo. Alii enim petuntur ab ipsa te, & ideo vocantur *Intrinsici*, seu *insiti*: alii sunt extra ipsam rem, de qua quæstio est: unde etiam vocantur *Extrinsici*, seu *remoti*. De utroque illo genere, ac de primo præsertim, quod majus quodam monumentum habet ad eloquentiam, accurassime nobis est hoc loco tractandum.

CAPUT PRIMUM.

De Locis intrinsecis.

Quid sunt loci orationis intrinseci?

R. Sexdecim: Definitio, Enumeratio partium, Notatio, Conjugata, Genus, Forma, Similitudo, Dissimilitudo, Comparatio, Repugnantia, Adjuncta, Antecedentia, Consequentia, Causae, Effecta, Comparatio.

§. I. Definitio.

Quid est Definitio?

R. Est brevis & circumscripta rei explicatio, inquit Tullius; vel, ut Philosophi malunt, Definitio est oratio, quæ rei naturam explicat.

Quomodo fit recta definitio?

R. I. Accipito aliquid rei quæ definitur, commune cum aliis; deinde addito aliquid illi unice proprium ac peculiare, & tum demum habebis optimam definitionem: v.g. *Rhetorica est ars bene dicendi*: quod sit ars, hoc illi commune est cum aliis artibus: quod vero sit ars bene dicendi, hoc est illi omnino proprium. Quod si manca sit & utila tua definitio, jure ac merito poterit tibi contingere quod olim Platoni contigit. Definierat aliquando Plato hominem, *Animal bipes & implume*. Diogenes Cinicus, homo dicax & Academicorum irrisor, gallum implumen ac dudum in medium Platonis scholam projiciens, En, inquit, *hominem Platonis*.

Estne eadem definiendi ratio Logicis & Oratoribus?

R. Longe diversa. Logici enim jejune, breviter, ac sicce rem definiunt per genus & differentiam: v.g. *Homo est animal rationale*; Orator vero liberius & ornatus hominem ita definiet per locos Rhetoricos: *Homo est eximum opus a Deo efformatum, rationis particeps, ad Dei imaginem conditum, atque ad immortalitatem natum*. Hoc autem Oratorium definiendi genus, si recte appellare velimus, *Descriptio posse appellari debet, quam accurata Definitio*.

Quot

Quot modis fieri solet Descriptio, seu oratoria Definitio?

R. Sex potissimum modis fieri solet. 1. Per partes, ex quibus res ipsa constat; ut si dicas; Ars oratoria est ars, quae constat inventione, dispositione, elocutione, & pronuntiatione.

2. Fit per effectus, ut cum dicitur: Peccatum est pestis animæ, conscientia labes, vita pernicies, naturæ dedecus; orbis ruina, odium Dei, &c.

3. Definitio fit per negotiationem & affirmationem; cum nempe primum dicimus quid non sit res, ut deinde melius intelligatur quid sit; & haec definitiæ ratio Ciceroni perfamiliaris fuit. Ita Pilonem probat, non fuisse Consulem. „Tu in litoribus, in toga & prætexta esse Consulatum putas? Quæ ornamenti etiam in Sex. Clodio, te Consule, esse voluisti. Hujus te Cleidiani canis insignibus consulum declarari putas? Animo consulem esse oportet, ut consilio, fide, gravitate, vigilantia, tota denique munere consulatus. Et pro domo sua: An tu Populum Röm. esse illum putas? constat qui ex iis, qui mercede conducuntur, qui compelluntur, ut vim afferant Magistratibus? ut obsideant senatum? optent quotidie cædem, incendia, rapinas? O speciem dignitatemque Populi R. quam nationes exteræ, quam gentes ultimæ pertimescant! Multitudinem hominum ex servis conductis, ex facinorosis, ex egentibus congregatam. Illa fuit pulchritudo Populi Röm. illa forma, quam in campo vicisti, tum cum etiam tibi, contra Senatus, totiusque Italæ auctoritatem & studium dicendi potestas fuit.“

4. Definitio ab adjunctis. Ita Chymicam artem non minus vere, quam lepide definiens: *Chymia est ars sine arte, cuius principium est mentiri, medium laborare, finis mendicare.* Ita Virgilius famam describit ab adjunctis (a):

Fama malum, quo non aliud velocius ullum;
Mobilitate viget, viresque acquirit eundo.

Par-

(a) *Eneid. 4.*

Parva metu primo . mox se se tollit in auras,
Ingrediturque solo , & caput inter nubia condit.

Monstrum horrendum , ingens : qui quoq; sunt cor-
pore plumæ;

Tot vigiles oculi subter , (mirabile dictu)

Tot linguae , totidem ora sonant , tot subrigit aures,

Tam ficti pravique tenax , quam nuntia veri.

5. Definitio fit venuste per similitudinem atque Metaphoras , ut si dicas cum (a) Petrarcha , *Ter-
chritudinem esse blandum hostem , dulcem raptorem ,
tortorem fraudulentum , laqueum pedibus , oculis ve-
lum , &c.* Observa tamen , Metaphoricis id genus definitionibus caute admodum utendum esse *&c.* cum mica salis , ut ait Catullus.

§. II. Enumeratio partium.

Quid est enumeratio partium?

R. Est oratio qua totum in suas partes distri-
buitur ; unde locus ille vocatur etiam *Distributio* , ut si distribuas , ac dividas vitam humanam in pueritiam , adolescentiam , virilem ætatem , &c senectutem.

Quae sunt regulae ac leges enumerationis partium?

R. Tres præcipuae : i. Regula hæc est ; affirmatis omnibus partibus , affirmatur totum. Ita Tullius probat Pompejum esse summum Imperatorem , omnes & singulas optimi Imperatoris virtutes sic enumerando : *Ego enim existim in summo Imperatore quatuor has res inesse oportere : scientiam rei militaris , virtutem , auctoritatem , felicitatem.* Pergit deinde , & quatuor hæc in suo Pompejo summa esse sic probat : *Quis igitur hoc homine scientior unquam aut fuit , aut esse debuit , qui e ludo atque pueritia disciplina , bello maximo atque acerrimiis hostibus , ad patris exercitum , atque in militia disciplinam profectus est?* Deinde de ejus justitia : *cujus legiones sic in*

(a) *De remediiis utriusque fortuna* . Petrarcha *Patria Florentinus , Aretinus , ingenio , eloquentia & poetica facultate sui sancti facile princeps , floruit sa-*
culo 14.

in Asiam pervenerunt, ut non modo manus tanti exercitus, sed ne vestigium quidem cuiquam pacato nocuisse dicatur. Et de temperantia sic loquitur: Non avaritia ab instituto cursu ad prædam revocavit, non libido ad voluptatem, non amœnitas ad delectationem, non nobilitas urbis ad cognitionem, non denique labor ipse ad quietem, &c.

Ita etiam (a) Lactantius Dominicæ mortis acerbitatem, singularum partium cruciatu, pie, æque ac eleganter probat:

Compressos speculare oculos, & luce carentes,
Afflictasque genas, arenem suspice linguam
Felle venenatam, & pallentes funere vultus;
Cerne manus clavis fixas, tractosque lacertos,
Atque ingens lateri vulnus: Cerne inde cruentum
Purpureum, fossosque pedes, arctusque cruentos,
Flecte genu, lignumque Crucis venerabile adora.

Sic Juven. Sat. 3. per partium enumerationem rideret quemdam, qui se omnia scire profitebatur: Grammaticus, Rhetor, Geometres, Pictor (b) Aliptes, Augur, (c) Schoenobates, Medicus, Magus; omnia novit...

Græculus esuriens; in cælum jusserris, ibit.

Quenam est secunda regula?

R. 2. Regula hæc est, ut negatis omnibus & singulis partibus negetur totum. Sic probat Tullius Antonium non esse Consulem: Negat (d) D. Brutus Imperator; negat Gallia; negat cuncta Italia; negat Senatus; negatis vos, Qui igitur illum Consulem nisi latrones, putant?

Cedo ultimam regulam enumerationis partium?

R. Ut negatis partibus recte negetur totum nulla tibi erit prætermittenda pars, quoad ejus fieri poterit. Ita Martialis verulam quamdam probare esse edentulam:

F 6

Si

(a) Lactantius Firmianus, eloquentia, & eruditione clarus, Crispi, Constantini Magnifili præceptor.

(b) Aliptes, qui Athletas iungit.

(c) Schoenobates, funambulus. Ballatore sulla corda.

(d) Decimus Brutus.

Si memini; fuerant tibi quatuor, Aelia, dentes.
Expusit una duos tussis, & una duos.
Jam secura potes totis tussire diebus;
Nihil istic, quod agat, tertia tussis habet.

§. III. Notatio Nominis & Conjugata.

AD unum & idem caput duos hosce locos propter affinitatem revocamus. Quamvis potius uterque ille locus, propter levitatem, non adeo valere videatur ad persuadendum, quia tamen non parum valer ad delestandum & ad orationem lepore aliquo ac sale condierandam, idcirco ab oratoribus interdum summis adhibetur.

Quid est Notatio?

R. Notatio, seu Etymologia, est locus, qui verborum originem, & significationem inquirit, ut *Senatus* nomen traxit à *Senibus*: *Consul* vocatur is, qui *consulit patriæ*: ergo Piso nihil minus quam *Consul* est: & Ovidius in Fastis *Victimam* sic appellari dicit *a vincendo, & hostiam ab hoste*. *Victima*, quæ dextra cecidit viatrice, vocatur.

Hostibus à domitis hostia nomen nabet.

Quandonam potissimum utendum est Notatione nominis?

R. Quando in nomine aliquo laudem, vel decus, aut jocum aliquem, non scurilem ac mimicum, sed liberalem, & urbanum invenit Orator. Sic in nomine (a) *Verris* jocose lusit Cicero, quasi ita dictus fuisset, quod omnia *verreret*; hoc est omnia raperet homo furacissimus: *Quam tu, inquit, domum, quod fanum adisti, quod non eversum, atque extensem reliqueris?* Sic etiam Chrysogonum in avaritiae suspicionem vocavit ab ipsius nomine, quop *aureum* significat, aut quasi *auro genitum*.

Ad notationem nominis pertinent Anagrammatata, cuiusmodi sunt ista: *Amor*, *Roma*, *Maro*; *Logica*, *Caligo*; *Ursula*, *Laurus*; *Prudentia*, tardipuni.

(a) *Verres homo libidinosus, & avarus, cum in Sicilia triennium Prator fuisset repetendarum accusatus fuit a Siculis.*

puni. *Maria Virgo*, mira *Virago*: *Divus Alexius*, diu exul à suis: *Quid est veritas*, est vir qui adest: *Maria Magdalena*, grandia mala mea: *Sacramentum Eucharistiae*, *Chara Ceres mutata in Jesum*, &c.

Quamquam ut ingenuè dicam quod sentio, perpusilli ingenii est, frivolis hujusmodi nugis immortari; quæ scilicet laborantis magis sunt, quam elegantis ingenii partus. Et, si me audies, vana hæc crepundia relinques Judæis, qui multi sunt in observandis exilibus litterulis, & apud quos nata opinor Anagrammata, & ab illis ad nos usque, infelici contagione, derivata.

Quid sunt Conjugata?

R. Sunt ea, quæ ab uno orta vocabulo varie conjuguntur, seu commutantur, ut *Sapiens*, *sapientia*, *sapienter*; *Imperium*, *imperator*, *imperare*. Ex hoc Conjugatorum loco Cæsarem ingeniose admodum ita laudat (a) Tullius: *Ceteros quidem omnes victores bellorum civilium, jam ante aequitate & misericordia viceras: hodierno vero die te ipsum vici*.... Nam cum ipsius victoria conditione jure omnes victi occidissemus, clementia tua judicio conservati sumus. Rette igitur unus invictus es, a quo ipsius etiam *victoria conditio, visque devicta est*.

Ex hac verborum Conjugatione sic etiam argumentatur Ovidius:

Aurea nunc vere sunt sæcula. Plurimus auros

Venit honos, auro conciliatur amor.

In hoc idem genus facere lusit Martialis Epigr. lib. 2.

Hostem cum fugeret, se (b) Fannius ipse peremit.

Hic (rogo) non furor est, ne moriare, mori?

Ad eumdem locum pertinet illud in Pisonem.

Cum enim esset omnis cassa illa mea consularis & senatoria, auxilio mihi opus erat & Consulis & Senatus.

Est

(a) *Pro Marcello*. (b) *Fannius Cæpio proscriptus*, quod in Augustum conjurasse, cum fugeret percusseres, se ipse interemit. Sic mori vinci est, inquit de illo Seneca.

Est & illud (a) Terentianum elegans in primis in hoc eodem genere: *Homo sum; humani nihil a me alienum puto.*

Eodem quoque pertinet venustissimum illud Epigramma inscriptum Ludovici M. Statuæ in horculo Simplicium Collegii Parisiensis S. J.

Vitales inter succos, herbasque salubres

Quiam bene stat populi *vita salusque* sui.

§. IV. Genus, &c species, seu Forma.

Quid est Genus?

R. Genus apud Rethores dicitur illud, quod est commune multis; & quod multa sub se complectitur, ut virtus sub se continet justitiam, temperantiam, fortitudinem, prudenteriam.

Facito, sedes, argumentum a genere.

R. Præsto est: *Temperantia est virtus, ergo est amanda.*

Qua potissimum ratione tractatur ille locus?

R. Tractatur in primis cum à specie fit transitus ad genus, seu ut vulgo loquuntur, cum hypothesis revocatur ad thesim. Hujusce loci luculentum habes exemplum in Oratione pro Archia Poeta, ubi Cicero cum laudandum Archiam Magistrum suscepissent, (quod est hypothesis) tem ad thesim revocavit, hoc est, poesim & studia humanitaris generatim & universe laudavit, ut latiorem orationi suæ campum aperiret. Adverte igitur quo artificio ab hypothesi transit ad thesim.

Laus Archiae Poetæ a genere.

Si igitur sanctum apud vos humanissimos homines hoc Poetæ nomen, quod nulla umquam barbaries violavit, saxa & solitudines voci respondent: bestiæ saepe immanes cantu flectuntur, atque consistunt: nos instituti rebus optimis non Poetarum voce moveamur! (b) Homerum Colophonii civem esse dicunt suum, Chi suum vendicant, Salamini repetunt, Smyrnæi vero suum esse confirmant.

Ita-

(a) In Heautontimorumenō.

(b) Homerus Poetarum Græcorum princeps, quem suum esse civem septem oppidā certatim asserunt.

Itaque etiam delubrum ejus in oppido dedicaverunt. Per multi alii præterea pugnant inter se atque contendunt. Ergo illi alienum quia Poeta fuit, post mortem etiam expertunt. Nos hunc vivum, & qui voluntate & legibus noster est, repudiabimus?

Quod est vitium quod in genere tractanda vitandum est?

R. Hoc loco solent intemperantius abuti Tirones, dum Thesim longius trahunt, quod nempe res sit communior faciliorque, & multorum trita vestigiis; v.g. si de justitia, vel de charitate sermo sit, illi sese in virtutis laudes universæ ac generatim effundent, & miseram crambem, ut ajunt, tedium affectis auribus ac fastidium usque ad sacietatem ingerebant. Tu igitur si sapias hoc vulgare vitium fugies. Nec circa vitem patulumque moraberis orbem (a).

Ne in te jure cedat lepidum illud Martialis dictum:

Jam dic, Posthume, (b) de tribus capillis.

Ubinam præcipue locum habet argumentum a genere?

R. Locum habet præcipuum in orationis exordio, ubi præmitti solet aliquod universale principium, à quo ad hypothesis, hoc est ad singularem propositionem descenditur.

Ouid est Species, seu Forma?

R. Ex his, quæ dicta sunt de genere, facile intelliges speciem esse id, quod minus late patet; seu esse rem particularem, quæ sub universalis continetur. Vocatur autem apud Rhetores Hypothesis; v.g. *Virtus est amanda, est Genus sive Thesis: Temperantia hic & nunc est in convivio servanda, en Species; sive Hypothesis:*

§. V. Similitudo, & Dissimilitudo.

Quid est Similitudo?

R. Similitudo est rerum ceteroqui disparium collatio, atque convenientia in aliqua re; v.g. est similitudo inter avarum & hydropem; quia licet

(a) *In arte Poetica.* (b) *Ineptus caussidicus, quæ ad alia omnia abibat, quin caussas postularet.*

et avarus & hydrops sint duæ res longe diversissimæ, in eo tamen convenient, quod neuter satiare possit. Item homo iratus dicitur esse similis leoni, rugienti; quia homo iratus & leo rugiens sunt duæ res valde inter se dispare, quæ tamen in aliquo conveniunt, nempe in furore. Sic etiam umbra & gloria sunt res diversissimæ; in hoc tamen convenient, quod umbra corpus, gloria virtutem comittetur. Unde ait Cicero, *Gloria est umbra virtutis.*

Quomodo fit argumentum à similitudine?

R. Facies in hunc fere modum cum Tullio: *Quidam morbo, aut sensus stupore, civi suavitatem non sentiunt: sic libidinosi, avari, facinorosi, veræ laudis gustum non habent.* Sic etiam argumentari poteris à simili cum Ovidio: (a)

Scilicet ut fulvum spectatur in ignibus aurum,

Tempore sic duro est inspicienda fides.

Quid est discriminis inter similitudinem & comparationem?

R. Similitudinem proprie pertinere ad id, quod qualitatem vocant; comparationem vero pertinere ad quantitatem. Fit enim comparatio vel à pari, vel à majori ad minus, vel à minori ad majus, ut dicetur postea: in similitudine vero nulla fit mentio neque paris, neque majoris, neque minoris.

Quomodo facile poterit inveniri argumentum à simili?

R. Quæres statim quænam res sit similis cuiusdam naturæ cum ea, quam explicandam sumis. Ita si agatur de constantia: quæres quid vel maxime resistat, & occurret tibi rupes, adamus, dicesque cum Virgilio de rege Latino: (b)

Ille, velut pelagi rupes immota, resistit.

Vel ut idem Virgilius de Didone lib. 6.

Illa solo fixos oculos aversa tenebat:

*Nec magis incepto vultus sermone movetur,
Quam sidura silex, aut stet Marpesia cautes.*

Quid est Dissimilitudo?

R. Est oratio, quæ ex re dissimile dissimile col-

li-

(a) *Trist. lib. 1.* (b) *Lib. 7.*

igit; ut cum ait Tullius: *Si barbarorum est in diem vivere, nostra consilia sempiternum tempus spectare debent.* Et lib. 2. de Oratore: *Artes reliqua ab eloquentia differunt, quod haec non habeat definitam aliquam regionem, cuius terminis septa teneatur, cetera vero artes suis se certis quibusdam finibus contineant.* Hunc locum à Dissimili lepidissime tractat Catulus, cum ait Carmine 5.

Soles occidere & redire possunt:
Nobis, cum semel occidit brevis lux,
Nox est perpetua una dormienda.

Ad hunc eundem locum pertinet haec Horatiana sententia:

Damna tamen celeres reparant cælestia lunæ:
Nos ubi decidimus,
Quo pius Æneas, quo (a) Tullus dives, & Aucus,
Pulvis & umbra sumus.

§. VI. Contraria & Repugnantia.

Quid sunt Contraria, seu Opposita?

R. Sunt ea, quæ in eodem subiecto esse non possunt; vel si fuerint in eodem, necessario inter se pugnant.

Quot sunt contrariorum genera?

R. Quatuor omnino numerantur, nimirum Adversa, Relata, Privantia & Contradicentia.

Quid sunt Adversa?

R. Sunt ea, quæ in eodem plurimum inter se differunt, ut *virtus* & *vitium*, *bellum* & *pax*, *sapiens* & *stultitia*. Cicero Philip. 2. „Attend
„paullisper, cogitationemque sobrii hominis pun
„ctum temporis suscipe. . . . Nego quidquam esse
„medium. Confiteor, eos, nisi liberatores Populi
„Rom. conservatoresque Reip. sint, plus quam
„sicarios, plus quam homicidas, plus etiam quam
„parricidas esse: siquidem est atrocius Patriæ pa
„rentem, quam suum occidere. Tu, homo sapiens
„& considerate, quid dicis? Si parricidæ, cur ho
„noris caussa à te sunt & in hoc ordine, & apud
„Po-

(a) *Tullus*, cognomento *Hostilius*, tertias Romano
rum Rex, illi succedit *Ancus Martius*.

„Populum Rom. semper appellati? cur M. Brû-
 „tus, te referent, legibus est solutus, si ab urbe
 „plus quam decem dies abfuisset? cur provinciæ
 „Cassio & Bruto datæ, &c. Non igitur homicidæ.
 „Sequitur, ut liberatores tuo judicio sint.“

Quid sunt Relata?

R. Sunt ea, quæ se invicem ita spectant, ut alterum sine altero esse non possit, ut *Pater & filius; dux & miles; Magister & discipulus; dominus, & servus; qui dat, & qui accipit.* Ira Martialis lib. I. ex hoc Relatorum loco facete jocatur in Sosibianum quemdam, qui suum patrem *Dominum* inepte omnino vocitabat:

E (a) servo scis te genitum, blandeque fateris,
 Dum dicas dominum, Sosibiane, patrem.

Ex hoc qodem loco Cæsarem ita laudat Cicero, in oratione pro Marcello: *Ex quo profecto intelligi debet, quanta in dato beneficio sit laus, cum in accepto tanta sit gloria.* Huc denique pertinent hæc verba Veneris, arma pro filio suo Ænea poscentis à Vulcano:

Arma rogo genitrix nato.

Quid sunt Privantia?

R. Sunt habitus & ejus privatio: ut *vita & mors; lux & tenebrae; scientia & inscitia; pauperies & divitiae.* Ex privantibus ingeniose argumentatur Martialis in quemdam:

Ebrius es: nec enim faceres id sobrius umquam.

Hinc etiam ingeniosum illud ejusdem Poetæ lib. 5.

Semper eris pauper, si pauper es, Æmiliane,
 Dantur opes nullis nunc, nisi divitibus.

Quid sunt Contradicentia?

R. Sunt ea, quorum alterum negat, alterum affirmat idem de eodem: Ut, *Milo insidiatus est Clodio, Milo non est insidiatus Clodio.*

§.VII.

(a) *Sosibianus ex adulterio nobilis Matrone cum servo natus, illius matronæ virum, cuius filius putabatur, dominum blandiendo vocitabat.*

§. VII. Adjuncta.

Quid sunt Adjuncta?

R. Sunt ea, quæ cum re, de qua agitur, non necessario, sed probabiliter conjuncta sunt.

Quod sunt Adjunctorum genera?

R. Tria vulgo numerantur; 1. Adjuncta rei, ut *locus, tempus, &c.* 2. Adjuncta corporis; ut *pulchritudo, diformitas, robur, vestis, habitus*: Uno verbo omnia, quæ rem quoquo modo circumstant, sive præcedant, sive comitentur, sive consequantur, appellantur Adjuncta, seu res circumstantes. Unde liquet quam longe lateque pateat locus ille, & quam uberem dicendi segetem Oratori suppeditet.

Quomodo sumi potest argumentum ab Adjunctis?

R. Cum ex loco, tempore, facultate, aliisque id genus, quæ rem circumstant, persuadendi occasionem idoneam captat Orator. Sic (a) Hannibal Italiam ingressus, militibus suis eloquenter admodum facit animos ex loco, unde fugere non liceat.

Oratio Hannibalis milites suos ad pugnam adhortantisa. Liv. lib. 21.

Dextra læyaque duo maria claudunt. Nullam ne ad effugium quidem navem habemus. Circa Padus amnis major ac volentior Rhodano: à tergo Alpes urgent, vix integris vobis ac viventibus transitæ. Hic vobis vincendum aut moriendum, Milites, est Nihil usquam nobis relictum est, nisi quod armis vindicaverimus. Illius timidis & ignavis licet esse, qui receptum habent, quos ager suus, quos sua terra, per tuta ac pacata itinera fugientes, accipient. Vobis necesse est fortibus viris esse, & omnibus inter viatoriam mortemque certa desperatione abruptis, aut vincere, aut si fortuna dubitabit, in prælio potius, quam in fuga mortem oportere. Si hoc bene fixum omnibus destinatumque in animo est, iterum dicam, viciſtis. Nullum incitamentum ad vincendum homini à Diis immortalibus acrius datum est.

Ci-

(a) *Hannibal Amilcaris filius, Carthaginensium Dux, qui sapient Romanos vicit.*

Cicero autem ab Adjunctis Antonii levitatem ac turpitudinem exagitat: „Sed hæc, quæ robustio-
s, ris improbitatis sunt, omittamus: loquamur po-
tius de iniquissimo genere levitatis. Tu istis late-
ribus, ista gladiatoria totius corporis firmitate,
tantum vini in Hippæ nuptiis exhauseras, ut tibi
necessæ esset in Populi Rom. conspectu vomere
postridie. O rem non modo visu foedam, sed
etiam auditu! Si inter cænam, in tuis immani-
bus illis poculis, hoc tibi accidisset, quis non tur-
pe diceret? In cœtu vero Populi Rom. negotium
publicum gerens, Magister equitum, cultis vinum
redolentibus, gremium suum & totum tribunal
implevit.“

Porro memoriarum juvandæ caussa, præcipua octo
Adjunctorum genera hoc vulgari versiculo fuere
comprehensa:

Quis, quid, ubi, per (a) quos, quoties, cur,
quomodo, quando.

Quis significat personam, & quæ ad illam perti-
nent, cuiusmodi sunt genus, educatione, indoles,
ætas, sexus, patria, cognatio, fama, virtus, in-
genium, &c.

Quid negotium designat, sive rem, de qua agi-
tur. **Ubi** locum demonstrat: **Per quos** indicat adjun-
tores & socios, quorum opera facta res est. **Quo-
ties** docet quam sëpe res facta fuerit. **Cur** caussam
& finem designat. **Quomodo** modum ac seriem os-
tendit rei gestæ. Denique **Quando** denotat tempus,
quo gesta res est.

§. VIII. Antecedentia, & Consequentia.

Quid est Antecedentia?

R. Sunt ea, quibus possitis, necesse est alia
consequi; ut, **O**rtus est sol; ergo dies est. Tu na-
tus es homo; ergo dubio procul morieris. Ille gra-
vissimi sceleris reus est; ergo gravissime plectetur
à judice.

Quid

(a) **A**llii dicunt, quibus auxiliis, sed minus com-
modo.

Quid sunt Consequentia?

R. Sunt ea, quæ rem necessario consequuntur. Sic autem argumentum duces à consequentibus: *Ese copia fructuum; ergo & florum fuit. Cicatricem gerit, ergo plagam accepit. Cicatrix enim & fructus plaga & flores consecutiuntur.* Quia vero locus ab Antecedentibus & Consequentibus non maximopere differt ab Adjunctis, ideo diutius in illo immorari non est operæ pretium..

§: IX. Caussæ.

Quid est Caussa?

R. Est id, unde aliquid est, vel id, vi cujus aliquid fit; ut vulnus est caussa mortis, cruitas est caussa morbi, &c.

Quotuplex est caussa?

R. Quadruplex enumeratur à Philosophis, efficiens, materialis, formalis & finalis.

Quid est caussa materialis?

R. Ea est qua aliquid fit, aut componitur; ue marmor est materia, seu caussa materialis statuæ lapides sunt materia domus, corpus est hominis quasi materia.

Quid est caussa formalis?

R. Est ratio rei, ac nota, per quam res est id, quod est, & à rebus aliis distinguitur; unde anima est forma hominis, quia per animam fit rationalis, & à ceteris animantibus distinguitur..

Quid est caussa finalis?

R. Est id, cuius gratia aliquid fit; ut finis belli est victoria, & pax: cum propter victoriam & pacem bellum suscipiatur. Beata in cælo vita est causa finalis hominis, quandoquidem homo agit omnia, vel agere debet certe quidem, ut beatam in cælo vitam tandem aliquando consequatur..

Quomodo argumentari debemus à Caussa efficienti?

R. Sic argumentaberis cum Tullio: *Intemperantia effætum corpus tradit senectuti; ergo diligenter uitando. Ab hoc loco senectutem contra vituperatores ita defendit idem Tullius: caret epulis, ajunt extremitisque mensis & frequentibus poculis; caret ergo vinolentia, crudelitate & insomniis. Ita Ovidius Ägypti*

thi adulterium culpat à caussa effidente, nempe ab
etio.

Quæritur, Aegysthus (a) quare sit factus adulter?

In promptu caussa est: desidiosus erat.

Sic etiam & felicem inter mortales vitam ele-
ganter commendat Martialis lib. 10. à caassis præ-
cipuis, quæ illam efficiunt.

Vitam quæ faciunt beatorem,
Res non parva labore, sed reliqua;
Incundissime Martialis, hæc sunt:
Non ingratus ager; focus perennis;
Lis numquam; (b) toga rara; mens quieta;
Vires ingentæ; salubre corpus;
Prudens simplicitas; pares amici;
Convictus facilis; sine arte mensa;
Nox non ebria, sed soluta curis;
Non tristis thoros, artameo pudicus;
Somnus qui faciat breves tenebras;
Quod sis, esse velis, nihilque malis;
Summum nec metuas diem, nec optes.

Quomodo argumentatur à Materia?

R. Ita ferme dices: corpus hominis est morta-
le, ergo æquum est, ut illi dominetur animus im-
mortalis. Ita Ovidius solis regiam commendat à
Materia, Metamorph. libr. 2.

Regia solis erat sublimis alta columnis,

Clara micante auro, flamasque imitante (c)

Pyropo:

Cujus ebur nitidum fastigia summa regebat:

Argenti bifores radiabant lumine valvæ.

Materiam superabat opus.

Quomodo sumitur argumentum à caussa formalis?

R. Sic dices: animus hominis est immortalis:
ergo

(a) Aegisthus Thiyestis filius, strupata Clitemnestra,
ejus maritum Agamemnonem interfecit, & ipse ab Oreste
illius filio fuit occisus. (b) Rara urbana officia, salu-
tationes, obsequia, ad quæ oteunda togis utebantur.

(c) Pyropus non est gemma, aut carbunculus, ut
vulgo male creditur; sed genus aris ductilis, cui ad-
mixta est quarta pars auri.

ergo mors non est timenda. Excellens est animi natura : ergo voluptatibus , servire non debet. Ita Cicero : „ Si considerare vēlimus , quae sit in homine , nis natura excellentia , & dignitas , intelligemus , quam sit turpe diffluere luxuria , & delicate ac , molliter vivere ; quamque honestum parce , contineantur , severe , sobrie .“

Quomodo denique argumentandum est à caussa finali?

R. Ita probabis cum Tullio , insidias Miloni struxisse Clodium , quod nempe multas ex illius interitu sibi polliceretur utilitates . „ Quoniam igitur pacto probari potest , insidias Miloni fecisse Clodium ? Satis est quidem in illa tam audaci , tam nefaria bellua , docere magnam ei caussam magnam spem in Milonis morte positam , magnas utilitates fuisse. Itaque illud Cassianum : *Cui bono fuerit* , in his personis valeat : & si boni nullo emolumento impelluntur in fraudem , improbi saepe parvo. Atqui Milone imperfecto Clodius hoc assequebatur , non modo ut Praetor esset , non eo Consule , quo sceleris nihil facere posset ; sed etiam ut his Consulibus Praetor esset , quibus , si non adjuvantibus , at conniventibus certe , sperasset se posse rem publicam eludere in illis suis cogitatis funeribus . &c.

Denique ex quatuor illis caassis simul junctis commendare poteris celeberrimum templum Ierosolymitanum : Caussa efficiens erit Salomon , sapientissimus idem atque dirissimus , & alii peritissimi artifices , qui in illo elaborarunt. Caussa materialis erunt pretiosi lapides , ligna cedrina , aureæ laminæ , &c. Caussa formalis erit ipsa structura & pulcritudo templi. Finalis erit summi Dei cultus , in cuius honorem fuit exstructum.

§. X. Effecta.

Quid sunt Effecta ?

R. Effecta , seu effectus sunt ea , quæ oriuntur ex caassis. Hunc locum mirifice tractat Tullius libro de senectute , ubi funestos voluptatis effectus ita describit :

V-

Voluptatis incommoda ab affectibus.

Accipite optimi adolescentes veterem orationem
 (a) Architæ Tarentini , magni in primis & præ-
 clari virti , quæ mihi tradita est , cum essem ado-
 lessens . (b) Tarenti cum Quinto Maximo . Nullam
 capitaliorem postem , quam voluptatem corporis
 hominibus dicebat à natura datam : cuius volunta-
 tis avidæ libidines temere & effrænate ad potiun-
 dum incitarentur .

Hinc patriæ prodiciones , hinc rerum publicarum
 eversiones , hinc cum hostibus clandestina collo-
 quia nasci dicebat : nullum denique scelus , nullum
 magnum facinus esse , ad quod suscipiendum non
 libido voluptatis impelleret . Stupra vero & adul-
 teria & omne late flagitium , nullis aliis illecebris
 excitari , nisi voluptate . Cumque homini sive na-
 tura sive quis Deus , nihil mente præstabilius de-
 disset ; huic Divino muneri ac dono nihil tam esse
 inimicum , quam voluptatem . Nec enim libidine
 dominante , temperantiæ locum esse omnino , nec
 in voluptatis regno virtutem posse consistere.....
 Quocirca nihil esse tam detestabile , tamque pesti-
 ferum , quam noluptatem .

§. XI. Comparatio.

Quid est Comparatio ?

R. Est (c) oratio , qua duo , vel plura in
 tertio aliquo conferuntur , quod illis communi est ;
 ut , *Catoni licuit sequi bellum civile , igitur & Ciceronem*
dicebit . Commune est enim ambobus bellum civile .

Quot sunt comparationum genera ?

R. Tria . Primum est à majori ad minus . Secun-
 dum est à minori ad majus . Tertium est à pari .

Quomodo argumentamur à comparatione majoris ad
 minus ?

R. Cum contendimus , ut id , quod valet in
 ma-

(a) *Archita Philosophus Pythagoricus , vixit tempo-*
re Platonis , (b) Tarentum urbs magna Gracie à Ta-
genti Neptuni filio condito . (c) Cic. in Topic.

majori valeat etiam in minori; ut cum ait Cicero in Antonium: *Quid faceres domi tue, cum aliena tam sis insolens?* Sic etiam Terentius: *Quem feret, si parentem non fert suum?*

Ex hoc eodem loco probat Ovidius leniri posse Augustum, quod vel ipsi Dii leniantur.

Cur ergo posse negem leniti Cæsaris iras,

Cum videam mites hostibus esse Deos?

Quomodo fit argumentum a comparatione minoris ad maius?

R. Quando contendimus, ut quod valet in minori, valeat etiam in majori; ut Cicero pro Legi Manilia: *Majores nostri sæpe, mercatoribus ac navi- culatoribus injuriostiss tractatis, bella gesserunt: vos tot civium Romanorum militibus uno tempore necatis, quo tandem animo esse debetis?* Huc pertinet etiam Horatianum illud Epist. 2.

Ut jugulent homines, surgunt de nocte latrones:

Ut te ipsum serves, non expurgisceris?

Quomodo fit argumentum a comparatione parium?

R. Fit cum contendimus, id, quod valet in una re, valere etiam debere in alia pari: ut, lex est, qui occiderit patrem, insutus in (a) culeum dejiciatur in profuentem: ergo qui matrem occiderit, eodem suppicio dignus est. Ita Cicero licere sibi Syllam defendere, qui fuerat ante ab Hortensio defensus, probat orat. pro L. Syll. “Si conjuratio, patefacta per me est, tam patet Hortensio, quam mihi. Quem quum videoas honore hoc, auctorita, te, virtute, consilio præditum, non dubitasse, quin innocentem Syllam defenderet: quæro, cur, qui aditus ad caussam Hortensio patuerit, mihi interclusus esse debuerit? quæro illud etiam, si me, qui defendo, reprehendendum putas esse, quid tandem existimes de his summis viris, & clarissimis civibus, quorum studio & dignitate celebri hoc judicium & ornari, caussamque defendi hujus innocentis vides?

C A P U T II.

De Locis extrinsecis, seu remotis.

Quinam sunt loci extrinseci?

R. Loci extrinseci, qui etiam vocantur *remoti* & *assumpti*, sunt ii, qui nullo modo pendent ab arte ingenioque Oratoris, ut excogitentur, quique extra rem ipsam positi sunt, quapropter ab Aristotele recte vocantur (a) *Argumenta inartificialia*, seu *arte carentia*, non quod omnino sint expertia, cum potius illorum tractatio summum requirat artificium; sed quod non eruantur ex rebus ipsis & ex causæ visceribus; quippe quæ foris eruuntur, & auctoritate sola nituntur, itaque sunt inartificialia, quod attinet ad Inventionem; non vero quod spectat ad usum atque tractationem.

Quot sunt loci extrinseci?

R. Sex assignantur à Quintiliano: Leges, seu Præjudicia, Fama, Tabulæ, Jusjurandum, Tortmenta, Testes.

Quomodo argumentandum est à Legibus ac Præjudiciis?

R. 1. Dices, præjudicia ac leges esse vincula reipublicæ, regnum fundamenta, justitiae nervos, omnis æquitatis fontem, libertatis asylum, sapientiorum virorum oracula. 2. Commendabis eos, à quibus latæ sunt leges. 3. Recensebis damna, quæ consequentur, si leges impune violentur; juvabit interdum afferre ipsa legis verba, conceptamque ac sollemnem formulam, v. g. *Si quis hominem, dolo malo, morti (b) duit parricida esto.*

Si lex tibi aduersetur, illam ita refutabis, & infringes: Dices 1. Vel antiquatam fuisse legem. & amplius non valere. Ita Cicero pro Rabirio;

Tunc

(a) Τῶν δὲ πίστων, αἴμινατεχνοὶ ἀστιν.
Rhet. l. i. cap. 2.

(b) Vox absoluta pro det.

Tunc mihi etiam legis (a) Porciae mentionem facies? 2.
 Vel legem legi oppones. 3. Vel dices standum esse
 non legis litteræ, quæ nimirum occidit, sed ipsius
 legislatoris menti. 4. Dices majoris cujuspiam utili-
 tatis gratia, licere interdum à legibus discedere.
 Sic olim cum Virgilius moriens, testamento jussis-
 set suum poema comburi; supremæ huic illius vo-
 luntati (quamquam id leges juberent) noluit ta-
 men obtemperare Imperator Augustus, ut ipsemet
 testatur hisce versiculis.

Frangatur potius legum veneranda potestas,
 Quam tot congestos noctesque diesque labores
 Hauserit una dies.

Quid est Fama, seu Rumor?

R. Fama, ut hic accipitur, est sermo vulgi, si-
 ne ullo auctore ac capite dispersus; seu, ut ait
 Quintillianus, est Sermomult inudinis, qui habet au-
 toritatem, nisi irrepserit malitia, vel nimia quædam,
 ut sit, credulitas.

Quomodo tractandus est locus à Fama?

R. Si tibi caussæque tuæ faveat fama, dices mag-
 nam esse vim atque auctoritatem famæ, cui optimus
 quisque tam impense studet. Dices populi vo-
 cem esse quoddam quasi oraculum, quod vix uni-
 quam fallere possit. Usurpabis in primis aureum il-
 lud Plinius dictum ad Trajanum: *Singuli decipere ac*
decipi possunt; nemo omnes, neminem omnes fefellerunt.

Contra vero, si tibi, caussæque tuæ rumor ad-
 versetur, erit amplificandæ verbis famæ levitas at-
 que inconstantia, quæ sæpe viris integerrimis ma-
 culas amat aspergere. Dices, ex opinione magis,
 quam ex veritate res æstimari solere. Usurpabis au-
 tem, Senecæ, opinor, sententiam: *Pessimi argu-
 mentum turba est.* Dices cum Juvenali, Sat. I.

Dat veniam Corvis, vexat censura columbas.

Addere denique poteris de fama cum Virgilio
 Æneid. 3. & cum Tertuliano etiam, in Apologe-
 tico, quod nimirum sit:

(a) *Lex Portia a M. Porcio lata contra eos, qui*
civem Romanum necabant, aut virginis eadebant.

Tam facti pravique tenax, quam nuntia veri.

Ita Tullius pro Plancio Judices obsecrat, ne disseminatis rumusculis fidem habeant: Illud unum vos magnopere ero atque obsecro, cum bujus, quem defendo, tum communis periculi caussa, ne factis auditionibus, ne disseminato dispersoque sermoni fortunas innocentium subjiciendas putetis... Nihil est tam volucre, quam maledictum; nihil facilius emititur; nihil citius excipitur, nihil latius dissipatur.

Quid sunt Tabulae?

R. Nomine Tabularum intelliguntur omnia testimonia scripto exarata, quibus pacta, convenia, contractus, codicilli, stipulationes, testamenta, &c ad id genus continentes.

Quid est Jusjurandum?

R. Est affirmatio, vel negatio rei alicujus, ritu religioso facta, & Deo Optimo Maximo in testem appellato. Sic olim Scipio apud Livium, lib. 23. Si sciens fallo, tu me Jupiter Opt. Maxim. domum, familiam, remque meam pessimo (a) loco afficias. Quod si forte juramenti fidem velis infirmare, dices cum eloquentissimo illo (b) Massiliæ Sacerdote Salviano, *Plures invenias qui sapient pejerent, quam qui omnino non jurent.* Et rursus idem Salvianus lib. 4. *Si pejeret Francus, quid novi facit? Qui perjurium ipsum sermonis genus putat esse, non criminis.*

Quid sunt Tormenta, sive quæstio?

R. Sunt cruciatus, vi quorum veritas extorqueatur à reis. Valer ut plurimum locus ille ad faciendum fidem, si post quæstionem reus in facti confessione perseveret. Facit item maximopere ad probandam ejus, qui accusatur, innocentiam, si tormentis adduci non potuit, ut crimen fateretur.

Quomodo infirmari poterit locus ille?

R. Dices periculōsam esse fallacemque confessio nem, quæ tormentorum vi exprimitur; quandoquidem competum est bene multos innocentes vit

(a) Leto, ita lapides antiqui.

(b) Salvianus scriptor eloquentissimus, Treviris natus, floruit Massiliæ saculo quinto.

tormentorum ac metu doloris, ad falsa dicenda persæpe fuisse adactos; poterisque hoc loco usurpare sapientissimam illam viri clarissimi Hugonis (a) Grotii sententiam: MENTIETUR, qui ferre poterit; MENTIETUR, qui ferre non poterit. Ita etiam Cicero pro Sylla: *Quæstiones*, inquit, *servorum*, ac tormenta nobis accusator minitatur, in quibus, quamquam nihil periculi suspicamur, tamen illa tormenta gubernat dolor, moderatur natura cujusque cum animi tum corporis, regit quæsitor, flectit libido, corruptit s̄bes, infirmat metus, ut in tantis rerum angustiis nihil veritati locis relinquatur.

Quid sunt testes?

R. Sunt qui de re, quæ vocatur in controvèrsiam, voce, vel scripto testimonium ferunt. Accedit huic testificationi majus pondus atque auctoritas: 1. Si testes sint oculati: 2. Si sint jurati: 3. Si sint viri probi atque integerrimi: 4. Si sint viri illustres ac primarii: 5. Si nulla nec spe, nec cupiditate impulsi testimonium dicant.

Porro testimonium potest esse vel humanum, vel divinum. Humanum est illud, de quo supra dictum est. Ad divinum referebantur olim Oracula, seu voces Dei ipsius; Auspicia, seu Auguria, quæ erant testimonia ex avium volatu, cantu, pastuque duci solita; vaticinationes, quæ erant responsa Vatum; responsa denique Sacerdotum & Haruspicum, qui vel interpretabantur somnia, vel ex extorum inspectione, futura conjiciebant; unde vocabantur *Conjectores*. Ad divinum humanumque Testimonium spectat vulgaris illa, sed egregia Lucani sententia de Cæsare ac Pompejo.

... Quis justius induit arma,
Scire nefas. Magno se judice quisque tuetur.
Victrix causa Diis placuit, sed victa Catoni.

Quomodo infirmatur locus a Testibus?

R. Infirmitur locus ille, si dicas. 1. Testes esse homines vel infames, vel leves ac futilles, vel

G 3

ser-

(a) Hugo Grotius Batavus, vir summa & exquisitissima literaturæ, obiit anno 1645.

servos, domesticos, amicos, aut quomodocumque suspectos. 2. Si ostendas, illos non secum ipsis cohædere, sed pugnantia loqui. 3. Si graviores Testes illis opponas. 4. Si conjecturis & argumentis, illorum testimonii subtilitatem demonstres. 5. Denique si dicas, Testes illos esse homines infimæ sortis, atque egestissimos, qui facile subornari potuerint.

C A P U T I I I.

De secunda Inventionis parte, seu de motibus excitandis.

Oratoris munus ac partes sunt primum ut persuadeat, doceatque audientium animos: deinde ut eosdem moveat, inflammet ac flectat. Diximus in prima hujusce libri parte de argumentis ad docendum, & ad fidem faciendam idoneis. Postulat nunc instituti nostri ratio, ut motuum, sive affectuum concitandorum fontes aperiamus: dicamusque qua ratione faces ac stimuli sint auditorum animis subjiciendi, quod est in Oratore præcipuum. Siquidem homines affectibus magis, quam ratione ducentur, & quod approbant bonum non semper amplectuntur; exemplo Medeæ illius Ovidianæ (a):

. . . Video meliora, proboque :

Deteriora sequor. . . .

Sed antequam affectus omnes singillatim persequamur, pauca quædam, ut sit, de illorum natura numeroque præmittamus.

Quid est affectus?

R. *Est animi sentientis, ex opinione boni, vel mali nata commotio.* Vel, ut clarius dicam, *est quidam animi impetus, quo impellimur vehementius ad aliud vel appetendum, vel auersandum.*

Quot sunt affectus?

R. *Sunt qui cum Stoicis quattuor tantum statuunt affectus: duos circa bonum, nempe spem & gaudium; & duos circa malum, scilicet tristiam & metum.* Quatuor hosce motus eleganter expressit Virgilius Æneid. 6. cum ait: *Hinc me tuunt, cupiuntque, dolentque, gaudentque.* Eosdem

(a) *Metamor. lib. 7.*

dem (a) Boethius hisce quatuor versiculis est complexus:

Gaudia pelle:

Pelle timorem:

Spemque fugato:

Nec dolor adsit.

Philosophi vero longè plures statuunt affectus de quibus ita dicemus, ut primò illorum definitiōnem afferamus, deinde, quomodo sint excitandi quam accuratissime præcipiamus.

§. I. De Amore & Odio.

Quid est Amor?

R. Est affectus, quo alicui bene volumus, eique benefacimus, non nostra, sed illius caus a. Ubi vides tres omnino esse germani amoris conditiones ac dotes. 1. Est, ut ei, quem amamus, optemus bona, vel saltem quæ bona esse arbitramur. 2. Condicio est, ut quæ bona judicamus, non optemus illi dumtaxat, sed etiam pro virili parte procuremus. Ut enim ait Julius Scaliger:

Tu si ex animo forte velis (b) cui benefactum,

Addas operam: sola cadayer est voluntas.

3. Condicio est, ut ita simus animati, non propter propriam utilitatem, sed illius caussa, quem diligimus. Nam, ut ait (c) Cicero, si ad fructum nostrum referemus, non ad illius commoda, quem diligimus; non erit ista amicitia, sed mercatura quedam utilitatum suarum.

Quid differt Amor ab Amicitia?

R. Differt, quod sit verus amor, etsi qui amat non redametur; in amicitia vero requiritur amor mutuus. Unde Aristoteles rogatus quid esset amicus, pulchre respondit: *Anima una in duobus habitans corporibus.*

Quo pacto conciliandus est Amor?

R. Amoris conciliandi caussæ ac viæ præcipuae sunt, 1. Excellens quædam &c rara virtus. Ita Il-

G 4

lic-

(a) Severinus Boethius, ingenio, eruditione & poeta nobilis, capite truncatus à Rege Theodorico ann. 626.

(b) Cui pro alicui. (c) I. De Natura Deorum.

lionæus Trojanorum Orator pœclaram Æneæ virtutem collaudando, Didonem illi conciliare conatur, *Æneid.* I.

Rex erat Æneas nobis, quo justior alter
Nec pietate fuit, nec bello major, & armis.

2. Utilitas, & collata beneficia. Ita Cicero *Miloni* benevolos mirifice facit judices ab ejus in patriam beneficentia: *Hiccine vir patriæ natus, usquam nisi in patria morietur?* &c. Sic etiam ventorum Rex Æolus, commemoratis Junonis erga se beneficiis, sùm erga illam gratum ac memorem animum testatur (a).

Tu mihi quodcumque hoc regni, tu Sceptra, Jovemque

Concilia, tu das epulis accumbere Divum,
Nimborumque facis, tempestatumque potentem.

3. Nulla te magis cōparatur amor, quam amore mutuo, ut moneret pervulgata illa Senecæ vox, *Servis amari, ama.* 4. Denique conciliatur amor, oris ac corporis dignitate, si sit cum virtute conjuncta; Unde rex Evander apud Virg. lib. 8.

... Sed cunctis altior ibat
Anchises. Mihi mens juvenili ardebat amore
Compellare virum, & dextræ conjugere dextram.
Quid est Odium?

R. Est affectus animi aversantis id, quod malum esse putatur.

Ouanam arte concitandum erit odium?

R. Ex iis, quæ de amore diximus, facile cuivis patet Odii fontes, quod erit à contrariis capitibus excitandum, nimirum ab insignibus vitiis, ab improbitate superbiaque, ab illatis injuriis. Cujus rei mirificum habes exemplum apud Cornelium Tacitum in Agricolæ vita, ubi magnanimus ille Galgacus suorum Britannoruim animos adversus Romanos hac eximia oratione irritare conatur.

Galgaci Oratione contra Romanos apud Tacitum,
Raptores orbis, postquam cuncta vastantibus defuere terræ, & mare scrutantur. Si locuples hos-

tis

(a) *Æneid.* I.

ris est, avari: si pauper, ambitiosi, quos non Oriens, non Occidens satiaverit. Soli omnium opus atque inopiam pari affectu concupiscunt. Auferre, trucidare, rapere falsis nominibus Imperium; atque ubi solitudinem faciunt, pacem appellant. Liberos cuique ac propinquos suos natura carissimos esse volunt: Hi per delectum, alibi servituti auferuntur. Conjuges sororesque, etsi hostilem libidinem effugiant, nomine amicorum atque hospitum polluntur. Bona fortunasque in tributum egerunt, in annonam frumentum: corpora ipsa ac manus silvis ac paludibus emuniendis, verbera inter ac contumelias conterunt. Nata servituti mancipia semel veneunt, atque ultro à Dominis aluntur. Britannia servitatem suam quotidie emit, quotidie pascit &c.

§. II. De Metu, Spe, & Audacia.

Quid est Metus, sive timor?

R. Est perturbatio nata ex opinione mali imponentis.

Quænam sunt artes & industriae concitandi metus?

R. Tres sunt potissimum. Prima est, si denuncietur malum aliquod magnum ac grave, ut bellum, pestilentia, pauperies, infamia, infelix sterilitas. 2. Si ostendatur mali vicinitas, immirensque periculum: neque enim solent homines metuere vel ipsam mortem, si longe remotam arbitrentur; at illius horrore concutiuntur, ubi urget morbus, pestilentia, vel naufragium (a):

Præsentemque yiris intentant omnia mortem.

Hac arte mirabiliter, suo more, utitur Tullius in 2. Catilin. ubi funesta Catilinæ consilia, & imponentes urbi calamitates ita describit: „Video, mihi hanc urbem videre, lucem orbis terrarum, atque arcem omnium gentium, subito uno incendio concidentem. Cerno animo sepultam patriam, miseros atque insepultos acervos civium. Versatur mihi ante oculos aspectus (b) Cethegi in vestra cæde bachantis. Quapropter de summa salute

G 5

, ve-

(a) *Aeneid.* I. (b) *Cethagus unus e principibus conformatio-*
nis Catilinaria.

, vestra, Populique R. de vestris cōjugibus ac li-
 , beris, de fanis ac templis, de libertate ac salute
 , Italiæ, deque universa republica decernite dili-
 , genter, ut instituistis, ac fortiter.“

Eadem arte Æneas Anchisem patrem humeris
 gestans, apud Virgilium lib. 2. timorēm suum sic
 exponit ab imminentis calamitatis magnitudine:
 Succedoque oneri: dextræ sed parvus Julus
 Implicit, sequiturque patrem non passibus æquise.
 Pone subit conjux. Ferimur per opaca locorum,
 Et me, quem dudum non ulla injecta movebant
 Tela, neque adverso glomerati ex agmine Graji,
 Nunc omnes terrent auræ, sonus excitat omnis
 Suspensum; & pariter comitique onerique timentem.

3. Concitandi metus industria, & ars hæc est, si
 proponatur malum, non publicum dumtaxat, &
 commune, sed privatum & proprium. Solent enim
 nos privata multo magis tangere, & acrioris doloris
 sensu ferire, quam publica: .et si homines vulgo vi-
 deri malint publico potius dolore moveri, quam suo.

Hoc probe intellexerat olim nobilis ille Græcus
 Histrion, nomine Polus, qui Athenis aucturus fabu-
 lam Sophoclis, cum repræsentandus esset dolor
 Electræ gestantis cineres Orestis, clanculum eruit
 è sepulcro cineres, ossaque filii, quem amaverat uni-
 ce, urnamque detulit in scenam, & cum lugere vide-
 retur aliena mala, deflebat sua. Ita A. Gellius lib. 7.

Quid est Spes?

R. Est gaudium ex opinione imminentis boni.

*Quænam sunt incitamenta, animum ad spem eri-
 gentia?*

R. Hæc duo numerantur: 1. Honestas, & ma-
 gnitudo boni: 2. Præsidia certa ad illud comparan-
 dum, qualia sunt opes, vires, industria, prudentia,
 amici, adversariorum imbecillitas & favor divinus.
 Hinc Tullius Romanos ad certam victoriæ spem ex-
 citat sane luculenter, 2. Catilin. *Instruite nunc,*
Quirines, contra has tam præclaras Catilinæ copias,
*vestra præsidia, vestrosque exercitus, & primum gла-
 diatori illi confecto & saucio Consules Imperatoresque*
*vestros opponite, deinde contra illam naufragorum eje-
 ctam ac debilitatam manum, florem totius Italiae, &*

*robur educite. Hinc etiam Aeneas suorum animo,
mirum in modum erigit, & bene sperare jubet,*

Aeneid. I.

O passi graviora , dabit Deus his quoque finem.
Vos & (a) Seyllæam rabiem , penitusque sonantes
(b) Accestis scopulos, vos & Cyclopea saxa
Experti ; revocate animos, mœstumque timorem
Mittite ; forsitan & hæc olim meminisse juvabit.
Per varios casus, per tot discrimina rerum
Tendimus in latium ; sedes ubi fata quietas
Ostendunt ; illic fas regna resurgere Trojæ..
Durate , & vosmet rebus servate secundis.

Ad spem pertinet Audacia , seu confidentia, quæ
est affectus quidam animi adversus futurum malum,
quamvis arduum ac difficile quod tamen vincī
possit , consurgentis...

Ouomodo concitatur audacia?

R. Iisdem ferme artibus , quibus Spes. Ita ma-
gnanimus Hannibal , trajecto Rhodano , Italiam re-
cta petens , suos milites hortatur , apud Livium De-
cade 3. ut obstru&tarum nivibus Alpium difficulta-
tes superent , Romanorumque vires contemnant ;
*Quid aliud Alpes esse creditis quam montium altitu-
dines? Fingite altiores Pireneis: An terras aliquas
cælam contingere , & inexpugnabiles humano generi
esse creditis? & alio loco: Cum eo nimirum hoste res
est nobis , qui nec bonam , nec malam ferre fortunam po-
test ; seu vicit , ferociter instat vittis : seu victus est ,
instaurat cum vittis certamen.*

Hac eadem ratione audax Turnus suorum Latino-
rum animos ad pugnam accedit , Aeneid. I.
In manibus Mars ipse , viri ; nunc conjugis esto
Quisque suæ tectique memor : nunc magna referto
Facta Patrum , laudesque ; ultro occurramus ad
undam ,

Dum trepidis egressisque labant vestigia prima.
AUDENTES fortuna juvat.

Multum etiam addit fiduciæ persuasio de favore

G 6

di-

(a) Siciliam , aut Æthnam.

(b) Accestis pre accessistis per syncopen.

divino. Hinc illa Tolumnii Auguris audacia, *AEn.* 12.
Tum vero Augurium Rutuli clamore salutant,
Expediuntque manus; primusque Tolumnius Augur,
Hoc erat, hoc votis, inquit, quod sæpe petivi
Accipio, agnoscoque Deos: me me duce ferrum;
Corripite, ò Rutuli.

§. III. De Misericordia.

Quid est Misericordia?

R. Est dolor animi & ægritudo quædam ex ma-
lo alterius, præsertim iminente laborantis. In hoc
excitando commiserationis affectu, triumphare so-
let magni Oratoris industria. Siquidem, ut vulgo
dicitur; *Lacryma auditorum sunt laus Oratoris vel*
maxima.

*Quenam sunt artes ad misericordiam concitandam
idoneas?*

R. Variæ ac multiplices sunt artes. Prima est, si
qui malum patitur, eo plane indignus esse dicatur. Unde ad ciendam misericordiam valet hoc Vir-
gilii (a):

Nec te tua plurima, Panthu,
Labentem pietas, nec Apollinis insula texit.

2. Est, si de patria, vel de nobis privatim bene
meritus fuisse ostendatur. Hoc artificio mire usus
est lenior Horatius apud Lijvium, ut filium, ob in-
terfectam sororem, parricidii reum, ab imminentí
morte liberaret.

Oratio P. Horatii ad populum pro filio parricidii reo.

Liyius lib. I.

Huncinne, quem mode decoratum, ovanteaque
victoria, incidentem vidisis, Quirites; eum sub
furca vinclum, inter verbera & cruciatus videre
potestis? Quod vix Albanorum oculi tam deformè
spectaculum ferre possunt. I lictor, colliga manus,
quæ paullo ante arimatæ Imperium Populo Romano
pepererunt. Et caput obnubet liberatoris hujus ur-
bis: Arbori infelici suspende: Verbera, vel intra
(b) Pœmerium, modo inter illa pila, & spolia
he-

(a) *Aeneid.* I. (b) Ital. *Spazio tra le muta, o
abitato, ec.*

hostium : vel extra Poematum , modo inter sepulcra Curiatorum . Quo enim ducere hunc juvenem potestis , ubi non sua decora eum à tanta fœditate supplicii vindicent .

3. Ars est , si calamitatis magnitudo , vel diuturnitas , ceteraque hujusmodi circumstantiae luculentiter exponantur .

4. Ars hæc est , si tristia quædam recentis miseriæ signa , monumentaque ob oculos auditorum ponantur , ut cruentæ vestes , vel ipsum mortui cadaver , aut imago . Nam , ut monet Horatius ad Pisonem .

Segnius irritant animos demissa per aures ,

Quam , quæ sunt oculis subjelta fidelibus

Sic M. Antonius , qui postea Triumvir fuit , prolatæ Julii Cæsaris veste pugionibus ac gladiis perforata , sanguineque cruentata , Romanam plebem ita accendit , ut ad conjurorum aedes inflammadas è vestigio provolaverit . Sic Clotildis Clodovæ filia dure & inclementer habita marito Alarico Visigothorum rege , cum sudarium suo imbutum sanguine ad fratres suos Franconum reges misisset , (a) immane illud bellum excitavit , quo res Visigothorum penitus agritæ , deletæque fuerunt . Sic olim summus ille orator Antonius , cum defendere Aquilum , in causa peroranda , tunicam ejus dilocravat , ac discidit è pectore , & adversas senis cicatrices judicibus ostendit .

Sic etiam Æneam flectere Dido conatur apud Ovidium in Heroide , hac lamentabili sui imagine ac pictura .

Aspicias utinam quæ sit scribentis imago !

Scribimus , & gremio Troicus ensis adest .

Perque genas lacrymæ stridum labuntur in ensem .

Qui jam pro lacrymis , sanguine tintus erit .

§. IV. De Ira & Indignatione.

Quid est Ira ?

R. Dicere possem cum Horatio : *Ira brevis furor est* . Sed malo cum Aristotele sic illam definire :

Ira

(a) Gregorius Turonensis , lib. 3. cap. 10.

Ira est sui, propter contemptum, ulciscendi cupiditas,
cum dolore conjuncta. Unde non maximopere differt
ab odio, quod est *Ira quædam inveterata*.

Quomodo excitatur & incenditur Ira?

R. Accenditur commemoratione illatæ injuriaæ,
si præsertim injuria sit cum contemptu conjuncta.
Hinc nimurum apud Virgilium Æneidos i. tanto-
pere effervescit Junonis ira contra Trojanos, ob
spretam à Paride Trojano formam suam, & He-
bem filiam Ganymedi Trojano postpositam:

.... Manet alta mente reposum

Judicium Paridis, spretæque injuria formæ,
Et genus invisum, & rapti Ganymedis honores.

Et rursum in eodem libro suam iram sic susci-
tat, eadem Juno:

Ast ego, quæ Divum incedo Regina, Jovisque
Et soror & conjux, una cum gente tot annos
Bella gero. Et quisquam numen Junonis adorer
Præterea? aut supplex aris imponat honorem?

Quo quis vero est gloriæ appetentior, vel di-
gnitate illustrior, hoc ob sui contemptum vehe-
mentius solet irasci. Cujus rei mirabile in primis
est exemplum Narsetis eunuchi, rei militaris glo-
ria præstantissimi. Is enim post res fortiter gestas
adversus Totilam Gothorum regem, cum invidia
quorumdam, à Justino Imperatore Italæ præfectu-
ra fuisset exutus, atque etiam ab Imperatrice So-
phia, impotentis animi femina, virulento hujusmo-
di fuisse impeditus convicio: *Narsetem eunuchum*
ad pensa lanasque cum feminis esse relegandum; illud
adeo acerbe tulit, ut se telam brevi orsorum dixerit,
quam Imperator & Conjux dum viverent, nulla vi in-
dustriaque retexere possent. Ac paullo post, evo-
catis in Italiam Longobardis: Imperatori magnam.
Italæ partem ademit.

Quid est Indignatio?

R. Est dolor perceptus ob secundas res bona que
alterius, qui hac felicitate judicatur indignus: ut
apud Maronem Eclog. i.

Impius hæc tam culta novalia miles habebit!

Barbarus has segetes?

Ejusmodi est etiam illud Eclog. 8.

Mop-

Mopso Nisa datur: quid non speremus amantes?
 Jungentur jam (a) grypes equis, & eoque sequenti:
 Cum canibus timidæ venient ad pocula damæ.

Quomodo ab invidia differt indignatio?

R. Hoc differt, quod indignatio sit tantum in indignos, eo quod fruuntur bono, ut vel ex ipso nomine liquet. Unde indignatio præsertim suscipitur ab his, qui sunt viri probi, & honoris cupidi, quia boni ferunt indigne malos florere: & honoris studiosi indignantur, immerentes anteferri sibi. Invidia vero est erga bonos, & sua felicitate dignos.

Quomodo concitat Indignatio?

R. Excitatur dupli modo. 1. Si vitæ prioris sordes & vilitas cum præsentis temporis opibus, potentia, & arrogantia præsertim conferantur. 2. Si hominis in quem indignamur vitia, cum viri, cui ante fertur, virtutibus comparentur. Ex primo capite Tullius indignationem ita movet in Vatinium: *Atque illud tenebrosissimum tempus ineuntis etatis tuae patior latere..... Deinde commemorat, ut homo vilis & obscurus paullatim ad honores accesserit; tandemque illa subjungit: Te cognati repunt, (b) tribules execrantur, vicini metuunt, affines erubescunt, (c) struma denique ab ore improbo demigrarunt, & aliis jam se locis collocarunt. Quasi nempe adeo sit impurus, ut vel ipsæ strumæ fœdum hominem aversentur.*

Similiter Horatius indignationem concitat adversus Menam Pompeji magni libertum in hac Oda cedro linenda:

Licet superbus (d) ambules pecunia,

Fortuna non mutat genus.

Videsne, sacram (e) metiente te viam.

Cum

(a) *Gryphus genus ferarum omnino fabulosum, cum aliis, & capite aquilæ, & reliquo corpore leonino, vulgo Grifo.* (b) *Ex eadem tribu.* (c) *Iral. Sorosole.*

(d) *Menas, cum ab hero Pompejo defecisset ad Augustum, ab illo Tribunus militum fuit creatus.*

(e) *Via sacra dicta, quod ad Jovis templum & Capitolium recta duceret.*

156. Artis Rhetoricae Lib: II.

Cum bis ter ulnarum toga,
Ut ora vertat huc & huc euntium
Liberrima indignatio?
Sectus flagellis hic (a) triumviralibus,
Præconis ad fastidium;
Arat falerni mille fundi jugera;
Et (b) Appiam (c) mannis terit:
Sedilibusque magnus in primis eques,
Ochone contempto, sedet.

Ex secundo capite vehementer indignatur Ajax:
apud Ovidium, quod Ulysses secum ausit de Achil-
lis armis contendere.

..... Agimus, proh Juppiter, inquit,
Ante rates caussam, & mecum confertur Ulysses?
Præmia magna peti fateor: sed deimit honorem
Æmulus Ajaci. Non est ienuisse superbum,
(Sic licet hoc ingens) quidquid speravit Ulysses..

§. V. De Mansuetudine.

Quid est Mansuetudo?

R. Mansuetudo, seu lenitas, ac clementia
est motus oppositus iræ: neque aliter definitur
quam ire remissio atque mitigatio.

Quanam est ars concilianda clementia?

R. Mitigabitur ira, & conciliabitur mansuetu-
do, primo ingenua quadam culpæ confessione ac
dolore. Ita Cicero Cæsarem, iratissimum licet, rat-
men Ligario placavit: Ad judicem sia agi solet; sed
ego ad patrem loquor: erravi, temere feci, pænitet; ad
elementiam tuam confugio; delicti veniam peto; ut
ignoscas oro: si nemo impetravit, arroganter: si plu-
tini, tu idem fer opem, qui spem dedisti.

2. Facit ad placandam iram humilitas, & sup-
plicis animi demissio, præsertim apud hostem ma-
gnanimum. Ut enim pulchre ait Ovidius lib. 3. Tri-
seum:

Cor-

(a) *Judicia de servis, ac furibus exercebant tres
judices, qui triumviri capitales dicebantur.*

(b) *Via Appia Roma Brundusium usque pertinge-
bat: nomen traxerat a Claudio Appio Cæco, qui eam
mumiverat. (c) Ital. Barberetti.*

Corpora magnanimo satis est prostrasse Leoni;
 Pugna suum finem ., dum jacet hostis , habet ,
 Addere poterit cum Virgilio tritum illud libri 6.
 Romane , momento
 Parcere subjectis & debellare superbos.

3. Ad declinandam iram maxime sunt adhibendi , qui minus habent roboris , & quos de vi inferenda cogitare nulla est suspicio , cujusmodi sunt pueri , feminæ , senes , sacrorum antistites. Ita legimus id sacris paginis , Davidis iram ab Abigail , iram (a) Artaxerxis ab Esthere fuisse repente mitigatam. Romana quoque historia testatur , Sabiniarum interventu , Romulum inter & Tacium fœrus iustum fuisse. Item Volumnia & Vetusta Marium Coriolanum , patriæ funestum bellum inferentem , à noxiō proposito dimoverunt.

4. Facit plurimum ad iram molliendam , si scias , & captes molles additus , & commoda fandi tempora ; quale est tempus convivii , ludi , fausti alicujus successus , victoriæ , festivitatis ac lætitiae publicæ , quo tempore solent homines ad mansuetudinem esse propensiores.

5. Si prudenter ostendas , quantum præstet mansuetudo cupiditati vindictæ ; ut rete monet Juvenalis hisce versibus aureis Satyræ 13.

.... Quippe minuti

Semper & infirmi est animi , exiguae voluptas Ultio ; continuo sic collige quod vindicta
NEMO magis gaudet , quam femina.

6. Demque valer plurimum ad clementiam , si dicas , qui peccavit , non dedita opera , non dolo malo peccasse , nec id egisse , ut eum contemneret , quem habet iratum : sed vel incautum , vel errore humano deceptum , vel necessitate adactum peccavisse. Vide qua dexteritate locum hunc trætet Tullius ad Cæsarem M. Marcello placandum : „ Atque hoc C. Cæsar is judicium , P. C. quam late „ pateat , attendite. Omnes enim qui ad illa arma „ a fato fuimus , nescio quo , reipublicæ misero fune-

, , sto-

(a) *Artaxerxes, in sacris edicibus dictus Assuerus.*

„stoque compulsi, etsi aliqua culpa tenemur erro-
 „ris humani, scelere certe liberati sumus. Nam
 „cum M. Marcellum, deprecantibus vobis, rei-
 „publicæ conservavit, memet mihi, & item rei-
 „publicæ, nullo deprecante; reliquos amplissimos
 „viros & sibi ipsis & patriæ reddidit, quorum &
 „frequentiam & dignitatem hoc ipso in concessu
 „videtis. Non ille hostes induxit in curiam, sed
 „judicavit à plerisque ignoratione potius, & falso
 „atque inani metu, quam cupiditate aut crudeli-
 „tate civile bellum esse susceptum.”

§. VI. De Æmulatione.

Quid est Æmulation?

R. Est dolor ex aliena felicitate susceptus, non quod illi contigerit, sed quod nos illa careamus. Hinc liquet, Æmulationem esse in laude ponendam, & ad perdiscendum bonas artes plurimum valere. Sunt enim Æmulationi obnoxia, quæ maxime præclara, ut virtus, honores, opes, doctrina, gloria, &c.

Quid interest Æmulationem inter & Invidiam?

R. Æmulationem bonam esse, laudabilem, & honestam, quia nos excitat, ut ipsi quoque bona consequamur. Contra vero Invidia vitiosa est turpisque, quia id agit, ne alter bonis potiatur, ut ait Horatius:

Invidus alterius rebus macrescit opimis.

Quomodo excitari potest Æmulation?

R. Excitatur majorum exemplo, notinis gloria & propositis illustrium virorum egregiis facinoribus. Ita Andromache Æneidos 3.

Quid puer Ascanius? Superatne, & vescitur aura?

Ecquid in antiquam virtutem, animosque viriles
 Et pater Æneas, & avunculus excitat Hector?

Ita magnus ille Alexander cum ad Achillis, tumulum adstitisset: ejus gloriam & felicitatem æmulatus, O fortunata, inquit, adolescens, qui tuae virtutis Homerum præconem inveneris? Et ille historiorum princeps Thucydides, adhuc adolescentulus, cum forte suam historiam Herodotus legeret, ira glo-

gloriæ stimulis agebatur , ut lacrymas tenere non posset. Quo animadverso , Herodotus ejus patri dixit: *Tu sane beatus es , qui filium habeas sic avidum gloriæ , & laudis appetentem.*

*Concluduntur doctrinæ de Affectibus generali.
præcepto.*

Hactenus de Affectibus dictum est , in quibus illud generatim est observandum , quod apud Ciceronem (a) monet Antonius , „ Ut omnes motus , „ quos Orator adhibere volet judici , in ipso Orato- „ re impressi , arque inusti esse videantur. Meque „ enim facile est perficere , ut irascatur , cui tu ve- „ lis , judex , si tu ipse id lente ferre videare : ne- „ que ut oderit eum , quem tu velis , nisi te ipsum „ flagrantem odio ante viderit ; neque ad miseri- „ cordiam adducetur , nisi ei tu signa doloris tui , „ verbis sententiis , voce , vultu , collacrymatione „ denique ostenderis. Ut enim nulla materies tam „ facilis ad exardendum est , quæ , nisi admoto igni , „ ignem concipere possit ; sic nulla est mens tam „ ad comprehendendam viñ. oratoris parata , quæ „ possit incendi , nisi inflammatus ipse ad eam &c. „ ardens accesseris.“

Optime igitur monet Horatius in arte poetica:
 Si vis me flere , dolendum est
 Primum ipsi tibi : tunc tua me infornia lædent.

Finis Libri secundi.

AR-

(a) *Lib. 2. Orat.*

ARTIS RHETORICÆ LIBER TERTIUS.

DE DISPOSITIONE.

Quid est Dispositio?

R. Dispositio definitur à Cicerone, *verum inventarum in ordinem distributio.*

Ouænam est Dispositionis utilitas?

R. Non minus necessaria est dispositio ad fidem faciendam & ad motus excitandos, quam instruētio exercitus ad pugnam ac victoriam ; quam in humano corpore conformatio membrorum, ad gratiam & venustatem ; quam in ædificio lapidum cæmentique apta compositio, ad ædium opportunitatem, & elegantiam. Unde merito præcipit Horatius in arte poetica:

Singula quæque locum teneant sortita decenter.

Sane ordo ubi adest, res auditur libentius, audita intelliguntur facilius, & intellecta diutius inhærent. Si vero negligatur dispositio, sit nimis monstrum illud ex varijs animantibus conflatum, quod Artis initio scite pingit idem Horatius. Sit quod eodem loco reprehenditur;

Velut ægri somnia, vanæ
Fingentur species, ut nec pes, nec caput uni
Reddatur formæ. . .

Quin nullum mihi videtur certius argumentum inscitiæ, heberisque ac pinguis ingenii, quam cum ita incondita est oratio, ita perturbata, ut nihil sit primum, nihil secundum. Contra vero nullum magis indicium artis & industriæ, quam ordo. Quam obrem cum hactenus sit de Elocutione, & de Inventione, in quibus opus est in primis lepore atque ingenio; deinceps videndum de Dispositione, in qua una magis elucet Oratoris judicium atque prudentia.

Quis-

*Quisnam erit servandus est in orationis dispositio-
ne: seu quenam sunt orationis partes?*

R. Orationis partes vulgo quattuor assignantur:
Exordium, Narratio, Confirmatio, seu Contentio,
& Peroratio.

Hæc artificiosa dispositio videtur omnino naturæ
consentanea. Satis enim novimus, vel ipsa duce
natura, ubi quidquam volumus impetrare, conci-
liandos esse animos eorum quibuscum agimus, &
hoc est Exordii munus: deinde exponendum esse
illud quod petimus, & hoc est Narrationis, affe-
rendas esse rationes, quibus ostendatur illud con-
cedendum nobis esse, & hoc efficit Confirmationis
denique preces addendas, aut alios motus adhiben-
dos, quibus impelli vehementius auditorum animi
possint, & hoc Peroratione consequimur.

Sunt qui non quattuor dumtaxat, sed sex omni-
no velint esse partes orationis; nempe Exordium,
Divisionem, Narrationem, Confirmationem, Con-
futationem, & Perorationem, quas etiam ajunt in-
dicari pervagatissimo hoc versiculo:

Exorsus, narro, seco, firmo, refuto, peroro.
Verum, si recte res æstimare velimus, Partitio-
cum propositione revocatur ad Exordium: Confu-
tatio vero redit ad Confirmationem. Unde liquet,
quattuor tantum esse statuendas orationis partes,
quarum duæ valent ad faciendam fidem, scilicet
Narratio, & Confirmatio: reliqua vero faciunt ad
motus excitandos, videlicet Exordium & Perora-
tio. Nunc vero de partibus orationis singulatim vi-
deamus.

C A P U T P R I M U M.

De Exordio.

Quid est Exordium?

R. Exordium definitur à Tullio: *Pars ora-
tionis, auditorum animos idonee comparans ad reli-
quam dictiōnem.* Unde quod in humano corpore
caput est, quod in ædibus vestibulum, hoc est Exor-
dium in oratione. Atque adeo præcipua quadam
cura diligentiaque, præ ceteris orationis partibus:
est.

est elaborandum, naturae ipsius instar, quae in fingendo, atque ornando capite potissimum desudare consuevit. Unde etiam Exordium difficultima pars orationis vocatur à Tullio.

Undenam sumpta est exordii vox?

R. Est Metaphora à textoriibus sumpta, qui proprietatem ordiri dicuntur, cum certa quadam legge filia collocant, & ordine illa componunt.

§. I. De variis Exordiorum generibus.

Quorūplex Exordium?

R. Duplex. Aliud est justum ac legitimum, quod etiam temperatum appellatur: aliud est vehementes & abiuptum, sive ex abrupto,

Quid est exordium justum ac legitimum?

R. Illud est, quo auditorum animi artificiosam quadam verborum conciliatione preparantur.

Quid est Exordium ex abrupto?

R. Ilud est, quo Orator, quasi quodam abreptus impetu, auditores repentino & inopinato motu percussit. Tale est celebratissimum illud Ciceronis. Exordium in Catilinam: *Quousque tandem abutere, Catilina, patientia nostra, &c.*

Quomodo fit Exordium ex abrupto?

R. Fit primo per licentiam, seu per liberiorem quemdam loquendi modum. Sicut apud Livium, lib. 23. Mutius Scævola deprehensus in Possevæ castris, ita illum alloquitur ex abrupto: *Romanus sum civis: C. Mutium vocant. Hostis hostem occidere voluit; nec ad mortem minus animi est, quam ad necem suit. Et facere & pati fortia Romanum est, Nec unus ego in te hos animos gessi. Longus post me ordo est idem petentium decus. Proinde in hoc discriminem, si juvat, accinge, ut in singulas horas capite dimicemus tu. Ferrum hostemque in vestibulo habes regia. Hoc tibi juventus Romana bellum indicimus. Nullam aciem, nullum prælrium timueris: uni tibi & cum singulis res erit.*

2. Fit per indignationem & increpationem, ut cum apud Livium lib. 2. cap. 40. veturia filium (a)

Co-

(a) *Martius Coriolanus plebis odio in exsilium actus, patria bellum intulit.*

Coriolanum sic alloquitur: *Sine, priusquam comple-*
xum accipio, sciam, ad hoc tem, an ad filium venerim:
captiva mater ne in castris tuis sim. In hoc me longa
vita, & infelix senecta traxit, ut exsulem te, deinde
hostem viderem! Potuisti populari hanc terram, que te
genuit atque aluit! Non tibi, quamvis infesto animo,
& minaci perveneras, ingredienti fines ira cecidit! non
cum in conspectu Roma fuit, succurrerit: Intra ista mæ-
nia domus ac Pœnates mei sunt, mater, conjux, liberi-
que? Ergo, ego nisi peperisset, Roma non oppugnaretur!
nisi filium haberem, libera in libera patria mortua essem!

Quandonam usurpandum est Exordium ex abrupo?

R. Usurpatur potissimum vel in summi aiqua
 gratulatione & lætitia; - vel in summa quapiam of-
 fensione, aut indignatione: quibus sciaret omnibus
 Orator extra se rapi videtur quodammodo.

§. II. De Virtutibus ac vitiis Exordii.

Q'ja sunt Exordii dotes ac virtutes?

R. Quattuor vulgo recensentur: *Proprietas,*
cura, verecundia, brevitas.

In quo posita est proprietas Exordii?

R. In eo posita est, ut Exordium sit cum reli-
 qua oratione conjunctum, tamquam caput cum
 corpore. Ut sit ex re quasi natum, & ex ipsis caus-
 æ visceribus ita depromptum, ut ex illius natura
 quodammodo videatur efflorescere. Contra vero vi-
 tiosum erit, si sit vulgare ac commune, hoc est,
 si caussis aliis, & fortasse etiam contrariis, possit
 accommodari: hujusmodi Exordia lepide compa-
 rantur (a) Ephippio, quod equis bene multis accom-
 modaretur, vel gladio Delphico, qui ad hunc mo-
 dum factus fuit, ut eodem & sacras mactarent vi-
 etimas, & suppicio nocentes afficerent.

2. Viciosum erit Exordium, si sit commutabile,
 hoc est, si leviter mutatum, ab adversario possit
 usurpari. 3. Si sit procul accersitum, longiusque
 periculum, vel si nihil ad rem pertineat. Quæ Exor-
 dia similiter se habent ac

Hu.

(a) Ital. *sella.*

Humanæ capiti cervicem pector equinam
Jungere si velit.

Quale etiam fuit Exordium inepri illius caussidi-
ci, qui de lite inter duos vicinos acturus, Exordium
petivit ab Adamo, vixque ad diluvii tempora tan-
dem pervenit.

In quo posita est Exordii cura?

R. In eo posita est, ut Exordium sit plenum
dignitatis, sit accuratum & acutum, sit aptum ver-
bis & instru&tum sententiis, & quod periti solent
**Archite&ti vestibula aditusque ad caussam faciat il-
lustres**, inquit Tullius. Prima quippe Oratoris com-
mendatio proficiscitur ab Exordio: quod si negli-
gentius tractatum fuerit, reliqua omnia fastidiet
& nauseabit auditor. Ut enim optime monet Fa-
bius, pessimus sane videtur gubernator ille, qui è
portu solvens, statim ad scopulos navem appellit.
Caveat tamen Orator, ne, quod s&pe comingit,
Exordii nimis pieti & nimis artificiosi splendore,
ac concinnitate, (a) pr&stigiarum ac fraudis suspi-
cionem auditoribus pr&beat.

In quo consistit Exordii verecundia?

R. In eo consistit, quod Orator dicere incipiens,
pr&x se ferat ingenuum illum pudorem, quem in
Oratore summo L. Crasso tantopere laudavit Cice-
ro; *Fuit enim, inquit, in L. Crasso pudor quidam*
*qui non modo non obesset ejus orationi, sed etiam pro-
bitatis commendatione prodasset.* Et ipse etiam L.
Crassus de se sic confitetur lib. I. de Oratore. *In
principiis dicendi tota mente, atque omnibus artibus*
eontremisco. Sciebat enim summus ille dicendi ar-
tifex & doctor, offendere solere auditorum animos,
si Orator velut exultans sibique pr&fidens, ad di-
cendum accedat.

In quo posita est brevitas Exordii?

R. In eo posita est, ut Exordium reliquæ ora-
tionis magnitudini sit accommodatum, & ut inani
verborum circuitione non producatur longius quam
par sit. Neque enim profectio cubitali Pygmæi cor-
po-

(a) Ital. *travvegole*, *gabbamento*.

pori caput giganteum , aut humili tugurio valvæ . Quid si fiat , bellissime sane quadrabit in enormia id genus procœmia facetum illud Diogenis dictum ad (a) Myndios : qui suo oppidulo grandes & magnificas fores affixerant : *Viri Myndii , portas claudite , ne urbs exeat.*

Nolim tamen orationi nullum jungatur Exordium , ut olim in Areopago fieri solitum accepimus , ubi dicebant Oratores sine Exordio , sine affectibus , sine epilogo , inquit Julius Pollux , & ut etiam à Xenophonte factitatum legimus , qui sic exorditur : *Darius , & Parisatis duos habuere filios.*

Nolim etiam orationi , ceteroqui longulæ , brevissimum , ut nonnulli solent , affigatur Exordium : neque enim ingentem Basilicam decent exiguae fores ; aut giganteo corpori Pygmæi caput , vel ingenti colosso globulus imponitur.

§. III. De variis Exordiorum fontibus.

VARIIS sunt fontes , unde derivari solet Exordium justum ac legitimum. Nos hic præcipuos indicabimus.

1. Exordium recte ducitur ab adjunctis personæ , rei , loci , ac temporis : atque hic erat fons notus ac familiaris Tullio , qui hinc ferme solebat exordiri. In oratione pro M. Cælio exorditur à temporis insolentia : quippe die festo , contra quam fieri soleret , caussam dicere cogebatur. Exordium Milonianæ ducitur 1. à persona adversariorum , qui armati forum obsidebant : 2. à persona Pompeji judicis : 3. ab insolita judicii forma. Pro Rege (b) Dejotaro , dicit Exordium ab angustiis loci , in quo habita fuit haec oratio : *Moveor etiam ipsius loci insolentia* (inquit Tullius) „ , quod tantam causam , quanta nulla umquam in disceptatione versata est , (c) dico intra domesticos parietes , dico

H

,,ex-

(a) *Myndus oppidulum Caria , in Asia minori.*

(b) *Hac oratio privatim habita in ædibus Cæsaris.*

(c) *Dejotarus Gallogracia rex in bello civili Pompeji partes secutus , victorem Cæarem cum exceperet hospitio , fuit accusatus , quod ei straxisset insidias.*

extra conventum & eam frequentiam, in qua
 oratorum studia niti solent: in tuis oculis, in cui
 ore vultuque acquiesco. Hanc enim, C. Cæ-
 sar, caussam si in foro dicerem, eodem audiente
 & disceptante te, quantam mibi alacritatem po-
 puli Rom. concursus afferret? Quis enim civis
 ei regi non faveret, cuius omnem ætatem in po-
 puli Rom. bellis consumptam esse meminisset?
 Spœtam curiam, intueret forum, cœlum deni-
 que testaret ipsum... Quæ quoniam angustiora fa-
 ciunt parietes, atque caussæ maxime debilita-
 tur loco, tuum est, Cæsar, qui pro multis sæpe di-
 xisti, quid nunc mibi animis sit, ad te ipsum refer-
 re; quo facilius tum æquitas tua, tum audiendi di-
 ligentia imminuat hanc perturbationem meam."

2. Dicitur Exordium à rotunda simplicique rei expositione, sine fuso & calamistris, & sine ullo in speciem artificio. Ita Cicero pro Ligario: *Novum crimen, C. Cesar, & ante hunc diem, inaudatum, propinquus meus ad te, Q. Tubero, detulit: Q. Ligarium in Africa fuisse.*

3. Dicitur Exordium à contrario, cum prima fronte ea videmur dicere, quæ caussæ nostræ sine omnino contraria, & adversariis faveant, ut scilicet eos sensim in nostram sententiam nihil minus cogitantes pertrahamus; in quo sane est artis & industriæ plurimum. Ita Alexander apud Curtium milites suos cobortaturus, ut secum audacter pergent ad extremas Indiæ partes, primo videtur probare illorum studia, qui reditum in patriam cogitabant: *Magnitudinem rerum, inquit, quas geristis, milites, ineuntibus vobis, minime mirum est & desiderium quietis & societatem gloria occurtere, &c.* Deinde mutata sensim verificatione, in contrariam sententiam callidissime descendit.

4. Dicitur Exordium ab insigni quopiam effato, & dicto, vel ab illustri exemplo. Ita Catilina suos conjuratos ad impium bellum adhortatur apud Salustium hoc effato: *Competum habeo, milites, verba virtutem non addere, neque ex ignavo strenuum, neque fortem ex timido exercitum imperatoris oratione fieri.* Ita etiam Cæsar, dum in Senatu pro Catilina lo-
 qui-

quitur apud eumdem Sallustium ab insigni effato sic exorditur: *Omnes homines, P. C. qui de rebus dubiis consultant, ab odio, amentia, ira, atque misericordia vacuos esse decet.*

5. Duci potest exordium ab insigni aliqua quæstione. Ita Tullius suum de Inventione Rhetoricæ librum auspicatur: *Sæpe & multum hoc mecum cogitavi, boni ne an mali plus attulerit hominibus & civitatibus copia dicendi, ac summum eloquentiae studium.* Eodem ex fonte suum in (a) Rufinum carmen dicit Claudio:

*Sæpe mihi dubiam traxit sententia mentem,
Curarent superi terras an nullus in esset
Rektor, & incerto fluerent mortalia casu.*

*Abstulit hunc nobis Rufini poena tumultum,
Absolvitque Deos. Jam non ad culmina rerum
Injustos crevisse queror. Tolluntur in altum.
Ut lapsu graviore ruant.*

6. Præclare admodum trahitur Exordium à suspensione, quæ mirifice præparat auditorum animos, magnæ alicujus rei expectione; & illos acuit vehementi cupiditate sciendi quid demum sit illud quod polliceatur Orator. Ita Cic. Verrina I., Quod erat opendum maxime, Judices, & quod unum ad invidiam vestri ordinis, infamiamque judiciorum sedandam maxime pertinebant; id non humano consilio, sed prope divinitus datum atque oblatum vobis summo reip. tempore videtur. In veteravit enim jam opinio perniciosa reip. vobisque periculosa, quæ non modo Romæ, sed & apud exteris nationes omnium sermone percrebuit, his judiciis, quæ nunc sunt, PECUNIOSUM hominem, quamvis sit nocens, nullum posse damna ri.

Dénique Exordium ab ipsis caussæ visceribus, hoc est ab intimis caussæ principiis trahendum est, & in illo sollerter jacenda argumentorum & affectuum omnia semina, quæ deinde retractata, fusi s

ex-

(a) *Rufinus Arcadii tutor affectans imperium, a militibus occiditur.*

explicitur. Id vero non difficulter efficies si ex Fabii Quintiliani præcepto diligenter intruearis, apud quos, pro quibus, contra quos, quo loco, quo tempore, quo rerum statu dicendum sit tibi; quid auditores ac judices sentire credibile sit; quis sit orationis tuæ scopus; quid petas, quid consequi velis. Hæc omnia ubi perspecta mature fuerint tibi, ipsa te magistra natura facile docebit, unde sit tibi capiendum orationis Exordium.

§. IV. De officio ac munere Exordii.

Quidnam est officium ac munus Exordii?

R. Triplex; ut nempe reddat auditorem benevolum, attentum, & docilem.

Unde reddet auditorem benevolum?

R. Ex quadruplici capite: 1. à persona Oratoris ipsius: 2. à persona adversariorum: 3. à persona auditorum, vel judicium: 4. ab illius, pro quo dicitur, persona.

Quomodo reddet auditorem benevolum, à persona Oratoris ipius?

R. Si Orator modestiam, pudorem, probitatem, & ingenuum quemdam candorem ore potius & re ipsa præ se ferat, quam verbis ostentet. Poterit tamen interdum sua merita, suum officium, suas virtutes, sed parce omnino ac sine arrogantia commendare; quod mirifice facit Tullius in oratione pro Archia, suo quondam magistro: „Si quid est in me ingenii, judices quod sentio quam sit exiguum: aut si qua exercitatio dicendi, in qua me non inficiar mediocriter esse versatum; aut si hujusce rei ratio aliqua ab optimarum artium studiis ac disciplina profecta, aqua ego nullum continentium rerum vel in primis hic A. Licinius fructum a me repetere prope suo jure debet. Nam quoad longissime potest mens mea respicere spatium præteriti temporis, & pueritiae memoriam recordari ultimam, inde usque repetens, hunc video mihi principem & ad suscipiendam, & ad ingrediendam rationem horum studiorum exitisse. Quod si hæc vox hujus hortatu, præceptisque conformata, nonnullis aliquando saluti ruit: à quo

, quo id accepimus quo ceteris opiculari, & alios
 , servare possemus, huic profecto ipsi, quantum est
 , situm in nobis, & opem & salutem ferre debemus."

Quomodo colligitur benevolentia ab adversariorum persona?

R. 1. Si dicamus, nos nimiam illorum eloquentiam, aut gratiam revereri, unde illa reddatur suspecta judicibus: quod pulchre admodum facit Cicero pro Quinetio: *Quæ res in civitate duæ plurimum possunt; haec contra nos ambae faciunt in hoc tempore, summa gratia. & eloquentia, quarum altera, C. Aquili, vereor, alteram metuo.*

2. Si illos in odium & in invidiam adducere, vitiatum, quibus laborant, commemoratione, conmemur; ut pro Dejotaro: *Crudelem. (a) Castorem, ne dicam sceleratum & impium: qui nepos avum in discrimen capitidis adduxerit, adolescentiaeque suæ terrorem intulerit ei, cuius senectutem tueri & tegere debebat.*

Quod si adversarius sit vir bonus, notæque probitatis ac fidei, Tullium imitaberis, qui cum pro Muræna diceret, Catonemque virum antiquæ virtutis haberet adversarium, non quidem in ejus vita moribusque quidquam culpavit; sed tamen, ut illi quomodocumque fidem detraheret, se & tan Stoicorum- cui se Cato totum addixerat, irridere coepit: idque tam salse, tamque facete, ut judicium risu dissolveretur, & Cato ipse dixerit: *Quam (b) ridiculum habemus Consulem!*

Quomodo captabitur benevolentia à persona vel auditorum, vel judicum?

R. 1. Si eis confidere videatur Orator, ut pro Roscio Amerino. 2. Si suam caussam cum eorum utilitate conjungat, ut passim in Philippicis. 3. Si eorum justitiam, fidem, auctoritatem & dotes ceteras modeste commendet, ut in Exordio Milionianæ, ubi Tullius Pompejum laudat à sapientia justitiaque, cum ait: „Sed me recreat & reficit Cn. Pompeji sapientissimi & justissimi viri consilium,

(a) *Cæsar Dejotari nepos ex filia.*

(b) *Plutarchus in vita Catonis.*

„ qui profecto nec justitiae suae putaret esse, quem
 „ reum sententiis judicum tradidisset, eum telis
 „ militum dedere: nec sapientiae, remissitatem con-
 „ citatæ multitudinis auctoritate publica armare.“

Immò ne ipse quidem Paullus Apostolus hoc sibi
 negligendum putavit, cum pro se ipse diceret apud
 regem Agrippam, Actorum capite 25. „ De his
 omnibus, quibus accusor à Judæis, rex (a) Agrip-
 pa, aestimo me beatum, apud te cum sim defen-
 surus me hodie, maxime te sciente omnia, & quæ
 apud Judæos sunt consuetudines, & quæstiones.
 Propter quod obsecro patienter me audias.“

*Quomodo paratur benevolentia a persona clientis,
 si illius, cuius caussa agitur?*

R. Si illius innocentiam virtutemque commendes:
 si illius calamitatem amicorum inopiam & solitudi-
 nem conqueraris; ut Cicero pro Roscio Amerino.

*Semper ne laborandum est in exordio, ut captetur
 auditorum benevolentia?*

R. De captanda benevolentia non valde labo-
 randum esse in caassis illis, quæ per se sunt hone-
 stæ, sed tantum in iis, quæ sunt vel paradoxæ, vel
 dubiæ, vel humiles. Quattuor enim caussarum ge-
 nera distinguit Divus Augustinus in exilio suo li-
 bro de Rheticæ principiis; *Honestas, incredibiles,*
dubias & humiles.

In humili quippe argumento se se maxima non-
 numquam exercuerunt & ostentarunt ingenia; ut
 olim Polycrates, qui mirum panegyricum celebra-
 vit, & Lucianus, qui muscam laudavit. Inter ju-
 niiores vero Majoragius scripsit encomium luti,
 Calcagninus, post Psellum, pulicem prædicavit,
 Scaliger ansarem, Passeratius ipsum nihil laudan-
 dum suscepit, Umbram Janus Douza præconio ce-
 lebravit: & nostra æate vir Cl. Daniel Heinsius
 asinum pediculumque laudavit.

In his vero, aliisque id genus humilibus caassis,
 itemque in illis, quæ minus gratæ sunt auditoribus,
 opus

(a) *Agrippa ultimus Iudeorum Rex, filius illius*
Herodis Agrippæ, qui ab Angelo percussus fuit.

opus est insinuatione, seu exquisitiore quadam arte, qua Orator subdole & latenter in auditorum animos irrepatur.

§. V. De paranda attentione.

UNdenam conciliatur attentio?

R. Conciliatur partim promissione, partim petitione, promissione quidem, si polliceamur nos esse dicturos de rebus vel novis, vel magnis, vel utilibus, vel jucundis. Ita Horatius Od. i. lib. 3.

Carmina non prius
Audita, Musarum Sacerdos
Virginibus puerisque cano.

Sic etiam in primis Cicero pro Rabirio: *Sic enim existimare debetis, Quirites, post hominum memoriam, rem nullam magis periculosam, magis ab omnibus vobis providendam, nec a Tribuno plebis suscep-tam, neque a Consule defensam, neque ad populum Rom. esse delatam.* Hoc etiam ex regie praestitit Maro, quando de apibus dicturus, ita cecinit 4. Georg.

Protinus aerii mellis cælestia dona
Exequar. Hanc etiam, (a), Mæcenas, aspice
partem.

Admiranda tibi levium spectacula rerum,
Magnanimosque Duces, totiusque ordine gentis
Mores, & studia, & populos, & prælia dicam.
In tenui labor, at tenuis non gloria. . . .

Nolim tamen montes, ut ajunt, aureos in ipso
dicendi initio semper polliceatur Orator: nec sic incipiet ut (b) Mævius ille, quem ridet Horatius:

Fortunam Priami cantabo & nobilis bellum.

Multoque sane cautius mihi videtur facere, qui
cum Homero simpliciter & verecundè sic exorditur:

Dic mihi, Musa, virum cautæ post tempora
Trojæ,

Qui mores hominum multorum vidi & urbes.

H 4

Quam

(a) *Mæcenas apud Augustum gratosissimus, postatum patronus munificus.*

(b) *Hic est ille Mævius, quem carpit Virg. Qui Bavium non odit, amet tua carmina, Mævi.*

Quam si magnificentius sic incipias cum Lucanè:

Bella per Emathios plusquam civilia campos..

Aut si tumidum illud turgidumque imiteris

Claudiani procœnium de raptu Preserpinae:

Inferri raptoris equos , afflataque curru
Sidera Tænatio , caligantesque profundæ
Junonis thalamos audaci promere cantu , -
Mens congesta jubet.

Quod si satis appareat , rem de qua agitur , esse
abjectam & exilem , plus efficiet Orator , si rotun-
de statim & ingenue profiteatur sese in re omnino
tenui laborare , quam si grandia nequidquam pol-
liceatur , sed caussæ tenuitatem æquitate , vel neces-
sitate , vel aliunde compensare conabitur ; ut Cic.
Philippica 7. Parvis de rebus , sed fortasse necessariis ,
consulimur , P. C. de Appia via & de (a) moneta.

2. Conciliandæ attentionis ratio est *petitio* ; cum
scilicet auditores rogamus , ut studiose ac diligenter
velint attendere ; ut Cicero pro Sexto Roscio :
*Quapropter vos oro atque obsecro , indices , attente bona-
que cum usnia verba mea audiatis.*

Quamvis autem sub ipsum Exordium postulari
soleat attentio , satius tamen erit interdum illam in
ipso orationis decursu postulare ; cum scilicet audi-
toris animus , initio ar ectus & alacer , languesce-
re incipit , & defatigatæ illius aures incipiunt pe-
rigrinari , ut solet. Hoc egregie præstítit Tullius
pro Cluentio , dum sic ait ; „ Vos , quæso , ut adhuc
„ me attente audistis , item quæ reliqua sunt audia-
„ tis. Profecto nihil à me dicetur , quod non di-
„ gnatum hoc conventu & silentio dignum vestris
„ studiis apque auribus esse videatur .“

Quomodo comparabitur docilitas ?

R. Tribus maxime rebus : 1. Si brevem te fore
promittas , stesque promissis. Ut enim eleganter
& ingeniose monet Tullius , multo satius est , ut
Orator desinat , quam si deficiat ; & Auditor cum
desiderio , quam si cum fastidio ac satietate recedat.

At-

(a) *Vel de templo Junonis moneta reficiendo , vel de
pecunia cuendenda.*

Atque in Oratores nimis longos bello omnino quadrant ultima hæc artis poeticæ verba:
 Indoctum doctumque fugat recitator acerbus.
 Quem vero arripuit, tenet occiditque legendo,
 Non missura cutem, nisi plena crux (a).
 hirudo.

2. Comparabitur docilitas, si breviter, dilucide simpliciterque proponas, qua de re dicturus sis.

3. Fiet docilis auditor, si tuam orationem in dua, vel tria ad summum capita perspicue partias, ut cum ait Tullius Philippica 7. *Cur pacem nolo?* quia turpis est, quia periculosa, quia esse non potest. quæ tria dum explico, peto a vobis, P. C. ut eadem benignitate, qua soletis, verba mea audiatis: Sed quoniam permagni interest ad eloquentiam quemadmodum proponat, & orationem suam partiatur Orator, & quia hic locus est in tota Rhetorica longe difficillimus, tironibus præserim; de utroque illo capite accuratius nobis esse disputandum arbitramur.

§. VI. De Propositione.

Quenam sunt Propositionis virtutes ac dotes? R. Quinque vulgo assignantur propositionis dotes, 1. est, ut simplex sit unaque, non vero multiplex, ex illius enim unitate omnino pendet orationis unicas; semperque meminisse debet Orator eximii illius, numquamque satis inculcandi Hora-tiani præcepti:

Denique sit quodvis simplex dumtaxat & unum.

Quid est porro una simplexque propositio?

R. Una simplexque dicitur illa propositio, quæ constat una simplicique sententia, v. g. *Pax est con-ficienda, Injuria sunt condonanda, &c.*

2. Propositionis dos est, ut sic ita clara, ut non modo nullo labore intelligatur, sed etiam ut non possit non intelligi, quemadmodum ista; *Otium est fu-gendum.* 3. dos est, ut omnia totius orationis at-

H 5

gu-

(a) *Hirudo.* Ital. *sanguisuga*, est *pisciculus* instar exigiui serpentis, qui ad sugendum vitiosum sanguinem, cuti solet applicari, nec evelli, nisi sanguine opuleatus, potest.

Sumenta, partesque omnes in illam velut in scopum metamque colliment. 4. dos est, ut tractari copiose & ornari facile possit, & amplam dicendi segetem suppeditet. Rege enim monet Horatius, ne jejenum dicendi sumas argumentum, & quæ desferas tractata nitescere posse, relinquas. 5. dos est, ut propositio vel ipsa novitate percellat, vel insigni aliqua utilitate placeat: quæ duo, vel maxime conciliare solent attentionem atque benevolentiam.

Quomodo novitatem habebit propositio?

R. Si argumentum ita proponatur, ut ex trito vulgarique fiat inusitatum, & auditorum animos statim erigat feriatque: v. g. trita est vulgarisque hæc propositio: *Homo multorum sibi malorum auctor est*, nihilque admodum dignum habet attentione. Fiet vero nova & admirabilis: si dicas cum Chrysostomo, *Nemo luditur, nisi a seipso*, vel, *Nemo miser, nisi qui velit*. Item vulgaris est hæc propositio: *Mali aliquando sunt utiles virtuti*; itemque ista; *Mors minus dura accidit miseriis, quam felicibus*. Fiet autem illico utraque nova mirificaque, si dicas, *virtutem plus interdum improbis debere, quam probis*, & *felicitatis genus esse infelicem mori*.

Quomodo utilitatem habebit propositio?

R. Utilitatem habere solent propositiones illæ, quæ contemplativæ non sunt, sed activæ (si duobus illis Senecæ vocibus nobis uti fas est.) Contemplativæ porro dicuntur illæ, quæ in sola cognitione versantur, quemadmodum ista: *Stultorum infinitus est numerus*. Activæ contra dicuntur propositiones illæ, quorum finis est aliquid efficere: ut, *ferenda sunt amicorum, vitia*.

S. VII. De Divisione.

*C*ur adhiceri solet in oratione Divisio, sive Partitio?

R. Tribus potissimum de caussis. 1. Quia lumen affert orationi. 2. quia juvat memoriam Oratoris, & auditorum. 3. quia levat audiendi fastidium: recreatur enim animus admonitione singularum partium orationis: quemadmodum viarum reficiunt spatia certis lapidibus & intervallis di-

distincta, ut ait (a) Rutilius in Itinerario:
Intervallo viæ festis præsta re videtur,
Qui notat inscriptus millia multa lapis.
Quanam sunt leges Divisionis?

R. Quattuor. 1. est, ut Divisio sit plena; hoc
est, ut partes illius sive membra omnino comple-
tentur, & adsequunt propositionem, quæ dividitur.
2. est, ut membra illa sint opposita, neque
unum in altero contineatur. 3. est, ut Divisio ha-
beat partes duas, tresve ad summum, vix plures.
Si enim nimium concissa sit, &c., ut loquitur Fa-
bius, nimium articulosa, offendet orationi tenebras,
parietque obscuritatem illam, contra quam fuit in-
ducta. 4. dos est, ut sit plana, simplex & quasi
obvia; non vero ad artis & ingenii ostentationem
longius accersita.

De Narratione, quæ est secunda orationis pars,
fusius & uberior dictum est in secundo capite Ele-
mentorum Rheticæ.

C A P U T I I .

De Confirmatione.

Quid est Confirmation?

R. Est pars orationis, in qua firmamenta, seu
robora causæ afferuntur.

Quot sunt partes Confirmationis?

R. Duæ. 1. Est Confirmatio proprie dicta, in
qua ea, quæ pro nobis sunt, firmamus ac stabili-
mus. 2. est Confutatio, in qua contrarias adversa-
riorum rationes refellimus. Hinc liquet, Confir-
mationem esse præcipuam ac potissimum Orationis
partem, quæ quasi viscera, vitamque illius conti-
neat, totamque suadendi spem in ea maxime parte
sitam esse. Unde fides jure nuncupatur ab Aristo-
tele.

(a) *Rutilius natione Gallus floruit saculo quarto.*
Scriptis Itinerarium versu supra hanc etatem eleganti.

§. I. De Confirmatione propriè dicta.

Q'modo tractanda est Confirmatio propriè dicta?

R. Per argumenta & per argumentationes.

Quid est Argumentum?

R. Est probabile inventum ad faciendam fidem.

Quid est argumentatio?

R. Est argumenti fusior & artificiosa dilatatio.

Quid differt inter Argumenta, & Argumentationes?

R. Hoc interest, quod Argumentatio sit modus, sive ratio, qua argumentum tractatur: Argumentum vero sit ipsa argumentationis materia. Unde argumenta ex se jejuna sunt & imbecilla, nisi accedat artificiosa illorum explicatio.

Unde petuntur argumenta ad confirmandum idonea?

R. Peruntur à locis tūm intrinsecis, tūm extrinsecis, de quibus accuratè dictum est à nobis lib. 2.

Quo ordine collocanda sunt argumenta in Confirmatione?

R. Firmiora partim in principio collocanda sunt, quia tunc vel maximè attendit auditor: partim in fine, quia quæ postremo dicuntur, altius inhaerent; imbecilliora vero collocanda sunt in medio, ubi magis latebit eorum infirmitas: quemadmodum imbecilliores milites, qui fugam, audita buccina, circunspectiunt, in medium agmen cogiscent, ut qui perse parum possunt, turba valeant. At si causa duobus tantum argumentis nitatur, quorum alterum validius sit, alterum infirmius, tunc imbecillus subjicietur quidem validiori, sed mox ad validius recurretur.

Quæ sunt argumentationum species, seu quæ modis tractari possunt argumenta?

R. Quattuor sunt præcipuae species argumentationis: *Syllogismus*, seu *ratiocinatio*. *Enthymema*, *Inductio*, & *Exemplum*. His adde *Soritem*, & *Epicharisma*.

§. II. De Syllogismo.

Quid est Syllogismus?

R. Duplex distinguitur Syllogismus, seu ratiocinatio. Alius est Philosophicus, alius Oratorius.

Syl-

Syllogismus Philosophicus est argumentatio constans tribus propositionibus distinctis, & explicitis, Quæ sic inter se connectantur, ut concessis duabus primis, quarum altera *major*, altera *minor*, quia minus late patet, appellatur; necessario concedenda sit tertia, quæ *consequentia* dicitur: v. g.

Omnis ars honesta est amplectenda:

Rhetorica est ars honesta:

Ergo Rhetorica est amplectenda.

Syllogismus Oratorius est ratiocinatio constans quinque partibus, vero inter se ordine connexis: unde etiam vocatur *Syllogismus perfectissimus*.

Quanam sunt partes Syllogismi Oratorii?

R. *Quinque numerantur. 1. est Proposition. 2. Propositionis probatio. 3. Assumptio. 4. Assumptionis probatio. 5. Conclusio.* Habes insigne quoddam Syllogismi Oratorii exemplum in libro 1. de Inventione, ubi luculentè demonstrat Cicerò, Divina providentia mundum gubernari. Sed quod exiliter & jejunè: dixisse Philosophus in hunc ferme modum: „*Illud Divina providentia administratur*“; „*quod optime administratur*“; „*sed mundus optime administratur*“; „*igitur mundus Divina providentia administratur*“; id ipsum Tullius Oratorio more ita pertractat:

Melius accurantur quæ consilio geruntur, quam quæ sine consilio administrantur. Ec hæc est propositio.

Damus ea, quæ ratione regitur, omnibus instructior est rebus, & apparatiō, quam ea, quæ temere & nullo consilio administratur. Exercitus ic, cui præpositus est sapiens & callidus Imperator, omnibus partibus commodius regitur, quam is qui stultitia & temeritate alicujus administratur. Eadem navigii ratio est. Nam navis optimè cursum conficit ea, quæ scientissima gubernatore uititur. Et hæc est Propositionis probatio.

Nihil autem omnium rerum melius, quam mundus administratur. Et hæc est Assumptio.

Nam & signorum ortus & obitus definitum quemdam ordinem servant; & annuae commutations non modo quadam ex necessitate semper eodem modo fiunt, verum ad utilitates quoque rerum omnium sunt accommodata, & diurnæ nocturnæque vicissitudines mul-

Ia in re unquam mutate quidquam nocuerunt. Et hæc Assumptionis probatio.

Quæ signa sunt omnia non mediocri quodam consilio naturam mundi administrari. Quæ est Complexio, sive Conclusio.

Semperne constat quinque illis partibus Syllogismus oratorius?

R. Nequaquam. Si enim perspicua sit vel Propositio, vel Assumptio, tunc omittitur illius probatio; & ita fit Syllogismus quadripartitus. Quod si etiam perspicua videatur utraque, tunc probatione nihil opus erit: & ita tripartitus fit Syllogismus.

Quid vero intererit inter Rhetorem & Philosophum, si uterque tripartitum Syllogismum adhiceat?

R. Hoc intererit, primo, quod Philosophus ea maxime querat argumenta, quæ possint scientiam, aut certam opinionem efficere: Rhetori vero sufficiant, ut plurimum probabilia. Alterum discriminem est in argumenti tractandi ratione positum. Philosophus enim tres propositiones ordine collocat, quem ordinem *formam* appellant; Rhetoris vero industria in eo posita est, ut propositiones illas invertat, amplificet, verbis ornent, figuris illuminent, artem denique totam diligenter tegat. Hinc acute admodum ajebat (a) Zeno Philosophus, *Logicam, seu Dialecticam similem esse pugno, seu manu explicata, atque exporrecta similem esse.*

Numquamne logicus & naturalis servatur ordo in Syllogismis oratoris?

R. Servatur aliquando non solum ab Oratoribus, verum etiam, quod mirum sane videatur, ab ipsis Poetis, ut in illo Persii exemplo, *satyra 5.*

An quisquam est (b) alias liber, nisi ducere vitam

Cui licet, ut voluit? Licet, ut volo, vivere, non sim

Li-

(a) *Zeno Stoicorum inventor & princeps, floruit post Alexandri Magni mortem.*

(b) *Perfectus in Poeta Syllogismus.*

Liberior Bruto?

Qui profecto integer est Syllogismus, & ordinem cum plane servat, qui tradi solet à Logicis: Sic enim hoc loco dialegeticum prorsus in mortem argumentatur Persius.

Nemo magis liber est quam is cui licet ducere vitam ut vult.

Atqui mihi licet ducere vitam ut volo.

Ergo liber sum, & ipso etiam Bruto liberior.

§. III. De Enthymemate.

Quid est Enthymema?

R. Est pars Syllogismi, seu Syllogismus imperfectus.

Quot partes habet Enthymema?

R. Duas; quarum prima vocatur à Logicis *Antecedens*: alia *Consequens*, y. g. *Omnes artes sunt expetenda. Ergo eloquentia est expetenda.* Hinc est quod Enthymema jure optimo *curtum* vocatur à Juvenali Sat. 6. in mulieres:

Non habeat matrona, tibi quæ juncta recumbit,

(a) *Dicendi genus, aut curtum sermone rotato
Torqueat Enthymema, nec historias sciat omnes.*

Vocatur, inquam, *curtum*, quod sit argumentatio quasi mutila, & una propositione véluti truncata, quæ si addatur, fit integer Syllogismus.

Quomodo fit Enthymema?

R. Fit omittendo vel propositionem, vel assumptionem, seu ut Logici loquuntur omittendo *majorem*, vel *minorem*: v. g., *Clodius insidias struxit Miloni: ergo Clodius jure fuit occisus; vel Quicumque alteri struit insidias, jure ab illo occiditur: ergo Clodius jure fuit occisus à Milone.*“

Unde nomen suum traxit Enthymema?

R. A mente concipere, cogitare, quod scilicet tercia propositio, quæ verbis non effertur, mente retineatur.

Quodnam est optimum Enthymematis genus?

R. Illud est, quod fit à contrariis, cuiusmodi est

(a) *Non loquatur ex arte & secundum praecepta Rhetorica.*

180. Artis Rhetorice Lib. III.

est apud Sallustium illud (a) Micipse ad (b) Jugurtham; Quem alienum fidum invenies si tui hostis fueris? Erit etiam acutius ac validius Enthymema, si fiat per interrogationem. Tale est illud Medeæ apud Senecam:

Servare potui. Perdere num possim rogas?

Cur Enthymemate magis gaudere vulgo dicitur Orator quam Syllogismo?

R. Tribus de caassis. 1. Ut occultet artificium, quod scilicet agnatum, caussæ magis obest, quam prodest. Hinc etiam cum utitur Syllogismo, partes ejus fere transponit. 2. Ne videatur auditorum ingenii diffidere, quasi necesse sit omnes Syllogismi partes sigillatim exprimi. 3. Quia Enthymema validius perceliit adversarios, illosque (c) punetim, ut ajunt, cæsimque ferit. Unde *jaculum ac telum* Oratoris vocari solet. Vide quomodo Tullius Enthymemate feriat Antonium: *Pacem vult Antonius? arma ponat: quasi si diceret; Non arma ponit Antonius; ergo nou vult pacem.*

§. IV. De Inductione.

Quid est Inductio?

R. Est argumentatio, qua ex multis singularibus enumeratis aliquod concluditur. Ita Seneca variarum rerum enumeratione magnifica, concludit solam in homine virtutem esse laudandam: „*Navis bona dicitur non quæ pretiosis coloribus picta est, nec cui argenteum, aut aureum rostrum est, sed quæ stabilis est, firma, velox & consentiens vento. Gladium bonum dices, non cui deauratus est, (d) Baltheus, nec cui vagina gemmis distinguitur, sed cui ad secundum subtilis est acies. (e) Regula non quam formosa, sed quam recta sit, queritur. Ergo in homine quoque nihil ad rem pertinet quantum aret, aut quam multis saluteatur, sed quam bonus sit.*“

In-

(a) *Micipsa patruus Jugurtha, & Massinissa filius.*

(b) *Jugurtha Numidarum rex a Pompejo victus.*

(c) Ital. *Di punta e di taglie.*

(d) Ital. *Cingolo, pendente.* (e) Ital. *Riga.*

Inductio non solum Oratoribus perfamiliaris est, sed etiam Poetis, &c in primis Ovidio, qui illa maiorem in modum delectabatur. Unum hic eximum afferemus exemplum, quo infelix ille Poeta, dum exsularet in Scythia, uxoris suae dolorem consolatur, Tristium lib. 4. probando per inductionem, asperas res gloriae segetem & materiam esse.

Materiamque tuis tristem virtutibus imple:

Ardua per præceps gloria vadit iter.

Hectora quis nosset, felix si Troja fuisset?

Publica virtutis per mala facta via est.

Ars tua, (a) Tiphy, jacet, si non sit in æquore fluctus:

Si valeant homines, (b) ars tua, Phœbe, jacet.

Sic etiam apud Virgilium, Æneas probat per inductionem, viventi sibi iter ad inferos nequaquam interclusum esse debere:

Si poruit manes arcessere conjugis Orpheus

Threicia fretus cithara, fidibusque canoris,

Si fratrem Pollux alterna morte redemit,

Itque reditque viam toties, quid Thesea, magnum

Quid memorem Alciden? & mi genus ab Jove summo.

Quid observandum est in Inductione?

R. Duo diligenter cavenda sunt. 1. Ut quæ sumuntur, certissima sint. 2. Ut id, cuius confirmandi caussa sit inductio, iis quæ sumuntur simile sit.

§. V. De Exemplo.

Quid est Exemplum?

R. Est inductio imperfecta, qua ab uno simili argumentamur ad aliud. Cujusmodi exemplum habes in Miloniana, ubi probat Tullius, non esse condemnandum Milonem, quod Clodium occiderit, cum nec Horarius ob sororem necatam fuerit condemnatus. Sed vide quomodo exemplum illud illustrat Cicero: *Negant intueri lucem esse fas ei, qui*

(a) *Tiphys Argonautarum navis in expeditione Colchica gubernator.*

(b) *Apollo medicina inventor.*

a se hominem esse occisum fateatur. In qua tandem urbe hoc homines stultissimi disputant? Nempe in ea, quæ primum judicium de capite vidi M. Horatii fortissimi viri, qui nondum libera civitate, tamen populi Rom. comitiis liberatus est, cum sua manu sororem esse imperfectam fateretur. Similiter apud Virgilium Aeneid. I. Juno furore percita concludit ab exemplo, licere sibi omnino in Aeneam & Trojanos, quod Palladi licuit in Ajacem & Argivos:

Pallas ne exurere classem

Argivum, atque ipsos potuit submergere ponto,
Unius obnoxiam & furias Ajacis Oilei (a);

Ast ego, quæ Divum incedo regina, Jovisque
Et soror & conjux, una cum gente tot annos
Bella gero.

§. VI. De Dilemmate.

Quid est Dilemma?

R. Est argumentum constans duabus partibus contrariis, quæ utrumque adversarium capiunt. Unde etiam Syllogismus cornutus appellatur, quod nempe illius cornua sint ita disposita, ut qui unum effugerit, in alterum incurrat. Sic belle omnino probabis Dilemmate, quemvis dolorem æquo animo esse tolerandum: *Nam omnis dolor aut est vehemens, aut levis: si levis, facile feretur: si vehemens, certe brevis futurus est.* Ita Cic. Philip. 5. probat hoc dilemmate non esse mittendos legatos ad Antonium: *Legatos decernitis. Si ut deprecentur, contemnet: si ut imperetis, non audiet.*

Hoc eodem argumentandi modo recte daminatur Lucretia illa, quæ a Sexto Tarquino vi oppressa, sibi mortem intulit.

(b) Si fuit ille tibi, Lucretia, gratus adulter;
Immerita ex merita præmia morte capis.
Sin potius casto vis est allata pudori;

Quis

(a). *Ob violatam Cassandra in Palladis templo ab Ajace Oilei filio. Alter erat Ajax filius Telamonis; terque fortis & furens.*

(b) *Renatus Laurentius in Comm. Tertull.*

Quis furor est, hostis crimine velle mori?
 Frustrà igitur laudem captas, Lucretia: namque
 Vel furiosa ruis, vel scelerata cadis.
Unde nomen suum traxit Dilemma?
 R. Ab adverbio *bis*, & à voce *sumptio*, *capiro*,
 Quod nimirum utrimque capiat adversarium.

Qua ratione solvi potest Dilemma?

R. Duplici. 1. Si universum Dilemma torqueas in ipsum auctorem: cuiusmodi exemplum affert Aristoteles lib. 2. Rheticorum: „Sacerdos quædam maximopere dissuadebat filio ne ad populum verba faceret; nam si injusta suasetis, inquietabat, habebis Deos iratos; si vero justa, iratos habebis homines.“ Hoc dilemma sic in matrem ipsam torsit ingeniosius adolescens: „Immo, inquit, expedit ad populum verba facere. Nam si justa dixero, Dii me amabunt; si injusta, homines.“

Ejusmodi fuit etiam celeberrimum illud Dilemma, unde se expedire numquam potuerunt (a) Areopagitæ, qui licet mortalium sapientissimi vulgo haberentur, ortam tamen ex illo Dilemmate litem prorsus injudicatam reliquerunt. Cum enim in Protagoræ Rheticis disciplinam se quidam adolescentis tradidisset, graademque pecuniae summam illi ex pactione fuisset pollicitus, ea lege, ut primam omnium, quam esset habiturus, litem obtineret; jam plane ac perfecte præceptis iurimæ artis eruditus, mercedem omnino negat. Litem intentat illi magister. „Et debes, inquit, omnino mercedem, quo res cumque vertant. Si enim vicero, debes ut condemnatus; si viceris, debes ex pacto. Immò, inquit versipellis discipulus, quo res cumque verrant, nihil habebis. Si enim causam vicero, ex judicium sententia nihil debeo; si vero caussa cado, jam tibi ex pactis debedo, nihil.“

2. Solvitur Dilemma, si alterutram illius partem:

(a) Areopagita Judices austeri & incorrupti, qui Athenis in templo Martis judices erant caussatum capitalium.

184 Artis Rhetorica Lib. III.

tem infirmare possis, vel si ostendas, aliquid medium inter duas propositiones intercedere. Sic cum servus ab herculeo forte percussus, illum hoc repentino dilemmate petisset: *Si sum improbus, cur mea alteris opera?* *Si probus, cur aut querum tandem me percutis?* Hoc dilemma sic in servum acute revertens herus. *Non te percutio, quia probus es; sed ut ex improba fias aliquando bonus.*

§. VII. De Crocodillo, & de argumento insolubile.

HUC referri potest Crocodillus, de quo pauca sunt hoc loco dicenda.

Quid est Crocodillus?

R. Est argumentationis species captiosa & fallax, quæ incautos, quibusdam quasi vinculis irretitos, inducit in fraudem. Vocatur autem Crocodillus, ob hanc, quam Poetæ finxere, caussam.

Crocodillus oranti mulierculæ ut filium, dum forte juxta flumen ambularet, abreptum sibi redderet, respondit redditum utique, si ad propositionem quæstionem verum diceret. Hæc autem fuit quæstio: *Filium reddam tibi, nec ne?* Ad hæc mulier anxia, fraudemque suspicata, respondit: *Non reddes; & ob eam caussam reddi debere, quod nempe verum dixisset.* Mentiris, inquit vafer Crocodillus, si enim reddidero, verum non eris locuta. Reddere ergo non possum, quin falsa dixeris.

Hæc etiam revocantur propositiones, quas vocant mentientes, sive insolubiles, quæ se omnino destruunt; cuiusmodi est hæc Cretensis cuiusdam Poetæ: *Omnes ad unum Cretenses semper mentinentur.* Ergo non mentitur certe quidem Poeta Cretensis, dum illos semper mentiri asseverat: Unde non sunt omnes semper mendaces.

§. VIII. De Sorite & Epicheremate.

Quid est Sorites?

R. Est argumentatio, qua ex multis propositionibus gradatim, minutatim, & velut acervatim congestis aliquid infertur. Unde *Syllogismus acervalis* vocatur à Tullio. Hoc acervali captiosoque argumentandi genere utebatur olim Themistocles, dum

dum per risum jocumque dictitabat, filium suum, licet nondum triennem, toti tamen terrarum orbi imperare. Sic enim lepide ajebat: *meus filius imperat matri, illa mihi, ego Atheniensibus, Athenienses Gracia, Gracia Europa, Europa toti orbi, Ergo filius meus imperat toti terrarum orbi.*

In hoc disputandi genere frequentes erant (a) Stoici, & eorum princeps Zeno. Sed maxime omnium illo delectatus dicitur (b) Chrysippus, ut Socrates inductione & Ironia. Sed hoc genus argumenti saepe solet esse captiosum & fallax. Cum enim sensim & minutatim multa coacervantur facile est injicere respondenti laqueos, & pericolosam illi telam texere. Retexere igitur oportebit & seorsim singula considerare, sicque facilius universa frangentur.

Cedo denique etymon illius vocis Sorites?

R. Habes germanissimum etymon in hac voce *sumulus, acervus*, unde *sorites, argumentum accuale.*
Quid est Epicherema?

R. Est Enthymema contractum cuius duæ propositiones in unam conferuntur; ut *Sine caussa dominum servus accusat.* In hac enim una propositione continentur hæc duæ. Non dabit servus temere & sine caussa dominum incusare; ergo servus & Medicus Regis Dejotari non debet illum temere apud Casarem incusare.

De his omnibus argumentationum generibus habes splendidam atque uberem tractationem in Acroasibus Cl. Viri Jacobi Facciolati.

C A P U T I I I.

De Confutatione.

Quid est Confutatio?

R. Est pars orationis, in qua rationes contrarios pugnantes refellimus.

Quo-

(a) Stoici Philosophi, qui summum bonum in virtute ponebant, sic dicti (1), id est, porticus, in quam conuenire solebant. (b) Chrysippus Stoicus Philosophus, Zenonis Auditor.

(1) ασωάσ.

Quonodo fit confutatio?

R. Fit primo negatione mera , cum scilicet rem allatam ab adversario , falsam omnino esse dicimus , aut illam absurdam , incredibilem , repugnantem esse demonstramus. Ita Cic. pro Quintio ~~¶~~ in negat aperte : *Negamus te bona Quintii, Sexte Nevi possedisse editio praetoris.* Sic etiam pro Roscio perspicue demonstrat , parricidii crimen , cuius insimulatus Roscius , ab illius vita moribusque protus alienum esse , quem locum , quia longior est , omittit.

2. Fit confutatio , cum factum non negamus , sed excusamus , & jure factum fuisse contendimus. Sic Tullius pro Rabirio , (a) Saturnini mortem , quae illi objiciebatur , adeo non expavescit ut scelus , ut potius illius auctorem exoptet fuisse Rabirium. „ Arguis occissum esse à C. Rabirio L. „ Saturninum , & id C. Rabirius multorum testimoniorum , Q. Hortensio copiosissime defendente „ antea falsum esse docuit. Ego autem (b) si mihi „ esset integrum , susciperem hoc crimen , agnoscere , confiterer. Utinam hanc mihi facultatem caussa concedere , ut possem hoc prædicare , C. Rabirii manu L. Saturninum hostem populi Rom. interfectum .“

3. Fit confutatio , cum adversarios , pari , vel etiam majori re objecta , vicissim accessimus , ut periti duces solent , qui hostium vires distrahabunt , & alio avertunt. Talis est apud Virgilium disputatio pastorum , in qua sic prior incipit Damocetas : (c) Dic quibus in terris (& eris mihi magnus Apollo)

Tres pateat cæli spatium non amplius ulnas.

Mo-

(a) *Saturninus Tribunus plébis seditiosus , qui cum res novas moliretur , a servo occisus fuit in ipso Capitolo.*

(b) *Ital. Se fossi più a tempo , se stesse in mia mano.*

(c) *Vide Interpretē: quorum nonnulli hac ad Cæli cuiusdama sepulchrum referunt.*

Mopsus impar respondendo, nova quæstione conatur irretire Damætam:

Dic quibus in terris inscripti nomina regum

Nascantur flores, (a) & Phyllida solus habet.

4. Confutatio fit per indignationem atque contemptum; cum nempe generosa quadam fiducia, quæ nobis objiciuntur, spernere, ac deditiari videmur: Hujusmodi singulare omnino, nobileque in primis habes exemplum in 37. Livii libro, ubi magnus ille Scipio Africanus, post tot res præclare gestas, invidorum, ut fit, calumniis appetitus, & in jus ad caussam dicendam vocatus; „Silentio, factio, Hoc, inquit, die, (b) Tribuni plebis, vosque Quirites, cum Hannibale, & Carthaginensibus, signis collatis in Africa, bene ac feliciter pugnavi. Itaque cum hodie litibus, & iuriis supersederi æquum sit, ego hinc exemplo, in Capitolium, ad Jovem optimum maximum, Junonemque & Minervam, ceterosque Deos, qui Capitolio, atque Arci præsident, salutandos ibo; usque gratias agam, quod mihi & hoc ipso die, & sæpe alias egregie reipublicæ gerendæ intentem facultatemque dederunt. Vestrum quique, quibus commodum est, ite mecum, Quirites, & orate Deos, ut mei similes Principes habeatis.“

Aliquando etiam valde utile erit in confutatione jocos, sales & facetias, etiam in rebus seriis adhibere, quæ si nec in mimicam scurrilitatem degenerent, nec in atrocis maledictum, nec in nimiam dicacitatem, mirum quanrum caussæ prossint, & animos auditorum exhibarent.

Postremus denique refutandi modus fit per compensationem; cum scilicet neque factum negamus, neque iure factum contendimus; sed alio quodam præclaro facto abunde compensari ostendimus. Sic

Ho-

(a) Nummi Augusti, in quorum aversa parte erant flores, cum hac inscriptione. I. Aquilius Florus II. vir. Sunt qui de flore hyacinthi interpretantur cum vulgo. (b) Tribuni plebis erant Magistratus, populi defensores & custodes.

Horatius, qui sororem interficerat, judicio populi
Rum. fuit absolutus, *mazis admiratione virtutis,*
quam jure caussa, inquit Livius.

C A P U T I V.

III.

De Peroratione.

Quid est Peroratio?

R. Peroratio, sive Epilogus, est ultima orationis pars, in qua id, quod tota oratione expectebat Orator, majori vehementia evincere, & obtinere contendit. *Ita Quintillianus.*

Quot partibus constat peroratio?

R. *D*isabus; Enumeratione & Motu, seu affectum commotione.

§. I. De Enumeratione.

Quomodo fit enumeratio in Peroratione?

R. Fit, cum ea, quae per totam orationem varie sparsa sunt, summatim colligimus, & sub uno veluti aspetto ponimus, per Anacephalæosim, seu recapitulationem, quæ est rerum fuse cistarum brevis & artificiosa repetitio.

Cedo illustre aliquod exemplum enumerationis per anacephalæosim?

R. Exemplo esse poterit Epilogus iste in Maniliana, qui tamen partis tantum est, non vero rotius Orationis: „Quare videte, num dubitandum vobis sit omni studio ad id bellum incumbere, in quo gloria nomini vestri, salus sociorum, vechtgalia maxima, fortunæ plurimorum civium cum republica defunduntur. Et rursus in eadem Orat. Quare cum bellum ita necessarium sit, ut negligi non possit; ita magnum, ut accuratissime sit ad ministrandum; & cum ei Imperatorem præficere possitis, in quo sit eximia belli scientia, singulis virtus, clarissima auctoritas, egregia fortuna: dubitabis, Quirites, quin hoc tantum boni, quod à Diis immortalibus oblatum, & datum est, in rem publicam conservandam, atque amplificandam conferatis?“

Quid

Quid observandum est in Enumeratione, seu Anacephalæosi?

R. Duo maximopere sunt observanda. 1. Ut cursim & raptim repetas ea dumtaxat, in quibus caussa potissimum consistit, & quæ maximè velis auditorum animis inhærere. Si enim omnia ministratim repetas, non erit Peroratio, sed nova quadam ratio, inquit Fabius.

2. Quæ disperse diffuseque dicta sunt, ita summatim enumerabis, ut ea cum novo aliquo pondere dicantur, figurisque illuminentur, & ornentur sententiis; ne scilicet videatur (a) *crambe repetita*, inquit Sætyricus, si nimis jejuna sit, nudaque repetitio. Vide quam sententiosa sit, quam referta rebus & verbis Anacephalæosis illa, qua Ajax apud Ovidium suam contra Ulyssem & pro se orationem ita concludit:

Nec clypeus vasti (b) cælatus imagine mundi
Conveniet timidæ, natæque ad furtæ sinistæ.
Debilitaturum quid te petis, improbe, manus?
Quod tibi si populi donaverit error Achivi,
Cur spolieris, erit, non cur metuaris ab hoste,
Et fuga qua sola cunctos, tardissime, vincis,
Tarda futura tibi est, gestamina tanta trahentia
Adde quod iste tuus tam raro prælia passus,
Integer est clypeus: nostro, qui tela ferendo
Mille patet plagis, novus est successor habendus.
Denique quid verbis opus est? Specemur agende
Arma viri fortis medios mittantur in hostes:
Inde jubete peti, & referentem ornate relatis.

S. II. De Affectuum Commotione.

A Ltera Perorationis pars, munusque alterum est affectuum concitatio: quod quidem ita proprium est illius, ut propterea Peroratio *Sedes affectuum à Magistratis artis appelletur*, quod nempe in eo potissimum loco debeat orator omnia ora-

I tio-

(a) *Specie di cævoso.*

(b) *Orbem terrarum in Achillis clypeo suis cælatum narrat Homerus.*

tionis vela pandere , omnes eloquentiæ fontes aperire ; & auditorum animis quasi faces , stimulusque subjicere .

Quomodo concitari possunt affectus in Peroratione?

R. Concitantur per amplificationem , quæ est gravior quædam ac vehementior affirmatio , ad permovendum valde idonea . Vide quæ supra fuse præcepimus de Amplificatione .

Quinam præcipue motus ciendi sunt in Peroratione?

R. Varii , pro variis dicendi generibus . In Panegyrico ciendi sunt motus amoris , admirationis , æmulationis , lætitiae . In viruperatione excitandum est odium , invidia , contenaptus . In deliberationibus spem , confidentiam , timorem commovebis . In judiciis vero omnia concurrunt , amor , odium , indignatio , misericordia .

In hac potissimum parte incredibilem quamnam admirationem habuit eloquentia Ciceronis ; qui dum peroraret , non incendebat modo judices , & auditores , sed ardere ipse quoddammodo videbatur , ac præsertim quando concitanda erat erga reos commiseratio ; ita ut non raro , quemadmodum ipse de se loquitur , *plangore , & lamentatione forum perorando compleverit* . Quapropter si forte aliquando plures Oratores pro eodem homine dicerent , Ciceroni Peroratio relinqui solebat , ut ipse ita testatur libro de Oratore : *Quid ego de miserationibus loquar ? Quibus eo sum usus pluribus , quod , etiamsi plures dicebamus , perorationem tamem mihi omnes relinquebant , in qua ut viderer excellere , non ingenio , sed dolore assequebar .*

Satis hoc indicat Peroratio Milonianæ , ubi sic ait : *Sed finis sit , neque enim præ lachrymis jam loqui possum , & hic se lacrymis defendi vetat . . . Et in eadem oratione : Me quidem , judices , examinant & interimunt haeres Milonis , quas audio assidue , & quibus intersum quotidie . Itemque pro Rabiriq (a) Postumo : Sed jam , quoniam , ut spero , fidem quam potus*

(a) *Postumus sine aspiratione contra etymologiam : ita Aldus & lapides antiqui .*

*tus tibi praestiti, Postume, reddam etiam lacrymas quas
debeo.... Jam indicat tot hominum fletus quam sis
earus tuis, & me dolor debilitat includitque vocem.*

Eadem concitandæ commiserationis arte perfidus ille Sinon Aeneid. 2. suam ad Priamum & Trojanos veterotoriam orationem ita concludit:

*Quod te per superos, & conscientia numina veri,
Per, si qua est, quæ restat adhuc mortalibus
usquam*

Intemerata fides, oro: miserere laborum

Tantorum, miserere animi non digna terentis.

Vide etiam quam plena sit affectuum, quamque ut ita loquar, flexanima apud Ovidium Ulyssis peroratio, qua Achillis arma tandem impetravit, & Ajacem, doloris ac repulsæ impatientem, ad mortem adegit:

*At vos, ò proceres, vigili date præmia vestro,
Proque tot annorum curis, quas anxius egi,
Hunc titulum meritis pensandum reddite nostris,
Jam labor in fine est, (a) obstantia fata removi.
Altaque posse capi (b) faciendo, Pergama cepi,
Per spes nunc socias, casuraque moenia Troumis
Perque Deos oro, quos hosti nuper ademi;
Per, si quid superest, quod si sapienter agendum,*

• • • • •
*Este mei memores, aut si mihi non datis arma,
Huic date: & ostendite signum fatale Minervæ.*

Ouanam sunt præcipua virtutes Perorationis?

R. Duæ. 1. Ut sit vehemens ad permovendos animos. 2. Ut sit brevis: quia, ut observat Tullius: *lacrymæ cito arescunt, & animorum incendia celeriter restinguuntur.*

Finis Libri tertii.

(a) *Palladium, hoc est Palladis simulacrum, in arce Trojana capiendo.*

(b) *Dum seci, ut Troja capi posset, eam censendus sum cepisse.*

ARTIS RHETORICÆ LIBER QUARTUS.

DE DIVERSIS ORATIONUM *generibus.*

TAMETSI quæ de Inventione, Dispositione, & Elocutione fuisse disputata sunt à nobis hactenus, ad quodlibet argumenti genus facile possint accommodari; tamen quo res sit expeditior & cœlibet magis in promptu, de variis Orationum generibus particulatim tradenda nobis esse præcepta judicavimus. Neque vero satis esse censuimus, generaliter atque universe indicare fontes, unde manat omnis oratio; nisi etiam singula itinera, singulæ vias indicare sigillatim aggredieremur.

Omnis itaque quæ haberi possunt orationes, ad tria dicendi genera revocantur: nempe ad demonstrativum, deliberativum, & judiciale. Ad genus demonstrativum pertinent, 1. Oratio Panegyrica; 2. Oratio natalitia, seu Genethliacon; 3. Epithalamium, seu Oratio nuptialis; 4. Oratio funebris; 5. Gratiarum actio; 6. Epinicium, & Oratio gratulatoria. Ad genus deliberativum revocatur suasio, disuasio, hortatio, commendatio. Ad judiciale spectat defensio, & accusatio. De duobus hisce Orationum generibus enucleate videamus; nam Judiciale minus est nostra ætate usitatum.

CA-

CAPUT PRIMUM.

De Orationibus, quæ pertinent ad genus demonstrativum.

§. I. De Oratione Panegyrica.

Undenam nomen suum traxis Panegyricus?

R. Panegyricæ orationes proptie dicebantur illæ, quæ magno apparatu habebantur olim in panegyri, hoc est in publico sollemnique Græcorum undique convolantium cœtu, sive ad ludos faciendos, sive ad sacra, (a) nundinasve in aliquo emporio celebrandas. Harum porro orationum initium quo splendidius esset, sumi solebat à laude Numinis illius, quod ludis præses credebatur, ut Olympii Jovis in ludis Olympicis; Apollinis in certamine Pythico. Deinde sequebatur laus gentis, vel orbis, ubi ludi celebrabantur. Denique Principes, vel Magistratus, qui certamini præerant, pugiles, qui decertaverant, ac præsertim victores, qui præmia tulerant, prona manu laudabantur.

Hæc erat ratio veterum illarum orationum, quæ habebantur in panegyri. Sed posterioribus temporibus non illæ solum vocaræ sunt Panegyricæ, quæ sollemnibus in ludis dicerentur; sed illæ etiam, quæ in nobili quopiam consessu, qualis est Senatus, in Principum laudem habebantur.

§. II. De inventione, & fontibus Panegyrici.

Quam series servari solet in Panegyrico?

R. Duplex: artificialis nempe & naturalis. Servatur series artificialis, cum indiscriminatim confuso temporis ordine, omnia ad certa quædam capita ex arte revocantur: v. g. si quis veteris, seu majoris Catonis laudes ad tria hæc referat capita, quod fuerit optimus Senator, optimus Orator, optimus Imperator. Simile ratione Tullius in Maniliana, Pompeji laudes refert ad scientiam rei mi-

Litaris, ad virtutem, ad auctoritatem, &c ad felicitatem. Sic etiam Quintus Curtius Alexandrum Magnum laudat ex hoc duplice capite, virtute scilicet & fortuna. *Fatendum est*, inquit, *cum plurimum virtuti debuerit, plus debuisse fortuna, quam solus omnium mortalium in potestate habuit*. Hic porro artificialis ordo longe plus habet artis & ingenii, quam ordo naturalis.

Ouanam est series naturalis?

R. Series naturalis ea dicitur, in qua historiae, ac temporis ordo servatur. Hæc autem series dividitur in tria tempora: illud quod vitam antecessit; illud quo quis vixit; & si naturæ concesserit, illud quod mortem est consecutum.

Hunc persæpe adhibuerunt Isocrates & Tullius. Hunc ferme usurpavit Plinius in nobili illo Trajanii Panegyrico. Nam illius laudationem orditum ab adoptione, temporis ordinem fere servans, & ad tertium usque Consulatum perducit. Utinam vero serius habita fuisset pulcherrima illa laudatio, ut reliquam etiam optimi Imperatoris vitam haberemus? Cum enim in tertio, ut diximus, Trajanii Consulatu sistat Plinius, nihil prorsus in illo legas de (a) Decebalo victo, unde Dacici nomen retulit Trajanus, quod quarto Consulatu continet, nullum de tot aliis rebus præclare ab eo gestis. Quæ vero Plinius refert, etiamsi non magnum belli ducem ostendam Trajanum, quia nondum ejus ductu bellum fuerat gestum: tamen signa sunt, ex quibus magnum olim belli ducem fore liquido conjici poterat. Verum qua parte nos destituit Plinius, alii Panegyristæ, sed aliis in Imperatoribus, exemplo esse poterunt: ut è Latinis Mamertinus, aliqui qui cum eo pariter solent excudi. Nec plane aspernandus Enodii (b) Ticinensis Episcopi Panegyrius dictis Theodorico Gothorum Regi.

E Græcis adeundus Julianus, orationibus duabus in laudem Constantini Imp. Juvabunt quoque plurimum

(a) *Decebalus fortis & industrius Dacorum rex, qui diu fuit Romanorum terror.* (b) *Di Pavia.*

mum Latinorum Poetarum Panegyrici; ut ille Tibuli ad Messallam lib. 4. item seu Ovidii, seu Lucani ad Calpurnium Pisönem. Quibus adde Panegyricos Claudiani, Sidonii & aliorum.

Hic naturalis ordo perfacilis est, sed vulgaris, ac plerumque languidus, nisi verborum sententiarumque floribus aspergatur, & acutis excitetur sententiis: uti factum à Plinio in suo illo eximio Panegyrico; in quem, tamquam in eximum exemplar, intueri poterimus.

§. III. De tempore, quod ortum antecessit.

Quid laudare poterit Orator in illo primo tempore
Tria; nempe genus, partiam, & auguria, sa-
qua forte pueri natalem horam præcesserint.

Quomodo laudari quis poterit a genere?

R. Si genus sit illustre, laudabis à splendore nat-
talium, majorumque rebus gestis, quæ sunt quæ-
dam virtutis quasi semina, in nobilium animis in-
sita. Dices, majorum virtutem in eum, quem lau-
das, cum sanguine pariter fuisse transmissam, jux-
ta decantatum illud Horatii verbum: *Fortes crean-
tur fortibus.* Dices, filios impressis majorum vesti-
giis insistere solere. Hinc illud Claudiani:

... Nobilitas cunctis exordia pandit
Iaudibus.

Laudibus, atque omnes redeunt in semina causæ.
Hinc Maro magnifice laudat Camer. Aeneid. 12.

Cui genus à proavis ingens, clarumque paternæ

*Nomen erat virtutis, & ipse acerrimus armis.
Quid facta est opus, si is qui laudatur, obscuro genere natu*s* sit?*

R. Locum habere poterit illud Minutii Felicis
in Octavio: *Omnes pari sorte nascimur, sola virtute distinguimus.* Vel illud Velleji Paterni: *Optimus quisque nobilissimus.* Dices quoque cum Seneca: „Non facit nobilem, Atrium plenum fumosis
„imaginibus. Nemo in nostram gloriam vixit: nec
„quod ante nos fuit, nostrum est. Animus facit
„nobilem, cui ex quacumque conditione supra con-
„ditionem licet surgere.“ Usurpabis trictum illud
alterius Senecæ: *Qui genus laudat suum, alienum*

Iaudat. Nihil etiam magis pervulgatum quam effatum illud Ulyssis, in certamine cum Ajace: (a)

Et genus, proavos, &c quæ non fecimus ipsi,
Vix ea nostra voco.

Cui plane simillimum est quod ait Juvenalis, Sat. 8.

Malo patet tibi sit (b) Thersites, dummodo tu sis

(c) Æacidæ similis, Vulcaniaque arma capessas;
Quam te Tharsitæ similem producat Achilles.

• • • • •
Majorum primus quisquis fuit ille tuorum,
Aut pastor fui, aut illud quod dicere nolo.

Denique ne generis humilitas quidquam de laudibus deterat, eruant in promptu communia hæc exempla. 1. Augustum patre avoque (d) argentario natum esse, ut nonnulli voluerent; proavum vero habuisse libertinum: avum autem maternum fuisse pistorem Ariciæ, quod illi non semel exprobravit Antonius, teste Suetonio. 2. Agathoclem Siciliæ regem patre figulo natum, teste Justino. 3. Ptolemæum primum Ægypti Regem, à quo successores omnes dicti sunt Ptolæmei, (e) è gregario militi nomine Lago fuisse prognatum.

4. Magnum illum Arsacem, primum Parthorum regem, unde item Arsacide dicti sunt, obscuris omnino natalibus ortum fuisse.

5. Demosthenis patrem gladiorum fabrum fuisse. Quo alludit Juvenalis, cum ait Sat. 10.

Die ille (f) adversis genitus, fatoque sinistro,
Quem pater ardoris massæ fuligine lippus
A carbone, & forcibus, gladiosque parente

In-

(a) *Metam.* 13.

(b) *Thersites*, omnium, qui ad obsidionem Trojae navigaverant, animo, & corpore deformissimus.

(c) Achilis, qui fuit Æaci nepos, & qui armis a Vulcano fabricatis mira edidit facinora.

(d) Ital. *Banchista*. (e) *Fantaccino*.

(f) Demosthenes, qui sibi veneno mortem inferre coactus est, ne in hostium manus incaderet.

Incide, & (a) luteo Vulcano ad rhetora misit.

Erit etiam in promptu magnifica illa Tullii vox, cum contemptim *novus Arpinas* appellaretur, *Ego*, inquit, *meis majoribus virtute mea præluxi*. Denique poterit usurpari quoque ingeniosum illud dictum Iphicratis, qui ex sutoris filio ob summam rei militaris peritiam, factus Atheniensium exercitus Imperator, invido cuidam generis ignobilitatem exprobranti salse respondit:

Meum genus a me incipit, tuum in te desinit.

Meorum primus ego sum: tu tuorum ultimus.

Quomodo ducitur Laus a patria?

R. Si ea illustris fuerit, virisque insignibus nobilitate, hoc ipsum in laude poni solet. Hunc laudationis fontem non ignoravit Virgilius, cum ait de Didone:

Multa (b) viri virtus animo, multisque recursat Gentis honos.

Quid factio est opus, si patria sit ignobilis, & obscura, vel etiam infamis?

R. 1. Usurpabis memorabile illud Anacharsis verbum, qui cum natus esset in Scythia, & à Græco nescio quo *Barbarus ac Scytha* contemptim appellaretur, perquam ingeniose respondit: *Mibi quidem patria probro est; tu vero patriæ.*

2. Dices cum Juvenale, tametsi adeo pervulgata esset Abderitarum stupiditas, ut etiam in communi proverbio versaretur: unde Martialis: *A deritana pectora plebis habet: tamen Abderitam fuisse Democritum, Physicum illum subtilissimum, naturæque venatorem accerrimum:*

• • • • • Cuius prudentia monstrat
Summos posse viros, & magna exempla datus,
Vervecum (c) in patria, crassoque sub aere nasci.

3. Juvabit etiam illud Claudiani, de laudibus Stiliconis: (d)

(e) Lectos ex omnibus oris
Evibus, & meritum, numquam cunabula quæris,

(a) *A lutosa & fuliginosa fabri officina.*

(b) *Enes.* (c) *Vervex Ital. Becc.*

(d) *Lib. 2.* (e) *Persone scelte da ogni paese.*

Evebis, & meritum, numquam cunabula quæris,
Et qualis, non unde satus.

Faciet quoque mirum in modum illa Ausonii
sententia de Severo Imperatore, qui natus erat in
Africa.

Punica origo illi: sed qui virtute probaret

Non obstare locum, dum valet ingenium.

Quomodo laudari quis poterit ab auguris & signis,
que illius ortum antecesserunt?

R. Si quid forte singulare contigerit, quo pueri
futura claritas & amplitudo quomodo cumque por-
tendi videatur, id sollerter in laude ponendum erit.
Hujusmodi est fax illa, quam Hecuba prægnans
utero gestare se somniavit. Eiusmodi est etiam vitis
illa, quam in somnio vidit Astyages, quæ palmitibus
Asiam obumbraret: unde Cyri magnitudinem præ-
sagiari ab (a) ariolis responsum est. Id genus est
etiam illud (b) examen apum, quod in nascentis,
vel vagientis Ambrosii labris consedisse dicitur. His
adde quod de mirabili S. Joannis Baptistæ ortu nar-
ravit Sacræ Paginæ. Nec omittenda est orbicularis
illa flamma, quæ nascente Joanne Pico Mirandula-
no, qui postea eruditio quoddam portentum fuit,
supra caput matris visa est, & mox evanuit.

§. IV. De iis quæ in vita ipsa laudari possunt.

QUANAM in hominis vita laudem præcipuam merentur?

R. Tria hæc in primis, virtutes, scientiæ & artes.

Quanam virtutes sunt vel maxime celebrandæ?

R. Primum, ut par est, locum obtinet religio,
pietasque in Deum, in Parentes & Patriam. Ex hoc
capite suam ipsius commendationem exorditur
Æneas, I. **Æneid.**

Sum pius **Æneas**, raptos qui ex hoste Penates
Classe vebo mecum.

Secundum locum cibi jure vindicant clementia,
moderatio atque justitia. Ex primo capite Cæsarem
mirifice commendat Tullius pro Marcello: „Ani-
mum vincere, iracundiam cohibere, victoriam
rem-

(a) Ital. *Indovini*. (b) Ital. *Sciameo*.

„temperare, adversarium nobilitate, ingenio, vir-
 „tute præstantem; non modo extollere jacentem,
 „sed etiam amplificare ejus pristinam dignitatem;
 „hæc qui faciat non ego cum summis viris compa-
 „ro, sed simillimum Deo judico.“ De hac eadem
 clementia sic Antonius Imperator ad Faustinam
 conjugem: *Non enim quidquam est, quod Imperatorem
 Romanum melius commendet gentibus, quam clementia.
 Hac Cesarem Deum fecit. Hac consecravit Augustum.*

3. Laudabitur liberalitas atque beneficentia, qua
 nimirum una reges ac principes proprius ad Deum
 possunt accedere. Commendabitur aurea illa Scy-
 tharum legati ad Alexandrum vox: (a) *Si Deus
 es, tribuere hominibus beneficia debes, non sua eripe-
 re.* Celebrari quoque poterit facilitas ac liberalitas
 Imperatoris Titi, qui nihil cuiquam, quod conce-
 di fas esset, abnuebat: *negans, inquit Suetonius,*
oportere quemquam a Principe tristem discedere. Cum
 vero aliquando, inter cenandum, diem illum bene-
 ficio vacuum abiisse memisisse, conversus ad ami-
 cos, *Amici, inquit, diem perdidii.* Adeo scilicet Prin-
 cipibus vitam ad benemerendum de mortalibus da-
 tam existimabat; proindeque summis æque, ac in-
 finitis carus adeo fuit, ut *humani generis delicia me-
 rito diceretur.*

Usurpari etiam poterit aurea illa Virgilii senten-
 tia, *Æneid. 6.* sepositum quemdam apud Elysius esse
 locum iis omnibus, qui erga alios fuere benefici:

Quique sui memores alios fecere merendo.

Denique celebrabitur fortitudo in adeundis peri-
 culis & in laboribus sufferendis; magnitudo animi
 excelsi & invicti nihil extimescentis, constantia fi-
 desque in promissis, prudentia in consiliis capien-
 dis, celeritas in exequendis, in adversis vero æquani-
 mitas & robur mentis semper imperterritæ.

Quomodo laudari quis potest a scientia, & artibus?

R. Ex dupli capite. 1. Si liberalium artium
 disciplinis sit instruētus is, qui laudatur. 2. Si sal-
 tem litteris & artibus faveat & patrocinetur. Ex hoc

po-

(a) *Q. Curtius Lib. 7.*

posteriori capite Imperatorem Trajanum magnifice celebrat Juvenalis Satyra 7.

Et spes & ratio studiorum in Cæsare tantum.
Sonus enim tristes hac tempestate Camœnas
Rexpexit.

§. V. De corporis & fortunæ laudibus.

QUænam res laudantur in corpore?

R. Laudantur in corpore pulchritudo, robur & sanitas, & his similia. Qui hæc habuerit, laudabitur, quod bene sit illis usus: Qui non habuerit, quod sapienter caruerit: Qui amiserit, quod tulerit moderate.

CUR CADUCA HÆC, & PLERUMQUE ETIAM NOXIA CORPORIS BONA LAUDANTUR IN HOMINE?

R. Laudantur, 1. Quia licet in se veram laudem non habeant, quæ debetur uni virtuti; tamen virtus in eorum usu atque moderatione vel maxime cernitur. 2. Quia formæ dignitas est optimæ mentis indicium, & simulacrum quoddam, ac flos quodammodo virtutis. Unde non inscite dictum est ab Eu-menio in Panegyrico Constantini Magni: Naturam ipsam magnis mentibus domicilia magna metari, & ex vultu hominis decoraque membrorum colligi posse, quantum caelestis spiritus intrarit habitator. 3. Quia corporis decor est muta quædam commendatio, & ut eleganter ajebat Carneades, Regnum absque satellitio.

Gratior, & pulchro veniens in corpore virtus adjuvat. . . .

Inquit Maro. Hinc est, quod olim populi bene multi; & in primis Aethiopes, Indique, in dandis Imperiis, proceritatem ac pulchritudinem spectare solebant, ut narrat Aristoteles, graviterque multatus fuit olim à Lacedæmoniis Archidamus rex, quod exiguam duxisset uxorem. Querebantur enim non reges, sed regulos ex hoc conjugio procreatrum iri. 4. Quia pulchritudo est veritatis non solum indicium, sed etiam adjumentum. 5. Denique cum vel in ipsis sacris litteris prædicetur David, ut pulcher asperitus, & facie decora; quid sane mirum, si à Cornelio Nepote laudetur Alcibiades, ut atatis sue formosissimus? Si ex eodem capite commendetur

De diversis Oration. generib. 201

à Plutarcho Scipio Africanus , & si de Theodosio M. dixerit Pacatus : *Virtus tua meruit Imperium: sed virtuti addixit forma suffragium. Illa præstítit, ut oporteret te Principem fieri: hæc ut deceret.*

Quod si subturpiculus forte fuerit vel deformis is qui laudatur , tunc sane corporis vitium egregiis animi dotibus sollerter compensabis. Confugies ad illud Ovidianum:

(a) Si mihi difficilis formam natura negavit;
Ingenio formæ damna rependo meæ.

Dices deformem fuisse Socratem , cæcum Homerum , coclitem , seu altero oculo captum Philippum Alexandri Magni patrem , itemque Hannibalem. Unde Juvenalis:

(b) Cum Getula Ducem portaret bellua luscum.

Fluxam & caducam formæ fragilitatem , quæ propediem deflorescit , verbis exaggerabis , unde Socrates ingeniose ajebat , illam esse brevem tyrannidem. Neque fragilem modo dices , sed etiam rem esse plerumque perniciosa , præcipitem , lubricam , & periculosæ aleæ plenam docebis. Unde festive Petrarcha vocat illam *velum oculis , pedibus laqueum , viscum alis.* Postremo addere poteris cum Petronio : *Raram facit mixturam cum sapientia forma , & cum Ovidio , I. Fastor.*

Fastus inest pulchris , sequitur superbia formam.

Cum Martiali , lasciviam esse persæpe illius comitem.

Insignis forma nequitiaque puer.

Cum vanissimo illo milite apud Plautum : *Nimia est miseria pulchrum esse hominem nimis.* Sed in primis dices cum Juvenali Sat. 10.

Sed vetat optari faciem , Lucretia qualem Ipsa habuit euperet Rutilæ (c) Virginia gibbum Accipere , atque suam Rutilæ dare. Filius autem

Cor-

(a) *Sapho ad Phœnem.*

(b) *Elephas è Getulia Libyca parte.*

(c) *Virginia virgo formosissima , ne in potestatem veniret Appii Claudii Decemviri , a Patre fuit interempta.*

Corporis egregii miseros trepidosque parentes
Semper habet: rara est adeo concordia formæ,
Atque pudicitiæ.

Quænam sunt Fortune bona?

R. Honores & divitiæ.

Quomodo commendari quis poterit ab honoribus?

R. Bifariam, si nempe illos promeritus fuerit, beneque illis fuerit usus. Hinc accute omnino suum Trajanum laudat Plinius, quod meruit honores, antequam fuisse illos adeptus: *Soli*, inquit, *contigit tibi, ut pater patriæ esses, antequam fieres.* 2. Si meruit simul & spreverit; quemadmodum magnanimus ille Frontinus, quem cum Rufo ita comparat Plinius in Epistolis: *Uterque*, inquit, *ad gloriam pari cupiditate, diverso itinere contendit.*

Alter (Rufus) cum expendit debitos titulos: alter (Frontinus) cum mavult videri contempsisse.

Quomodo commendari quis potest à divitiis?

R. 1. Si possideat, non possideatur. 2. Si sint honestis laboribus partæ. 3. Si iis utatur, non ad perfruendas voluptates, sed vel ad usus vitæ honestos, vel ad juvandos amicos, vel ad egenorum inopiam sublevandam, ut Trajanus, de quo ita Plinius: *Nihil magis tuum credis, quam quod per amicos habes:* Non vero quemadmodum aut luxuriosi, perditique (a) nepotes, aut avari:

Aut qui divitiis soli incubuere repertis,

Nec partem posuere suis: quæ maxima turba est (b)

*Quod si fortunæ bonis caruerit is quem laudas, configues ad tritos illos communesque locos, blandientis fortunæ munera potius esse in malis, quam in bonis numeranda: caduca semper hæc esse non virtutis & ingenii, sed incertæ sortis & temporum munera: infelicitatis genus esse semper esse felicem. Usurpabis autem illud verbum: Nescio quomodo bone mentis soror est paupertas: (c) Amplificabis Horatianum illud: *irrum irrepertum & sic melius situm cum terra celat.* Dices denique cum Juvenali:*

Si fortuna volet, fies de Rhetore Consul.

Si

(a) Ital. *Scialacquatori.* (b) *Aeneid.* 6. (c) *Petrone*

Si volet hæc eadem , fies de Consule Rhetor.

§. VI. De tempore illo , quod mortem subsequitur.

Superest nunc tempus ultimum , c^vjus in primis habenda est ratio. Ut enim docet D. Ambrosius : *Ante mortem nulla est perfecta laudatio : neque quisquam in hac vita potest definito præconio prædicari , cum posteriora ejus incerta sint.*

Quænam res in ultimo tempore laudari possunt ?

R. Duæ. 1. Quæ in ipsa morte : 2. Quæ sub ipsum mortis tempus contigere.

Quid in ipsa morte considerare potissimum debet Orator?

R. Duo : genus nimirūm & caussam mortis. Genus , si quis pie ac fortiter obierit , ut sapientem ac probum decet : Caussa vero laudabitur , si nempe vel pro patria pugnans occubuerit : *Dulce enim ac decorum est pro patria mori* , inquit Horatius ; vel si pro tuenda religione mortem occubuetit , ut Christi Martyres sanctissimi ; vel denique si honestis animi corporisve laboribus & curis sibi ipse mortem acceleraverit.

Quænam post mortem consideranda sunt ?

R. Tria hæc spectari solent. 1. Pompa funebris , & honores habiti mortuo : ut quod Aristoteli statua fuerit erecta cum inscriptione hujusmodi : *Aristoteles Philosophorum optimus* : vel quod uni Demetrio Phalereo statuae trecentæ & sexaginta fuerint Athenis positæ ; vel quod Gorgiæ Leontino , rōz aurata , ut ceteris , sed aurea statua fuerit erecta. 2. Spectatur bonorum mœror & luctus. Quo refer illa Mopsi apud Maronem , Eclog. 5.

Non ulli pastos illis egere diebus

Frigida , Daphni , boves ad flumina ; nulla neque amnem

Libavit quadrupes , neque graminis attigit herbam.

Daphni , tuum Pœnos etiam ingemuisse leones

Interitum , montesque feri , (a) silvæque loquuntur.

Sed

(a) *Silva cum I , non cum T , ita veteres omnes lapides & libri.*

Sed nihil in hoc genere comparandum cum incredibili insolitoque omnium ordinum luctu & acerbissima militum comploratione post Alexand. mortem; quod eloquentissime ita describit Curtius, l. 10.

Suprema haec vox regis fuit, & paullò post extinguitur. Ac primo ploratu lamentisque, & planctibus tota regia personabat; mox velut in vasta solitudine omnia tristi silentio mutata torpebant, ad cogitationes quid deinde futurum esset, dolore converso. Nobiles pueri custodiæ corporis ejus assueti, nec doloris magnitudinem capie, nec se ipsos intravestibulum regiae retinere potuerunt: vagique ac furientibus similes totam urbem luctu ac mœrore compleverant, nullis questibus omissis, quos in tali casu dolor suggerit... Nec poterant vieti à victoribus in communi dolore discerni. Persæ justissimum dominum; Macedones optimum ac fortissimum regem invocantes, certamen quoddam mœroris edebant. Nec mœstorum solum, sed etiam indignantium voces exaudiabantur; tam viridem & in flore ætatis (a) fortunæque, invidia Deorum ereptum esse rebus humanis. Vigor ejus & vultus edacentis in prælium milites, obsidentis urbes, evadentis in muros, fortes vitos pro concione domantis, occurrebant oculis.

Persæ, comis more suo detonsis, in lugubri veste cum conjugibus ac liberis, non ut victorem & modo hostem, sed ut gentis suæ justissimum regem, vero desiderio lugebant... Ad Darii quoque (b) matrem celeriter fama perlata est. Abscissa ergo veste, qua induita erat, lugubrem sumpsit; faceratisque crinibus, humi corpus abjecit... ad ultimum dolori succumbit obvolutoque capite, accedentes genibus suis neprem nepotemque aversata, cibô pariter abstinuit & luce; quinto postquam mori statuerat die extincta.

3. Denique spectantur filii superstites, relikti, unde levare mortis mœror, damnumque aliquo pacto sarciri possit. Ita D. Ambrosius in funere (c) Theo-

(a) Anno atatis 33. (b) Sisygambipp.
(c) Octav. anno Christi 395.

dossii Magni. Ergo, inquit, tantus Imperator recessit a nobis: sed non totus recessit, reliquit enim liberos, in quibus eum debemus agnoscere, & in quibus eum cernimus & tenemus: Intelligit autem Honorium & Arcadium, qui patri in Imperio successere.

§. VII. Animadversiones quædam circa personarum laudationem.

Quænam observanda sunt in personarum laudatione?
R. Tria hæc. 1. Ne ad ementitas, ficticiasque laudes recurramus, quæ scilicet non splendore manifestant orationi, sed in veris etiam fidem omnino derogare solent, ut olim imprudentibus hisce Poëtis, qui versibus celebrare veriti non sunt hyacinthinas (a) Stratonices comas, quam non deformem modo, sed calvam prorsus esse nemo sciebat. Hoc etiam illustrare poteris exemplo Lisippi, qui Alexandrum sapienter effinxit hastam manu tenentem, Appellem reprehendens, quod eumdem fulminatem depinxisset, & ita spoliasset veris ac propriis insignibus, ut ornaret falsis, quæ nullam apud posteros fidem essent habitura.

2. Cavendum est, ne, in meliorum copia, res consecutemur viles, & facta leviora. Ut enim scite ajebat (b) Phavorinus, turpius est exigue frigideque laudari, quam graviter vituperari. In magnis tamen viris aliquando etiam res minusculas commendare operæ pretium est. Fecit hoc olim Damis in Appollonio suo Tyanæo, eoque nomine reprehensus, argute respondit: *De mensis Deorum* (b) analecta quoque colligi sedulo debere, ne de illorum ambrosia quidquam depereat.

3. Denique erit hoc observandum diligenter, ut non communes ac pervagatas, sed proprias cujusque, vel saltem cum paucis communes laudes præcipue conse-

cte-

(a) *Stratonice Seleuci Syria regis uxor.*

(b) *Phavorinus insignis Philosophus, Arelate in Gallia natus tempore Hadriani, cui fuit infensissimus.*

(c) *Analecta, canarum quisquilia sub mensam cadentes.*

Et emur. Quapropter plane ac perfecte perspecta tibi esse debent quæ propria sunt illius, de quo agitur.

De personarum laudatione satis superque dictum à nobis hactenus. Undè intelligi facile potest, quomodo debeat instituti vituperatio, quippe ubi omnia prorsus debent inverti.

§. VIII. De oratione natalitia, seu Genethliaca.

Quid est oratio Genethliaca?

R. Oratio Genethliaca, quæ etiam Genethliacum, vel Genethliacus appellatur, est oratio, qua alicujus dies natalis celebratur.

Quas partes, seu capita continet oratio Genethliaca?

R. Quattuor. 1. Continet laudes parentum, atque majorum, quæ jure quodam hereditario pertinere videntur ad prolem, 2. Spem quam præbet puer vitæ aliquando cum laude peragendæ. 3. Lætitiam & gratulationem de prole feliciter parentibus nata. 4. Vota & preces ad Deum Opt. Max. ut infanti fauste, feliciter, prospereque eveniant omnia, utque in patriæ decus, & ornamentum adolescentat. Hujusmodi vota pro Domitiani filio, licet nondum nato, facit Marcialis lib. 6.

Nascere Dardanio promissum nomen Julio,

Vera Deum suboles, nascere magne puer,
Qui pater æternas, post sæcula, tradat habenas.

Quique regas orbem cum seniore senex.

Undenam excitari potest spes illa, atque expectatio de futura prolis virtute ac gloria?

R. Ex variis circumstantiis: 1. ex genere; 2. ex facie; 3. ex futura educatione; 4. ex signis, ex portentis, ex victoriis, prosperisque aliis eventibus, si qua forte id genus pueri ortum vel antecesserit, vel comitata fuerint, aut subsecuta, qualia de Augusto narrantur, itemque de Pyrrho rege, qui maternis umberibus appensus dixit: *Bilemai, volo*, quæ vox transit in omen futuræ audaciæ. Si quis parentum enixe efflagitantium precibus, ac votis concessus à Deo fuerit, habebis umberem bene augurandi campum, ut de Scipione memorat A. Gellius, & ut Ludovico Magno contigisse vidit ætas nostra.

Quanam est dispositio Genethliaci?

R.

R. Exordium erit lætitiae & gratulationis plenum, & du&ctum ab aliqua temporis, loci, vel personæ circumstantia. Ita Maro eximum illud (a) Saloni-ni, seu alterius Genethliacum exorditur ab apostrophe, quæ gestientem quamdam lætitiam exprimit:

Sicelides Musæ paullo majora canamus.

Confirmatio continebit parentum laudes, & va-rias caussas, quæ læta omnia de infante sperare ju-beant. Vide quam magnificè locum hunc tractet Virgilius, quantaque non vereatur augurari de pue-ro, ex patris virtute notissima.

Ille Deum vitam accipiet, Divisque videbit
Permistas heroas; & ipse videbitur illis:
Pacatumque reget patriis virtutibus orbem.

At simul herorum laudes & facta parentis
Jam legere, & quæ sit poteris cognoscere virtus;
Molli paullatim flavescer campus arista.

Peroratio denique vota precesque pro filij & pa-rentum incolumitate continebit. Ita Statius Silva-rum lib. 4.

Magnus te manet ordo sacerdolorum,
Natis longior, ab nepotibusque,
~~Anños perpetua geret~~ juventa,
Quos fertur placidos obisse Nestor,
Quos (b) Tithonia computat senectus.
Et quantos ego Delium poposci.

Quid est *Oratio Lustrica*?

R. Ea est, quæ a veteribus nonnullis habebatur, quando infanti nomen imponebatur. Vocabatur au-tem *Lustrica oratio*, quod dies ille *Lustricus*, seu *Lustralis* vulgo diceretur. Verum quoniam illud orationis genus penitus apud nos videtur obsoleuisse, in illo tractando operam, & oleum non perdemus.

§ XI.

(a) *Saloninus sic vocatur, quod natus fuerit quo anno Prætor Asinius Pollio Salonam Dalmatiæ ci-vitatem expugnavit.*

(b) *Tithonus Leomedontis filius, Memnonis Pater, post longissimam vitam ab Aurora conjugé versus in sicadam.*

§. XI. De oratione nuptiali, sive Epithalamio.

Quid est Epithalamium, seu Oratio nuptialis?

R. Epithalamium, ut vox ipsa satis indicat, est oratio, qua alicujus nuptiæ celebrantur. Sic autem appellatur à voce Græca, (a) quæ *cubiculum nuptiale* significat.

Quot sunt partes Epithalamii?

R. Quattuor. 1. Dicitur generatim & universè de nuptiarum laudibus, & de bonis matrimonii, quo scilicet hominum societas primum cœpit, urbes conditæ sunt. genus humanum propagatur, vitæ levantur incommoda, & mutua charitas atque benevolentia cognitionibus & affinitatibus serpit, atque diffunditur.

2. Pars, quæ præcipuam quamdam curam diligentiamque desiderat, continet laudes utriusque conjugis. Ducuntur autem laudes illæ à Parentibus, à Patria, ab honoribus, fortunisque, à corporis, animique dotibus, & à ceteris illis capitibus, undelaudari homines solent, de quibus fuse diximus supra. Ita (b) Mariam Imperatoris Honorii novam conjugem laudibus in cælum tollit Claudianuss in Epithali.

*Salve sidereæ proles augusta (c) Serenæ,
Magnorum suboles regum, parituraque reges.*

• • • • •
Quæ propior sceptris facies, quis dignior aula
Vultus erit? Non labra rosæ, non colla pruinæ,
Non crines æquant violæ, non lumina flammæ?

• • • • •
Auroræ vincis digitos, humerosque Dianæ.

Tertio loco laudatur nuptiarum apparatus, atque celebritas; popularium & affinium prædicatur lactitia, & aliqua etiam laude solent aspergi, qui ad nuptias convenere. 4. Denique precibus & faustis omnibus clauditur oratio, & vota Deo Superisque pro felici liberorum ortu, mutuaque conjugum con-

cor-

(a) θλαῖμος.

(b) *Maria Stiliconis filia nupsit Imperat. Honorio.*

(c) *Serenæ filia fratri Theod. Magni, uxor Stiliconis.*

Cordia nuncupantur. Ita Statius in Epithal. Stellæ, & Violantillæ:

Eja age, præclaros Latino properare nepotes,
Qui leges, qui castra legant, qui carmina laudant.
Acceleret partu decimum bona (a) Cynthia mensem.

Sed parcat Lucina, precor, tuque ipse parenti
Parce puer, ne mollem uterum, ne stantia lœdas
Pectora: cumque tuos tacito natura recessu
Formavit vultus, multum de matre decoris,
Plus de patre feras,

Pro mutua conjugum cordia sic vota nuncupat
Martialis in Epith. Prudentis & Claudiæ Lib. 4.

Diligat illa senem quondam; sed & ipsa marito
Tunc quoque cum fuerit, non videatur anus.

§. X. De laudatione Funebri.

Quid est Oratio Funebris?

R. Ea est, quæ habetur vel in ipso funere, vel in anniversario funeris die, cuiusmodi erant orationes illæ, quas ad Mausoli sepulcrum quotannis haberi jussit Artemisia, itemque quæ Athenis habebantur in laudem eorum, qui in bello pro patria cecidissent, qualis est oratio Periclis apud Thucydidem.

Quænam est origo hujusmodi Funebrium orationum?

R. Illarum inventor apud Græcos fuit Solon, unus ex septem Sapientibus: apud Romanos vero Valerius Publicola, qui collegam suum Junium Brutum, in pugna contra Tarquinos cæsum, funebri oratione prosecutus est; tantoque id populi aplausu fecit, ut exinde mos ille obtinuerit, publice laudandi Duces eos, qui in bello cecidissent, & à Romanis mos ille ad certas gentes, & ad ipsos etiam Christianos manaverit. Hujusmodi porro laudationibus mendosam factam esse historiam, auctor est Tullius, & post illum Livius, quod nempe supra modum res in illis augeri solerent, & be-

(a) Cynthia nomen Diana a Cynto monte in Delo insula, ubi nata est.

bene multa assentatorie magis quam vere dicerentur, ut fere sit.

Quot partibus constat Oratio Funebris?

R. Orationem Funebrem tribus omnino partibus constare debere: nimirum laude, consolatione & parænesi, sive adhortatione: laude mortui; consolatione parentum & affinium; parænesi vero, seu adhortatione ad superstites, ut in mortui vitam atque virtutes, tamquam in exemplar intueantur.

De artificio funebris orationis.

Quodnam esse debet, & undenam ducendum est illius Exordium?

R. Magnam quamdam mœroris, luctusque significationem præ se ferre omnino debet. Duci autem poterit, i. ab exclamacione. Tale est Exordium brevis illius, sed perelegantis orationis Tollianæ in morte Crassi Oratoris clarissimi: „O fallacem nos, stram spem, fragilemque fortunam & inanes nostras contentiones, quæ in medio spatio sæpe franguntur, & corrunt, & ante in ipso cursu obruuntur, quam portum conspicere potuerint!

2. Duci potest Exordium à descriptione funebris apparatus, vel à mœsto audientium silentio, quæ res utraque sacrum quemdam horrorem audientibus incutiat. Ita nos olim sumus exorsi funebrem laudationem III. Eccles. Principis Camilli de Neufville Archiepiscopi & Proregis Lugd. „Quod tristi silentio, tacitaque mœstitia defixos; & terum à me dicendarum expectatione, suspensos esse vos videam „(Auditores) arguit illum quidem dolorem vestrum, „cujus vim acerbissimam in vestris animis altius insedisse satis intelligo. At hic vester mœror, hæc spectatio tanta, ne mihi vobisque fraudi sit, est omnino quod vereor. Habent hoc nempe magni dolores, ut superbissimus sit illorum sensus, delicissimumque fastidium: Habent hoc ut refricando facile recrudescant, neque se, nisi caute admodum, ac molliter interpellari patientur. Verum opprimant ante licet officii pondere, quam illud deseram.“

3. Duci poterit Exordium à gravi aliquo apostrophe-

phategmate (a) de fragili caducaque rerum humana-
rum sorte, quæ nobis, ut cum maxime, ante ocu-
los obversatur.

4. Duci poterit ab adjunctis, quæ fortè laudandi
mortem circumstetere. Hinc Imperatoris Theodo-
sii M. laudationem funebrem orditur D. Ambro-
sius: „Hoc nobis motus terrarum graves, hoc juges
„pluviæ minabantur, & ultra solitum caligo tene-
„brosior denuntiabat, quod clementissimus Impe-
„rator Theodosius recessurus esset è terris. Ipsa
„igitur recessum ejus elementa mœrebant, cœlum
„tenebris obductum, aer perpeti horrens caligine,
„terra quatriebatur motibus, replebatur aquarum
„alluvionibus. Quidni mundus ipse defleret eum
„Principem continuo esse rapiendum, per quem
„dura mundi istius temperari solerent?“

5. Denique abruptum exordium ad movendam
commisserationem longe aptius esse videtur, quam
temperatum ac lene. Vide quomodo M. Antonius
Muretus in funere (b) Caroli nomi Galliarum Re-
gis exordiatur ex abrupto: „Hoc igitur restabat
„unum afflictis ac pene prostratis infelicis Galliæ
„rebus, ut Carolus Rex, quo se illa recreabat, ac
„solabatur uno, de quo cogirans, in quem intuens,
„omnium quas exceptit acerbitatum memoriam de-
„ponebat, cuin bonorum animos ad aliquam spem
„quietis erigere cœpisset, in ipso ineuntis adæ-
„scentiæ flore, acerba, atque immatura morte rape-
„retur. O fallaces hominum spes! O incerta vota!
„O lubrica & ancipitia humanæ vitæ curricula!“

Quid facta opus est in Confirmatione?

R. Tribus illis, quæ supra memoratæ sunt, par-
tibus constabit Confirmatione, laude nimirum, con-
solatione, atque parænesi; laude mortui; consola-
tione propinquorum ac amicorum; & parænesi ad
adstantes. Quod attinet ad mortui laudes, vide quæ
diximus de Panegyrico, à quo nimirum hoc tantum
differt oratio funebris, quod audientium volunta-
tem

(a) Ital. *Detto sentenzioso.*

(b) *Carolus IX.* obiit anno 1574.

tium voluptatem sequatur, & capte Panegyricus, funebris vero laudatio nihil nisi mœrori serviat atque tristitiae: unde vitandum erit diligenter quidquid lætitiam gaudiumque posset animis ingenerare. Hoc artificium observare poteris in illo Horatii Carmine, ubi (a) Quinctillii amici & affini sui mortem lamentatur.

Ergo Quinctillium perpetuus sopor

Urget? cui pudor & justitiae soror

Incorrupta fides, nudaque veritas,

Quando ullum inveniet parem?

Mœrentium dolorem utcumque consolabitur, 1. Vitæ ab amico laudabiliter ætæ felix recordatio. 2. Honores viventi mortuoque habiti, & omnia quæ virtutem illius testantur tum publica, tum privata monumenta. 3. Spes minime dubia de immortaliæ, quo ille inter felices animas in cælo perfruitur, vel aliquando fruiturus est. 4. Filii nepotesque superstites, ad quos paternæ virtutis hereditas transit.

Quod si forte pro patria pugnans occubuerit is, qui laudatur, tunc enim vero poteris vagari liberius in hoc uberrimo dicendi campo, quem tibi aperit Tullius, cum Martiam Legionem, quæ in (b) prælio Mutinensi fortiter pugnans cecidit, magnificenter laudat Philippica 13. „Illi impii, „quos cæcidistis, etiam apud inferos poenas patri- „cidii iuent: vos vero, qui extremum spiritum in „victoria effudistis, piorum estis sedem & locum „consecuti. Brevis autem vobis vita data est, at „memoria bene redditæ vitæ sempiterna, quæ si „non esset longior quam hæc vita, quis esset tam „amens, qui maximis laboribus & periculis ad „summam laudem gloriamque contenderet? Ec „post pauca: Sed quoniam, Patres Conscripti, glo- „riæ munus optimis, & fortissimis civibus monu- „men-

(a) *Quinctilius Poeta non contemnendus, Cremonensis dictus a Patria diversus ab illo Quinctilio Vario, qui Legiones amisit in Germania.*

(b) *In bello contra M. Antonium, in quo Hurtius & Pausa Consules casti.*

„menti honore persolvitur, consolemur eorum
„proximos, quibus optima hæc est quidem con-
„solatio; parentibus quod tanta Reip. præsidia ge-
„nuerunt; liberis, quod habebunt domestica exem-
„pla virtutis; conjugibus, quod viris carebunt.
„quos laudare, quam lugere præstabit; fratribus,
„quod in se, ut corporum, sic virtutum similitu-
„dinem esse confident.“

Denique adstantibus, earum, quas celebrasti, vir-
tutum recordatione stimulos admovere conaberis.

Quodnam esse debet Perorationis artificium?

R. Hæ sunt Perorationis partes. 1. Æternam
apud Superos felicitatem apprecari mortuo. 2. Sem-
piternam eidem apud posteros exoptare ac pollice-
ri memoriam. 3. Summum illius desiderium in au-
ditorum animis excitare, his, vel similibus Horatii
verbis, de eodem Quintilio:

Quis desiderio sit pudor aut modus
Tam cari capit? Præcipe lugubres
Cantus, Melpomene, &c.

S. XI. De Oratione Eucharistica.

Quid est oratio Eucharistica, seu Eucharisticum?

R. Oratio Eucharistica dicitur ea, qua ob ac-
ceptum insigne aliquod beneficium gratias agimus
alicui, cuiusmodi est luculenta illa oratio, qua Au-
sonius Orator & Poeta Gallus, Imperatori Gratia-
no discipulo quondam suo gratias egit pro Consu-
latu ab illo accepto. Traxit autem suum illud Eu-
charistici nomen à voce *gratias agere*.

Quot sunt præcipua partes Eucharistici?

R. Tres. 1. Significamus lætitiam obortam ex
accepto beneficio. 2. Accepti beneficij magnitudi-
nem amplificamus. 3. Gratum & memorem ani-
num pollicemur.

Quodnam esse aetet exordium orationis Eucharistice?

R. Exordium versari debet in aperto quodam
candidoque dicendi genere, & magnam gratianimi
foras quodammodo etimpere gestientis signifi-
cationem continere. Duci autem poteris.

K

neficii magnitudine , cui pro eo ac par est , verbis exornando , te imparem profitearis. Sic Tullius in oratione post redditum habita in Senatu : „ Si , „ Patres Conscripti , pro vestrīs immortalibus in „ me fratremque meum liberosque nostros meritis , „ parum vobis cūmulate gratias egero : quæso , ob- „ testorque ne meæ naturæ potius quam magnitu- „ dini beneficiorum id tribuendum putetis. Quæ „ enim tanta potest existere ubertas ingenii , quæ „ tanta dicendi copia , quod tam divinum atque in- „ credibile genus orationis , quo quisquam pos- „ sit vestra in nos universa promerita , non di- „ cam complecti orando , sed percensere numeran- „ do ? ”

2. Duci poterit Exordium ab excusatione diu-
turni silentii post acceptum beneficium. Hoc pacto
Tullius exorditur suum illud eximum Eucharisti-
cum ad Cæsarem pro impetrato M. Marcelli redi-
tu , „ Diuturni silentii , P. C. quo eram his tempo-
ribus usus , non timore aliquo , sed partim dolo-
re , partim verecundia , finem hodiernus dies ar-
culit ; itemque initium quæ vellem , quæque sen-
tirem , meo pristino more dicendi . ”

Quid factò est opus in Eucharistici confirmatione?

R. 1. Amplificanda est & in bono lumine colle-
canda beneficij magnitudo. 2. Laudanda est perso-
na à qua profectum est beneficium.

Quomodo amplificanda est beneficij magnitudo?

R. Amplificabitur quadrifariam. 1. A persona
quæ gratificabitur , si res sit in amplissimo digni-
tatis gradu collocata : hinc enim augetur beneficij
magnitudo. 2. A persona cui gratificatur , si bene-
ficium sit egenti collatum , si immerenti , si ad
plures pertineat. 3. A re , qua gratificatur si ho-
nesta , si oportuna , si exoptata , si difficilis. 4. A
ratione & modo ; si non ægre , sed libenti animo ;
si non rogatu alieno , sed sponte ; si non redditum
sit , sed datum beneficium ; si non tarde , sed cito
& opinione citius. Ut enim est in veteri Prover-
bio , *Bis dat , qui cito dat :* interdum etiam bene-
ficij loco ducitur , si cito negetur. Unde in lau-
da-

datissimo Epigrammate (a) auctoris incerti, sed veteris:

Cæsaris ad valvas sedeo, sto nocte dieque,
Nec datur ingressus, quo mea facta loquar.

Ite, Deæ faciles, & vestro numine saltèm

Dicite divini Cæsaris ante pedes:

Si nequeo placidas affari Cæsaris aures,

Saltem aliquis veniat, qui mihi dicat, Abi.

Quidnam in peroratione servandum est?

R. Accepti beneficij memoriam nunquam interitaram, & trabali, ut ita loquar, clavo figendam esse polliceberis. ita Ausonius ait ubique sibi occurrere beneficia. Gratiani, *in templo, in fore, in curia, in palatio domi*. Sic etiam Mamertinus ad Imperatorem Julianum: *In referenda gratia, hoc tibi polliceor, semperque præstabo, mihi nec in suggestis consiliis veritatem, nec in adeundis periculis animum, nec in laboribus perferendis industriam defuturam.* Sed nullum, quod sciam, illustrius exemplum afferri potest, quam Eucharisticum Æneæ ad Didonem, *Æneid. I.*

O sola infandos Trojæ miserata labores,
Quæ nos, reliquias Danaum, terræque marisque
Omnibus exhaustos jam casibus, omnium egenos,
Urbe, domo socias: Grates persolvere dignas
Non opis est nostræ, Dido: nec quidquid ubique est
Gentis Dardaniæ, magnum quæ sparsa per orbem.
Di tibi (si qua pios respectant numina, si quid
Usquam justitiæ est, & mens sibi conscientia recti)
Præmia digna ferant.

Vide etiam apud Livium lib. 28. orationem Sanguntinorum gratias agentium Senatui Rom. quod eorum caussa bellum adversus Hannibalem suscepisset. Vide in bello Jugurthino orationem Bocchi regis ad Syllam. Habes quoque lectissimam illam epistolam, qua Tullius agit gratias Marcello ob supplicationem sibi ejus opera decretam.

(a) *Apud Colomensium, & apud Bartium in Adversariis.*

S. XII. De Epinio & Gratulatione.

Quid est Epinio?

R. Est gratulatio ob reportatam victoriam. Sic autem noncupatur à voce *victoria*.

Quodnam esse debet illius artificium & dispositio?

R. Exordium, si umquam alias, erit splendidum floridumque, & hilaritatis plenum ac lætitiae. Videtur autem abruptum magis esse debere quam temperatum.

In confirmatione amplificabitur, 1. Belli necessitas. 2. Belli difficultas. 3. Aequitas in suscipiendo, diligentia in apparando, virtus in gerendo, celeritas in conficiendo. 4. Enumerabuntur commoda & utilitates victoriae, quæ timore populos, direptione urbes, vastitate Provincias liberavit. Laudabuntur fortissimi viri, qui in bello strenue pugnantes cedere. Ita Virgilius Euryalum Nisumque laudibus in Cælum extollit: *Aeneid.* 9.

Fortunati ambo: si quid mea carmina possunt,
Nulla dies umquam memori vos eximet ævo.
Dum domus Aeneæ Capitoli immobilem saxum
Accolet, imperiumque pater Romanus habebit.

Sua etiam laus tribuetur præfectis, ducibusque præcipuis, qui in victoriae partem aliquam venere. Ita Ruæus, hisce inscriptionibus Augusti sæculo dignis, consecravit nomen illorum, qui bellum Batavicum una cum Ludovico Magno administraverant.

LUDOVICO PRINCIPI CONDÆO
TRIBUS AD SENEFUM EXER-
CITIBUS FRACTIS.

HENRICO PRINCIPI TURRENNIO, SER-
VATIS REGNI FINIBUS, PULSIS UL-
TRA RHENUM GERMANIS,
EORUM EXERCITU
QUATER CÆSO.

FRANCISCO MARESC. CREQUIO, DE-
LETIS INCRUENTA VICTORIA
GERMANORUM COPIIS, &c.

Peroratio vota continebit pro victoriis incolumi-

tate, gloria, felicitate, postquam Deo O. M. vi&go-
riarum largitori & bonorum omnium fonti grates
fuerint, ut par est, rice persolutæ.

Quod si non pro victoria, sed pro adepto insigni
quopiam honoris ac dignitatis gradu, fiat alicui
gratulatio, significabis: 1. Quantam ceperis ani-
mo voluptatem ex illius nova dignitate. 2. Quanta
sit etiam publica hilaritas, & lætitia. 3. Honoris &
gradus amplitudinem verbis extolles. 4. Non ca-
su, non (a) prehensione & ambitu, non preci-
bus muneribusque, sed meritis rebusque gestis fuis-
se comparatum hunc honorem, quem multi am-
bierint, perpauci obtinuerint.

Pertinet etiam ad demonstrativum genus Sote-
ria, Propempticon, Apobaterion, & Epibaterion.

Quid est Soteria?

R. Soteriam vocamus orationis genus quoddam,
quo restitutam alicui sanitatem gratulamur, & pro
illius incolumente & salute grates agimus. Superis.

Quid est Propempticon?

R. Est oratio, qua discedentem aliquem faustis
omnibus, votisque prosequimur; cuiusmodi lucu-
lentum habes exemplum in egregio Horatii Pro-
pemptico, ad Virgilium Athenas proficiscentem.

Sic te Diva potens Cypri,

Sic (b) fratres Helenæ, lucida sidera.

Ventorumque regat pater,

Obstrictis aliis, præter (c) Japyga,

Navis quæ tibi creditum

Debes Virgilium, finibus Atticis

Reddas incolumem, precor,

Et serves animæ dimidium meæ.'

Quid est Apobaterion?

R. Est oratio, quam habemus discedentes ex pa-
tria, vel ex alio quodam loco, ubi cum singulari
benevolentiae significatione sumus excepti. Hujus

K 3

ge-

(a) Valeat ferè idem ac: *Raccomandazione*.

(b) *Castor & Pollux*.

(c) *Japyx*, *ventus flans*, ab *Apulia* quæ olim
Japygia dicebatur.

generis est *Aeneæ* discedentis oratio ad (a) Helenum & Andromachem, *Aeneid.* 3.
*Hos ego digrediens lacrymis affabar obortis:
 Vivite felices, quibus est fortuna peracta
 Jam sua: nos alia ex aliis in fata vocamur.
 Vobis parra quies, nullum maris æquor arandum,
 Arva neque Ausoniæ, semper cedentia retro,
 Quærenda. Effigiem Xanthi Trojamque videtis,
 Quam vestræ fecere manus: melioribus opto
 Auspiciis, & quæ fuerit minus obvia Grajis.*

Quid est Epibaterion?

R. Est oratio, quæ habetur ab illo, qui post longam peregrinationem, domum insolum rediit. Vide Scaligerum lib. 3. Poetices.

C A P U T I I.

De orationibus, quæ pertinent ad genus deliberativum.

Quoniam est materia generis deliberativi?
 R. Illius materia sunt res omnes in manu & arbitrio nostro positæ: ut enim ait (b) Tullius *Tollitur omnis deliberatio, si intelligatur quidquam fieri non posse, aut imponatur necessitas. Neque enim quisquam deliberat, qua ratione perpetuo uitetur sit; quoniam intelligit sibi moriendi necessitatem incumbere: neque quisquam deliberat quomodo volare possit; scit enim sibi alas non adesse.*

Quisnam est finis generis deliberativi?

R. Honestas, & utilitas.

Quoniam orationes spectant ad genus deliberativum?

R. Pertinent ad genus deliberativum suasio, dissuasio, hortatio, dehortatio, conciliatio, concitatio, commendatio, petitio & consolatio.

§. I. De Suacione & Dissuacione.

Quid est Suasio?

R. Est oratio deliberativa, qua ostenditur quid faciendum sit. Dissuacione vero contrarium suadetur.

Un-

(a) *Helenus Priami filius, valicinio clarus, ex captivo factu Epiri Rex ab ipso Pyrrho.* (b) *In partitionibus*

*Undenam ducuntur argumenta Suasioni , vel Dis -
suasioni propria ?*

R. Ducuntur ab honesto , ab utili , à necessario ,
à facili , à jucundo , cum aliquid suadendum est ;
& è contrariis capicibus , cum est aliquid dissua-
dendum .

Quid est honestam ?

R. Honestum id intelligimus , inquit Cicero ,
quod tale est , ut detracta omni utilitate , per se
ipsum laudabile sit , & expediendum ; v. gr. si
quempiam hortemur , ut M. Attilii Reguli exem-
plo mali ad mortem vel ad vincula reverti , quam
daram hostibus fidem fallere . Ita Tullius in Ma-
niliana probat suscipiendum esse bellum Mithrida-
ticum , ut deleatur ignominia , quam Populo R.
Mithridates incussit , cum una hora tot civium
Romanorum millia jussit occidi . Ex hoc eodem
loco Cato apud Lucanum lib. 9. animos militum
accedit sola gloriæ commendatione , ad aggrediendum
iter periculosum ac difficile :

O quibus una salus placuit mea castra secutis
Indomita cervice mori , componite mentes

Ad magnum virtutis opus , summosque labores :

Quam orationem claudit pulchra illa sententia :
... Serpens , sitis , ardor , arena ,
Dulcia virtuti : gaudet patientia duris :
Lætius est , quoties magno sibi constat honestum .

Quid vocas Utile ?

R. Utile est , quod propter commodum expe-
titur , sive adjunctam habeat honestatem , ut gloria ,
honor , dignitas : sive non habeat , ut divitiæ , va-
letudo , tranquillitas , malorum depulsio , &c. Ex
his locis Catilina conjuratos hortatur , apud Sallustium ,
ad nefarium facinus , quod ille maximum
atque pulcherrimum vocat . „ Nobis , inquit , es-
„ domi inopiam , foris æs alienum , mala res , spes
„ multo asperior . Denique quid reliqui habemus ,
„ præter miseram animam ? Quin igitur expurgis-
„ cimini ? En illa , illa , quam sæpe optastis , li-
„ bertas : præterea divitiæ , decus , gloria in oculis
„ sita sunt . Fortuna ea omnia victoribus præmia
„ posuit .”

Curio (a) similiter, apud Lucanum lib. 1. spe-
cie utilitatis Julium Cæsarem ad bellum civile sic
hortatur :

Bellantem geminis tenuit te Gallia lustris,
Pars quota terrarum ! Facili si prælia pauca
Gæsseris eventu, tibi Roma subegerit orbem.

Quid vocas necessarium?

R. Necessarium dicitur id omne, sine quo salus
aut dignitas stare non potest. Seu mavis cum Sca-
ligero, necessarium dicitur, quod ita utile est, ut
sine eo res NEC ESSE possit, unde & nomen deri-
vatum est. Hujusce porro loci magna vis est. Multi
enim sunt animis adeo segnibus, ut cum quoque cum
aliquid honestum & utile esse norunt, tamen si res
fit cum magno labore cœnuncta, facile terreatur:
Apud tales ratio necessitatis est (b) compendiosa
vis ad persuadendum. Ejusmodi est Ciceronis argu-
mentum in 4. Philipp. *Agitur enim non qua condi-
tione vicitri ne simus, an cum supplicio, ignominiaque
perituri.* Ab hoc potissimum loco, itemque ab hone-
sto Æneam Hector ad fugiendum hortatur, Æneid. 2.
Heu ! fuge nate Dea, teque his, eripe flammis,
Hostis habet muros, ruit alto à culmine Troja.
Sat Patriæ Priamoque datum : si Pergama dextra
Defendi possent, etiam hac defensa fuissent.

Quid vocas facile?

R. Facile illud est, quod sine magno labore,
sumptuue, aut molestia, brevi tempore fieri po-
test: quæ sane omnia maximo sunt ad persuaden-
dum momento. Frustra enim suadetur illud, quod
vix, aut ægre admodum fieri posse creditur. Ac
propterea, si quis hac de re scrupulus hæreat audi-
toribus, is ante omnia ex illorum animis omnino
erit eximendus. Ita Venerem in suam sententiam
conatur alicere astuta Juno, Æneid. 4.
Mecum erit iste labor: nunc qua ratione quod instat
(c) Confieri possit, paucis, adverte, docebo.

Quid

(a) Curio homo linguae venalis, ut se aere alieno libe-
raret, Cæsarem ad civile bellum impulit. (b) It. Scor-
tatoja. (c) Confieri pro confici, vox parum usitata. 1

Quid vocas Jucundum?

R. Jucundum dicitur, quod honestam habet voluptatem vel animi, vel corporis: sic nuncupatum, inquit Tullius, a juvando; quod nempe juvet vel utrumque, vel alterutrum. Hinc dicitur illud argumentum Tullii: *Hoc velim tibi persuadeas si rationibus meis a te provisum esse intellexero, magnam te ex eo & perpetuam voluptatem esse capturum.*

Quænam in suadendo, vel dissuadendo præcipue spectanda sunt?

R. Tria. 1. Quid sit, de quo deliberetur. 2. Qui sint, qui deliberent. 3. Quis sit qui suadeat, vel dissuadeat.

Quid spectandum est in re de qua deliberatur?

R. Quinque illa de quibus egimus enucleare; an sit honesta, an utilis, an necessaria, an facilis, an jucunda.

Quid spectandum est iis qui deliberant?

R. Caput artis est nosse penitus animos eorum qui deliberant, eorumque voluntates ac naturas feste odorari, ut possis ambitionis splendida, avaris utilia, voluptuosis jucunda proponere, & suo, quo ajunt, hamo quemque piscari.

Prudentis ergo Oratoris erit videre an agat cum regibus, aut viris principibus, apud quos, ut ajebat Parysatis illa, verbis byssinis opus est; an cum nobilibus, quos honesta ac laudabilia tangunt; an cum plebe, bellua multorum capitum, apud quam negotium tractare longe difficillimum est. Neque vero satis est dignitatem spectare: sed habenda est etiam ingenii, morum & ætatis ratio, ut rem facilius possis ad exitus optatos perducere. Jure igitur merito de variis variarum ætatum, conditionum & gentium moribus hic agi solet ab artis Magistris, & in primis ab Aristotele.

S. II. De variis variarum ætatum moribus.

Quænam sunt juvenum, virorum, ac senum mores?

R. Ætatis cujusque mores graphice admodum ita pingit Horatius in Arte poetica.

Imberbis Juvenis, tandem custode remoto,
Gaudet equis canibusque & aprici gramine campi.

Cereus in vitium fleti, monitoribus asper,
 Utilium tardus provisor, prodigus æris,
 Sublimis cupidusque, & amita relinquere pernix.
 Conversis studiis, ætas animusque virilis
 Quærit opes & amicitias, inservit honori:
 Commisisse cavit quod mox mutare laboret.
 Multa senem circumveniunt incommoda; vel quod
 Quærit, & inventis miser abstinet, ac timet uti;
 Vel quod res omnes timide gelideque ministrat
 Dilator, (a) spe longus, iners, avidusque futuri,
 Difficilis, querulus, laudator temporis acti
 Se puerο, censor castigatorque minorum.

Juvenes igitur flagrant cupiditatibus, facile &
 vehementer excandescunt, unde adolescentia qui-
 dam quasi rationis æstus appellatur; honestum uti-
 li præferunt, aperti sunt, candidi & misericor-
 des; sua enim innocentia ceteros metiuntur. Pro-
 digi sunt & in sumptus effusi; nondum enim eges-
 tatem sunt experti: ad risum & dicacitatem sunt
 propensi.

At dispar omnino est senum ratio. Facile suc-
 cendent illi quidem, sed non æque parent iræ, quia,
 ut scitè Horatius, *Lenis albescens animos capillus,*
litium & rixa cupidos proterve. Parum sperant, quia
 diu vixerunt; paucæ moliuntur, præteritis gaudent,
 facetos ac ridiculos odere, solliciti sunt officiorum
 exactores, ad rem attenti, lenti, difficiles, suspi-
 ciosi; sæpe enim aut se, aut alios delusos memine-
 ruunt. Præterea queruli sunt morosique, ut ait Tul-
 lius, *in fragili corpore odiosa est omnis offensio.*

Denique verbosi sunt & loquaces, quia dicere
 amant. Unde non inscitè Cornelius Gallius, seu
 potius Maximianus:

Deficit auditor, non deficit ipse loquendo,
 O sola fortis garrulitate senes!

Sed facile hoc illorum ætati condonandum, ob
 egregias virtutes, quibus hoc vitium abunde com-
 pensant. Viri-

(a) *Turdus ad bene sperandum ob timiditatem, ait Aristoteles;* vel, *ut alii malunt, spem vita longana habens.*

Virilis ætas senectutem iocer & adolescentiam interjecta, ac in quodam quasi confinio posita utriusque virtutum vitiorumque particeps est, & utriusque indolem, velut ex vicinia, trahit. Juventus fortis est, sed intemperans; senectus est temperans, sed timida; virilis ætas fortis est sobriaque. Juventus nimis credula est, senectus nimis suspiciosa. virilis ætas, pro rorū natura, vel confidit, vel diffidit. Juventus querit honestum potius quam utile, senectus utile magis quam honestum; virilis ætas honestum simul & utile.

Puerilis denique ætas effervescit facile; mutatur in horas: magnam habet indolem ad virtutem, gloriæ honorique mirum in modum velificatur. Audī Tullium lib. 5. de Finibus: *Quanta sunt puerorum decertantium studia! ut illi efferuntur lētitia cum vicerint! ut se accussari nolunt! quam cupiunt laudari! quos illi labores non perferunt, ut aequalium principes sint!*

§. III. De morib[us] Nobilium, Divitum & Plebejorum.

Quinam sunt Nobilium mores?

R. Nobiles sunt honoris ac gloriæ vel maxime studiosi, & si Apulejana voce uti fas est, sunt in primis honoripetæ. Solent autem non solum ignobiles aspernari, sed etiam homines novos, qui primi ex sua gente sunt honores consecuti. Ita Metellus contemnebat C. Marium, illique Consulatum. unvidebat. Unde sic de eo Sallustius: *Inerat contemptor animus, & superbia, commune nobilitatis malum.*

Quinam sunt Divitum mores?

R. Divites, si præsertim divitias sunt nuperrime consecuti, contumeliosi ferme sunt ac superbi. Nempe facile sibi persuadent præstare se ceteris, quia divitias possident, quibus venalia sunt omnia. Præterea soient mollitie luxuque diffluere, ut notat Juvenalis-Sat. 6.

Prima peregrinos obscena pecunia mores
Intulit, & turpi fregerunt sæcula luxu
Divitiæ molles,

Hanc

Hanc, quam memoravimus, novorum dicitur arrogantiam, scite tangit Cicero, cum de T. Roscio ait, *Qui in sua re fuissest egenissimus, erat, ut sit, insolens in aliena;* & Maro, cum ait de Numano:

Vociferans, tumidusque novo præcordia regno.

Qui sunt denique Plebejorum mores?

R. Germanos plebis mores suis coloribus scite pingunt Sallustius, Horatius, Tacitus, & Seneca, dum ajunt, *plebem esse belluam multorum capitum... pluma & vento mobiliorem esse. . . . opinione duci magis quam veritate. . . . ire quo itur, nec quo eundum est. . . . privatis commodis servire potius quam publica vel honestati, vel cupiditati. . . . cupidam esse rerum novarum. . . . denique pessimii argumentum turbam esse.*

De variis Reipublica formis.

Neque vero in deliberatione satis est ætatis & conditionis cujusque indolem ac studia diligenter spectare. Spectandi præterea sunt Reipublicæ mores, qui scilicet, pro varia (a) politiæ forma, solent maxime variare. Aliter igitur agendum apud Gallos Hispanosque & (b) Lusitanos, quibus Rex unus summo cum imperio præest: aliter apud (c) Helvetios, Batavosque ac Venetos, apud quos vel plebs, vel Optimates dominantur.

Quid est Monarchia?

R. Est unius dominatus communem utilitatem spectans.

Quid est Aristocracia?

R. Est Optimatum imperium, eujusmodi est apud Venetos. Quod si Optimates illi pauci sint, & propriæ, non vero publicæ serviant utilitati, vocabitur Oligarchia.

Quid est Democratio?

R.

(a) Reipublicæ.

(b) Portoghesi.

(c) Svizzeti, ed Olandesi.

De diversis Oration. generib. 225

R. Est imperiu[m] populi, cuiusmodi fermè est apud Helvetios. Quod si plebs infima dominetur, vocabitur *Ochlocratia*. Addi potest *Anarchia*, quæ solet ex turbulentissimis temporibus exsurgere, cum sine rege ceterisque magistratibus fluctuat labefactum imperium.

De variis variarum gentium moribus.

Varios præterea gentium mores, ingeniumque accurate cognosces, & illorum germanam indelem perspectissimam habebis ut possis ad illam sermonem accommodare, ut monet Horatius:

Intererit multum (a) Davusne loquatur, an herus Colchus, an Assyrus, Thebis nutritus, an Argis? Quanam igitur est variarum Europa Gentium indoles?

R. Galli sunt humani, hospitales, candidi, urbanii, lauti, audaces, bellicosi, mobiles, præcipites, longæ spei impacientes, faciles ad obliviscendas injurias æque ac benefacta, acribus initiis, injioso fine, & ut ait Florus de veteribus Gallis, primo impetu plusquam viri, secundo non item magni peregrinatores; unde jure dictum est, *Nulum bellum sine milite Gallo.*

Germani sunt simplices, aperti, fortes, animorum prodigi, veri amici, verique hostes, inquit Scaliger. (b) Belgæ Batavique medium ferme tenent Gallos inter atque Germanos. Hispani sunt constantes, sedati, lenti in consiliis, laboris ac disciplinæ tolerantes & vile ministerium, etiamsi spes magna affulgeat, aversantes. Italii sunt cunctatores, ingeniosi, sapientes, meniis excelsæ ac reconditæ, & ad regendum omnino nati, ut ait Virgilius.

Tu regere imperio populos, Romane, memento,
Hæ tibi erunt artes:

Poloni sunt feroce[s], bellicosi, & quos arte magis, quam vi possis superare; Moscovitæ contra fraudulentí, &c. Longum esset cetera persequi.

Piu-

(a) Davus persona comica, & nomen servi.

(b) Ital. Fiamminghi ed Olandesi.

plura qui volet adeat quæ ingeniose & eleganter de præcipuis gentibus disseruir Joannes Barclajus in (a) iconæ animorum cap. 3. & sex proxime sequentibus. Adeat item (b) Calvidii Læti Callipædiam, ubi versibus elegantissimis diversarum Europæ gentium mores & ingenium diligenter expressit.

Quid denique epeſtandum est in illo, qui suadet vel dissuadet?

R. Tria maxime in illo spectanda sunt, prudentia, probitas, & benevolentia. Prudentia quidem, quia iis fidem habere solemus, inquit Tullius libro de Officiis, quos plus intelligere ac videre, quam nos arbitramur. 2. Probitas, quia quo quis versutior & callidior, hoc invisiō & suspectior, detracta opinione probitatis, ait idem Tullius; & si quem, licet peritum ac prudentem ceteroqui, fallacem tamen, & sui potius amantem credamus, quam nostri, ejus consilium penitus aversabimur.

3. Spectatur in suadente benevolentia: quia ut vel maxime prudens & probus quis creditur, tamens uodisse nos, vel alteri parti melius velle existimetur, nequaquam nobis bene consulere velle judicabitur. Tria hæc complexus videtur Cicero, cum lib. 2. ad Atticum ait: *Nunc mihi & consiliis opus est tuis, & amore, & fide. Quare aduola: expedita erunt omnia, si te habebo.* Nam consilium ad prudentiam pertinet, fines ad virutem, amor ad benevolentiam.

§. IV. De Hortatione & Dehortatione.

Hoc differt Hortatio à Suasione?

R. Hoc differt, quod suademus ratione & consilio, hortamur vero motu atque impulsu. Unde Suasio proprie pertinet ad intellectum; Adhortatio vero pertinet ad affectum. Suasio docet, eoque plus habet argumentorum; Adhortatio vero inflamat, ac propterea plus habet caloris. Suasio fa-

(a) Ital. *Pittura, Immagine.*

(b) *Verum nomen, Claudius Quilletussa Medicus Gallus, vixit saeculo proxime elapso.*

facit, ut scias quid factu sit opus; Horratio facit, ut velis & ausis, illiusque partes sunt, faces ac stimulos veluti subjicere auditorum animis, illosque ad rem hene gerendam inflammare. Denique suasio perrinet ad confirmationem; Exhortatio vero conclusioni reservatur.

Quinam affectus sunt in hortatione concitandi?

R. Excitabis, 1. Spem & fiduciam. 2. Amorem & desiderium rei quæ suadetur. 3. Æmulationem alienæ gloriæ, quæ est potentissimum ad feriendos animos telum. 4. Laudabis virtutem illorum, quos hortaris, illosque hortatu nequaquam indigere dices: Ut enim observat Tullius in excitando & in acuendo plurimum valet, si laudes eum, quem cohortaris. Ita socios recordatione virtutis inflamat Mnestheus apud Virg. Æneid. 5.

At media socios incedens nave per ipsos
Hortatur Mnestheus. Nunc nunc insurgite remis,
Hætorei socii, Trojæ quos sorte suprema
Delegi comites: nunc illas promite vires,
Nunc animo quibus in Gætulis syrtibus usi,
Jonioque mari, (a) Maleæque sequacibus undis.
Non jam prima peto Mnestheus; neque vincere certo:
(Quamquam oh!) sed superent quibus hoc, Neptu-
ne, dedisti.

Extremos pudeat redisse. Hoc vincere, cives,
Et prohibere nefas. . . .

Illustre adhortationis exemplum habes apud Curtium lib. 7, ubi Alexander trecentos juvenes adhortatur, ut invadant præruptam illam undique abscessam Sugdianorum petram, quæ in triginta stadiorum altitudinem eminebat, & quam Arimakes cum triginta armatorum millibus obtinebat.

A'lexandri hortatio ad trecentos milites.

Vobiscum, ò juvenes, & mei æquales, urbium invictarum ante munimenta superavi: montium juga perenni nive obruta emensus sum: angustias Ciliciæ intravi: Indiæ, sine lassitudine, vim frigo-
ris

(a) *Malea promontorium in mare procurrens, quod periclosam reddit navigationem.*

ris sum perpessus: & mei documenta vobis dedi,
 & vestri habeo. Petra, quam videtis, unum adi-
 tum habet, quem barbari obsident, cetera negli-
 gunt, nullæ vigiliæ sunt, nisi quæ castra nostra
 spectant. Invenieris viam, si sollertè rimati fueri-
 tis aditus ferentes ad cacumen. NIHIL tam alte
 natura constituit, quo virtus non possit eniti. Ex-
 periendo quæ ceteri desperaverunt, Asiam habe-
 mus in potestate. Eavadite in cacumen, quod cum
 ceperitis, candidis velis signum mihi dabitis: Ego
 copiis admotis, hostem in nos à vobis convertam.
 Præmium erit ei qui prius occupaverit verticem
 (a) talenta decem: uno minus accipiet, qui proximus
 ei venetur: eademque ad decem homines ser-
 vabitur proportio. Certum autem habeo, vos non
 tam liberalitatem intueri meam, quam voluntatem.

Dehortationis vero luculentissimum exemplum
 habes apud Livium, lib. 22. in oratione Calavii ci-
 vis Campani: qua filium suum Perollam, ab Han-
 nibalis cæde dehortatur.

Dehortatio.

Per egote, filii, quæcumque jura liberos jungunt
 parentibus, precor quæsoque, ne ante oculos pa-
 tris facere & pati omnia infanda velis. Paucæ horæ
 sunt, intra quas jurantes per quidquid Deorum
 est, dextræ dextræ jungentes, fidem obstrinximus
 ut sacratis de mensis (b) essemus. Digressi à col-
 loquio, exemplò in eum armamur. Surgis in ho-
 spitali mensa, ad quam tertius Campanorum adhi-
 bitus ab Hannibale es: eam ipsam mensam cruen-
 tare vis hospitis sanguine? Hannibalem mod' pater
 filio meo potui placare: filium Hannibali non pos-
 sum? Unus aggressurus es Hannibalem? Quid illa
 turba tot (c) libertorum servorumque? Quid in
 unum intenti omnium oculi? quid tot dextræ tor-
 pescentes in amentia illa? Vultum ipsius Hanni-
 balis, quem armati exercitus tremant, quem hor-
 ret

(a) Talentum Attium responderet Realibus, seu ju-
 his Romanis 6600. (b) Ita genuina lectio, pro ederemus.

(c) Melius quam liberorum, ut vulgo legitur.

ret populus R. tu sustinebis? Et si auxilia desunt, me ipsum ferire, corpus meum opponentem pro corpore Hannibal, sustinebis? Atqui per meam peccatum perendus ille tibi transigendusque est. Deterri hic sine te potius, quam illi vinci. Valeant preces apud te meæ, sicut pro te hodie valuerunt.

§. V. De Concitatione, & Conciliatione.

Quid est Concitatio?

R. Est virulentum quoddam orationis genus, quo multitudinis præsertim animi, veluti quodam seditionis flabello, concitantur. Exemplum unum afferam ex Tacito, lib. I. Annalium, ubi ait fuisse in castris Percennium quemdam gregarium militem, hominem turbulentum & procacem, qui militonum seditionem conflare conatus est hac artificiosissima concione: *Cur paucis centurionibus, paucioribus Tribunis, in medium servorum obedirent? quando ausuros exposcere remedia, nisi novum & nutantem adhuc principem precibus, vel armis adirent? Satis per tot annos ignavia peccatum, quod tricena aut quadragena stipendia senes, & plerique truncato ex vulneribus corpore tolerent. Ne dimissis quidem finem esse militie, sed apud vexillum retentos, alio vocabulo eodem labores perferre: & paullo post; Denis in diem assibus animam & corpus astimari. Hinc vestem, arma, tentoria, hinc savitiam centurionum, & vacationem munerum redimis, ac Hercule verba, & vulnera, duram hiemem, exercitas astates, bellum atrox, aut sterilem pacem sempiternam.*

Concitationi opponitur conciliatio, qua vel nobis amorem alicujus conciliamus, vel dissidentes partes in concordiam gratiamque reducere conamus. Sic olim Germanicus Cæsar tumultantes legiones prudenti oratione sedavit, & Julius Cæsar exercitum compescuit, Quirites appellando, pro militibus, qua una voce obortam seditionem repente compressit.

§. VI. De Commendatione.

Quid sunt præcipua Commendationis partes?

R. Tres. 1. Caussas Commendationis expoenemus, idque modestè & verecundè; ut quod bene

me

ne quis de nobis, aut de nostris meritus sit: quod simus cum illo vel sanguine, vel affinitate, vel amicitia conjuncti; quod perspectissima nobis sit illius humanitas, fides, eruditio, virtus, &c. Addere poterimus, scire nos Horatianum illud Epist. l. i.

Qualem commendes etiam atque etiam aspice:
ne m̄d̄x

Incuriant aliena tibi peccata pudorem.

Sed viri integritatem &c p̄æclaras animis dotes nobis exploratissimas esse. 2. Exponemus negotium, cuius caussa commendatur à nobis quispiam. 3. Orabimus atque obtestabimur, vel dicemus, nos pluribus nolle contendere, ne de ejus, quem rogamus, humanitate diffidere videamur. 4. Denique tum nostro, tum ejus, quem commendamus, nomine, omnegrati ac memoris animi officium pollicebimur.

Est & obliquæ Commendationis genus, quo simulamus nos commendare nolle, quem interim vel maxime commendamus, ut si dicas non quidem commendare te alteri Sextium velle; sed orare solum, ut proprius hominem noscere ne graverur. Sperare enim futurum ut, cum gratias agere soleant, qui commendarunt; alter tibi gratias agat, per quem viri tanti notitiam sit consecutus.

§. VII. De Petitione.

Quid est Petatio?

R. Petatio est oratio, qua aliquid postulamus vel pro nobis, vel pro alio. Posterior hæc vocatur intercessio. Utriusque artificium paucis complexus est Servius, ubi Junonis ad Æolum orationem enarrat.

Rhetorum, inquit, est in omni petitione hoc observare. 1. Ut facile p̄æstari possit quod petitur. 2. Ut sit justa petitio. 3. Ut habeat modum, & adhibeat in illa moderatio: Hoc est ut si majora dari non possunt, minoribus certe contenti videamur. 4. Ut sequatur expedita remuneratio. Quatuor hæc observare licet in Junonis petitione: 1. Enim docet rem facili negotio fieri posse:

Æola (namquætibi Divum Pater, atque hominum Rex.

Et

Et mulcere dedit flatus , & tollere ventos)

2. Justam esse petitionem ostendit , dum inimicam gentem insectatur:

Gens inimica mihi Tyrrhenum navigat æquor.

3. Adhibet moderationem , dum alterutro contenta est:

Incute vim ventis , submersasque obrue puppes:

Aut age diversas , & disjice corpora ponto.

4. Beneficii præmium pollicetur.

Sunt mihi bis septem præstanti corpore Nymphæ.

Quarum quæ forma pulcherrima , Dejopejam

Connubio jugam stabili , propriamque dicabo.

Quam plurima etiam petitionem exempla suppeditabunt epistolæ Ciceronis : quas inter , sideris instar , elucet eleganissima illa ad Lucejum , quæ est 12. libri 5. ad familiares , qua Lucejum enixe rotat , ut quæ in Consulatu suo gesserat Tullius , ea litteris quam primum velit consignare. Eam autem sic orditur : *Coram me tecum.* . . .

§. VIII. De Consolatione.

Consolator , vel minor est , vel æqualis , vel major. Minori cautius & mollius erit agendum: amorem suum in primis testabitur ; & ne de suo plus altero sapere velle videatur , ea quæ dietu opus erunt , ex quodam Philosopho , vel alio summæ prudentiæ viro se aliquando audisse profitebitur : Æqualis pro communis amicitiæ jure facere se dicet : Major ager liberius , adeo ut , si quis immoderatus dolorem ferat , audeat etiam increpitare , sed leniter & amice.

Scite omnino argumentum illud tractat Scaliger , librov. de Arte Poetica , cap. 123. *Consolator* , inquit , aut est major , aut æqualis. Magnitudinem intelligo aut imperio , aut dignitate , aut sapientia , aut etate. Alter enim consolabitur Nasonem Livia ; alter Liviam Naso. Hoc spectet ad Imperium. Dignitas autem etiam sine Imperio esse potest. Veluti si pater filium Ciceronem Pompejus. Opibus ut si e plebe quempiam clientem suum Crassus Sapientia , quemadmodum Polybius , aut matrem Seneca. De etate non opus est , exemplis. Major interponet auctoritatem ; etiam ob-

juri

jurgabit: Sapiens opponet etiam dispositionem: sententiae huic crebriore. Minor ostendet affectum: sese id à sapientibus accepisse. Aequalis testabitur amicitiam, ius commune benevolentie.

Si mœrentis dolor sit adeò gravis, & adeò resens, ut medicinam videatur respuere, bipartita erit oratio. Priori parte affirmabimus parum idoneos esse nos, qui solemur alium, cum vel ipsi quoque consolatione plurimum egeamus: simulque privati nostri doloris caussas afferemus. Addendus non nos modo, sed omnes etiam bonos dolore, quod ipsum tamen qualecumque mœrenti solatium debet afferre: quia scilicet

(o) Levius communia tangunt.

Altera vero parte afferemus, quæ leniendo dolori sunt idonea; qualia sunt trita hæc & pervulgata. 1. Vitæ communis conditio, quæ multis malis sit obnoxia. 2. Ejus, quem consolamur, doctrina; virtus, animi magnitudo. 3. Inutilitas & damnum, unde dolor augeatur, non corrigatur. 4. Patientiæ vix, quæ mitiger omnia, juxta illud Venusini Poetæ;

Durum, sed levias fit patientia

Quidquid corrigere est nefas.

5. Quam sit honestum in altissimo divinæ voluntatis consilio semper acquiescere. 6. Quam sit sapientia dignum, quamque laudabile sit, ratione consilio mitigare dolorem illum, qui die ipsa aetate tempore tandem aliquando defervesceret.

Ad genus judiciale, quod bellum rogatum jure vocare possumus, pertinent duæ orationum species: accusatio nimirum atque defensio, quæ non alia præcepta desiderant, quam quæ sunt haec tenus à nobis allata: cum præsertim veterum judiciorum ratio fuerit prorsus immutata.

Finis Libri quarti.

AR-

(i) Clancianus.

ARTIS RHETORICÆ LIBER QUINTUS.

DE PRONUNTIATIONE.

Superest Pronuntiatio, sive actio, postrema quidem oratoriae facultatis pars, si ordinem in tractando consideres: sed tanti tamen momenti, ut primas, secundas, & tertias ei Demosthenes meritio & jure tribuerit.

Quid est Pronuntiatio?

R. Est vocis gesuumque, pro rerum verborumque varierate, apta confirmatio. Quanta porrò sit illius vis & utilitas, docet Tullius, cum ait, infantes, & indisertos homines, actionis dignitate, eloquentiae saepe fructum palmamque tulisse; disseritos vero bene multos, actionis deformitate, infantes fuisse iudicatos. Hinc Pronuntiatio recte vocatur ab eodem Tullio, *Quadam corporis eloquentia;* & alibi (a) *Sermo corporis* ab eodem etiam appellatur.

Quot res sunt ad recte pronuntiandum necessaria?

R. Tres, memoria, vox, & gestus. Est enim in memoria quasi fundamentum actionis, de cuius vi gratiaque multum depereat necesse est, si memoriter non pronuntietur oratio, & si orator non possit à commentaris oculos & vultum avertere.

Viris tamen principibus, &c in publica re vehementer occupatis vitio verti nequit, si reticente commentario; ut olim Augustus, qui, ne memoriæ subiret aleam, vel in ediscendo sibi tempus abiret, fere de scripto dicebat, ut auctores sunt Suetonius, & Dio. Itemque Patrum nostrorum memoria Carolus V. ad Belgii Proceres orationem è scripta recitavit, cum sese regno Bruxellis abdicaret, illudque Philippo filio traderet. Datut quoque eadem via negotioris senibusque; aliis vero nequaquam.

§. I.

(a) *Ad Brutum.*

§. I. De Memoria.

Quid est Memoria?

R. Memoria, ut est eloquentiae pars, definitur à Tullio, *Firma rerum ac verborum recordatio*. Est autem duplex memoriae genus. Alia est artificialis, alia naturalis.

Quid est artificialis Memoria?

R. Artificium memoriae à veteribus traditum, consonat locis & imaginibus. Loci se habent instar chartæ, imagines vero instar Scripturæ. Hanc artem primus apud veteres Simonides prodidisse, apud recentiores Raymundus Lullus illustrasse creditur. Ea vero iis qui memoria valent, minime necessaria est; qui non valent prorsus inutilis. Tu illam modo exerceto, ediscendis ad verbum, ut ait L. Crassus apud Cic. lib. I. de orat. quamplurimi & tuis scriptis & alienis: quod facilius fortasse praestabis, si, ante quam cubitum eas, attente ea, quæ manè voles ediscere, semel, aut iterum legas. Nisi te hæc exercitatio juverit, nihil sane in arte: quo possis juvari, reperio.

§. II. De Voce.

Ad Actionis usum ac laudem, maximam sine dubio partem vox obtinet, inquit Tullius de Oratore; neque tam refert qualia sint quæ dicas, quam quomodo dicantur.

Quanam igitur circa vocem sunt observanda?

R. Tres hasce potissimum leges diligenter observabis. Prima lex hæc est, ut dilucide, (a) articulatim & sincere pronuncietur, ita ut integra verba, syllabæque omnes proferantur. Nolim tamen syllabatim sic pronunties, quasi si litteras computando anumerares, quod esset molestum ac putidum.

Ad eamdem legem pertinet etiam, ne volubili quadam præcipitique celeritate dicendi incitata feratur oratio: sed vox respiratione recreetur, & spiritus inter dicendum suspendatur identidem, &

au-

(a) Ital. *Spiccatamente*.

auditoribus spatum aliquod cogitandi relinquatur.

Secunda lex hæc est, ut pro argumenti, motuumque præsertim varietate, vox etiam opportune varietur, & ut cumque se affectum videri voleat Orator, & audientium animos moveri, ita etiam certum vocis sonum adhibeat. Iracundia postulat vocis genus acutum, incitatum, crebro incidens: miseratio & mœror flexibile, plenum, flebile, interruptum: voluptas effusum, leue, tenerum, hilare: metus demissum, hæsitans, abjectum, &c.

Præterea mutanda tibi vox erit pro variis orationis partibus. Aliam enim vocem flagitat Exordium, aliam Narratio, aliam Confirmatio, aliam Peroratio.

In Exordio, nisi forte indignatione constet, voce utendum submissa ac verecunda. Nec debet Orator, simul ac dicturus prodit, (a) perficate frontem, & in verba statim erumpere. Ceteroqui futurum est, ut feroculum Oratorem jure omnes aversentur. Sed oportet, ut paullulum cogitatione quasi defixus moretur; idque tum quod auditores hæc Oratoris cura delebet; tum ut interea ipse se colligat, & ad dicendum componat. Ita Ulysses apud Nasonem paullisper consistit, oculis in terram defixis, priusquam suam eloquentiam torrentis instar effundat (b).

..... Oculos paullum tellure moratos
Sustulit ad proceres, expectatoque resolvit
Ora sono, neque abest facundis gratia diëtis.

Ab Exordio paullatim insurgit vox: ac in narrando quidem, voce utimur aperta simplicique, qualis fere est in sermone familiari. In Confirmatione & in argumentatione præsertim, voce utimur acriori. In Peroratione deraum, quasi parta victoria, vox solet esse excitator, ut ita ostendat Orator, se niti bonitate caussæ, magnamque fiduciam in auditorum probitate, prudentiaque collocare.

§. III.

(a) Ital. *Mostrarsi sfacciato.*

(b) *Metam. lib. 13.*

§. III. De monotonia & canto.

Gratæ huic varierati opponitur è diametro unus ille insulsusque vocis tenor, quem Greci *monotoniam* vocant, & qui non modo dicentem enecat, sed etiam audientes exanimat, & unde omnis orationis decor ac venustas deflorescit:

..... Ut citharædus

Ridetur, chorda qui semper eberrat eadem, inquit Horatius.

Huic, qua tantopere conamendamus, varietati opponitur etiam cantus, qui nihil aliud est, si quæris, quam clamosa quædam & uno ferme tenore subsultans nænia.

Qua ratione huic vitio poterit occurri?

R. **H**ic incommodo remedium adhibebitur, 1. Si pueri rebus humilibus ac quotidianis æquabilitè & rotundè pronuntiandis assuescant; neque vero statim ad tragicam granditatem procurrant. 2. Si eorum, quæ pronuntiant, germanum sensum penitus animadvertant. 3. Si interdùm vernacula, non illa inflata tragicaque, sed simplicia & quotidiana pronuntient.

4. Exerceantur aliquandiu in orationibus illis, quæ varios motus ac vocis inflexiones efflagitent; ut videant quid submisso ac leniter, quid festive, quid atrociter, quid sedate, quid concitatius dicendum sit. 5. Denique ubi illa pronunciationis quasi tyrocinia posuerint, poterunt circa periculum in rebus grandioribus tragicisque versari.

Tertia circa vocem lex hæc est, ut ea, pro amplitudine loci, & auditorum multitudine, vel intendatur, vel remittatur; sed tamen nec ascendat ad supremum, nec ad extremum descendat. Nam vox si imma sit, vim non habet; si vero nimium acuta sit continuaque, delicatas ac teretes urbanorum hominum aures offendet.

Scio equidem hoc esse plebeculæ rudioris ingenium, ut vocalissimum quemque & valentissimum lateribus, ita optimum oratorem judicer, nullamque poterit egregiam, nisi quæ (a) pontem indignetur,

(a) *Pontem indignatus Araxes.* Virg.

tar, actionem, in qua scilicet & clamosæ fauces & vox ululans, & rigidi vultus torvitas, & pedum supplosiones, & brachiorum remigatio, & totius corporis dissoluta quædam interperansque jactatio, & illa denique inflata rumpantur.

Ciceroni vero longe alia mens erat. Ajebat enim venustissime, clamosos hujusmodi *latratores* verius quam oratores, similes esse claudorum, qui cum ambulare non possint, ad equum confugiunt. Ita illi, in illa (a) Strentorea voce, tamquam in jumento, suam omnem apud imperitos fiduciam repnunt; nec magis hoc nomine possunt Oratores dici, quam bajulus possit dici citharœdus.

S. IV. De Gestu.

Vocem subsequi debet Gestus, & varios animat sensus cum illa simul aperire. Qua de re colligimus ex veteribus ea tantum, quæ saeculi nostri mortibus sunt accommodata. Multa siquidem ex antiquorum gesticulatione prorsus obsoleuisse videmus.

Quid est Gestus?

R. Gestus, inquit Valla, est actio quædam & quasi pronuntiatio corporis; seu mavis cum Qin&iliano, *Gestus est totius corporis motus & confirmatio.*

Quid in Gestu generatim & universe cavendum est?

R. i. Nihil in illo sit effeminatum & molle, nihil nimis exquisitum, aut elegans: nihil quoque affectatam quamdam diligentiam, artemque redoleat. Monet enim Fabius, actionem non esse delicis nimiaque cura molliendam: & comptis illis delicatisque Oratoribus sæpenumero solet evenire, quod olim Sybaritarum equitatui contigit. Cum enim gens effeminata, & chorœarum ad insaniam avida, suos etiam equos ad numerum symphoniamque saltare docuisse; cum deinde ex umbraculis in solem ac pulverem contra Crotoniatas hostes fuisse illis prodeundum, histriones illi equi, tubarum &

L

mar-

(a) *Strentor quinquaginta hominum clamorem magnitudine vocis adaequabat. Unde ab Homero vocatus, vox etiam habens,*

martis ignari, motibus cōpositis, saltibusque numerosis repente lascivientes, se & exercitum totum misere perdiderunt. Ita umbratiles illi Oratores ab imis unguiculis ad verticem usque venustuli, quando ex domestica exercitatione, in medium agmen, in pulverem, in clamorem, in castra atque aciem forensem prodeunt, & se & caussas suas in magnum quoddam discrimen conjiciunt.

2. Nihil in gestu sit durum, aut agreste, ne dum mollitiem fugimus, in contrarium rusticitatis vitium videamur incidere. Quamquam, si in alterutro peccandum esset, facilius excusaretur rustica quædam simplicitas, quam putidiuscula gestus, vocis & habitus affectatio.

Quid de totius corporis motu precipiendum?

R. Præcipitur 1. Ut status corporis sit celsus & erectus, trunko magis toto, virili quadam laterum inflexione sese Orator moderetur. 2. Ne in statuæ morem obrigescat, quasi si vero deglutisset, ut facere ajebat Epictetus. 3. Ne crebris & incompositis corporis commotionibus vehementius agitur, more furentis Sibyllæ.

. . . Cui peñtus anhelum

Et rabie fera corda tument. . . .

Vitiosum quippe est hoc illuc cursitare: quod olim exprobatum fuit Demitio Afro, qui non age-re, sed satagere, non illepede dicebatur. Et cum alius quidam non minus actuosus Orator multum concursasset in dicendo, facere rogavit eum adversarius Virginius: *Quot demum passuum millia declamasset?* Cassius quoque Severus adversus circumstantes hujusmodi Oratores solebat poscere lineam, quæ immodicas illorum excursiones prohiberet.

Quid in capitib⁹ & oris totiss⁹ conformatione servandum est?

R. 1. Vitiosa est frequentior capitib⁹ jactatio. (a) Mænadæ instar, de quibus Catullus, Carmine de Berecynthia & Athi; Capita Mænades vi jaciunt hederigeræ: aut instar famosæ illius Messalinæ,

de

(a) Ital. *Baccanti.*

de qua Tacitus 11. Annalium. *Ipsa crine fluxo, Thyrsus quatiens, juxtaque Silius hedera vinctus gerere eothurnos, jacere caput.* Non tamen dedecet aliquando vel annuendo confirmare, vel annuendo negare: vel capitis in latus inclinatione languorem, & aversione indignationem: aut alio simili motu, dubitationem, & ejusmodi affectus designare. Sed neque capite erimus immobili rigidoque, quod semibarbarum est, ut olim Rufus ille Rhetor, de quo ita Ausonius Epigr. 50.

(a) Rhetoris hæc Rūfistatua est, si saxea, Rufus.

Cur id aīs? semper saxeus ipse fuit.

3. Capite utemur non demissō, & (b) obstipo, vel in cervicem reflexo, sed recto potius celsoque, quamquam hic quoque modus servandus est, ne audaciæ ac arrogantiæ videatur: & capitis demissio potest aliquando tristitiam, luctum, mœtorem, poenitentiam, & iræ divinæ placandæ studium per belle significare.

Sed in ore, vultuque & oculis sunt omnia. Animi enim imago quædam vultus est, & oculi sunt indices. Quapropter pro rerum natura, vultum in dues modo hilarem, modò mœstum; nunc blandum, nunc minacem. Ita Horatius:

Tristia mœustum

Vultum verba decent: iratum plena minarum:

Ludentem lasciva: severum seria diētu.

Frons exorrecta diffusaque hilaritatis indicium est: contra vero severitas indicatur fronte corrugata, (c) caperataque, & superciliis vel contractis, vel etiam inæqualibus. Unde Tullius in Pisonem: Altero ad frontem sublato, altero ad mentum depresso supercilie respondit... & pro Sextio: Tanta era t gravitas in oculo, tanta frontis contractio, ut illo supercilie, tamquam Rhadamanthus, ille nisi videretur. Hinc etiam Petronius Arbiter:

L 2

Quid

(a) Italice sic verte: questa statua di Rufo Rettore, e' ille è di sasso, e lo stesso Russo.

(b) Ital. Piezato, e cascante sul mento.

(c) Ital. Arginzita.

Quid me expectatis constricta fronte, Catones?
Et post illum Martialis lib. i.

**Contigeris nostros, Cæsar, si forte libellos,
 Terrarum dominum pone supercillum.**

**Orantem, & aliquid à Deo poscentem indicant
 oculi in cælum sublati, ut res ipsa satis loquitur.
 Unde Cassandra:**

Ad cælum tendens ardentia lumina frustra.

**Oculos avertere aversantis est, vel fastidientis,
 vel negantis. Sic misera Didonis umbra, conspe-
 cto apud inferos Æneæ:**

Illa solo fixos oculos aversa tenebat.

**Oculi clausi meditantem & cogitantem animum
 produnt. Oculos in unum locum defixos habent, qui
 præ admiratione stupent. Unde Æneid. 2.**

Dum stupet, obtutuque hæret defixus in uno.

**Præterea demissi oculi modestiam, pudoremque
 significant. Sic Andromache Æn. 3.**

Dejecit vultum, & demissa voce locuta est.

Quid in brachii moderatione servandum?

**R. Brachia nec deorsum incomposita pendeant,
 nec immodice projiciantur; nisi affectu vehemen-
 tiori. Brachium extensem ac porrectum, potentiam,
 & auctoritatem, & robur arguit. Contra vero con-
 tinere ac cohibere brachium, est pudoris ac verecun-
 diæ. Unde Tullius pro Cælio: Nobis olim annus erat
 unus ad cohendum brachium toga constitutus, ut exer-
 citatione ludoque campestri tunicati (a) uterentur.**

Quid circa manus, digitosque præcipitur?

**R. Manus, sine quibus trunca esset actio ac debilis,
 vix dici potest quod motus habeant, inquit Fabius...
 Nam ceteræ partes loquentem adjuvant: hæ, prope est
 est dicam, ipsæ loquuntur. An non his poscimus? pol-
 licemur? vocamus, dimittimus? minamur? abomina-
 matur? timemus? interrogamus? negamus? Gaudium,
 tristitiam, dubitationem, confessionem, pœnitentiam,
 modum, copiam, numerum, tempus ostendimus? Cir-
 ea manus autem certæ quedam sunt ac definitæ le-
 ges, quas sequi oportebit.**

i. Ma-

(a) Alii legunt steremus.

1. Manus in Exordio non solet extendi. Ast ubi paulum effervescere cœpit oratio, manus pariter exeritur cum illa, pariterque cum illa deponitur.

2. Pectori manus admovetur, cum de se ipso quis loquitur: at cum alloquitur alium, ad illum extenditur.

3. Manus sinistra numquam solam gestum facit, inquit Fabius, dexteræ se frequenter accommodat; sive in digitos argumenta digerimus, caussamque, ut olim Hortensius consueverat, partim in digitis (quem morem hodièque nonnulli non infeliciter imitantur) sive adversas palmas, quasi repellendo & repudiando, objicimus.

4. Solœcismus gestu committitur, cum aliud voce, allud gestu monstramus; ut Rhétor ille, qui cælum appellans, tellurem intuebatur, gestuque monstrabat.

5. Urgemus crebra manuum impressione. Supplicamus manibus elatis junctisque. Confirmamus manibus pronis, gravi quodam, & decenti motu depressis.

6. Admirantium est manus tollere. Unde Tullius in Academicis Quæstionibus: Hortensius autem vehementer admirans, quod quidem perpetuo Lucullo loquente fecerat, ut etiam manus saepè tolleret. Et ad Cæsarem, Epist. lib. 7. Sustulimus manus ego & Balbus. Huc etiam pertinet illud Catulli, Carmine 53.

Admirans ait hæc, manusque tollens:

Dii magni, (a) salapusum disertum!

7. Manu exuenta facimus nobis audientiam, indicimusque silentium. Hinc Persius in Satyris:

Fertanimus calidæ fecisse silentia turbæ

Majestate manus. . . .

Lucanus etiam Libro 1. de Cæsare.

. Tumultum

Composuit vultu; dextraque silentia jussit.

8. Manus ori admota tacentis & silentium sua-

L 3

den-

(a) Salapusius nomen compositum ex sal & pulsus sive pusio, quasi dicat: pusio plenus salis & facet iarum, quod de Calvo dictum ob pusillam staturam.

dentis habitus est: *Digitō compesce libellum*, inquit Juvenalis; quo etiam gestu simulacrum Harpoeratis effingebant Ægyptii veteres.

9. Solebat Tullius antequām diceret, barbam demulcere, quod hodièque nonnulli solent. Sunt etiam qui aut frontem fricent; aut lacunar intueantur, sed hæc vitiosa sunt. Vitiosum est quoque manus vel supra caput attollere, vel infra pectus demittere, præterquām in summis affectibus.

10. Pectus ferire, aut femur, prope scenicum est.

11. Manus optimè à sinistro incipit latere, dextroque deponitur.

12. Hoc esse cavendum ait Cicero, ne nimiae sint digitorum argutiæ, neve immodica sit illorum gesticulatio, quo vitio laboravit summus Orator Hortensius. Cum enim, inquit Aulus Gellius, manus ejus, inter agendum, essent argute admodum & gressuose, maledictis, compellationibusque probrosis jaētus est, multaque in eum quasi in histriōnem, in ipsis enussis atque judiciis dicta sunt.

His autem omnes, quæ hac tenus diximus, Oratoris virtute, cura & labore comparari posse liquet mirabili Demosthenis exemplo, qui cum (a) primam artis suę litteram dicere nequireret, studio & exercitatione perfecit, ut planissime diceret, & balbutiem, inditis ori calculis, emendavit, exilitatem vocis, ad fluētus maris declamando, illiusque fremitus voce vincendo, sustulit; angustias spiritus, locorum arduorum inter declamandum ascensu, tandem aliquando superavit.

Atq[ue] hæc de Pronuntiatione monuisse sufficiat. Reliqua, quæ eodem pertinent, exercitationi relinquimus: cui scilicet plus multo quam præceptis esse tribuendum existimavimus.

Finis libri quinti.

IN-

(a) *Littera*

I N S T I T U T I O N U M
P O E T I C A R U M ,
A U C T O R E
J O S E P H O J U V E N C Y O .
L I B E R P R I M U S .

D E P O E S I S P E C T A T A U N I V E R S E .

M. **C**UM in omni re , quæ in qua-
stionem venit , debeat attendi
primum quid sit , deinde quæ sint ejus
affectiones , ideo Poeseos definitio pro-
ferenda : tum de materia illius , forma ,
ornatu , caussa efficiente , fine , ac divi-
sione disputandum .

C A P U T P R I M U M .

Definitio Poeseos .

D. **Q**uid est Poeseos ?

M. **Q** 1. Si vocis vim ac potestatēm quæras ,
Poesis nomen haber , quod est facere , seu fingere ;
unde ars faciendi , seu fingendi ; & Poeta , id est ,
Fictor , seu effector : quod Fabula , quam texit , ab
ejus mente tota esse videatur .

2. Si rei significationem spēctes , Poesis modū
dicitur Ars Poetica : modū dicitur opus aliquod ex
arte elaboratum . Juxta primam vocis acceptiōnēm

Poesis est *Ars recte conficiendi Poematis*; sive *Colle-
ctio præceptorum in unum & eamdem finem cer-
to tendentium, nimirum ad unum aliquod opus poe-
ticum perficiendum*. Juxta secundam vocis signifi-
cationem intelligitur *Usus & Praxis illorum præ-
ceptorum*; atque hoc sensu agimus hic de Poesi.

D. *Quomodo definitur hoc posteriori sensu accepta
Poesis?*

M. *Definitur Ars imitandi Actiones humanas,
sive imitatio humanarum Actionum cum fictione.*

D. *Imitatur re ipsa omnis Poesis humanas Actiones?*

M. Imitatur utique. De præcipuis Poematis non potest ambigi, *Epico*, *Tragico*, *Comico*. *Minora quoque Poemata ad humanas Actiones suo modo referri primario, & per se, suis locis patebit inferius.*

D. *Cùr potius humanas Actiones imitatur Poesis,
quam mores?*

M. Ratio hæc petitur ex Philosopho: (a) Cum sit Poesis omnis Politicæ & Civilis Disciplinæ pars; civilis autem disciplina habeat pro fine Civium felicitatem; hunc certe finem Poesi præstitutum esse necesse est. Jam vero cum felicitas sit in Actione, juxta Philosophos, non in Moribus, qui ad ipsas Actiones, ut ad finem referuntur; plane sequitur, ut, quemadmodum Civilis Disciplina, sic & Poesis non tam ad mores referatur, quam ad Actiones, easquæ primariò & per se imitetur.

D. *Nùm Poesi tam necessaria addicta est fictio, sive
Fabula, ut sine illa non possit esse Poesis?*

M. Plane dicendum est; ita censet Aristoteles, (b) ejusque Interpretæ, qui vim eamdem ac dignitatem in Poesi tribuunt Fictiōni, quam Animæ concedant in homine. Cum autem sublata anima nullus sit homo; sic, nec sublata fictione potest esse ullà Poesis. Ita sentiunt probatissimi Auctores bene multi, Plato in Phædone, Plutarchus libro de audiendis Poetis, &c. Non erit itaque Poeta di-

(a) *Poes.* cap. 4. (b) *Cap. 4.*

dicendus is, qui sine fictione, sicut qui sine metro scripserit. Ratio patebit utriusque cap. 3. ubi quid nomine Fictionis, seu Fabellæ veniat, exponeatur.

C A P U T I I.

De Materia Poeseos.

D. *Quæ est Materia Poeseos?*

M. *Est id omne, de quo tractat Poesis.*

D. *Quotuplex est illa Materia?*

M. *Duplex, una remota, altera proxima.*

D. *Quenam est materia remota?*

M. *Tam longe, lateque diffusam Poeticæ, quam Oratoriæ Facultati Materiam assignat Tullius, (a) cui Poeta cum Oratore in hoc idem est; nullis terminis uterque circumscribat, aut definit jus suum, adeoque possit uterque de rebus omnibus disputare.*

D. *Quenam est Materia proxima Poeseos?*

M. *Sunt Actiones humanæ, prout potuere, vel debuere geri.*

D. *Numquid debent esse vera, quæ in Poeseos materiam assumuntur a Poeta?*

M. *Tenetur aliquando Poeta ea dicere, quæ vere contingint, aliquandò non tenetur. Quamvis enim Poetics, Poesis, &c Poema artem faciendi, effectionem, effectumque significant, non eo sensu tamen sunt accipiendæ illæ vocees, ut suam sibi semper materiam procreare Poeta debeat; immo in Epopœja, Tragoedia, atque etiam in aliis minoribus Poematis, qualia sunt Genethliaca, Epicedia, Epinicia, &c. subesse deberet quasi fundus historiaræ, cui magnifice aliquid inædificetur. Potest autem suam sibi condere materiam in Comœdia, aliisque Poematis bene multis, atque etiam deberet materiaræ, quæ vera sit, novam formam inducere, atque eatenus falsa referre. Curandum autem utробique diligenter, ut quæ proferuntur, sive vera, sive falsa, ea sint omnino verisimilia.*

L 5

D.

(a) I. *De Orat.*

D. *Quid vocas verisimile?*

M. Est id quod naturali quodam rerum exitu debet, aut certe potest contingere in iis circumstantiis, in quibus dicitur contingere.

D. *Itane sunt verisimilia, quæ Virgilius narrat de descensu Ænea ad inferos, de mutatione Navium in Nymphas marinas, aliaque hujusmodi?*

M. Fuere utique verisimilia, quod ab Heroibus, Diisque & fieri posse, & re ipsa fieri aliquando parentur.

C A P U T III.

De Forma Poeseos.

D. *Quæ est forma Poeseos?*

M. *F*est Fictio, seu Fabula. Cùm enim Poetica sit ars fingendi, ut vox ipsa sonat, debet certe Fictio sic naturam poeseos constituere, ut eam ab omni alia re secernat atque distinguat: quomodo Forma, quæ vocatur in Physicis, uniuscujusque rei materiam sic perpolit ac perficit, ut ejus naturam plane dicatur constituere. Ita censem passim Aristoteles, qui Fabulam sic Poesi attribuit, ut sine illa Poetam esse nolit.

D. *Quid est illa fictio, seu Fabula?*

M. Non una est, eademque vocis illius notio. 1. Significat sermonem quemdam mere fictitium, qualia sunt Æsopica colloquia bestiarum, & inania quædam Ethnicorum commenta. 2. Usurpatnr à Philosopho pro actione ipsa & materia Poematis, vel etiam pro toto Poemate. 3. Sumitur ab eodem Philosopho pro Structura quadam Poematis, sive, ut loquitur, pro constitutione rerum, & Compositione in Poemate.

D. *Ouo sensu Fabula dicenda est Forma Poeseos?*

M. Juxta postremam hanc vocis acceptationem. Nam eodem modo de Poetica videtur dicendum, &c de aliis Artibus, quæ imitatione perficiuntur: in quibus certa quædam Dispositio & Compositio universe dici debet earum Forma. Sic in statu aurea, aurum est materia; & artificiosa auri dis-

po-

positio est ultima Statuæ forma in genere operis artificiosi. Et ut exemplum proferam ; quo non semel usus est Aristoteles. Pingatur v. gr. Socrates. 1. Picturæ materies est Socrates, qui pingi debet : is materiam repræsentat Poeseos. 2. Corporis descriptio cum apta membrorum omnium conformatione ac dispositione est forma : & hæc Fabulæ comparatur. 3. Colorum varietas & contemperatio est ornatus picturæ, & cum Fabulæ ornamenti rite potest conferri. Rechte itaque pronuntiavit Aristoteles : (a)

Definio Fabulam esse Compositionem rerum.

D. Qualis debet esse illa Fictio, seu Constitutio, Structura Poematis?

M. 1. Exquisitam illam esse jubet universe Horatius, (b) atque etiam in majoribus Poematis magnificam ; nec vult Poetam dici posse illum, qui talem Formam Materiæ non induixerit :

Neque enim concludere versum
Dixeris esse satis, neque si quis scribat, uti nos,
Sermoni propiora, putas hunc esse Poetam.
Ingenitum cui sit, cui mens divinior atque os
Magna sonaturum, des nominis hujus honorens.

2. Hæc Structura, ut de illa aliquid magis distinete, singillatimque statuamus, compleætitur varia, quæ à Philosopho appellantur, Fabulæ ornamenta, Periperia, Agnitiones, Episodia, Machinas, graphicam Morum expresionem, Sententias, accuratam diætionem, Numerum Poeticum, aliaque omnia, unde mirabile dicendi genus efflorescat ; adeo ut nulla sit Fictio, quæ aut omnibus his destituta sit, aut aliquibus saltem instructa non sit ornamentis.

D. Quæ Poemata, aut hec omnia, aut aliqua saltem sibi vindicant Fabulæ ornamenta ?

M. In sublimioribus Poematis frequentius, parcius in humilioribus sunt usurpanda. Sic Epicum Poema, Tragicumque eo omni ornato debet splen-

(a) *Lib. 6. cap. 4.* (b) *Sat. 4.*

dere: aliquo nitere debent minora Poemata , vel quæ ne genere heroico sunt posita , ut Adhortationes, Laudationes , &c. vel quæ suapte natura simpliciorēm , minusque figuratum dicendi habitum requirunt. Verum quæ Fictio cuique illorum , qui cultus, ornatusque conveniat, exponetur commodius suis locis , cum de singulis agetur Poematum generibus.

D. *Licetne in poesi adhuc Fictionem, quatenus vox illa aliquid mere fictitium sonat?*

M. Sane licet 1. Nihil opus est in majoribus Poematis esse usquequaque vera , quæ in Peripetiis, Episodiis , Machinis , &c. proferuntur.

2. Placent maxime quæ à veteribus sæpe , recentioribusque Poetis in Poemate Epico , Tragico , Comico , Bucolico etiam , & Satyrico Fictione inducuntur personæ.

3. Non sine dignitate ac venustate rebus inanimis spiritus , mutis vox tribuitur ; ut cum Roma , Gallia , Africa , loquentes inducuntur ; vel cum Scientiæ , Artes , in personas item conformantur.

4. Suus est etiam in sacris argumentis, neque angustior , quam in profanis, ejusmodi Fictioni locus, ut evicit manifestissime in suo opere vere aureo de Poemate Frinzonijs , (a) cuius ex animadversione id unum maxime curandum est, ut moderetur prudenter Fictionis, ne quid vanum , insolens, aut à communi sensu alienum afferatur.

Ex dictis collige 1. Poetæ perinde esse , vera ac falsa dicere , modo verisimilia dicat ; nisi forte in aliquibus Poematis, quæ supra antiquimus , in quibus debet esse vera , quæ profertur , materies , quamvis falsi aliquid in eadem ornanda possit aspergi : quod tamen intra verisimilitudinis septa contineri deberet.

Collige 2. quam malè jubeantur è Parnaso exsumare Poetæ , qui mera commenta in sua carmina non invexerunt , & eo nomine Fabulam non scripsisse dicuntur ; quasi vero ipse Virgilius in suo opere absolutissimo Georgicon Poeta non sit appellandus cum vera dixerit , sed splendidè , sed artificio-

(a) *Lib. 1.*

ciosè, sed poeticè, adeòque non sine Fictione.

Collige 3. Non esse illum propriè dicendum Poetam, qui tenuiter ac jejune, servata dumtaxat legitima syllabarum, pedumque dimensione rem tractavit; eumque versificatorem appellandum, quod sine Fictione poetica scripserit: quæ ut minimum requirit habitum loquendi aliquem figuratum, floremque eloquentia delibatum, versuque exornatum.

D. Quæ sunt pro ornamento fictionis, seu fabula?

M. Septem enumerantur ab Aristotele, Peripetia, Anagnorisis, Episodium, Machina, Mores, Sententia, Dictio, de quibus omnibus singillatim agendum est.

C A P U T I V.

De Peripetia.

D. Quid est Peripetia?

M. Peripetia ab *incide*, nihil aliud est, ut vox indicat, quam rerum in statum contrarium lapsus: quapropter definitur ab Aristotele, (a) Eorum que aguntur, *Mutatio in contrarium*, sive mutatio hæc prospera sit, sive adversa,

D. Da exemplum utriusque Peripetie?

M. Exemplum esto prosperæ rerum conversio-
nis. Josephus fratribus suis infelicem suam sortem lugentibus, quis tandem ipse sit, aperit, timore-
que excutit: unde efficiuntur illi vere fortunati.

Adversæ vero mutationis exemplum sit istud. Nuntius Corintho missus **Œ**dipum rogat Thebanorum regem, ut Corinthiorum quoque regnum communi omnium consensu post mortem Polybii regis ipsi delatum velit capessere. Corinthum adire abnuit **Œ**lipus, ne forte, quod oraculum præcinerat, incesto flagitio matris polluendæ, quam puta-
bat esse Meropem Polybii demortui uxorem; peri-
culum subiret. Dat operam Nuntium, ut hoc eum
metu liberet: sed simul ea refert, unde cognoscit

Œli-

(a) Cap. 9. Poet.

Œdipus impletum jam fuisse Oraculum, & matrem Jocastam eo flagitio pollutam, & patrem Lajum à se fuisse interficatum, atque hinc tantum concipit mœrorem, ut vagus, & exsul effossis sibi oculis, reliquam vitam transigere constituat, in summam preinde prolapsus calamitatem.

D. *Quot sunt conditiones ad perfectam Peripetie formam requisita?*

M. Tres assignantur. Prima est, ut sit magna illa mutatio rerum ferme omnium fortunarumque sive ex felici statu ad infelicem, sive contra.

Altera, ut sit illa mutatio subita & inopinata: ut si præter expectationem ea rerum oriatur perturbatio, ut metus repente lætitiae, vel terrori lætitia ac terror succedat.

Tertia, ut sit verisimilis ejusmodi rerum convercio. Contra quam perceptionem peccant in primis Romantiorum Auctores, qui nulla habita verisimilitudinis ratione rerum, dumtaxat captant delicias: nec fidem facere curant, modò lectorum animos admirabilitate rei teneant & deleant. Habet exempliam Peripetiae formam apud Virgilium, (a) ubi Trojanis in Italiam appulsis eum fauste omnia, atque ex sententia cederent, demissis à Latino rege eum bonis verbis, atque amplis muneribus Legatis, pactaque Æneæ Lavinia, Juno irarum plena, omnia commutat, perturbatque, summaque in rerum tranquillitate summum drepente bellum excitavit.

C A P U T V.

De Anagnorisi.

D. *Quid est Anagnorisis?*

M. *Anagnorisis*, latine *Agnitio*, dicitur ab Aristotele (b) *ex ignorantia in cognitionem mutatione*, id est personarum Agnitio, ex qua amicitia oritur, vel inimicitia inter eos, qui felices esse debent, vel infelices. Unde colliges per hoc Fabulæ ornamentum. 1. Intelligi personarum inter se agnitionem. 2. Amicitiam vel inimicitiam. 3. Felicitatem, vel

(a) *Æneid. lib. 7.* (b) *Cap. 9. Poet.*

vel infelicitatem ex illa agnitione nasci.

D. *Da Exemplum Agnitionis?*

M. Orestes Iphigeniae frater ad aram mortandus praesente sorore, quas non agnoscebat, ait simili fato perire se, ac sororem, quam Diana immolatam fuisse credebat. His illa auditis fratrem agnoscit: initio deinde inter se consilio, aufugiunt, & morti se Orestes, & fœdo hominis immolandi ministerio Iphigenia se subducit.

D. *Quotuplex est Agnitio?*

M. *Duplex*, una dicitur *simplex*, duplex altera: ut si in allato modo exemplo Iphigenia tantum agnoscat Orestem, simplex erit, si Orestes quoque agnoscat Iphigeniam, duplex erit agnitio.

D. *Utra præstat alteri?*

M. Sane duplex, atque illa in primis magni facienda est, quæ admixtam habet Peripetiam. Historia Josephi, de qua in superiori capite, duplum continet Agnitionem, & mirabilem Peripetiam.

Varias Agnitionum species sive modos late prosequitur ex Philosopho Daniel Heinsius libro de Tragoediarum constitutione. (a)

C A P U T VI.

De Episodio.

D. *Quid est Episodium?*

M. Q. 1. Si vocis etymon spectes, est insertum quiddam in Carminis Fabulam: cum idem sonet atque adjetum aliquid ad cantum.

2. Si definitionem queras, est *Actio adjectitia*, apta & necessaria quodammodo connexione cum *Actione primaria conjuncta*.

D. *Explica, quæcunque singulas voces.*

M. 1. Dicitur *Actio*, neque enim *Descriptiones*, *Comparationes*, & *Narrationes* aliquot dici debent Episodia. Sic tempestatis descriptio in *Aeneid.* v.g. non est Episodium: sed in 2. *Trojae excidium*, & in 3. *Aeneæ peregrinatio ex omnium sententia sunt Episodia*, quia habent suas *Actiones*.

2.

(a) Cap. 6.

2. Dicitur *Actio adjectitia*, qua voce secernitur ab *Actione primaria*, cuius ne pars quidem esse debet *Episodium*, sine quo potest esse *Actio primaria*. Sic potuit *Aeneas Italiae applicare*, Turnumque vincere, omissa excidit *Trojani narratione*, item & præterita errorum suorum expositione; quæ dousunt *Episodia*.

3. Dicitur ejusmodi *Actio aptè conjuncta cum Actione primaria*: ut neque petita longius, neque affectata studiosius, neque contorta violentius esse debere. *Episodia significetur*.

4. Præcipitur, ut necessitate aliqua cum *primaria* *Actione connectatur*: ut indicetur, sic esse cum *Actione illa committendum Episodium*, ut sine aliqua culpa præteriri non posse videatur. Numquid debuit v. g. Virgil. qui *Arma virumque canebat Trojæ qui primus ab oris Italianam fato profugus, Lavinia que venit litora*, suo operi *Trojæ incendium non intexere*? num debuit hoc in aula Didonis silere? quodjam per totum orbem fama vulgaverat? quid potuisse ipsa Dido de iis suum hospitem interrogare, quoniam pars magna fuerat? qui vero potuit *Aeneas Reginæ de se quam optimè meritæ, præsertim rogantem, narrationem hanc denegare*? Debet itaque semper subesse caussa aliqua *Episodia attexendi*, quamquam non ubique par esse debeat.

D. *Numquid Philosophus damnat Episodia, cum ait, (a) nihil esse insulsius Actionibus Episodicis?*

M. Appellat eo loci *Episodia*, quæ neque verisimiliter, neque necessario cum *Fabula conjuncta sunt*; quæ certe eo nomine sunt rejicienda, quamvis habent aliunde admirabilitatis, quod parum ad rem aut nihil faciunt.

C A P U T VII.

De Machina.

D. *Quid est Machina?*

M. *Q* 1. Si vim vocis quereras, *Machina* dicitur in Poesi quocumque auxilium extraordinariè colla-

(a) *Cap. 8. Poet.*

- latum. Nam cum Deos Tragœdi tamquam è cælo delapsos producebant, vel homines è theatro offerebant adhibita Machina, auxilium illud aut à Diis præstatum, aut alio quovis modo, sed extraordinario, ut supra humanas vires exhibitum, Machina solebat appellari.

2. Si rei definitionem postulas, Machina dici potest *actio*, vel *actionis modus quidam viribus humanis superior*, qui nodo difficulti solvendo adhibeatur.

D. *Explica singulas voces?*

M. 1. Dicitur *Actio*. Sic apud Homerum, irato Achille, miles discessum parabat; retinendus tamen erat: en Minerva, Junonis impulsu in terras delapsa, susceptum redeundi consilium discutit.

2. Dicitur *vel actionis modus*, cùm videlicet Deus latet, & occulta quadam efficientia juvat hominis actionem. Sic Juno Turnum, & Venus Æneam passim juvant apud Virgilium.

3. Dicitur *humanis viribus superior*. Ecquid enim Deus aliquis excitetur, si virtus humana sufficiat? recte itaque monet Horatius: (a)

Nec Deus intersit, nisi dignus vindice nodus incideret. Homerum certe reprehendit Aristoteles, quod Minervam è cælo deduxerit, miles ut moraretur: quod opera, consilioque viri prudentis effici potuisset.

D. *Quandonam igitur adhibenda est Machina?*

M. Cum opus est sciri aliquid, v. g. aut eorum, quæ præterita sunt, aut futura, quod sine Deorum ope sciri omnino non possit; aut aliquid est agendum, quod suapte natura vires humanas excedat; tuac enim licet ad Superorum auxilium confugere. De Machina recurret mentio in Carmine Epico & Tragico.

C A P U T VIII.

De Moribus.

D. Quid intelligis per Mores ornanda Fabula servientes?

M. Quod Græci, Latini Mores dixerunt: quia voce non tam mores, quam eorum proprietas, &c.

(a) *In Arte Poet.*

tas, &c cujusque indoles, & ingenium designatur. Mores autem diversi esse solent in singulis pro habituum, affectuum, nationum, ætatum, & fortunæ diversitate, v.g. ex habitibus dicitur aliquis justus, mitis, temperatus: ex affectibus, amans, iratus: ex natione Græcus, Romanus: ex ætate, puer, juvenis, vir, senex: ex fortuna, victor, vel vietus. Ita motum voce usus est Horatius,

Ætatis cujusque notandi sunt tibi mores.

Itaque per mores Fabulæ intelligo ejusmodi morum graphicam expressionem.

D. *Quales debent in Poesi Mores exhiberi?*

M. Exhibendi sunt Boni, Convenientes, & Æquabilis tenoris.

D. *Quomodo mores Bonos explicat Poeta?*

M. Si Mores illos effingat qui virtutis amorem, ac virii odium ingenerent; eoque revocet pravos Mores, si quos exhibere necesse sit: (a) Ita fit mentio in Æneide Sinonis, & Mezentii, quo majori sint odio, execratione que eorum mores pessimi. Cum enim sit ille præstitutus omni poesi finis, ut mores jucundè instituat: sanè liquet à suo fine plane aberare Poetam, qui malos mores in suum opus de industria velit inducere, ac celebrare. Non debent itaque mores pessimi in viro principe accuratè depingi, minime vero omnium in Heroe.

D. *Quomodo describit Poeta Mores Convenientes?*

M. Quandò virtutem cuique tribuit, quæ ipsi convenit; & sic feminæ non tribuit fortitudinem, quæ congruat Achilli, aut prudentiam, quæ sit propria Nestoris.

D. *Quomodo Mores erant aquabilis tenoris?*

M. Si sic affingantur, ut non discrepet aliquis a seipso. Ajax certe disparet, v.g. si mores primum Ajacis, ac post paullo Ulyssis referret. Ea de re sic præcipit Horatius:

Si quid inexpectam scena committis, & andes Personam formare novam, servetur ad imum Qualis ab incepto præcesserit, & sibi constet.

CA-

(a) Arist, I. cap. 2.

C A P U T I X.

De Sententia.

D. *Quid est Sententia?*

M. **D**uplex hujus vocis notio est apud Philosophum, (a) cui 1. Sententia dicitur *Gnomen*: estque pronuntiatum aliquod de re aliqua universe. 2. Dicitur *Dianœa*, & eo sensu est vis animi, quæ explicat cum naturam rei, tum eas, quæ ipsi congruunt, affectiones; cujus est proinde demonstrare quæ latent, dissolvere quæ nexa sunt, motus animalium ciere, augere quæ sunt exigua, & quæ grandia minuere. Utroque modo ad fabulæ ornamentum pertinet Sententia, nihil est tamen, quod de illa juxta secundam hanc vocis acceptationem hic agamus: cum tractentur hæc in Rheticis; sed satis fuerit juxta primam acceptationem in sententiam inquirere.

D. *Ouomodo definitur eo sensu accepta Sententia?*

M. Est simplex pronuntiatum universè de vita recte informanda. Hinc pater triplicem esse Sententiae dotem. 1. Esse unam. 2. Dici universe. 3. Esse moratam.

D. *Quomodo erit una, simplexque Sententia?*

M. Si non diffundatur in plura, quæ illam efficiant quodammodo multiplicem. Ita posset hæc Horatii Sententia, *pulvis & umbra sumus*: sic explicari ac dilatari, ut illius caussæ afferrentur quam plurimæ; adhiberentur similitudines, comparationesque; unde non tam una aliqua, quam plures existerent Sententiae.

D. *Quomodo erit universe dicta?*

M. Si libera sit, ac soluta à loco, tempore, persona, aliisque adjunctis, quæ res afficiunt singulares. Tallis est hæc Horatii: *dulce & decorum est pro patria mori*.

D. *Quomodo erit morata?*

M. Si vietam recte informet. Talis est allata jam

(a) *Lib. 2. Rhetor. cap. 4. & 15. Poet.*

jam Sententia, qua pietas erga patriam si prædicatur, ut virtus propriæ dicatur anteposenda.

D. *Quodnam est discrimen Sententiam inter & acutæ dictum?*

M. Sententia pugna caret & confliktu; acute dictum vero totum est in eo confliktu. Exempla subjicio de Sententia pura, de acute dicto puro, & de utroque mixto.

Sententia pura illa est, quæ dicti quidem amplitudinem haberet, ac majestatem, sed contentione caret; sic dicitur apud Senecam. (a)

Cogi qui potest, nescit meri.

Acute dictum pura est contentio sine Sententia, tale est apud eumdem Senecam illud Hecubæ. (b)

Ille tot regum parens

Caret sepulcro Priamus, & flamma indiget,
Ardente Troja.

Sententia mixta est, cui annexa est contentio; tale est illud: *Avaro tam deest quod habet, quam quod non habet.* Seposita enim contentione, viget tamen Sententiae vis, & dignitas; idemque est ac si diceretur: *Avarus nemo dives.*

C A P U T X.

De Dictione.

D. *Quid est Diction?*

M. *D*ictio (c) universe describi potest dicendi ratio, quæ animi sensus declarat, quo demum cumque modo id fiat. Atque hac latius patenti notione Diction omnis, sive Oratoria, sive Poetica, aut alia quæcumque attingitur.

D. *Quenam est igitur Diction Poetica?*

M. Est illa dicendi ratio, quæ soli Poesi convenit; ac proinde quæ & communes omni Dictioni, & proprias, ubique uni addictas dores vendicat.

D. *Quae sunt illæ dores Dictionis Poeticae?*

M. Tres vulgo assignantur, ad quas ceteræ omnes

(a) *Herfur.* (b) *Tro.* (c) *Arist. cap. 4. Poet.*

nes facile revocantur. 1. Perspicuitas. 2. Majestas.
3. Numerus.

D. Quomodo Dictione Poetica erit perspicua?

M. Cum Dictione poetica, ut quævis alia, ex verbis constet, ac sententiis; ideo & in verbis, & in verborum contextu quærenda est illa perspicuitas.

D. In quo posita est verborum perspicuitas?

M. In vocabulorum priorum, & rei exprimendæ maximè accommodatorum usurpatione. Itaque fugienda sunt verba obsoleta, atque ex antiquitatis ruderibus effossa: adhibenda quæ versantur in sermone ac consuetudine quotidiana, atque in primis quæ clarissimorum auctorum usu non trita minus, quam splendida, afferenda quæ ejus rei verba sunt de qua loquemur.

D. Quomodo in sententiis, sive in verborum contextu perspicuitas elucebit?

M. Si neque abrupti pendentesque sensiculi, neque oblongæ, exitumque non invenientes inducunt periodi: si neque cum dicitur, vel incisim, vel membratim, vel periodice, laboret intricata Dictione. Nam & Poetis, ut Oratoribus, sua sunt incisa, sua membra, suæ verborum sententiarumque comprehensiones & clausulæ, tam aperte, quam concinne concludentes.

D. Jam vero qui cultus, qui splendor convenit poetica Dictioni?

M. A proprio dicendi genere, vulgarique reddendum esse Poetæ statuit Aristoteles, (a) cui consensit omnino Horatius: qui ait, (b) non satis esse ac Poetæ nomen pro dignitate sustinendum puris versum prescribere verbis, & scribere sermoni propriis: si desit os magna sonaturum. Quamobrem postea posuit:

Iccircò quidam Comœdia, necne Poema
Esset quæsivere, quod acer spiritus, & vis
Nec verbis, nec rebus inest: nisi quod pede certo
Differt sermoni sermo merus.

D. An eadem semper, eaque sublimis dicendi ratio usurpatur a Poetis?

M.

(a) Cap. 21. (b) Satyr. 4.

M. Cum tria sint apud Poetas , ut apud Oratores genera dicendi , tenue , grande , medium , miscentur illa saepe inter se ; ac temperantur in pluribus Poematis , distinguuntur tamen aliquando , ac plane secernuntur , atque adeo non sublimem ex æquo dicendi formam omnia requirunt. Quæ tenue , quæ grande , quæ medium dicendi genus postulent , notabitur inferius , cum varias Poematum attingimus species. Nunc satis fuerit statuere universe haud vulgarem esse debere poeticam Dictionem , sed sublimem , sed grandem , sed majestate plenam.

D. Unde comparatur hujus Dictionis majestas ?

M. Præterea , quæ diximus , duo insuper ad eam Majestatem conferunt plurimum. 1. Si apposita , quæ vocant , nomina , sive Epitheta aliquid eximii proferant. Si quæ occurunt tritæ , ac vulgares loquendi formæ , mutentur in alias exquisitiores , ac reconditiores.

D. Quando apposite nomina , sive Epitheta aliquid eximii preferent ?

M. Si adhibeantur ea , non ut impleatur dumtaxat , sed etiam ut ornetur versus ; si contra quærantur ea , quæ vim ac dignitatem vocibus , quibus attribuuntur , adjiciant.

D. Qui numerus Poeticae dictioni convenit ?

M. Numerum ab Oratorio longe diversum indicit Aristoteles , qui numerus *metron* græce , latine *dimensio* appellatur.

D. Quid requiritur ad illum Numerum ?

M. Duo requiruntur maxime. 1. Ut religiose servetur legitima pedum dimensio. 2. Ut numerus ille rebus ipsis , quæ celebrantur , sit in primis accommodatus.

D. Quomodo legitima servabitur pedum dimensio ?

M. Servabitur , 1. Si prosodiae syllabarum , ac pedum ratio habeatur , quæ omnis disciplina traditur à Grammaticis.

2. Si versus solutus non sit , & sine cæsura , qualis est hic Ennianus.

Sparsis hastis longis campus splendet & horret.

3. Si crebriora continenter in versu non subsunt monosyllaba , ut in hoc Ovidiano.

Si quis, qui, quid agam forte requirat, erit.

Vel contra grandiorum vocabuliorum continua-
tio non inducatur; ut enim minutiores voculae hu-
militatem, sic grandiora vocabula tumorem in ver-
sum inducunt.

D. *Quando numerus rebus ipsis accommodabitur?*

M. Si pedes ita coagmententur, ut verba rebus
ipsis quasi concinere videantur. Atque ideo obser-
vandum est, qui numeri ad lætitiam, & celeritatem,
qui ad moram, difficultatem, mærorem & tristitiam,
qui vero faciant ad lenitatem, & exempla ponenda
in versu, omnium spectatissimo, exametro, loca-
que adducenda ex Poetarum Principe Virgilio.

D. *Qui numeri valent maxime ad latitiam & ce-
leritatem?*

M. Valent ad id numeri fluentes ac liberi, cum
ipsa Carmina decurrunt expedita perpetuis, aut
frequentioribus Daſtylis; raris, aut molliusculis
elisionibus.

*Inde ubi clara dedit sonitum tuba, finibus omnes.
Haud mora, proſiliuere suis; ferit athera clamor
Nauticus, adductis ſpumant freta versa lacertis.
.... Trepidiusque repente refugit.
Quadrupedante putrem ſonitu quatit ungula campum.*

D. *Qui pedes ad moram, difficultatem, mærorem,
tristitiam & majestatem faciunt?*

D. Faciunt ad hoc crebri spondæi, elisiones,
verba longiora:

Luctantes ventos, tempeſtatesque ſonoras.

*Monſtrum horrendum, informe, ingens, cui lumen
ademptum.*

*Amissum Anchissem flebant, cunctæque profundum
Pontum aspectabant flentes.*

Illi inter ſe magna vi brachia tollunt

In numerum, versantque tenaci forci peſſam.

Item excurrit aliquando hypermetrum carmen,
& retum granditatem ipsa syllabarum redundantia
demonstrat.

*Et magnos membrorum artus, magna ossa lacertosque
Exuit.*

*Jamque iter emensi, turres ac tecta Latinorum
Ardua cernebant Juvenes.*

Exit

Exit quoque versus in monosyllabam cum energia in sequentibus exemplis. Proculbit humi bos. Mole sua stat. Tota nituntur opum vi. Subsedit aqua mons.

D. Qui pedes faciunt ad lenitatem carminis?

M. Lenissime fluit alternorum dactylorum & spondeorum contemperatione.

*Flebit equos, curruque volans dat lora secundo,
Sidoniam picto clamydem circumdato limbo.*

Neque pedum tantum, sed litterarum etiam ratio habenda est: cum aliæ suavitatem concilient, asperitatem inducant aliæ, quædam granditati serviant & amplitudini. Primum elementum A nescio qua molilitie carmen exhilarat, quare à sapientissimo Poeta libentissime frequentatur.

Mollia lutheola pinguis vacinia caltha,

*Vel, mista rubens ubi lilia multa
Alba rosa.*

Potuisset lutholis calthis scribere, & multis rasis. D & I sonum habent exilem. V vastitatem sonat: Fasces volvunt ad litora fluctus. Vorat æquora vertex. Littera O omnium lenissima, maximeque sonora est. R carmini affert asperitatem, idèque dicitur littera canina; hanc saepius usurpavit Virgilius agens de Cane inferorum:

Cerberus hec ingens latratu regna trifaci

Personat, aduerso recumbans immanis in antro.

Quam apte dicitur: ergo agre rastris terram rimantur. Sed hæc sufficient, ex quibus capi possit conjectura ceterorum: est enim eadem ratio pedum in aliis carminum generibus, ubi metrum rebus aptari debet, ut in versu heroico.

C A P U T XI.

De caussa effidente Poeseos.

D. Quæ est caussa efficiens Poeseos?

M. Mens Poetæ certis imbuta præceptis, & arte instruta omnem efficit Poesin.

D. Igitur Poetica appellanda est Ars?

M. Sane appellanda est. Quia Poetica est facultas

tas animi, quæ certis quibusdam, & non errantibus preceptis ad finem suum tendit, opusque perfecit: quæ est Artis notio.

D. Num Furor aliquis poeticus, quod ajunt requiritur ad efficiendam poesin?

M. Requiritur utique, si modò benè intelligatur, quid veniat furoris illius nomine.

D. Quid est ille furor?

M. Est quidam impetus vehementior, quo cum impellitur animus, furere dicitur: oriturque ille impetus à variis animi perturbationibus, quæ undecim numerantur, Amor, Desiderium, Gaudium, Odium, Fuga, Dolor, Ira, Spes, Desperatio, Audacia, Timor. Neque existimandum est afflari divinitus, ut fabulantur poetæ, hujusmodi furem; verum cum vehementius solito his agitur, quos appellavi, motibus, qui poetice scribit, & in rei cuiuspiam maxima contentione fereur contemplationem; calorem concipit, vi cuius sic loquitur, ut à sensibus alienatus esse videatur.

D. Quandonam opus est illo furore?

M. Nihil opus est illo furore, cum Poeta fabulam instruit suis partibus; nihil, cum aliquid sedate ac considerate in primis canendum est: sed in aliquibus orationibus, narrationibus, descriptionibus, objurgationibus, querelis, &c. commode aliquando accedit ille furor.

D. Utia plus confert ad Poesin Ars, an Natura?

M. Parum certe sine Arte Natura, parum Ars sine Natura conferet. Ars enim sine Natura tristis est & exsucca: Natura sine Arte vasta & inculta. Ita sentit Horatius cum ait:

Natura fieret laudabile Carmen, an Arte.

Quæsitum est. Ego nec studium sine divite vena.

Nec rude quid prosit video ingenium; alterius sia.

Altera poscit open res, & conjurat amice.

Qui studet optatam cursu contingere metam,

Multa tulit, fecitque puer, sudavit, & alsit,

Quare quod vulgò dici solet, nasci poetas, sic intelligendum est, ut multæ dotes à natura requirantur ad poesin, quæ tamen arte debent perfici.

D. Qui fuere poeseos Inventores?

M. De hoc certi nihil afferri potest, Orpheus certè, Linus, Musæus, aut Homerus Inventores Poeseos dicendi non sunt, sed Illustratores, ante quos constat floruisse Poetas.

C A P U T XII.

De fine Poeseos.

D. *Q*uis est finis Poeseos?

M. *E*st jucunda morum institutio. Nam eo tendit Poeta, ut doceat delectando, juxta illud Horatii: (a)

*Aut prodesse volunt, aut delectare Poeta,
Aut simul & jucunda, & idonea dicere vita.*

Et paucis interjectis versibus:

*Omne tulit punctum, qui miscuit utile dulci,
Lectorem delectando, pariterque monendo.*

D. *Explica quoq[ue] singulas responsionis voces.*

M. i. Cum finis sit id, cuius gratia aliquid fit, sitque aliis Arti, aliis Artifici propositus, non agitur hic de fine Artificis, qui est multiplex; cum possit Poeta scribere vel ut famam aucuperet, vel ut aliquem demereatur, vel ut gratiam alteri reponat, ut vel opes comparet. Verum agitur de fine Artis, propter quem est illa instituta; ac proinde ad quem suapte natura collimat.

2. Dicitur ille Finis esse *morum institutio*, quia Civilis Felicitas cùm ad perfectum Civitatis statum Civiumque felicitatem tota collimet, & ars poetica ad Civilem illam Felicitatem, ut pars illius exigua, pertineat: plane sequitur poesin omnem ad ejusmodi felicitatem referri. Cum autem ejusmodi felicitas per optimam morum informationem comparetur, ad eum finem instituta est poesis, ut hoc modo mores informet; atque etiam cum id commode obtineatur, actiones humanas celebrando, in quibus sita est felicitas, ut superius tradidimus; hinc factum est, ut actiones celebrando, mores instituat.

3. Ju-

(a) *Cap. I.*

3. *Jucunda appellatur morum informatio*, propter naturam poeseos, cuius ordinatus omnis multas habet delicias. Et sane debuit in hoc poesis, ut in multis aliis, à Philosophia, quæ ad mores pertinet, discrepare: ut austere & jejunè Philosophia; jucundè vero, ac planè magnifice mores poesis instituat.

D. *Nonne fines sibi propositos peculiares, ac diversos habent singula poeseos genera? quomodo igitur poesis habere dicitur pro fine jucundam morum institutionem?*

M. Habent utique suos diversos fines, ut dicuntur inferius, sed huic primo fini subjectis sic, ut singuli omnes ad eum demum referantur: v. gr. Epica Poesis ex fine suo ad id instituta est, ut Viros Principes admirabili dictione ad virtutes comparandas inciret; Tragica, ut quasdam animi perturbationes componat, ac perpürget; sed isthæc ad ineumdam quoque morum institutionem referuntur. Neque etiam alio tendunt Comœdiæ sales ac joci, quam ut derisa palam vitia, ludibrioque in scenis habita, evitentur diligentius; sicque suo modo ad hanc morum informationem alia Poeseos genera revocantur, ut patebit clarius ex dicendis.

C A P U T XIII.

D. Divisione Poeseos.

D. *Quomodo dividitur Poesis?*

M. *Cum Poesis omnis, ut initio diximus, afferre omnis in imitatione posita sit; optima erit illa Poeseos divisio, quæ à diverso genere imitationis petetur.*

D. *Quotuplex est imitandi genus?*

M. Triplex vulgo assignatur. Nam in poematis vel Poeta per se ipse narrat aliquid, & sermonem alterius refert sine ulla personarum inter se colloquitis, vel non ipse narrat, sed alios tantum loquentes, & quasi negotiantes inducit; vel & ipse narrat aliquid, & alios inducit loquentes agentesve. Atque ex tribus his imitationis generibus, totidem peruntur genera poeseos.

D. *Qui vocas primum genus?*

M. *Narrativum*, vel *enuntiativum* hoc genere continentur: v. gr. tres primi libri *Georgicon*, & prima pars quarti; ubi semper ipse narrat *Virgilius*.

D. *Qui vocas secundum genus?*

M. *Dramaticum*, sive *activum*, quo genere comprehenduntur *Tragice* & *Comicæ Fabulæ*; item *Eclogæ*, ubi inducuntur agentes inter se *Passores*.

D. *Qui vocas tertium?*

M. *Mixtum* appellatur, in quo Poeta ipse narrat, atque etiam personas inducit agentes. Ad hoc genus pertinent *Ilias* & *Odysea* *Homeri*, *Æneis* *Virgilii*, & alia id genus *Poemata*. Ad hæc tria genera facile revocantur, ut pater, omnes elegiæ, odæ, satiræ, aliaq[ue] poemata.

D. *Nonne alia est divisio poeseos?*

M. Alia est maxime vulgaris in poemata multum aliundè inter se discrepantia. Celebrantur in primis *Epopœja*, *Tragœdia*, *Comœdia*, *Satyra*, *Elegia*, *Ode*, *Epigramma*, &c. Unde Poetæ *Epi-*
ci, *Tragici*, *Comici*, *Satyrici*, *Elegiaci*, *Lyrici*, *Epigrammatarii* appellati: de quibus singulis, aliisque momenti alicuius poematis deinceps agendum erit.

INSTITUTIONUM POETICARUM

LIBER I.

De Epopœja.

MCum principem inter Poemata locum ob-
tineat Epopœja, de illa nobis modo agen-
dum est. Illius naturam ac varias affectiones ut
exponamus, definitio primū illius proferenda
est, deinde examinanda Materia, quam statuemus
esse actionem, cuius dotes singulas prosequemur;
tum Forma explicanda, & apta partium traden-
da Dispositio, ubi de Propositione, Invocatione,
Narratione, & Epilogo Poematis Epici, quantum-
satis erit, disputabitur.

CAPUT PRIMUM.

Definitio Epopœja.

D. Quæ est vis & potestas hujus vocis, Epopœja?
M. Ut locutio omnis oratio est, antonoma-
stice tamen Oratio appellatur ornatissima, qua-
utuntur Eloquentes; sic *Epos*, quod generalem ver-
bum significat, addictum est speciatim Poesi: at-
que ab illa communis significatione contractum est
ad Poema, quod vocatur Heroicum. Item (a) *Græce* idem est ac latine facere, vel fingere. Hinc
fit, ut Epopœja secundum vim vocis sit quasi fi-
ctio, seu scriptio Poematis Epici, quod Heroicum
dicitur.

D. Quomodo definitur Epopœja?

M. Definitur Imitatio Actionis unius, totius, veræ, verisimilis, illustris, felicis, & anobili personæ profectæ, narratione Dramatica, & versu Hexame-
tro, quæ viros Principes ad primarias vistutes exci-
tat, atque adhortatur.

D. Explica, queso, singulas voces?

M 3

M.

(a) motu.

M. 1. Dicitur *imitatio*, quia poesis omnis, aut quæ saltèm spectatissima est, ut *Epica*, in imitatione posita est.

2. Dicitur *Actionis imitatio*, quia actiones humanæ sunt materia poeseos, ut supra docui-
mus (a).

3. Dicitur *Actionis unius, totius, veræ, verisimilis, illu tris, felicis, & à nobili persona profectæ*, quibus verbis designatur materia Poematis epicis; ratione cujus partim convenit cum illis Poematis, partim ab iisdem discrepat, puta à *Comœdia*, cujus materia est *Actio vulgaris, & plerumque obscura*.

4. Dicitur *imitatio actionis narratione Dramatica insignis*, eo sensu, ut nec Poeta semper ipse nar-
ret, sed personas loquentes, agentesve sæpe etiam indicat; quod jucundius multo vitæ rite instituen-
dæ hoc pæcti præcepta tradat.

5. Dicitur hæc imitatio *versu Hexametro exorna-
ta*: quod necessario illud requiratur ad Epicum Car-
men, juxta illud Horatii:

*Rerum gestarum Regumque, Ducumque & tristia bella,
Quin scribi possent numero, monstravit Homerus.*

6. Dicitur *imitatio Actionis*, quæ Viros Principes ad primarias virtutes incitat: quibus verbis attingi-
tur Epopœjæ finis. Al id enim illa instituta est, ut omnium animis, sed Principum præsertim ad præ-
claræ facti accendat, ad eaque quasi viam sternat,
ponendo ob oculos illustrem quamdam actionem,
de qua in capite proxima consequenti.

C A P U T I I.

De materia Epopœjæ.

D. *Quæ est materia Epopœjæ?*

M. *Est Actio personæ nobilis, una, tota, ve-
ra, verisimilis, illustris, ac felix.*

D. *Quare debet esse Actio personæ nobilis?*

M. *Quia cum finis ille sit Epopœjæ propositus*

(a) *Lib. I. cap. 2.*

ut Viros Principes ad præclara facta accendat: debet certè proponi personæ actio, quam imitari sit gloriosum. Certum est autem quod sibi laudi vertet Princeps, non plebejas, aut obscuras personas, sed nobiles, atque illustres imitari. Sit itaque illa Actio insignis alicujus v. g. Herois, qui Principum animos laudis studio incensos ad sui admirationem, imitationemque rapiat.

D. Quam vocas Heroem?

M. Antiqui fabulantur Heroas esse quoddam genus Deos inter & homines; natos illos vel ex Dea aliqua, & mortali viro, ut Achilem, & Æneam: vel ex Deo & muliere mortali, ut Herculem. Jam vero Heros virum extraordinarium sonat: in quem tria hæc maxime dicuntur confluere. 1. Corporis habitudo firma, ac laborum patiens. 2. Animus præsens, eretus, & robustus quodammodo, cui ab optima corporis temperatione accedit magnitudo. 3. Divina quædam vis, & efficientia: qua qui afflatur, supra hominem & sapere & posse videtur.

§. I. Actio Feminæ in materia Epopœjæ.

D. *I*Tane Actio Epopœjæ debet esse Herois, ut non possit esse Feminæ, quæ dicatur Heroina?

M. Actionem Feminæ esse posse materiam Epopœjæ affirmant aliqui, negant alii. Utriusque partis rationes subjicio.

Qui affirmant, ajunt, 1. non obesse Feminæ animum, qui virili similis est, ejusdemque rationibus huic posse esse armorum usum; atque etiam Feminas aliquando & corporis firmitate, & laborum patientia viris præcellere. 2. Feminæ actionem esse sape materiam Tragœdiæ; quidni & Epopœjæ? 3. Feminæ actione ad præclara facta accendi posse Viros Principes, quibus turpe sit ea non posse agere, quæ Femina gesserit. 4. Feminas à præstantissimis Poetis inductas esse in Epopœjam, & maximis celebratas laudibus propter fortitudinem bellicam, puta Chlorindam à Tasso, à Virgilio Camillam. 6. Excitari à Deo posse Heroinam quædam, cui belli alicujus summa committatur; quæ

habeat omnes Herois dotes, nullos habeat sexus defectus.

Qui vero negant actionem feminæ esse posse materiam Epopœjæ, respondent. 1. Animorum quidem sexum esse nullum: at femineum corpus esse imbecillius, cujas contagione languet animus: neque rebus bellicis perfecte tractandis idoneas esse feminas, quibus Aristoteles curam rei domesticæ attribuit: arma vero, & ea, quæ non modo extra civitatem, sed etiam extra privatos parietes fieri necesse est, viris concedit.

Reponunt 2. Actionem feminæ convenire Tragœdiæ, non item Epopœjæ; quia finis hic est Tragœdiæ, ut excitentur, purgenturque quidam animi affectus, qui finis tam facile obtinetur, sive viri, sive feminæ celebretur actio. At Epopœjæ cum sit ille finis, ut ad ardua quæque, & præclara racta accendant Viros Principes, huic rei imparem esse feminæ actionem: unde

Negant 3. Actionem feminæ talem esse posse, quam velint Viri Principes imitari. Esto possit illa feminæ actio incitare Viros Principes ad arduum aliquod suscipiendum: sed actione illi feminea movebuntur tamquam argumento, quod vocant *a minori ad majus*: quod turpe sit viro, maxime Principi, illud non aggredi, quod femina fortiter gesserit: at enim non erit hæc actio exemplaris loco, quod sibi proponat Vir Princeps imitandum.

Observant 4. Nullam umquam feminæ actionem à præstantissimis poetis in materiam Epopœjæ fuisse a sumptuosa: celebratas quidem à Tasso & Virgilio feminas, sed in Episodia quasi contreras illas fuisse; atque etiam in poenam temeritatis obscura morte fuisse mulieritas, ne fuso imbelli, indignaque sanguine virum aliquem forte contaminarent. Sic Chlorinda, de nocte, & ab imprudenti Tancredо perimitur apud Tassum; ab ignobili viro occiditur Camilla apud Virgilium. Atque etiam ficticiæ illæ Heroiae non stant ab Heroe Epopœjæ; immo ipsi adversantur, ut Chlorinda quæ Mometanis, & Camilla quæ Turno militabat: Adeo quod unam Camillam uno in libro pugnantem

ad-

adducit Virgilius, quæ Venatorem, & Sacerdotem
interimat, Heroem nullum.

Notant 5. Actionem feminæ à Deo excitatæ,
quæ nulos habeat sexus defectus, non esse aptam
Epopœjæ: quod solvatur hoc pædo. actio prima-
ria per machinam, quod vitiosum in primis esse
contendunt. Verum ne quid modo dicam de solu-
tione per machinam de qua postea in Forma Epo-
pœjæ: belle reponunt hujus secundæ sententiaæ:
patroni de actione Heroinæ ordinariæ, at non ex-
traordinariæ, &c. per miraculum à Deo excitatæ
procedere quæstionem. Aque hæ sunt utriusque
partis rationes, quæ suum utrinque pondus, suam-
que, quamvis forte non ex æquo, videntur habere
probabilitatem.

§. II. Actio Epopœjæ quomodo Una.

D. Quo sensu actio Epopœjæ debet esse Una?

M. *Q*uo sensu, ut sit illa actio per se simplex,,
nec dividi possit in plures actiones primarias. Sic
Virgilius Tr jœ rumam, & multiplicia sui He-
rois facta contexuit in Æneide, quæ sunt quidem
variae per se actiones, sed habet tamen unam
simplicemque actionem, eamque primariam, quæ
est in Italia Religionis, Regnique per victorianam
de Turno constitutio: unde pendet Herois felici-
tas, ad quam ceteras omnes retulit, tamquam
actiones secundarias.

D. Quare una debet esse actio Epopœjæ?

M. Hanc assert rationem Aristoteles, quod om-
nes artes, quæ imitatione aliquid perficiunt, ad
unum quid in primis absolvendum allaborent,,
cujus gratia alia esse videantur: talis v. g. piëtu-
ra, quæ unum aliquid in unaquaque tabella sic
perpolit, ut cetera ad id referri omnia satis intel-
ligantur.

D. Qui Poetæ contra Epopœjæ peccant unitatem?

M. I. Qui multas actiones unius, ejusdemque
Herois primarias uno poemate complectuntur. Re-
prehendit certe Aristoteles eos, qui ab Hercule,
vel Theseo res omnes præclaræ gestas uno eodem
que opere definiri posse putaverunt. Vito vertitur

Statio quod in Achilleide Herois sui vitam persequi velit integrum; canit enim initio Poematis:
Magnanimum Aeneidem, formidat amque Tonanti Progeniem, & patrio vetitam succedere celo, Diva, refer. Quamquam acta viri multum inclyta. cantu

Meonio, sed plura vacant. Nos ire per omnem. Sic amor est, Heros velis, Scyroque latenter Delicia proferre tuba, nec in Hettore tracto Sistere, sed tota juvenem deducere Troja.

2. Quid duas diversas actiones primarias, quod uno eodemque tempore contigerint, una Epopoeja velit celebrare, esto, id cotidetur Historiae, at Epopoejas non licet.

3. Qui plures Heroas inducunt; quibus eamdem ex aequo gloriam tribuant. Plures adsint, esto, uno in poemate Heroes, modo unus ceteris videatur præcellere, cujus sit actio primaria. Sic Pallas & Tarchon in Aeneide nihil efficiunt gloriae; quamvis fortiter pugnet uterque, atque unus multum conferat ad victoriam de Turno reportandam.

§. III. Actio Epopoeiae quomodo Tota.

D. *Quo sensu Actio Epopoeiae debet esse tota?*

M. *Eo sensu vult esse totam Aristoteles, ut sit in illa Initium, Medium, & Finis.*

D. *Quid intelligis per Initium, Medium, & Finem Actionis?*

M. Per Initium intelligo caussas, & consilia Actionis suscipiendæ: per Medium, caussarum illarum effectus omnes accipio; & effectum difficultates ad felicem exitum perdicendorum; per Finem vero illarum omnium difficultatum solutionem interpretor.

D. *Rem pone in exemplis*

M. Exemplum est in Aeneide. (a) Aeneas incensa Troja in eam regionem, unde majores sui venerant, vocantibus fatis, collecti Trojanorum manus conferre se constituit; ecce Initium. Post multos terra marique exasciatos labores, Junone totam Tro-

(a) Cap. 3.

Trojanorum gentem dirissimis odiis ubique prosequente, in Italiam tandem appellit. Amice à Latino rege accipitur, atque etiam in generum asciscitur. Ægre admotum id ferens Turnus Dauni Rutulorum Regis filius, qui jam dñdum Laviniae Latini filiæ nuptias ambiebat, grave bellum movet contra Æneam, quocum sæpe pugnat, & atrociter: En medium. Sed viet ir tandem Æneas Turno occiso, & Laviniam & regnum obtinet: in Finis. Reliqua sunt in Episodiis.

D. Quid itaque Mâpheus Vegius librum adjecit Æneidi, in quo dolorem Rutulorum, Dauni fletum de morte filii, nuptias Laviniae, & Æneas apoteosis prosecutus est?

M. Vitoose nimirum, & inepte egit; cum id satis intelligatur consecutum, & multa circa duo postrema insinuerit Virgilius in suo opere absolutissimo.

D. Ai ideo perfecta dicenda est, quod Tota sit Actio Epopœjæ?

M. Cum tota sit illa actio, cui nulla pars deest; perfecta ut sit requiritur præterea, ut partes inter se apte cohærent, accedatque rerum omnium perfectio, & absolutio. Quia re præcipit Philosophus, ut poeta, qui fabulam recte velit constituire, non tantum eam non incipiat temere, aut finiat, sed etiam formis traditis insistat. Verum & hæc, & quæ ab eodem traduntur de magnitudine Actionis, commodius, cum ageretur de Forma Epopœjæ, trahabantur.

S. IV. Actio Epopœjæ qui Vera, & verisimilis.

D. **Q**uo sensu debet esse Vera Actio Epopœjæ.

M. **E**o sensu, ut Poeta teneatur proferre Actionem, quæ vere contigerit; quam tamen sic ordinabit, ut ornamentis studeat magis verisimilitudini, quam veritati.

D. Quare Actio Epopœjæ debet esse vera?

M. Quia nemo ad præclarè aliquid gerendum incitatibus proposito aliquo consummari facto, quod certè tamen cognoverit esse falsum; ac proinde fin suo excideret Epopœja, si falsa induceretur Actio.

Primaria. Idem plane de Tragoëdia dicendum est, cuius actio illustris sic vera debet esse, ut moveat.

D. *Quo sensu debet esse verisimilis actio Epopœja?*

M. Eo sensu, ut quod narratur, credi facile possit contigisse. Nihil præcipit studiosius Philosophus, quam ut verisimilitudinis habeatur ratio.

D. *Quare debet esse illa actio verisimilis?*

M. Quia non satis est aliquid esse verum, nisi illud idem verisimile sit, ut ad imitationem excitet. Nam qui fieri potest, ut, si actio proponatur, quæ quidem vera sit, sed vires tamen humanas longe superet, hominem illa ad simile quid suscipiendum, aut gerendum impellat?

§. V. Actio Epopœja quomodo illustris & felix.

D. *Quo sensu debet esse illustris actio Epopœja?*

M. *Q* Debet esse illustris vel ratione sui, vel ratione personarum: Illustris est ratione sui actio Aeneidos, ubi inter alia agitur de fundatione Imperii, & constitutione Religionis, juxta illud:

Dum conderet urbem

*Inferretque Deos Latio: genus unde Latinum,
Addanique Patres, atque alta mœnia Roma.*

Illustris est ratione personarum actio Odysseæ, quæ viris non admodum illustribus potest convenire; illa enim sic habet. Ulyses classe amissa, occisis sociis, multiplices iniquissimi maris tempestates expertus, multos annos domo abfuit, rem illius domesticam interea Proci decoquebant, ejus uxor nuptias ambiebant, Telemachum filium insidiis petebant; reversus ille procos ex insidiis occupat, atque interficit. Quid hic illustre præter personas?

D. *Quare illa actio debet esse illustri?*

M. Quia cum Epopœja Viros Principes ad præclara facta debeat incitare, proponi debet illustris actio, quam illi imitentur.

D. *Quo sensu debet esse felix illa actio?*

M. Eo sensu, ut felici semper terminetur exitu. Nam præterquam quod sæpe actio tota non erit, quæ infelici clauditur exitu; si præterea Heros miserere

gere pereat, aut grandi aliqua calamitate sub finem excipiat, concitabit illa indignationem, ac dolorem: verum ad imitationem sui minime commovebit: & sic Epopœjæ finis non comparabitur. Debet itaque Actio primaria felicem sortiri exitum: quamvis nihil opus sit Heroas inducere usquequaque, & in omnibus adjectitiis actionibus fortunatos.

C A P U T III.

De Forma Epopœjæ.

D. *Quæ est Forma Epopœjæ?*

M. *Q*um Forma poeseos universè sit fictio, seu constitutio, & compositio rerum, quæ tractantur in poesi: sic Epopœjæ Forma erit earum rerum Compositio, quæ soli conveniat Epopœjæ, posita illa in quodam cultu, ornatuque Actionis, quallem in superiori capite descriptsimus: adeo ut illa Forma nihil aliud sit, quam Actio suo modo composta, culta, ornata.

D. *Quid requiritur ad illam Formam, sive actionis compositionem?*

M. Requiritur ut Forma illa, Fabula, Compositio (eodem enim recidunt hæc vocabula), sit una, magna, splendida, in suas partes rite distributa, & certo quodam ordine disposita: quibus verbis attinguntur, 1. Fabulæ epicæ dotes. 2. Partes. 3. Dispositio, de quibus omnibus breviter disputationum est.

§. I. Fabulæ Epicæ Dotes.

D. *Quæ sunt dotes Epicæ Fabule?*

M. *Q*Tres in primis memorantur, Unitas, Magnitudo, Majestas.

D. *Quomodo erit una illa Fabula, qua res adeo disfates, diversasque completabitur?*

M. Erit illa Una, si tanta sit illarum rerum omnium inter se connexio, ut in unum aliquid videantur coalescere, si, cum loco moveatur aliquid, aut resecatur, non bene sibi constet Fabula. Laudat

dat Homerum Philosophus (a), quod sive natura duce, sive arte in Odysseam non conclusit ea Ulyssis facti, quæ alia ex aliis non satis penderent. Ea certe laude florere dicenda est Æneis: cui si v.g. Trojani excidii, vel Æneæ per septem annos peregrinationis narrationem detrahás, à Didone tam apposite expeditam, ut quis, ac quamus vir tendet in Italiam, plane liqueret; vel si ludorum celebritatem, qui ad posteros transmitti deberent: subducas; vel si descensum ad inferos, ubi tam multa de Romano, quod fundaturus erat, Imperio didicit Æneas, silentio prætermittas; aliquid certe in ea Fabula desiderari sentias.

D. *Quammodo Maena erit Fabula Epica?*

M. Philosophus (b) Epopœjam comparat cum animali, quod quamvis elegans, si pusillum est, bellum vocari potest, non pulchrum: si præter modum excreverit, monstrum fieri; debet videlicet naturali florere magnitudine. Ita se habet Poema, quod nec brevius, nec longius esse oportet: sed ita temperatum, ut oculos magnitudine impleat, non fugiat.

Quæ cum universè dicti sint, proprie magis ac definite aliquid de justa Epopœjæ magnitudine statuendum est, monendumque in primis aliam esse Actionis, aliam Fabulæ magnitudinem; de prima non ago hoc loco, quæ in eo sita est, ut habeat Actio Initium, Medium, & Finem, ut supra docuimus (c): sed de altera institutam esse sequentem, ac proinde videndum, quæ sit illa magnitudo Fabulæ. Duplicem igitur illam fecit Philosophus: unam Actionis, quam vocat, non nudæ, aut suo carentis ornatu, seu compositæ; alteram Quantitatis.

D. *Openam est magnitudo Actionis compositæ?*

M. In eo posita est, ut uno circiter anno gesta fuerit, quæ Actio primaria: sic Iladi annuin dedit Homerus ex animadversione Mambruni, (d) Odysseæ tantum quinquaginta dies idem attribuit, Æneidi quattuor menses supra unum annum conces-

(a) Cap. 6. (b) Cap. 5. (c) Cap. 29 §. 3.

(d) *Dissert. perip. q. 7. n. 7.*

cessit Virgilius. Sed Episodia, aliaque adjectitia ornamenta nullis definiuntur temporis limitibus; cum Ilias novem annis, Odyssea undeviginti res gestas comprehendat, & Aeneis, quidquid interfluit ab heroicis Aeneae temporibus ad æatem Augusti Imperatoris.

D. Quænam est magnitudo Quantitatis?

M. Posita est hæc in numero versuum, qui ad dena fere millia excurrit in Aeneide, duodena excedit in Odyssea; octo, vel novem Tragœdias vulgo dicitur æquare versuum numero in Epopœja. Sed de hoc argumento redibit sermo inferius, cum de magnitudine Dramatis disputabitur.

D. Unde arcessetur majestas Epicæ Fabula?

M. Ex triplici potissimum capite. 1. ex mirabili peripetiarum, agnitionum, episodiorum, machinarumque contextu. 2. ex narratione dramatica, cum personas loquentes, agentesve adducet Poetica. 3. ex dictione illustri ac splendida, de qua diximus superius (a).

§. II. Fabulæ Epicæ Partes.

D. Quid sunt partes Fabulæ Epicæ?

M. Duæ assignantur, Nexus nimirum, & Solutio.

D. Quid est Nexus Fabulae?

M. Est ea pars, quæ ab initio Fabulæ ad eam usque partem excurrit, qua transit Poeta ab infelicitate ad felicitatem in Epopœja, vel contra à felicitate ad infelicitatem in Tragœdia.

D. Quid est Solutio?

M. Est altera pars Fabulæ, quæ ab illo transitu usque ad finem pertinet, v. g. quidquid in Homeri Iliade certamen antecedit, quo decertavit cum Hectore Achilles, in Nexus ponitur; ipsum vero certamen est in Solutione; item in Aeneide, quæcumque Aeneæ & Turni monomachiæ præmittuntur, sunt in Nexus: ipsa monomachia in solutione est.

D. Quid potissimum observandum est circa Nexus Fabulae?

M.

(a) 1. lib. cap. 10 §. 3.

M. Ne varia sic texantur episodia, quæ in Nenxum cadunt potissimum, ut animum auditoris delectando longius aberrent ab Actione primaria, aut à fine poematis sit prorsus aliena.

D. Quid observandum est circa Solutionem Fabulae?

M. Primum, ut si qua sint in Solutione episodia, ne longius petantur illa, sed sponte quasi oblata, & è re nata esse videantur; alteram, ut ea sint brevia in primis; quandoquidem in Solutione ad finem anhelat auditoris animus: quem proinde longioribus episodiis motari minimè convenit.

D. Licetne attribuire Machinam in Solutione Fabulae?

M. Alii negant, affirmant alii. Qui negant suam ex eo capite tueruntur sententiam, quod solutio facta per machinam Epopœjæ fini maxime officiat. Nam qui poterit ad Actionis imitationem Vir Princeps impeili, cui se sentiat plane imparem: cum intelligat auxilio se plusquam humano ad simile aliquid suscipiendum indigere? auctoritatem obtendunt Aristotelis, qui vult fieri Solutionem non per machinam, sed ex verisimili, id est, ratione naturali, qua res exire solet.

Qui vero affirmant, ajunt nihil obstatre quomodo per machinam solvatur Epopœjæ Fabula. 1. Ad imitationem Actionis posse impelli Viros Principes, in qua externo quidem numinis alicujus auxilio adjuvatur Heros, dum otiosus ille Heros non remaneat, sed præstet per se plurimum, unde feliciter cedat præclare factum. 2. Sic clausisse Epopœjas præstantissimos Poetas; esse v. gr. machinam in Odysseæ clausula, quæ Minerva ope solvitur; esse in Æneide, ubi Turni cædes Jovis ducit & auspicio, arque etiam Furiæ ministerio conficitur. 3. Aristotelis præceptionem maxime locura habere in Tragœdia, in Epopœja non item; ratio est, quia in Epopœja cum latrat magis machina, quam in Tragœdia, ubi machina Dei è cælo delapsi in theatrum producebatur; magis certe animos feriebat subiecta oculis ea machina in Tragœdia, quam suscepta auribus in Epopœja, ac proinde minus erat ferenda in Tragœdia, quam in Epopœja. Vide Frizonium, qui tam fuse, quam docte

eo

eo de argumento agit in poetica dissertatione de narratione. (a)

§. III. Fabulæ Epicæ Dispositio.

D. *Quænam est Fabula Dispositio?*

M. *D*uplex est illa Dispositio, una rerum, partium altera.

D. *Quænam est Dispositio rerum?*

M. Intelligitur illa Dispositio è celeberrima inter magni nominis in re poetica auctores orta dum contentione: quorum alii volunt rerum, prout contigere, servari ordinem naturalem: alii contendunt eundem debere perturbari: unde quæstio extitit, an Poeta, ut Historicus, hunc servare debeat narrandi ordinem, ut quodcumque primum contigerit, narret primum, &c. in ultimum locum conjiciat quæ postremo facta sunt: vel contra, an debeat reliquo naturali ordine pro arbitratu suo a mediis, aut etiam postremis auspicari.

D. *Ouid statuisea de re sentiendum?*

M. Eodem puto utramque recidere sententiam, ac proinde non tam de re hic, quam de voce disputari; nimirum quo nomine appellanda sit ejusmodi narratio, ambigitur; cum in id omnes consentiant, optime fuisse institutum narrandi ordinem ab Homero, Virgilioque usurpatum, rerumque permixtionem perbelle cadere: verum alii contendunt non ideo perturbari ordinem dicendi naturalem, alii perturbari volent. Quæ ut concilientur inter se dicendum videtur, non perturbare narrari, si spectetur sejuncta ab episodiis Actio primaria: perturbare vero narrari, si omnia simul accipiantur, neque à primaria Actione secernantur Episodia.

D. *Jam vero quis erdo Partium servandus est in Fabula Epica?*

M. Postquam Poeta Actionem, qualem descripsimus, animo informavit, personarum mores, & officia excogitavit, episodia, peripetias, agnitiones, & machinas commentus est, & suum cuique

lo-

(a) Lib. 2.

locum destinavit: ac opus tandem aggreditur, 1. proponendo quid canendum suscipiat. 2. invocando numen aliquod, cuius afflato arduum opus perficiat. 3. rem totam narratione prosequendo. 4. denique epilogum aliquandò, sive perorationem at texendo. Unds 4. Epopœjæ pars existunt, propositio, invocatio, narratio, &c aliquandò peroratio, de quibus omnibus modò nobis agendum est.

C A P U T I V.

De Propositione Epopœjæ.

D. *Quid est Propositio Epopœjæ?*

M. *Q* Est prima pars Poematis Epici, in qua Poeta breviter proponit & summatim, quid in reliquo poemate sit dicturus.

D. *Quæ sunt dotes illius Propositionis?*

M. Quod Rhetores in Orationis Exordio præcipiunt, ut appositi, ut breviter, ut verecundè contextatur, idem omnino de Præpositione Epopœjæ, quæ est ejus Exordium, dicendum est.

D. *Quomodo apposite præmittetur Propositio?*

M. Si non vage, sed proprie, congruenterque argumento prætexatur, id est, si rei caput designetur primis versibus; talis est Propositio Æneidos.

*Ama, vinumque cano, Trojæ qui primus ab oris
Italianam fato profugus, Lavinaque venit
Litora.*

D. *Quomodo brevis erit Propositio?*

M. Si non excurrat latius in iis, quæ parum ad rem faciunt; ea enim tantum adhibenda sunt, quæ valeant ad docilitatem, & attentionem comparandam cum aliqua, si opus est, benevolentia. In legem brevitatis peccat Jovianus Pontanus in principio *Uranizæ*.

*Qui calo radient ignes, qua sidera mundo
Labantur tacito, stellis quitus emicet ingens
Signifer &c.*

Ubi vides crebram ejusmodi rei expressionem, ignes, sidera, stelas, calo, mundo tacito &c. quæ

quæ omnia eodem recidunt. Quanto aptius est initium Georgicon Virgilii!

*Quid faciat letas segetes; quo sidere terram
Vertere, Mæcenas, ulmisque adjungere vites
Conveniat: quæ cura boum, qui cultus habendus;
Sit pecori, atque apibus quanta experientia parcis;
Hinc canere incipiam.*

Hic nihil redupdat, sed libri Georgicon singuli, in singulis fere numeris, aut incisis designantur.

Verum alia est prorsus ratio Panegyricorum, ubi exordimur aliquando à descriptione; vel, proposita quæstiōne, latius excurrimus, ut videre est apud Claudianum in panegyricis.

D. *Quomodo verecunde & modeste fiet Propositio?*

M. Si absit omnis ingenii, doctrinæque jactatio, omnis granditas, ac tumor, & exquisitior ornatus. Cycilium Poetam, seu circumforaneum, qui Carmen in Coronam ad gloriam aucupandum recitabat, acriter reprehendit Horatius, quod sic exorsus fuisset:

*Fortunam Priami cantabo, & nobile bellum.
adjungit mōx:*

Quid dignum tanto feret hic promissor hiatu?

Parturient montes, nascetur ridiculus mus.

Deinde prædicat Homerum, qui modestius Odysseam incipit, & paullatim assurgit magnificens.

Quanto rectius hic qui nil molitur inepte?

Dic mihi, muta, virum capta post tempora Troje,

Qui mores hominum multorum vident, & urbes.

Non fumum ex fulgore, sed ex fumo dare lucem

Cogitat, ut speciosa dehinc miracula promat.

Antiphatem, Scyclamque, & cum Cyclope Charybdim.

Initium Pharsaliæ affectius videtur & tumidius.

Bella per Enathios plusquam civilia campos,

Fusque datum sceleri canimus, populumque potentem

In sua victiici conversum viscera ferro,

Cognatasque acies & rupto fædere regni

Certatum totis concussi viribus orbis

In commune nefas, infestisque obvia signis

Signa, pares aquilas, & pila minantia pilis.

Quæ carmina, ut nihil dicam de voce plusquam initio Poematis usurpata, tam vasta sunt, sonantia.

ria, tumida, ut fateatur Scálicher se videri sibi audiire Lucanum, non tam canentem, quam latrantem. Nihilo fuit verecundior Statius in principio Achilleidos.

*Magnanimum & acidem, formidat amque Tonanti
Progeniem, & patrio vetitam succedere calo,
Diva, refer.*

Ubi versu primo sexies litteram a repetitam habes, tres continuas voces terrasyllabas, quæ negotium facessant pronuntianti.

C A P U T V.

De Invocatione Epopœjæ.

D. *Quid est Invocation in Poemate Epico?*

M. Est ea pars Poematis Epici, in qua numen aliquod invocatur, cuius afflato Carmen, quod per se arduum est, & humano ingenio majus habetur, tandem perficiatur. Quæ Invocation attentionem & admirationem commovet; atque etiam summam operi conciliat auctoritatem, ut quasi divinitus, quæ canuntur, postmodum efferantur.

D. *Estne semper adhibenda Invocation?*

M. Cum grave aliquod describitur poema, illa adhibetur; in minoribus vero Poematis, maxime in Panegyricis frequenter omittitur.

D. *Sejungiturne Invocation a Propositione?*

M. Sejungitur aliquando, aliquando cum illa involvitur. Latini Epicis ut plurimum sejungunt; sic apud Virgilium post hanc propositionem: *Arma virumque cano, &c.* sequitur Invocation, *Musa mihi caussas memora, &c.* Græci vulgo Invocationis Propositionem implicant; sic Homerus orditur Iliadem. *Iram cane Dea Pelida Achillit, &c.* Sic Odysseam, *Virum mihi dic musa, &c.* Atque etiam apud Latinos Lucretius, Statius, Vida, & Virgilius ipse in eclogis Invocationem cum Propositione permiscent. Id autem fit oportune, cum opera principibus inscribuntur viris, quos honorifice statim appellamus.

D. *Repetiturne Invocation in decursu Poematis?*

M. Repetitur, cum res gravior dicenda occurrit.

rit : ac cum comparatur attentio , cum significatur tanti rem esse , ut opus sit divino quodam afflato ad eam pro dignitate exponendam.

D. *Qui sunt invocandi in Poemate?*

M. Ethnico Poetæ profana , & commentitia numina liceat invocare ; ac Christiano Divinus Spiritus , Christus Servator , Virgo Deipara , Angelus Tutelaris , aut iis , cuius res gestæ canuntur . Vir Sanctus implorandus est . Item si res præclare gestas Ducis alicujus , aut Principis scribimus , aut si illi opus dicamus ; commode ille potest invocari , uti exemplo suo docuit Virgilius *i. Georg.* his luculentis carminibus :

Tuque adeo , quem mox quæ sint habitura Deorum

Concilia incertum est , urbesne invisere Casar,

Terrarumque velis curam &c.

Sed Lucanus Neronem in Pharsalia , Valerius Flaccus initio Argonauticon , & Statius initio Thebaidos Domitianum invocant . Atque hic observandum est , licere Poetæ Christiano in Sacro Poemate Musas usurpare pro poetica facultate , pro sacro impetu , atque entusiasmo . Jovem pro cælo , Neptunum pro mari , pro bello Martem ; adeoque hæc aliaque his similia hoc sensu accepta posse Poematis de Christianis mysteriis scriptis inseri .

C A P U T VI.

De Narratione Epopœjæ.

D. *Quid est Narratio Epopœjæ?*

M. *Q* Est pars , seu potius corpus Poematis , cui Propositio & Invocatio quasi facem præferunt , parantque attentionem , & docilitatem . Cum autem non tam Verum , quam verisimile poetæ sit propositum ; sic non tam rei gestæ , quam velut gestæ expositio dici debet hæc Narratio .

D. *Quid est spectandum maxime in illa Narratione?*

M. Cum tam late pateat , ut totum Poema exhaustiat ; cadunt in illam quæ hæc tenus omnia de Epopœja , atque etiam de poesi universe sumpta diximus . Quare addenda sunt aliqua dumta-

xat

xat circa proprias, quæ vulgo assignantur, illius dotes.

D. *Quæ sunt illius dotes?*

M. Tòt Epicæ, quòt Oratoriæ Narrationi dotes tribuantur, Brevitas, Perspicuitas, Probabilitas, & Suavitas.

D. *Quo sensu narratio Epica debet esse brevis?*

M. Eo sensu, ut crebriores, prelixioresque digressiones non adhibeantur, maxime si ad rem parum faciunt. Arguitur Catullus, quod dimidium Poematis de nuptiis Pelei, & Tetidos in descriptione vestis, Ariadnæque fabula consumpserit. Fabulæ epicæ, qualem descriptsimus, servetur magnitudo, quæ longior non erit, si nihil addicatur inane, quod recidi possit. Nam ut acute Martialis: *Non sunt longa, quibus nihil est, quod demere possis;* Sed tu, Coschini, disticha longa facis.

D. *Quomodo debet esse perspicua Narratio?*

M. Si alludatur quidem ad fabulas, & historias, si usurpentur hellenismi, seu forme loquendi à Græcis desumptæ: sed ita tamen, ut à quovis non imperito facile intelligantur: si vocabula obsoleta, & ex altissimis antiquitatis ruderibus effossa, ac proinde obscura vitentur. Sane ut quisque disertissimus est, ita loquitur apertissime: sed sat multa eo de argumento tradidimus supra in Dictione poetica.

D. *Quomodo debet esse Probabilis illa Narratio?*

M. Eo sensu, ut sit verisimilis: nihil debet magis curare Poeta, ut jam sæpe docuimus. Itaque, quod recte monet Horatius:

Filia voluptatis caussa sint proxima veris;

Nec quodcumque volet, poscat sibi fabula credi.

In locis, temporibusque notandis, maxime vero in effingendis personis, hujus verisimilitudinis habenda est ratio:

Etatis cuiusque notandi sunt tibi mores.

Mobilibusque decor naturis dandus, & annis.

Inquit idem Horatius, qui varios hominum mores iuculenter ibidem describit. Ubi tamen velim advertas, non tam artis circumdari terminis probabile, ut locus non sit Admirabili, quod in poemate spectatur in primis.

D..

D. Quomodo suavis erit Narratio Epica?

M. Si elegantia, &c jucunditate verborum sonantium, leniumque floreat, quod de oratione monet Tullius: si neque asperos habeat concursus; neque disjunctos atque hiantes: si sit circumscripta non longo anfractu, sed ad spiritum vocis apta: si eodem semper tenore non decurrant carmina. Igem suavis erit, si intexantur hypotyposes, suspensiones, metaphoræ, exclamations & admirationes; si interponantur motus animorum, mores, & colloquia personatum: obliquæ orationes, exitus inopinati, dolores, lætitiae, metus, cupiditates, iracundiae pro rerum varietate. Sed nihil ad suavitatem accommodatius est, quam idonea rebusque ipsiis consentanea modulatio numerorum, de qua egimus in Dictione Poetica.

C A P U T VII.

De Epilogo Epopœjæ.

D. Apponiturne Epilogus, & quasi peroratio Epopœjæ?

M. Apponitur, non semper quidem, sed aliquando tamen & Epopœjæ, & aliis Poematis: atque etiam interdum in ipso decursu operis post aliquod nobile factum. Ita Virgilius in 9. Æneid. narrata Nisi, & Euryali celeberrimi paris amicorum cæde, rem hoc Epilogo sive epiphonemate concludit:

*Fortunati ambo; si quid mea carmina possunt.
Nulla dies umquam memori vox eximet aeo,
Dum domus Æneæ Capitolii immobile saxum
Acculet, imperiumque pater Romanus habebit.*

In fine saepius suorum operum Epilogum usurpant Poetæ variis modis. Nam aliquando indicant ea, quæ cecinerunt, & temporis, loci, ætatis, occupationum suarum aliquam mentionem attexunt: ita Virgilius in fine Georgic.

*Hæc super arborum cultu, pecorumque canebam.
Et super arboribus: Cesar dum magnus ad altum
Fulminat Euphratēm bello, victorque volentes
Per populos dat jura, viamque affectat Olympo.*

III

*Ilo Virgilium me tempore dulcis alebat
Parthenope, studiis florentem ignobilis otia:
Carmina qui lusi pastorum, audaxque juventa,
Tityre, te patulae cecini sub tegmine fagi.*

Aliquando gratulantur, &c immortalitatis spe sibi blasdiuntur: sic Ovidius in fine Metamorphoseon canit:

*Jamque opus exegi, quod nec Jovis ira, nec ignis
Nec poterit ferrum, nec edax abolere vetustas.
Cum vellox illa dies, quæ nihil nisi corporis hujus,
Jus habet, incerti spatum mihi finiat ævi;
Parte tamen meliore mei super alta perennis
Atra ferar, nomenque erit indeleibile nostrum.*

In eundem sensum librum tertium carminum claudit Horatius:

*Exegi naonumentum ære perennius,
Regalique sicut pyramidum altius:
Quod nec imber edax, aut aquilo impotens
Possit diruere, aut innumerabilis
Annorum series, & fuga temporum.
Non omnis moriar, &c.*

Modestius suam Thebai jam affatur Statius in fine:

*Durabisne procul, dominoque legere superstes,
O mihi bisseros multum vigilata per annos
Thebai? jam cœpta presens tibi fama benignum
Stravit iter, cœpitque novum monstrare futuri.
Jam te magnanimus dignatur noscere Cesar,
Itala jam studio discit, memoratque juventus.
Vive precor; nec tu divinam Æneida tenta,
Sed longe sequere, & vestigia semper adora.
Mox tibi si quis adhuc prætendit nubila livet.
Occidit, & meriti post me referuntur honores.*

Epilogum Epopœjæ minime necessarium esse demonstrant Ilias, Odyssea, & Æneis, quæ ipsa narrationis absolutione concluduntur.

INSTITUTIONUM POETICARUM

LIBER III.

De Dramate.

M. **E**PICAM POESIM EXCIPIT PROXIME DRAMATICAS de qua sic disputabimus, ut in Poema Dramaticum universe primum, deinde in singulas ejus species inquiramus, ac pro instituto dicendi ordine, definitionem, materiam, formam, partes, finem, aliasque quæ ipsum cum generatim, cum singulatim afficiunt, proprietates breviter exponamus.

C A P U T . P R I M U M.

Definitio Poematis Dramatici.

D. **Q**uid est Poema Dramaticum?

M. **Q**1. Si vocis etymon spectes à voce latina *agere*, digitur Poema Dramaticum, quod totum sit in actione: unde Actores vocantur ii, qui eo in Poemate colloquuntur.

2. Si rei definitionem quæras, est *Imitatio Actionis*, *unius*, *totius*, *justæ magnitudinis*, *veræ*, *vel falsa*, *verisimilis*, *insignis*, *vel vulgaris*, *felicis*, *vel infelicis*; *qua* metro & harmonia non narrando, sed agendo, *vel quosdam animi affectus excitat* & perpurgat, *vel uitæ private exemplum proponit*.

D. *Explica, queso, singulas voces?*

M. **1.** Dicitur *Imitatio actionis*, quia cum poesis in imitatione actionum humanarum sit posita, ut initio docuimus; species quoque illius singulæ hujusmodi actiones imitantur.

2. Dicitur *Actionis unius*, *totius*, *justæ magnitudinis*, *veræ*, *vel falsa*, *verisimilis*, *insignis*, *vel vulgaris*, *felicis vel infelicis*: *Quibus verbis par-*

tum Dramatica Poesis cum Epica convenit, cuja actio est una, tota magna, vera, verisimilis, illustris, ac felix: partim ab eadem discrepat, cum Actio Dramatica possit esse falsa & vulgaris, si scribatur Comœdia; infelix, si Tragoœdia.

3. Dicitur Poema Drammaticum *imitari metro & harmonia*, quia inducuntur personæ colloquentes inter se, non soluta, sed vincta oratione: cui cantus in certis quibusdam locis adjicitur.

4. Dicitur *non narrando, sed agendo imitari*, quia nihil ipse Poeta exponit, aut commemorat, ut in Epopœja: sed productis in scenam personis sermonem tribuit, easque inter se agentes, negotiantesque exhibet.

5. Dicitur *vel excitare ac purgare affectus, vel privata vita exemplum proponere*: quibus verbis, cum officium, tum finis poematis illius attingitur. Excitat enim, ac purgat affectus Tragoœdia, vita private proponit exemplum Comœdia; mores utraque, ut omnis poesis, recte instituit.

C A P U T I I.

De Materia Poematis Dramatici.

D. *Quānam est materia Poematis Dramatici?*

M. *Est actio una, tota, magna, vera, vel falsa, verisimilis, insignis, vel vulgaris, felix, vel infelix.*

D. *Quo sensu debet esse una, & tota illa Actio?*

M. *Eo sensu, ut nec in plures actiones primarias dividatur, nec suo initio, medio, ac fine caret; ut supra docuimus.*

D. *Ovo sensu debet esse Magna?*

M. *Eo sensu, ut eo usque crescere possit ac debeat, donec tandem pro rerum natura, quæ aguntur, necessario, vel commode mutatio inferatur in Fabula implexa; & in simplici juxta naturalem rerum exitum finis imponatur, qui supremus est actionis terminus: qualis sit ille, patebit ex dicendis inferioribus.*

D. *Quomodo erit Vera, vel Falsa?*

M.

M. Si vere contigerit, aut non contigerit, quando autem, quatenus veritas, vel falsitas actioni Dramaticæ conveniat, dicetur postea, cum agetur de Tragoedia, & Comoedia. (a)

D. Quo sensu debet esse Verisimilis?

M. Ea sensu, ut nihil afferatur, quod sit praeter naturalem rerum ordinem, spectatis circumstantiis, in quibus dicitur illa actio contigisse.

D. Quomodo actio illa Insignis erit, vel Vulgaris?

M. Talis erit vel ratione sui, vel ratione agentium personarum. Quid conveniat Tragoediæ, vel Comœdiæ, explicabitur inferius. (b)

D. Quomodo erit Felix, vel Infelix illa actio?

M. Ratione exitus felicis, vel infelicitis solet hic appellari felix, vel infelix actio; adeoque felix est, quæ licet multas contineat turbas, fortunato tamen exitu concluditur: & contra infelix illa est, quæ quamvis prospere admodum in decursu succedat, luctuoso tamen fine terminatur. Quatenus autem Actioni Tragicæ, vel Comicæ congruat felicitas, aut infelicitas, suis locis exponetur.

C A P U T I I I .

De Forma Poematis Dramatici.

D. Quæ est Forma Poematis Dramatici?

M. Est Fabula, sive Compositio Actionis, in qua, ut in Epica, considerandæ sunt Dotes, Partes, & Dispositio.

D. Quæ sunt Dotes Fabulæ Dramaticæ?

M. Prima est Unitas, altera Simplicitas, tertia Magnitudo.

§. I. Unitas & Simplicitas Fabulæ Dramaticæ.

D. *IN quo posita est Unitas Fabulae Dramatica?*

M. In tanta partium omnium, rerumque diversarum inter se connexione, ut in unum aliquid videantur coalescere.

D. *Quomodo simplex esse debet Fabula Dramatica?*

M. Geminam tribuit huic voci notionem Philosophus, (a) qui Fabulam simplicem modo duplice, modo opponit implexæ. Fabula simplex, quæ duplice opponitur, est ea, in qua oritur unus status eorum, de quibus est Fabula; qui è felicibus infelices, aut contra ex infelibus felices existunt. Duplex vero ea est, in qua alii felices, infelices alii evadunt, ut fit in Odissea, ubi felix Ulysses, Proci infelices; & in Æneide felix Æneas, Turnus infelix efficitur. Atque hoc sensu simplicem Fabulam esse vult Aristoteles (b) in Dramate; aut saltem longe anteponit duplice; quod multo magis valeat ad affectuum commotionem. Commoventur enim illi vehementius, cum grandi omnes, nullo excepto, excipiuntur calamitate in Tragœdia; in Comœdia vero placet magis, qui lætus est omnibus Auctoribus, ac fortunatus exitus.

Fabula simplex, quatenus opponitur implexæ, ea est, quæ est una & continua sic, ut sine peripetia, id est sine manifesta in contrarium mutatione, aut agnitione ad finem deducatur. Fabula vero implexa ea est, quæ cum peripetia sive mutatione, aut agnitione, aut utraque simul ad finem usque procedit.

D. *Da exemplum utriusque Fabulae, simplicis, & implexæ?*

M. Habes simplicem Fabulam in Ajace Sophoclis, & Hercule Furente Senecæ, & alibi passim multis in locis. Ibi enim nihil accidit præter expectationem; v. g. Ajax plenus animi, & contemptus impatiens furit, posteaquam vero ad se rediit,

(a) *Cap. 9. Poet. cap. 1.*

(b) *Cap. 1.*

diit, præ pudore sibi mortem consciscit: eodem fere modo Hercules se gerit, nisi quod supersit.

Fabulæ implexæ eximum habes exemplum apud Senecam in Oedipo: ubi cum Oedipum missus Corintho Senex adiisset, ut significaret, Regem ipsum Chorinthiis pronuntiatum esse, atque hac ratione gratissimum illi nuntium afferre se existimaret, contrarium effecit. Paullatim enim intellexit ille, se & patricidam, & incestis Jocastæ matris implicatum nuptiis; atque hinc subito, & præter omnium expectationem factus est infelicissimus. Ubi vides mirabilem peripetiam simul & agnitionem. Atque hæc Fabula, quæ implexa dicitur, longe præstat simplici, juxta mentem Philosophi, qui præcipit Fabulam Dramaticam esse simplicem, quatenus videlicet illa dupli, non vero quatenus implexæ opponitur.

§. II. Magnitudo Fabulæ Dramaticæ.

D. *Quanam est justa magnitudo Fabulæ Dramaticæ?*

M. Quod oculis evenire solet, cum corpus videamus; idem plane accedit memoriæ, cum Dramaticam Fabulam excipimus (a). Ut enim quæ vastiora sunt, oculorum conspectum; sic memoriæ captum, quæ sunt longiora, facile excedunt: utriusque vero facultatis vim, quæ sunt minutiora, fugiunt. Atque hinc factum est, ut quemadmodum in omni corpore, sic qualibet in Fabula Dramatica justa quædam debeat esse magnitudo, quam uno quasi intuitu complecti possit auditor: ne distracto in plura, aut obruto rerum multitudine animo remittant, ac frigeant, qui concitabuntur affectus. Quæ lex pro Tragicis posita, valet etiam pro Comicis; ubi per affectuum commotionem privatæ vitæ rite instituendæ ratio quæritur.

D. *Quenam est igitur illa magnitudo?*

M. Præter assignatam superius magnitudinem Actionis, quæ materiæ locum tenet, duplice in-

insuper facit illam Philosophus : unam Actionis compositæ , quæ Forma est , seu Fabula ; alteram , quam vocat quantitatis.

D. Quænam est magnitudo actionis compositæ ?

M. In eo posita est , quæ dicitur Actio primaria , ut uno solis ambitu contineatur . (a) Id est , ut unum diem naturalem , vel nullo modo , vel parum certe excedat , atque etiam ut breviori temporis spatio , puta duabus , vel tribus horis , possit definiri : immo eo perfectior , & convenientior erit illa Actio , quo magis accedet ad tempus , quo solet in scena exhiberi . Sed latius multo possunt excurrere , quæ adhibentur Episodia , quamvis & ratiore , & breviora esse oportebit , quam quæ adjiciuntur in Epopœja : ne rerum multitudine , ac varietate animus distrahitur , atque obruatur : sic in dramate , ut ad primariam actionem non satis attendat , minusque concipiat , qui debent hinc eriri potissimum affectus . Atque eo sensu accipienda sunt Philosophi verba , cum Tragœdiam inter & Epopœjam id quoque assignat discriminis : ut certo quodam tempore Tragœdia , nullo definatur Epopœja .

D. Quænam est magnitudo Quantitatis ?

M. Quantitas illa posita est in numero versuum , ad ducentos trecentosve supra mille ; atque etiam apud recentiores ad duo millia recensentur : hæc autem lex optima fuerit , ut inter ternas & senas horas exhibeatur Drama : adeo ut nec brevius sit , nec longius ; non brevius quidem , ne forte locus non derur concitandis , ut par est , affectibus ; non etiam longius , ne possit usurpari illud Plautinum : *Lumbi sedendo , & oculi spectando dolent* . Jam vero quæ sint partes Fabulæ Dramaticæ , aut quæ illarum dispositio , patet ex dicendis capite proxime consequenti , & ex capite II .

CA-

(a) *Arist. cap. 5.*

C A P U T I V.

De partibus Poematis Dramatici.

D. Quiae sunt partes Poematis Dramatici?

M. Cum Poema Dramaticum ex materia constet, quæ est actio, quam descripsimus; & forma, quæ est eadem actio composita, exultaque, de qua modo agimus; hinc factum est, ut modo materiae, modo formæ, modo utriusque simul habitatione, in suas partes varie soleant Auctores illud Poema distribuere. Sex omnino Dramatis in suas partes reperio divisiones.

D. Affer, quæso, & explica illas omnes divisiones?

M. Prima divisio est in *Diverbium* & *Choricum*, quæ omnium maxime generalis est; nam quidquid est in Dramate, ad hæc duo genera revocatur, ut geratur, aut canatur. Diverbium fitaque est ea pars Dramatis, in qua colloquuntur, aguntve inter se, qui dicuntur *Actores*. Choricum vero dicitur illa pars, in qua iidem *Actores*, vel alii concinunt aliquid cum Dramate connexum, de quo posteà.

Altera divisio in *Nexum* & *Solutionem* tam late patet quam prima: quamvis alio modo Drama partiatur. Nexus in Dramate, ut habet Aristoteles (a), est totum id, quod à principio ad ultimam usque pertinet partem, ex qua fit mutatio fortunæ: hac autem mutatione felicitati infelicitas in Tragœdia, & felicitas infelicitati succedit in Comœdia. Solutio vero à mutationis principio ad finem usque protenditur. Sic in Oedipo Senecæ quidquid antecedit illum locum, ubi se tandem & patris interfectorum, & matris maritum agnoscit Oedipus, unde summa oritur infelicitas, est in Nexus, reliqua sunt in Solutione. Sed de Nexus & Solutione quantum satis est dictum superius (b) in Fabula Epica.

N 4

Ter-

(a) Cap. 10. Poet.

(b) Lib. 2. cap. 3. §. 2.

Tertia divisio (a) fit in *Prologum*, *Episodium*, *Exodum*, & *Choricum*. Prologus præcedit primum cantum, diciturque ea pars continere quasi semi-na omnium, quæ dicenda sunt in reliquo Drama-te: adeo ut Actorum nemo prodeat in Scenam, qui non sit cognitus in Prologo, vel de vultu, vel de nomine, vel alio quovis modo. Quod tamen de illis debet intelligi, quorum res hic agitur præci-pue, potest enim à domesticis, amicisve de novo aliquis induci.

Episodium hoc loco, juxta Aristotelem, con-tinet tres Actus intermedios: adeoque tam pri-mariam Actionem, quam secundarias, sive adje-ctivas comprehendit. Ubi notari velim, & Actionem illam primariam, & secundarias etiam esse Actoris primarii: quamvis hæ quoque actiones ad-jectiæ possint esse illorum, qui sunt post prima-rium Actorem nobiliores, qui vocantur ideo Acto-res Episodici. Exodus est quintus Actus, ubi Ca-tastrophe, de qua mox, sicuti & de Choro capite proxime consequenti.

Quarta divisio fit in *Protasin*, *Epitasin*, *Catasta-sin*, & *Catastrophen*.

Protasis, quæ significat præstitutionem, & præ-ordinationem, est Dramatis initium, in quo pro-ponitur summa rei sine exitus declaratione: ut animus auditoris suspensus teneatur; nam si præ-sciretur Fabulæ exitus, non sic placerent, quæ postea dicerentur.

Epitasis, quæ rei constitutionem significat, vel ut alii interpretantur, exaggerationem; est ea pars, quæ protasin proxime consequitur, & in qua turbæ excitantur, totaque rei negotiatio magis involvi-tur, diciturque à Latinis nodus erroris.

Catastasis est ea pars, in qua continuatur rerum perturbatio: ostenditur tamen quomodo possint illæ postea explicari, unde à multis *Catastasis* confunditur cum *Epitasi*.

Catastrophe, quæ subversionem sonat, est ea pars, in qua totum negotium dissolvitur, cum Actor

(a) *Arist.* cap. I. 10.

Actor primarius à felicitate transit ad infelicitatem, vel contra. Ad extremum Drama, si ita fieri possit, illa est rejicienda, quo magis auditorum animus suspendatur, ac delectetur.

Quinta divisio fit in quinque Actus, qui sic appellantur ab actione, cujus sunt partes: quare tot sunt illi Actus, quot habet Actio diversas partes, & præcipuas. Quinque recensentur. Primus argumentum exponit, at non rei exitum; secundus rem proprie deducit in actum; tertius turbas ciet; quartus viam ostendit, qua res impletæ dissolvantur; quintus impedita artificiose expedit. Quare nec plures, nec pauciores esse jubet Horatius:

*Neve minor, neu sit quinto productior actu
Fabula, qua posci vult, & spectata reponi.*

D. *Estne semper eadem Actuum magnitudo?*

M. Augetur illa, vel minuitur pro ratione rerum, quæ tractantur, quæ possunt esse magis minusve graves, populoque jucundæ. Jam vero Actus in varias Scenas distribuuntur.

D. *Quid vocas Scenam in Actu?*

M. Scena dicitur pars Actus, in qua una, vel plures personæ colloquuntur: designatur autem personarum vel adventu, vel interventu, vel ab itu.

D. *Quot sunt Scenæ in uno Actu?*

M. Plures sunt pro ratione rerum, quæ possunt esse graviores, vel jucundiores: pauciores olim adhibebantur; nunc jam ad tredecim, & amplius numerantur.

D. *Quot sunt Actores in Dramate?*

M. Plures esse quam quattuordecim, vetant Artis Magistri: qui, si prodeant simul in Scenam tres tantum, aut quattuor ad summum loqui permittuntur. Ita præcipit Horatius:

Nec quarta loqui persona laboret..

Sexta divisio (a) fit in *Fabulam, Mores, Sententiam, Dictionem, Melodiam, & Apparatum*. Fabula, quam diximus esse constitutionem rerum, & Actionum compositum, instar animæ obtinet in

Dramate : & continet actiones , mores , affectus , peripetias , agnitiones , ac reliqua , quæ vocantur **Fabulæ ornamenta** , quare non tam pars Dramatis , quam ipsum Drama debet appellari.

D. *Quomodo itaque Mores , Sententia , & Dictionis cum Fabula dicuntur ex aequo partiri ?*

M. Quia inter Fabulæ partes sic eminent , ut Drama partiri cum ipsa dicatur ab Aristotele.

D. *Quid hic intelligis per Mores , Sententiam , & Dictionem ?*

M. Morum nomine docuimus intelligi indolem , & ingenium cuiusque : diximus requiri bonos , convenientes , & æquabilis tenoris. Sententia significat sensus , qui genuini morum partus esse solent , ac proinde debent esse illis in primis accommodati. Dictionis est dicendi ratio , quæ Dramati conveniat : de qua in Tragœdia & Comœdia .

D. *Quo sensu Melodia , & Apparatus dicuntur esse partes Dramatis ?*

M. Quia quamvis extra Drama esse censeantur , ad ejus tamen splendorem cum conferat plurimum (sicut ad commotionem affectuum) duæ quoque Dramatis partes vocantur à Philosopho . (a) Quare de aliis cum egerimus superius , de his quoque modo agendum est .

C A P U T V.

De Choro in Dramate.

D. *Quid est Chorus in Dramate ?*

M. Est pars Fabulæ quæ sequitur , vel etiam præcedit actum cum concentu . Dicitur 1. pars Fabulæ eo sensu , quo dictum est jam in fine proxime superioris capituli . 2. Sequitur actum , aut etiam præcedere : quod actui soleat postponi , raro præponi . 3. Cum concentu , quod , qui chorūm ajunt , concinere soleant , atque etiam aliquando loquantur .

D. *Quid canitur a Choro ?*

M. Non canitur quidlibet , sed aliquid cum Fabula

(a) *Arist. cap. 4.*

bula conjunctum & affine argumento quod tractatur. Nam vel ferebant judicium de iis, quæ agerentur in Fabula, vel favebant bonis, & lugentibus, vel monebant iram esse frenandam, insanosque motus coercendos, vel lugebant cum miseris, vel superos deprecabantur. Chori officia expressis Horatius his versibus:

*Actoris partes Chorus, officiumque virile
Defendat: neu quid medios intercinat actus,
Quod non proposito conducat, & hereat apte.
Ille bonis faveatque, & consilietur amicis;
Et regat itatos, & amet peccare timentes.
Ille dapes laudet mensæ brevis, ille salubrem
Justitiam, legesque, & apertis otia portis.
Ille regat commissa, Deosque precetur & orebat,
Ut redeat miseris, abeat fortuna superbis.*

C A P U T V I.

De Scenico Apparatu.

D. *Quid est apparatus Dramatis?*

M. In Fabulæ partibus reponitur à Philosopho apparatus ille, qui recte dici potest ornatus: ille omnis, quo & Scenæ & Personæ instruuntur ad exhibendam ex arte fabulam.

D. *Qualis debet esse Scenæ ornatus?*

M. Per Scenam hic intelligitur locus, ubi exhibentur Dramata: de quo difficile est aliquid præcipere, ob multiplicem Dramatum varietatem. Agebantur ludi scenici in Theatro, quod in modum Hemicycli erat; in eo tria spectabantur maxime, Scena, Orchestra, Proscenium. Scena est frons Theatri ab uno cornu ad alterum cum cooptura. Orchestra locus est, in quo spectatores Drama intuebantur. Proscenium item locus ante Scenam porrectus, in quem Actores dicturi prodibant. Scena itaque altior erat pulpito, pulpitum proscenio, proscenium orchestra.

D. *Qualis debet esse Personarum ornatus?*

M. A diverso vestium genere diversas quoque soriebantur appellations Dramata, sive Fabulæ.

Palliatæ vocabantur Græcorum Fabulæ , quod pallio Græci Actores uterentur ; Latinorum togatæ , quod togas illi adhiberent : dicebantur item apud eosdem Latinos prætextæ Fabulæ , quæ Regum , Principum , & virorum illustrium actiones imitabantur , quod personarum istiusmodi esset prætexta ; togatæ tantum vocabantur , quæ actiones privatorum hominum exhibebant ; quia toga erat vestis popularis , juxta ilud Horatii ; *vel qui prætextas , vel qui docuere togatas.* De vestium forma , ornatuque in Dramate nihil certi jam potest afferri , quod varientur vestes pro diversitate regionum , ac personarum , quæ in Scenam inducuntur .

Postquam ea protulimus , quæ ad Drama spectant universæ , nunc de Tragoëdia , & Comœdia , quæ sunt ejus partes , videamus .

C A P U T V I I .

Definitio Tragoëdiae .

D. Quid est Tragoëdia ?

M. 1. Secundum vim vocis Tragoëdia est cantus ob hircum ; deducitur enim à vocabulis *hircus* , & *cantus* ; quod Tragoëdia prius fieret cantando in honorem Bacchi , cui hircus vinearum hostis mastabatur , sive quod hircus præmium esset certantibus , juxta illud Horatii :

Carmine qui tragicō vilem certavit ob hircum.

Deducitur etiam Tragoëdiæ vox , juxta alios , à nomine *Fæx* : quia ora fæcibus perliniebant Actores ante usum personarum ab Æschylo repertum , juxta hæc Horatii carmina :

Ionotum Tragice genus invenisse camæna

Dicitur , & plaustris uexisse Poemata Thespis ,

Qua canerent , agerent ve peruncti facibus ora.

2. Definitur (a) Tragoëdia : *Imitatio Actionis unius , totius , veræ , verisimilis , & insignis , quæ metro,*

(a) Arist. cap. 3.

metra, & harmonia, non narrando, sed agendo misericordiam ciet, ac terrorem ut affectuum expiationem, seu purgationem inducat.

D. Explica, queso, singulas definitionis partes?

M. 1. Dicitur Imitatio Actionis, quia poesis, maxime Dramatica, actiones humanas imitatur, ut diximus superius.

2. Dicitur Actionis unius, totius, veræ, verisimilis, insignis: quibus verbis notatur materia Tragœdiæ, qua partim convenit cum Epopœja, & Comœdia, partim ab iisdem discrepat. Nam materia Epopœjæ est Actio, quæ habet quidem omnes illas dotes, sed debet insuper felici exitu terminari: quod in Tragœdiam non cadit, quæ saepius infelicem, raro admodum felicem habet exitum. Comœdiæ vero Actio vulgaris est, & obscura.

3. Dicitur metro, & harmonia perfici Tragœdiæ: quod sermonem non qualemcumque, sed metro adstrictum, ut alia poeseos genera, requirat: item & harmoniam, seu cantum, qui ad affectuum commotionem faciat in primis.

4. Dicitur non narrando, sed agendo exhiberi Tragœdia: quia, cum sit Poema Dramaticum, tota debet esse in Actione: quo pacto ab Epopœja discrepat, quæ partim in rerum narratione, partem in actione sita est. Poeta modo narrante per se, modo alios narrantes, agentesve inducente.

5. Dicitur excitare misericordiam, & terrorem, ut affectuum expiationem purgationemque inducat: quibus verbis Tragœdiæ finis attingitur: de quo postea pluribus.

C A P U T VII.

De Materia Tragœdiæ.

D. Quid est Materia Tragœdiæ?

M. Est Actio una, tota, vera, verisimilis, insignis, & infelix. (a)

D.

(a) Arist. cap. 5,

D. *Quo sensu Actio Tragœdiæ debet esse una?*

M. Eo sensu 1. ut sit quædam Actio primaria, quæ in plures alias dividi non possit. 2. ut omnia, quæ sunt illius Actionis primaria, in uno eodem que loco facta esse videantur, in eodem cubiculo v. g. in eadem domo, in eadem urbe, in iisdem castris: unde Tragœdiæ apponi solet, Scena est Romæ, vel Corinthi, vel Athenis, vel alibi, ubi res gesta est. Sed quomodo Actio debeat esse una & tota, diximus alias (a).

D. *Quomodo debet esse Vera & verisimilis Actio Tragœdia?*

M. Eo sensu, ut vere contigerit Actio primaria: alioqui non multum moveret Tragœdia, si falsa esse crederentur quæ referentur in scena: crederentur autem esse falsa, si talia essent; quia sunt Actionis insignis, quæ non solet ignorari. Non ita dicendum de Episodiis, quæ, cum sint actiones adjectitiæ, per se sæpe non adeo spectabiles, nihil opus est esse vera.

D. *Possunt ne esse falsa Actionis primaria, qua dicuntur Adjuncta?*

M. Duplex genus est hujusmodi Adjunctorum. Primum est eorum, quæ sunt per se spectatissima, atque illa tam vera esse debent, quam ipsa Actio, cuius Adjuncta sunt: non licet v. g. fingere, à patre filium, vel à filio matrem fuisse interfectam, nisi fide historiæ id constet; pro falso enim habetur, quod istiusmodi est, nisi consignetur Historiæ monumentis, quæ non debuit illud omittere. Alterum genus. est eorum, quæ sunt minus spectabilia, adeoque non solent, aut certe non debent necessario in Historia notari, quæ si verisimilia sint, facile vera esse credentur. Peccabit itaque contra hanc præceptionem qui Cæsarem naturali morte, non violenta extinctum induxit; non peccabit qui eumdem singulos interfectores alloquenter exhibuerit, quod primum, non item alterum. Historia notare debuerit. Qua ratione debeat esse verisimilis Actio Tragœdiæ, satis indicatum est superius

(a) *Lib. 2. cap. 2. §. 2. ¶ 3.*

rius cap. 3. in materia Dramatis universe spectata.

D. Quo sensu Insignis erit illa Actio?

M. Insignis erit non ratione tantum personarum, quæ inducuntur; sed etiam, & quidem præcipue, ratione sui. Nimirum id requirit propositus Tragoëdiæ finis; cum melius multo cieantur affectus, purganturque, quando illustriores inducuntur personæ, quæ à summa felicitate ad infelicitatem maximam deveniunt, ut inferius (a) docebatur. Insignem certe, notamque vult esse Horatius. hanc Actionem.

Rectius Iliacum carmen deducis in Actus.

Quam si proferres ignota, indictaque primus.

Quamquam & usus sit in Tragoëdia, ut in Epopœja, locus personis ignobilioribus, seu iis, quæ Actores Episodici appellantur.

D. Quo sensu debet esse Actio Tragoëdie infelix?

M. Eo sensu 1. ut sit Actio illa plena luctus, & terroris. 2. Ut infelici plerumque terminetur exitus: quia misericordiam & terrorem debet concitare, ut animi affectus ex fine suo purget.

D. Quomodo delectabit quæ plena luctus erit Tragoëdia?

M. Non quidem res ipsæ tragicæ voluptatem afferent, ut notavit Aristoteles (b), sed excellens illarum delectabit imitatio. Non eorum, quæ vel fugimus, vel detestamur, imagines, ut ferarum formas, & cadaverum affabre factas non sine lætitia intuemur: quod insitum sit à natura hominibus imitari; ut idem observavit Philosophus. Adde quod tantæ calamitatis expertes non esse, ac doceri, quæ cavere oporteat, non mediocriter gaudemus.

D. Numquid licet aliquando felici exitu claudere Tragoëdiam?

M. Quamvis satius sit exitum Tragoëdiæ esse terribilem, & inexpectata felicis fortunæ in luctuosa mutatione stupendum; volunt aliquid tamen licere ab ea lege deflectere in gratiam auditorum,

qui

(a) Cap. 10.

(b) Poetic. cap. 2.

qui demum redire malint læti, quam tristes; adeo-
que indignius non habitum v. g. primarium A&to-
rem expedire se posse è magna, quam incurre-
ret, calamitate, atquè id unum inquiri contem-
dunt, ut luctuosa sit tota Tragœdiæ facies ad illius
finem obtinendum.

C A P U T I X.

De Forma Tragœdiæ.

D. *Quam est forma Tragœdie?*

M. *Est Fabula, sive compositio Actionis Tra-
gicæ.*

D. *Qualis debet esse illa Fabula, sive Compositio?*

M. Debet esse una, simplex, justæ ejusdam
magnitudinis, in suas partes rite distributa, & va-
riis Fabulæ ornamenti conspicua: quæ dotes ex-
plicatæ sunt superius, cum egimus universe de
Forma Dramatis.

D. *Quid speciatim præcipitur circa Fabulam Tra-
gicam.*

M. Ut Fabula illa sit implexa, id est, ut an-
nexam habeat peripetiam, vel agnitionem, vel
utramque simul; atque etiam vult talem esse Phi-
losophus (a), ut ex peripetia & agnitione oriatur
maxima affectuum perturbatio, unde tres Fabulæ
illius partes designavit, peripetiam, agnitionem,
& perturbationem.

D. *Qualia debent esse ornamenta Fabulæ Tragicæ?*

M. 1. Peripetiæ, & Agnitiones, ut diximus, sunt
adhibendæ, concitandis affectibus cum primis ido-
neæ. 2. Inferenda Episodia pauciora, & breviora,
ut supra monuimus. 3. Machinæ usurpandæ, modo
non in solutione Fabulæ, sed in nexu, ut docui-
mus. 4. Circa mores præcipitur non tantum ut
boni sint, convenientes, & æquabilis tenoris, sed
etiam graviores, severioresque pro rerum, quæ in-
ducuntur, natura. Unde matronæ gravi confertur
Tragœdia apud Horatium:

Effus-

(a) *Arist. eap. II.*

*Effutire leves indigna Tragœdia versus,
Ut festis matrona moveri, iussa diebus,
Intererit satyris paullum pudibunda protervis.*

De eadem sic habet Ovidius (a):

Omne genus scripti gravitate Tragœdia vincit.

5. Aspergenda sententiæ, quæ graves personas deceant: qua cautione superius tradidimus. 6. Dic-tio tam gravis esse debet, quam res ipsæ, quæ tractantur; versus jambicus trimeter usurpandus, quem vocat post Aristotelem Horatius *alternis ap-tum sermonibus*: quod ille numerus familiaris sit, & in omnem facile sermonem incurrat. Demittit tamen se decenter Tragœdia, uti se attollit Comœdia, ut idem observavit Horatius:

*Interdum tamen & vocem Comœdia tollit;
Iratusque Chremes tumido delitigat ore;
Et Tragicus plerumque dolet sermone pedestri.*

C A P U T X.

De Fine Tragœdiæ.

D. **Q**uis est Finis Tragœdiæ?

M Finis Tragœdiæ est concitare quosdam animi affectus ad reliquos omnes purgandos. Hanc affectuum expiationem, purgationemque, quam vocat, Tragœdiæ, ut finem, indicit Aristoteles: cui consentiunt alii, qui ea de re scripsere Aucto-res. Atque hic finis tam accurate, quam dilucide breviterque discutiendus est; cum exquisitus ab eo tum argumentorum, tum personarum, qui sollet hic præcipi, dele&tus, atque adeo optima pen-deat Fabulæ Tragicæ constitutio. Quare disquirendum, 1. Qui affectus in Tragœdia. 2. A quibus. 3. Quomodo debent concitari.

§. I.

(a) 2. Trist. lib. I. cap. 9.

§. I. Qui affectus concitentur in Tragoëdia.

D. *Quis affectus concitatur in Tragoëdia?*

M. *Misericordia & Terror, quorum opera purgantur omnes alii Affectus: unde Scena appellata est quædam quasi palæstra humanorum affectuum, ubi præparantur illi, & perficiuntur.*

D. *Quomodo purgant alios Affectus Misericordia, & Terror?*

M. Misericordia tangimur, cum videmus aliquem grandi aliqua calamitate pressum, præser-tim immerentem: timemusque, ne quid simile nobis contingat, quod alteri nobis quodammodo æquali accidit: & sic misericordia parit timorem, cautumque præstat, quem afficit, ne gerat aliquid, unde tanta sibi miseris proveniat. Item ad obje-ctum gravis infortunii speciem terror incussus, ejus-modi vitandi mali desiderium injicit: quod deside-río efficitur, ut affectibus moderemur, qui sunt veræ omnium germanæque caussæ nostrarum calamitatum.

§. II. A quibus concitentur affectus in Tragoëdia.

D. *Quinam debent concitare Misericordiam, & Terrorem in Tragoëdia?*

M. Multo melius Actores, qui neque improbi, neque admodum probi sunt, sed inter illos medii, & qui cum amicis rem habebunt, aut consanguineis, illos affectus commovebunt.

D. *Oware minus commovebunt, qui sunt improbi?*

M. Quia ut improborum felicitas indignationem parit; sic non parit infelicitas misericordiam, aut terrorem: non misericordiam, quia dignum existi-mat quisque improbum calamitate, qua premitur; non terrorem, quia nemo sibi eventurum putat, quod improbi culpa factum esse videt; terreatur, esto, qui scelerum atfugi scelerus aspicit: sed vulgo non sunt aut censemur improbi, qui adsunt spectatores, adeoque non est existimandum, im-probi calamitate illos esse perterritos.

D.

D. Non poterunt igitur improbi in scenam produci?

M. Poterunt utique, ut jam præmonuimus, sed ex adhibita cautione, ut, si minus misericordiam, terrorem saltem vel probis spectatoribus incutiant: quod sane fieri, si non tam ex culpa, quam ex errore humano lapsi videantur.

D. Quare minus apti sunt movendæ commiserationi, incutiendoque terrori, qui sunt maxime probi?

M. Quia qui probus est in primis, cum sit infelix, non misericordiam, cum solam patiat indignationem, eamque maximam, si abominando facinore tollatur è vivis; non terrorem, quia, ut tradit Aristoteles, nemo sibi propter probitatem idem eventurum esse putat, cuius præmium est felicitas.

D. Non licebit ergo probos in scenam producere?

M. Constat Christianos Martyres datos esse aliquando feliciter in theatrum, uti & viros alios probos, qui semel aut amore duci impotens, aut ita abrupti vehementius cæco quodam impietu mortem aliis intulerunt. Quare lex illa, quæ improbos, probosque arcet à theatro, pro prima Tragœdiæ forma posita est: nec quidem aliud voluit Philosophus, cum sic præcepit, quam quid sit ea in re præstantissimum indicare.

D. Quem facis Actorum medium probum inter & improbum?

M. Is est, juxta eumdem Philosophum, qui nec virtute, nec vitiæ admodum excellit, qualis Oedipum fuisse accipimus: cuius neque magnæ virtutes, neque summa vicia commemorantur, quæ ab ripere in contrarium affectus auditori solent.

2. Qui peccat imprudens, ac proinde nec viri boni nomen meretur, quia illius officium est transgressus: nec contra improbi, quia inconsulto peccat. Sic idem Oedipus, cum parricidium summum esse crimen non ignoraret, Lajum tamen misere per ignorantiam peremit. Debet etiam summa ille dignitate præcellere: ut hac ratione major calamitas terrorem simul, & commiserationem augeat.

D. Quare amicos inter, & consanguineos res geri debet in Tragœdia?

M.

M. Quia 1. Si inimicus inimicum occidat, nulla excitabitur commiseratio; nisi quatenus factum ipsum communis humanitatis recordatione commovet; atque etiam facile ferent homines in alio, quod essent ipsi quoque facturi. 2. Si nec amicus, nec inimicus alteri mortem inferat, sed ignotus ignoto; cum hoc agat sine affectu, nec ipse movebit affectus. 3. Si nec affinitate, aut sanguine conjunctos occidat, non adeo commovebit. Quare præstat, ut inter amicos, & cognatos res geratur; ut si frater fratrem, parens filium, filius parentem aut occidat, aut invadat. Ab amicis enim ista sunt fieri, movebunt commiserationem: a consanguineis, atrocias etiam videbuntur, ut cum Clytemnestram Orestes, Eriphylem tollit Alcmæon.

§. III. Quomodo concitentur Affectus in Tragœdia.

D. *Quomodo concitantur Affectus in Tragœdia?*

M. *Q* In hoc variant Tragœdi: (a) apud quos vel committit Actor facinus, vel non committit; iterum vel committit ignarus rei, vel conscient; item sic committit, ut factum vel post, vel ante agnoscatur. Item ante agnoscit, ut animum mutet, priusquam id conficiat, aut pœnitentiam agat.

Arque ex his variis modis concitandorum affectuum ortæ sunt variæ species Tragœdiarum: quatuor celebrantur in primis. 1. Est quando agnoscitur qui occiditur, ut cum Medea liberos occidit. 2. quando agnoscitur post mortem, qui occisus est: ut cum Oedipus Lajum sua manu peremptum audit. 3. quando agnoscitur eo tantum momento, quo perire debet, & periculo eripuit, ut cum Iphigenia agnatum Orestem morti subducit. 4. quando agnoscitur, qui periturus est, & ad mortem queritur; nihil tamen conficitur: ut cum Æmon apud Sophoclem stricto ense parentem insequitur, neque tamen quidquam agit.

D.

(a) *Arist. cap. 12.*

D. Liceatne oculis objicere atreciora spectacula, quibus sanguis effunditur, & horror animis incutitur?

M. Non licet: neque enim debent induci in theatrum aut incredibilia quædam, ut sunt metamorphoses; aut foeda asperitu, aut visu atrocia, juxta illud Horatii:

*Nec pueros coram populo Medea trucidet;
Aut humana palam coquat exta negarius Atreus,
Aut in avem Progne mutetur, Cadmus in anguem,
Quodcumque ostendis mihi sic, incredulus odi.*

D. Qui referri poterunt quæ oculis non licebit subjecere?

M. i. Prænunciabuntur gerenda vel ab eo, qui facinus-patraturus est, vel ab aliquo alio. 2. postquam gesta fuerint, narrabuntur, quod Nunctorum munus esse solet; sic præceperat Horatius:

... . Non tamen intus

*Digna geri, promes inscenam, multaque tolles
Ex oculis, quæ mox narret facundia præsens.*

D. An non licebit aliquid ob oculos ponere, quod speciem aliquam habeat crudelitatis?

M. Licebit vincula, ipsumque demortui Principis cadaver deferre in medium ad commovendum auditorem; item verbera, aliaque sævitiae instrumenta licebit coram exhibere, at non percutere, aut perimere, nisi post Scenam id fieri simuletur.

C A P U T X I.

Præceptorum usus in scribenda Tragœdia.

D. *T*raditas hactenus de Tragœdia præceptiones, quas te, ad usum ut revoces, & scribendas Tragœdiæ unum aliund paradigma proponas?

M. Si velis ex arte Tragoediæ scribere, nudam primum ac sine ullo ornamento delineabis Actionem, quæ est materia Tragœdiæ, deinde ad Fabulam, quam voles inducere, attendes, videbisque, si ne simplex, an implexa; si implexa, an peripetiam simul, & agnitionem, & qualiter utramque admittat, & cum superioribus an bene cohaereat; an terror ex rebus oriatur, ac commisera-

seratio , aut quomodo possint aliunde commovere : tum personas conquires , quarum ipse habitus , affectusque animo indues . Episodia postmodum excogirabis . Postquam sic fuerit constituta Fabula , quid in Nexus , quid in Solutione inducere necesse sit , examinabis : nam in Nexus , non in solutione debent esse episodia , nequè etiam prolixa illa , aut otiosa , sed brevia , & cum Actione primaria rite connexa . Si simplex fuerit Fabula , curabis artificiose ut desinat : si implexa , agnitionem ut habet , & peripetiam elegantem & quæ tragicos affectus , seu perturbationes ipsa , per se excitare possit .

D. Profer , quæso , exemplum tum simplicis , tum implexæ Fabulæ ?

M. Fabulæ simplicis exemplum sit Troadum Tragœdia apud Senecam , quæ sic habet . Græci , expugnata Troja , Calchancem consulunt , quo pacto salvi domum pervenire , ac faventes sibi Deos reddituri habere possint . Calchas Polyxenam , & Astyanaçtem necandos esse pronuntiat ; atque id conficitur . Reliqua sunt episodia , apte illi Fabulæ intexta ; sic Episodium est Agamemnonis cum Pyrrho colloquium , quod ex Calchantis de-mactanda Polyxena consilio nascitur ; item episodium est tota illa scena , in qua ab Ulyssे quæritur Astyanax , ac tandem invenitur ; quod pariter è consilio de præcipitando Astyanac̄te oritur .

Fabulæ implexæ exemplum esto Oedipi Tragœdia apud eundem Senecam . Oedipus disquirens qui sit Laji interfeitor , se & illius filium , & interfectorem , atque etiam Jocastæ matris suæ maritum esse agnoscit , quare effossis sibi præ pudore , & ira oculis abit in exsilium , & Jocasta se gladio confudit . Hæc est Actio primaria ; ad quam non spectat necessario Oedipi in Prologo de pestilentia sermo : quamvis cum eadem apte cohæreat . Item ejusdem Oedipi cum Creonte , & Tiresia colloquium , tum prolixa illa inferorum descriprio , umbrarumque evocatio sunt Episodia , nisi forte cum nominatum de Laji cæde agitur ; Oedipi autem , & Senis , & Phorbantis ex parte colloquium ad mutationem paullatim deducunt ; ad Nexus tamen

re-

referri possunt, reliqua sunt in solutione; ubi est peripetia, & agnitus mirabilis.

C A P U T X I I.

De Comœdia.

D. Quid est Comœdia?

M. Comœdia secundum vim vocis est paganus cantus: (a) enim græce significat *pagum* latine, & (b) *cantum*; sic appellata, quod in pagis habuerit originem; vel, ut alii volunt, à *Como* hilaritatis, actumulentiae Deo dicta est Comœdia, quasi (c) sit, *canere Como digna*.

D. Quomodo definitur Comœdia?

M. Definitur: *Imitatio Dramaticæ actionis unius, totius, civilis, aut privata, & vulgaris, stilo populari exhibita, & lato semper exitu terminata, ad proponendum vitæ privata exemplum.* Atque hæc definitio Comœdiæ materiam, formam, & finem attingit; de quibus breviter admodum agendum est: cum satis ea sint exposita in Materia, Forma & Fine Poematis Dramatici, universe spectati, & alibi passim pluribus in locis.

D. Quid habes circa materiam Comœdia?

M. Est actio, cuius jam recensitæ sunt in definitione, & superius explicatæ in materia dramatis variæ affectiones. Veritatem, vel falsitatem admittit illa, quia privati hominis est actio, obscura, per se, & ignota; neque imitatur res illustres, & terribiles, aut admirabiles, sed cíviles, & privatas; ut avaritiam senum, fraudem servorum, & similes, quæ alios sollicitudine, lætitia alios implant: quare debet esse insuper jocularis, ut deleter, & ea vitia exagitare, quæ risum potius, quam misericordiam moveant.

D. Quid præcipis circa Formam Comœdia?

M. Præter ea, quæ dicta sunt in forma Poematis Dramatici, curandum est, ut intexantur, 1. Quædam peripetiae, non quæ magnos, ac vehe-

men-

(a) νάμη. (b) ἀδη (c) νάμηδη.

mentes, sed remissiores, lenioresque cieant animorum motus. 2. Agnitiones non èæ, unde oriantur; maximæ perturbationes; sed quæ levioribus de caussis ortæ, non admodum moveant: ut in Plautinis Comœdiis, quæ fit è crepundiis nonnumquam cistulis, aut annulis agnitio. 3. Episodia brevia &c apta. 4. Mores solutiores, & jocis salibusque conditi: in quibus magno opus est dele&tu, videndumque ne sint frigidi, multo minus obscoeni: quod jure in Plauto reprehendit Horatius:

*At nostri proavi Plautinos & numeros, &
Laudavere sales, nimium patienter utrumque,
Ne dicam stulte, mirati; si modo ego, & vos
Scimus in urbanum lerido seponere dicto.*

5. Sententiae rariores; ac vix aliæ, quam pertinentes ad vitam quotidianam, & in frequentiori usu positæ, ut sunt trita, ac vulgaria proverbia. 6. Dictione apta rebus, adeoque non grandis, ut in Tragœdia; sed contra humilis, suavis, & mediocri ornatu contenta. Quamvis possit aliquando aliud assurgere; cum graviores affectus sunt exprimendi, ut ait Horatius:

*Interdum tamen & vocem Comœdia tollit;
Iratusque Chremes tumido delitigat ore.*

Adeoque metrum optimum erit, quod proxime accedit ad solutam orationem.

D. *Quid statuis circa Finem Comœdie?*

M. Vult Philosophus, Comœdiæ esse, ex ini-
micis amicos efficere; quod universe dictum esse oportet, ut cum pater filio reconciliatur, aut cum fraude aliqua, vel casu ex ipsa actionis natura exorto à se invicem disjuncti duo homines mutuo in gratiam redeunt. Sed istud est officium Comœdiæ potius quam Finis, qui in eo positus est, ut vitæ privatæ exemplum proponatur, ut inde mo-
res quisque suos corrigat.

Ex dictis colliges, à Tragœdia potissimum dif-
ferre Comœdiam. 1. Materia; Tragœdia res grandiores, Comœdia tractat humiliores. 2. Personis; in Tragœdia nobiles sunt, in Comœdia humiles, & obscuræ. 3. Dictione; grandior est in Tragœdia, vulgaris in Comœdia. 4. Exitus funestus esse solet in Tragœdia, in Comœdia felix est atque hilaris.

D. *Quid*

D. Quid si personæ illustres inducantur in scenam;
qua Fabulam Comicam peragant?

M. Non erit hæc Tragœdia, aut Comœdia, sed tertium Dramatis genus ortum ex utraque, quod appellabitur Tragicomœdia, cuius finis est semper lætus, personæ partim illustres, partim vulgares, res modo ludicræ, modo tristes. Amphitronem vocat Tragicomœdiam Plautus, ubi sic loquitur in Prologo Mercurius:

*Faciam ut commixta sit Tragicomœdia:
Nam me perpetuo facere, ut sit Comœdia,
Reges quo veniant, & Dii, non par arbitror.
Quid igitur? quoniam hic servus quoque partes habet,
Faciam proinde, ut dixi, Tragicomœdiam.*



INSTITUTIONUM POETICARUM

LIBER IV.

De reliquis Poematis.

M. POST Epicam , & Dramaticam poesin celebrantur multa minora poemata ; quorum alia sic à se invicem differunt , ut singula singulàs , easque maxime diversas constituant species , ut Elegia , Epigramma , Satyra , Ode , &c. alia vero cum sint ut plurimum in genere heroico , majorem habent inter se coniunctionem , ac velut affinitatem , quamquam ad Oden quoque referri possint , cum commode canantur ad lyram ; sunt hæc , Epithalamia , Genethliaca , Epicedia , Epinicia , Soterica , Protreptica , Parænetica , &c. De quibus omnibus breviter modo , pro dicendi instituto , disputabimus .

C A P U T P R I M U M.

De Elegia.

D. Quid est Elegia ?

M. Elegia propriè est funebris cantus , à fribili lugentium sono sic dicta , qui crebro à he ! he ! ingeminant .

D. Quæ est materia Elegia ?

M. Est propriè res funebris , & tristis ; unde Ovidius in mortem Tibulli canit :

Flebilis indignos Elegia solve capillos :

Ah ! nimis ex vero nunc tibi nomen erit.

Et 5. Tristium :

Flebilis ut noster status est , ita flebile carmen.

Factum est tamen deinde , ut non tantum res funebres ac tristes , sed res quoque lætæ , amores , vota , preces , gratulationes , & convicia elegiaco carmine scriberentur , ut videre est apud ipsum

ipsum Ovidium. De materia primisque Elegia
Auctòribus sic statuit Horatius:

Versibus impariter junctis querimonia primum,
Post etiam inclusa est voti sententia compas.
Quis tamen exiguo Elegos emiserit Auctor,
Grammatici certant, & adhuc sub judice sis
est.

D. Quæ est forma Elegia?

M. Forma Elegiæ, est ipsius constitutio, &
compositio, seu quædum eorum quæ canuntur ele-
giace, dispositio, de qua sic præcipi potest, ut
Poema illud tersum sit, lene, perspicuum, diætio
mollis, & æquabilis, morata, tenera, affectibus
plena, & delicata quadam suavitate condita.
Quamquam pro ratione rerum, quæ celebrantur,
magnifice etiam procedat Elegia: ut quæ apud
Propertium scripta est in Actiacam victoriam, &
alibi passim apud Auctores probatissimos.

C A P U T I I.

De Epigrammate.

D. Quid est Epigramma?

M. Si vocis etymon attendas, est inscriptio
quævis. Si definitionem quæras, dicitur breve
Poema, cum simplici cujuspam rei, vel personæ,
vel facti indicatione, aut aliquid ex propositis de-
ducens.

D. Quotuplicis generis est Epigramma?

M. Multiplicis, ut indicat definitio; aliud enim
simplex est, quod simplici rei, personæ, aut facti
indicatione continetur, ut sunt inscriptions de-
nariorum & statuarum, ut ista clypei:

Aeneas hæc de Danais victoribus. arma.

Alterum compositum dicitur, quod in ratione
ducenda, colligendaque, & quasi in argumentatio-
ne positum est.

D. Quæ est materia Epigrammatis?

M. Sunt res universæ, personæ, facta, quæ exor-
nari, reprehendi, fieri, probari possunt.

D. *Quæ sit ejus forma?*

M. Et ipsa ratio tractandi Epigrammatis, quod solet scribi carmine vel hexametro, vel elegiaco, vel phaleucio, vel jambico.

D. *Quis est finis?*

M. Est communis omni poesi, delectare docendo, seu laudet, seu vituperet Poeta, qui ab hoc fine non deber recedere.

D. *Quot sunt Epigrammatis dotes?*

M. Tres numerantur præcipuae: brevitas, perspicuitas, & acumen.

C A P U T III.

De Satyra.

D. *Quid est Satyra?*

M. Satyra videtur nomen ducere à Satyris, Diis petulcis, lascivis & dicacibus; qui inter actus Tragœdiarum, ac postea Comœdiarum indueti in Theatrum, non tantum sermone parum verecundo, libero, aculeato, vultu, ac corpore risum movebant; verum etiam cives improbos nominatim carpebant, unde Satyra aliquibus ad Poema dramaticum revocatur. Videtur etiam dicta Satyra, quasi Satura; quod varium complectatur argumenti genus. Quare definitur Satyra Poema joco: liberum, & acusatuum, ad reprehendendos, corrigendosque mores corruptos.

D. *Quæ est materia Satyra?*

M. Dici potest turpitudo risu digna, vel odio: exigit enim Satyrici Poetæ, inertes, parasitos, deformes, loquaces, ingratos, ambiciosos, prodigos, avaros, &c. Materiam Satyrae his duobus verbis definivit Juvenalis:

Quidquid agunt homines, votum, timor, ira, voluptas,

Gaudia, discursus, nostri farrago libelli.

D. *Quæ ost forma Satyra?*

M. Est ipsius constitutio, & compositio, in qua illinendæ sunt quibusdam suavitatibus objurgationes, ut æquiore animo excipientur: adeoque

ver-

versutum, sagax, callidum, disertum, acutum
ingénium requiritur. Amat Satyra crebras senten-
tias, acutas, & acres, puritatem, & élégantiam
in verbis, remissos, molioresque numeros, di-
ctionem submissam, quotidianæ locutioni similem:
unde Horatius, qui in Odis usque adeo numero
studuit, ut idcirco numerosus vocetur ab Ovidio,
idem tamen in Satyris numerum illum neglexit;
non quia aliter non posset, sed quia hunc ne-
glectum Satyris putaret convenire. Nullæ certæ
partes in hoc poemate assignantur: aliquando in-
sinuatio, sæpius abruptum, & incitatum princi-
pium adhibetur.

D. *Quid est finis Satyra?*

M. Est objurgando, & irridendo absterrere ho-
mines à vīnis, & ad virtutem incitare. Videndum
tamen, ut joci, ac sales satyrici careant obscenit-
ate: ne, dum animos vult purgare Poeta, ad mo-
rum turpitudinem invitet.

C A P U T I V.

De Poemate Lyrico.

D. *Quid est Poema Lyricum?*

M. *Q* Dictum est Poema Lyricum à Lyra, quæ
inter organa musica celebris est, adhibeturque ad
hujusmodi carmen concinendum. Quare vocatur
etiam illud Poema Ode, & Melos, id est cantus,
unde Poetæ Lyrici, & Melici.

D. *Quæ est materia Poematis Lyrici?*

M. Longè, latèque patet hæc materia: continet
enim laudes Deorum, & hominum, vota, preces,
exhortationes ad virtutem capessendam, ad vitia
rugienda, deplorationes calamitatum, desideria,
conquestiones: fontium, montium, villarum, alio-
rumque locorum amœnorum laudes, & descrip-
tiones: deliberationes item, & invitationes, aliqua
innumera, quæ brevi poemate concludi possunt,
comprehendit. Nam ut docet Horatius:

*Musa dedit fidibus Divos, puerisque Deorum,
Et pugilem victorem, & equum certamine priuatum,
Et juvenum curas, & libera vina referre.*

D. *Qua est forma Poematis Lyrici?*

M. Est ipsa compositio, seu ratio scribendi illius Poematis; ubi notandum est, quod est Epopœjæ gravitas; Tragœdiæ vehementior affectus; Comœdiæ jocus; Elegiæ mollities; Satyræ acerbitas; Epigrammati acumen, idem esse Poemati Lyrico suavitatem. Quare debent adhiberi verba florida, polita, non sine majestate induci sententiæ, vitari litterarum collisiones duriiores; aliaque observari, quæ diximus facere ad suavitatem Narrationis Epicæ, & ad dores dictionis poeticæ.

D. *Quot sunt versuum genera in Odis?*

M. Sunt sane quamplurima: quæ suas ducunt appellationes vel ab Auctoribus, ut Alciaci ab Alcæo, Sapphici à Sappho, Asclepiadei ab Asclepiade, &c. vel à metris, quibus constant, ut Trochiac à Trochæo, Dactylici à Dactylo, Anapæstici ab Anapæsto; &c. sed illorum metrorum leges à Grammaticis petendæ sunt.

D. *Quid est Strophe, Antistrophe, & Eodus?*

M. Ode dividetur in Strophen, Antistrophen & Eodum. Strophe erat pars illa Odæ, quam Chorus in lustranda ara in Deorum laudem modulabatur, progrediendo ab oriente in occidentem. Antistrophe vocabatur, cum Chorus révertebatur canendo ab occidente in orientem. Eodus fiebat, cum in medio consistebat Chorus, & quod supererat carminis, persolvebat. Verum jam nomine Eodii intelligitur illud genus carminis, in quo singulis versibus singulæ clausulæ subjiciuntur; & venti accipiuntur, idque fere alio genere carminis, & plerumque breviori; cuiusmodi sunt pleraque apud Horatium in libro Eodon, jambico dimetro post Heroicum, aut trimetrum jambicum statim succedente.

D. *Quid est Ode distrophos, tristrophos & tetrastrophos?*

M. Ode dicitur distrophos, quæ plutes habet strophes, seu clausulas, quarum singulæ continent duo carmina: quæ clausulæ strophæ dicuntur, quod post duos versus ad duos alias reverti oporteat, ut in hac oda Horatii; v. g.

Sic te Diva potens Cypri,

Sic frater Helena, lucida sidera.

Post

Post hæc duo carmina, eodem modo duo alie succedunt:

Ventorumque regat pater,

Obstrictis aliis, præter Fapyga;

& sic deinceps ad finem Odæ. Ita dicitur illa Ode tristrophos, quæ continet plures strophas, sive conversiones, quare singulæ habent tria carmina; & tetrastrophos, cuius singulæ strophæ quatuor includunt versus.

D. *Quid est Ode monocolos, dicolos, & tricolos?*

M. Ode dicitur monocolos, seu uniformis, quæ unius ejusdemque generis habet carmina, talis est prima Ode Horatii:

Mæcenas atavis edite Regibus.

O & præsidium, & dulce decus meum, &c. cuius omnia carmina sunt asclepiadica. Dicitur dicolos, quæ habet strophas, quarum carmina sunt duplicitis generis; tricolos, cuius strophæ contineant carmina triplicis generis.

C A P U T V.

De Hymno, Parodia, & Carmine Intercalari.

D. *Quid est Hymnus?*

M. *H* Est Ode ad Dei laudes virorumque illustrium celebrandas instituta.

D. *Quid est Parodia?*

M. Est imitatio versuum, ubi sententia tamē ad contrarium sensum detorquetur. Istud genus carminis frequentavit in primis Joannes Baptista Masculus, profanos sensus ad religiosa fere argumenta convertens. Sarbievius item Odas Horatii aliquot improbas ad pietatem traduxit per parodiam.

D. *Quod est Carmen Intercalare?*

M. Intercalare carmen, quod & Regium dicitur, est illud, in quo post aliquod versum intervallum, idem semper recurrit, ut apud Virgilium in Eclogis ille versus saepius usurpatum:

Icipe Mænalis tecum, mea tibia, versus.

& ille deinde:

*Ducite ab urbe domum, mea carmina, ducite
Daphnem.*

C A P U T V I.

De Eclogis, Silvis, & Diris.

D. *Quid est Ecloga?*

M. *E*cloga, quæ & Bucolicum Carmen à Bubulco, & Pastoricum à Pastore dicitur, est imitatione rusticarum actionum stilo mediocri, & suavi, vel per meram enuntiationem, vel per dramaticam personarum effectionem. Eclogæ vocantur à delectu, & concinnitate sermonis; (a) enim græce est seligere latine. Cùm autem Bucolicum Carmen initio inconditum esset, ut plurimum puriora quædam, eleganteraque seligebantur: unde huic generi carminum indita est appellatio.

D. *Quæ sunt leges hujus Poematis?*

M. Tractantur in eo vota, gratulationes, altercationes, pollicitationes, conquestiones, gaudia: sed videadum, ut omnia agrum redoleant. Dicendi character debet esse humiles, frequentes adhibendæ comparationes ex agris deductæ, jucundæ item descriptiones inserendæ. Hexametrum carmen adhibendum, modo ne adsit granditas, neve longiore ambitu circumducatur. Duce habes in hoc genere poeseos, ut in heroico, Virgilium, qui quanto sublimios videtur in Æneide, tanto se submissius de industria deprimit in Bucolicis.

D. *Quid vocas Silvas?*

M. Sunt Carmina subito calore effusa; neque anxia cura castigata. Silvæ dicuntur, quod oblatam quasi temere materiam ex tempore, & stilo veloci percurrat & tractet Poeta, dum calor menti insidet. Statius certe initio suarum silvarum libellos, qui subito calore, & quadam festinandi voluptate sibi fluxerunt, silvas vocat, additque illa Poemata solum habere gratiam celeritatis.

D. *Quid intelligis per Diras?*

M. Diræ sunt quoddam Carminis genus, quo quidquid furori, imprecationum, querelarum, con-

vi-

(a) εκλεγυν.

victorum in mentem venit, effundit Poeta. Sic Dido Aeneam apud Virgilum: Medea Jasonem apud Senecam diris persequuntur.

Expeditis, de quibus libri hujus initio, variis carminum generibus; illud unum superest, ut de Poematibus, quae ad heroicam poesin commode revocantur, quamvis ad lyram quoque venuste cani possint, breviter disseramus: sunt haec Epithalamia, Genethliaca, Epicedia, &c.

C A P U T VII.

De Epithalamio, Genethliaco, Epicedio.

D. Quid est Epithalamium?

M. Est Poema pro nuptiali pompa conscriptum, sic dictum à vocibus nuptiale cubiculum.

D. Quomodo conficiendum est illud Poema?

M. Laudes conjugum celebrandæ, faustum augurium capiendum, fructus illarum nuptiarum praedicandus, vora concipienda pro connubii felicitate, &c futura prole. Consulte Poetas, qui scripsere Epithalamia, Catulum, Statum, Claudianum, &c.

D. Quid est Genethliacum?

M. Est Carmen, quos nascentibus accinitur: unde Genethliacon natale carmen.

D. Quomodo scribendum est hujusmodi Carmen?

M. Parentum virtutes celebrantur, spes de pueris excitantur, variae loci, ac temporis notantur circumstantiae.

D. Quid est Epicedium?

M. Est Carmen funebre, quæ Nenia Romanis, Græcis Epicedium dicitur cura, quæ mortuis præcipue debet impendi.

D. Quæ sunt leges Epicedii?

M. Narrantur demortui laudes, pompa funebris describitur, conditur Epitaphium, Poeta denique apprecatur æternitatem.

C A P U T VIII.

De Epinicio, Eucharistico, Propemptico.

D. *Quid est Epinicio?*

M. Est Carmen pro reportata victoria conscriptum, sic dictum à *victoria*. A variis circumstantiis loci, temporis, hostium multitudinis &c. celebranda est *victoria*; observanda tradita posteris imperatoriæ prudentiæ, & fortitudinis monumenta; exponendum qui fructus ex *victoria* consequantur; vota precesque pro patriæ, *Victorisquæ incolumitate* fundendæ. Habes passim apud *Auctores* exempla, quæ in hoc gente Carminis imiteris.

D. *Quid est Eucharisticum?*

M. Est Poema, quo gratias alicui agimus ob præstatum beneficium, sic dictum à *gratias agere*: debet eo in carmine prædicari acceptum beneficium, dantis humanitas, & beneficentia extolli; accipientis necessitas non debet omitti, item missenda vota in gratiam dantis.

Hujus Carminis passim exempla suppetunt apud *Auctores*.

D. *Quid est Propempticon?*

M. Propempticon à *deduco*, est Carmen in gratiam aliquo abeuntium scriptum: in quo vota concipiuntur eorum caussa, vel ad avertendum malum aliquod, vel ad bonum aliquod, ac præcipue fortunatum iter apprecandum. Talis est Ode Horatii (a) in gratiam Virgilii Athenas navigaturi, quæ sic habet:

Sic te Diva potens Cypri,
Sic fratres Helenæ, lucida sidera.

Ventorumque regat pater,

Obstrictis aliis, præter Japyga,
Navis quæ tibi creditum
Debes Virgilium, finibus Atticis
Reddas incolumem, precor,
Ut serves animæ dimidium meæ.

Egre-

(a) *Lib. I. Od. 3.*

Egregia habet Vallius (a) hujus generis Poemata; quibus amicos, atque unum in primis sub Amynthæ persona in Indiam profaciscente prosequitur, quæ tu consule.

C A P U T I X.

De Carmine Soterico, Protreptico,
& Parænetico.

D. Quid est Sotericum Carmen?

M. Est carmen pro salute recepta, & vitato gravi aliquo periculo: dicitur sotericum, quod *soteria* græce *salutem* sonet latine; in eo debet expendi periculi magnitudo, in eo subeundo fortitudo, in vitando sollertia, vel felicitas, bona ex vitato exorta celebrari. Habes absolutissima hujus Carminis exempla apud Frizonium in quattuor Odis, quas ad Franciam, ad Christianissimum Regem, Augustissimam Reginam Matrem, post recuperatam Regis sanitatem inscripsit, quarum prima si, incipit:

*Pæano ovantes junge lyre modos
Et Martiales, Francia, laureas:
Defuncta fatali periclo,
Magnifici rea surge voti, &c.*

D. Quid est Carmen Protrepticum?

M. Idem est atque Adhortatorium Carmen à verbo *adhortor*, cum scilicet alios ad aliquid suscipiendum impellimus. Nihil est usitatius ejusmodi Carmine apud Poetas. Formam habet illius exquisitam Frizonius in Sacra expeditione ad Principes Christianos:

*Surgite magnanimi Proceres, quos aethere ab alto
Increpue sacrum spirantia classica Martem, &c.*

Quæ Carmina, si qua alia, vim habent ad promovendos animos, ducitur enim adhortatio ab Ottomanici hostis ferocitate & successu funeste felici, ab amplitudine regionum ab eo devastatum, ab Solymææ urbis sanctitate ab eo tam fœda

(a) Her. lib. 3.

servitute oppressæ, à futuræ victoriæ certis conjecturis &c.

D. Quid est Carmen Pareneticum?

M. Est Monitorium Carmen, ab admonso, sic dictum in quo præcepta sapientiæ continentur. Sic Poeta pro suo officio alios monet, v. g. ne se periculis temere objiciant, ne majora viribus suscipiant, ne quid aliud aggrediantur, cuius ipsos postea pœnitere possit. Habet ejusmodi Carmina passim apud Poetas tum veteres, tum recentiores, ac proinde nihil opus est, festinanti præsertim, exempla proferre.

INSTITUTIONUM POETICARUM LIBER QUINTUS.

*Exempla varia, & Observationes ad Ar-
tem Poeticam spectantes, complectens.*

CAPUT PRIMUM.

*Poetarum Latinorum præstantiorum nomina, etas,
stilus.*

CUM Poesis lectione summorum Poetarum & imitatione potissimum comparetur, juvat cognoscere, quinam Poetæ frequentius & accuratius legendi, quinam obiter & strictum volvendi, aut etiam omnino præterundi sint. Id ex indice, quem subjicio patebit.

MARCUS ACCIUS PLAUTUS, natione Umbri, patria Sarsinas, obiit anno Urbis conditæ quingentesimo-septuagesimo, qui fuit mundi tertiillesimus octingentesimus septuagesimus. Non temerè legendus est, propter nequitias, & impuros amores, atque adeo propter sales invenustos, quibus scatent ejus **Comœdiæ**.

PUBLIUS TERENTIUS, auctor est Latinitatis tersissimæ; non legatur tamen, nisi repurgatus. Ortus est Carchagine, in Africa, anno U. C. 560. In pingendis hominum moribus; & arte coagmendæ fabulæ, ceteros vincit **Comicos**.

TITUS LUCRETIUS CARUS insignis est ob Latinum sermonem, & sententiarum gravitatem: versus habet paullo horridiores, interdum jobsceanos & impios. Scripsit Physica. Romæ natus est, anno ejusdem Urbis 658.

CAJUS VALERIUS CATULLUS, Veronensis, novem post Lucretium annis ortus, scripsit **Odas**,

Odas, Elegias, Epigrammata, &c. Sermo bene Latinus est: versus aliquando duriores, s^æpe obsceni.

PUBLIUM VIRGILIUM annus U. C. 684. edit^t, futurum olim principem Latinæ poeseos: patria tanti viri, Andes vicus prope Mantuam.

QUINCTUS HORATIUS FLACCUS qui inque post Virgilium annis editus Venusii, in Apulia, omnia ingeniōse, splendide & luculentiter scripsit, non pauca tanten habet & clementia, & inquinandis moribus, nisi delectus habeatur, opportuna.

ALBIUS TIBULLUS, & SEXTUS AURELIUS PROPERTIUS., nati sunt circa annum U. C. 710. hic in Umbria, ille Romæ, uterque poeta melior, quam castior, atque idcirco ablegandus à puerorum Scholis, nisi quis forte locus bene repurgatus excerpatur.

PUBLICIUS OVIDIUS NASO patriam habuit Salmonem, urbem Pelignorum in Italia, anno U. C. 511. amoenus vates, copiosus, ingeniosus, & illaborata facilitate gratus; utinam æque castus, & modestus, quamobrem periculose legitur, non solum in his libris, ubi nequitiam aperte profiteatur, sed in Metamorphosis, epistolis, &c. Tristia & libri de Ponto minus habent periculi.

MANILIUS, incertum quo anno natus, recte in extrema Augusti tempora rejicitur, cui suum opus videtur dedicare. Scripsit Astronomica, versatus satis concinne, ac faciliter in argumento perse horrido, & intentato.

PHÆDRUS, origine **THRAX**, libertus Augusti, floruit sub Tiberio. L^{ucet} in eo nativus quidam latini sermonis lepos, aureo Augusti saeculo dignissimus. Vide quæ de illo, & aliis nonnullis Poetis scripsit P. Franc. Vavassor, S. J. in suo de L^{udrica} Dictione libro. Multa quoque de Poetis dissērit eruditus Possévinus noster in sua Biblioteca parte 2. lib. 7. Addi solent ad Phæd i calcem Avieni fabulæ. Is Theodosio Seniore imperante vixit, hoc est, annis post Phædrum circiter 350. Ejus latinitas immane quantum à Phædri nitore dispergit.

SENECA, patria Cordubensis, Lucii Annæi Senecæ Philosophi, ut multis placet, filius, vixit Ne-

Neronis ævo. Artem Tragicam ignorat. Ampullata sunt ejus *Carmina*, plerumque tamen plena spiritus & ardoris; latinitas non ignobilis; in sententiis & orationibus, quas auctoribus suis & heroibus affingit, modum vix tenet; multo præstantior futurus, si temperare ingenio suo, quam indulgere maluisset.

MARCUS ANNÆUS LUCANUS, Senecæ Philosophi fratri filius, patria item Cordubensis, Historiam civilis Belli Cæsarem inter & Pompejum versu scripsit elato, & sæpe turgido, non-nunquam acri & ingeniōso. Cur illi Poetæ nomen abrogent erudit, & oratoribus, vel historicis annumerandum censeant, intelligitur ex iis, quæ de poesi diximus. Non enim poematis sui materiam quasi facit, & rerum variarum inventione, ac mutatione illustrat, sed acceptam ab Historia ornate prosequitur. Multos fallit ambitiosus ille sentiarum tumor, & argutiarum fucus, ad pom-pam potius, & fastum, quam ad veritatem comparatus.

PETRONIUS ARBITER, civis Romanus prædives, Neronis familiaris, ejus flagitia descripsit, versibus impurissimis, & argumento convenientibus, uterque dignus oblivione, & execratione.

C. PERSIUS FLACCUS, Volgaterranus, eodem Neronis tempore Satyras scripsit, sed multo conditas sale; tuto legi, pauca si demas, possunt.

SILIUS ITALICUS, ab Italica; Bæticæ Hispaniae urbe, sic appellatur, ultimo Neronis anno consulatum gessit, iterumque sub Domitiano Poema composuit de secundo Bello Punico. Virgilium cuius cultor insignis erat, imitari studuit ac sequi, at multum abest, quin assequatur.

P. PAPINIUS STATIUS, Neapoli, ut verius creditur, oriundus, sub Nerone & Domitiano scripsit *Silvas*, *Thebaidem*, & *Achilleidem*, stilo sæpe confragoso, & obscuro. Ejus *Silvæ* sunt amœniores, & cultiores.

C. VALERIUS FLACCUS, Setinus, edidit libros octo Argonauticon, quos Vespasiano dedicavit. Statio purior & melior est.

MAR -

MARCUS VALERIUS MARTIALIS, Bilitanus, Romæ annis quinque & triginta vixit, usque ad Trajani tempora, cum in Hispaniam suam rediit: mores & ingenium perpolire potest: ejus letio, si obscoena deleas epigrammata.

DECIVS JUNIUS JUVENALIS, Aquinas, Poeta doctus, & eloquens, majestatem, & aculeos, interdum declamatorios, habet: minus Horatio politus ac pressus, Persio uberior est. Cave illum, nisi expurgatum legas.

¶ *CLAUDIANUS* fuisse Alexandrinus fertur, sub Theodosio magno, ejusque liberis claruit, à quibus ei statua in Romano Foro posita. Poeticos spiritus ingentes & meliores sæculo dignos habet, ac, si tumoris non nihil detrahias, vix ulli Poetarum Latinorum, præsertim in iis, quæ postremo loco scripsit, secundus est.

AURELIUS PRUDENTIUS, sub eodem Theodosio, in rebus Christianam fere pietatem & religionem spectantibus operam posuit, barbaros, licet ingenioso, & eruditio carmine.

Qui nœstoriani judicium de Poetis Latinis habes libro ejus institutionum X.

C A P U T I I.

De Stilo Poetico.

STILUS vocatur propria quædam dicendi, seu scribendi forma. Sunt enim qui breviter & strictim loquuntur, & scribunt; sunt qui fundunt latius orationem solutam perinde, ac vivat: alii magnifice & splendide, alii nitide ac parce amant scribere. In quo suam quisque indolem fere sequitur. Hinc stili tanta varietas, præsertim in Poetis, qui genio plusculum indulgere solent. Oritur etiam illa è variis carminum generibus. Alius enim stilus convenit Epopœiæ, & versui Heroico: alias Tragico, & Comico; alias Lyrico; suus est Epigrammati, suus Elegiæ, suus Dithyrambo, &c. Quis autem singulorum istorum sit proprius, aliunde cognosci melius nequit, quam in Poetis ipsi le-

legendis. Caput est legere optimos in unoquoque genere : exempli caussa Virgilium in Heroico Poemate , quem recentiores quidam egregie sunt imitati , ut Sannazarius , Bembus , Heinsius , & alii ; quorum carmina extant collecta in libello , cuius titulus est , *Deliciae Heroicae Poeseos* ; item Jacobus Wallius , Carolus Ruæus ; & in Elegiaco , Ovidius , Sidonius , Hoschius , &c. in Comico Terentius ; in Tragico , Seneca , Petavius , Malapertinus , &c. in Lyrico Horatius , Sarbievius , Jovius , &c. in Epigrammate , Martialis ; in Silvis Statius , &c. Consule Quintillianum , libro præsertim 12. cap. 10. ubi de stilo , ejusque diversis formis agit : & Patr. Nicolaum Caussianum in suis divinæ & humanæ eloquentiæ Parallelis Lib. XI. Sed præcepta haud multum juvant : optimum stylum consequeris , si multum & attente legeris & diligenter scripseris.

C A P U T I I I .

De variis Versuum generibus.

PRæter usitatos Versus , Hexametrum , Pentametrum , & Jambicum , qui nihil , aut parum difficultatis habent , alii quidam sunt reconditiones , partim à Comicis , partim à Lyricis vatibus usurpati : de utrisque pauca observabimus.

S. I. De Versibus Comicis.

CUM Poesis ad delectationem maximè compara rata sit , uti versibus debet , quæ est oratio omnium suavissima. Tragici utuntur Jambicis perfectis , iis nempe , qui in pedibus paribus Jambos habent , nempe in 2. 4. & 6. in imparibus vero Spondæos , vel Anapæstos , Daætylos , aut Jambos , quia omnes isti pedes plus habent gravitas & dignitatis. Comici utuntur Jambicis imperfectis , idque satis habent , si in fine pes Jambos ; in aliis locis adhibent promiscue Jambos , Spondæos , Daætylos , Tribachos , Anapæstos , qui

qui locum habent in Jambicis perfectis. Præterea utuntur Amphimacro seu Cretico, qui constat duabus extremis syllabis longis, & media brevi, ut *Pamphilum*, ambiunt. Interdum Proceleusmatico, sive duobus Pyrrichiis, hoc est quattuor brevibus, quia quattuor breves respondent duabus longis, è quibus constat *Spondæus*; qui locus est in Jambico versu. Exemplum Proceleusmatici habes in *Andria A. I. Sc. sub finem.*

Mala mens-malus ani-mus, quem-quidem ego si sensero.

in hac enim scena sunt omnes Senarii, sive Trimetri. Itaque in secundo pede est Procelus maticus.

Item in eadem *Andria*, A&t. 3. Sc. in primo pede.

Tibi generam firmum, & filia invenies virum.

Ucuntur etiam Comici versibus Jambicis dimetris, id est, qui quattuor tantum pedes habeant: nam antiqui vocabant duos pedes; unam mensuram: interdum Tetrametris, id est, qui habeant quattuor mensuras, sive qui constent octo pedibus: unde octonarii, & quadrati appellantur.

Interdum totis quattuor, aut sex, aut octo pedibus non constat illorum versus, sed deest aliquando una syllaba in principio, aut in fine; & ii versus vocantur Catalecti, sive desinentes, penduli & semimutili; ut *Musa Jovem cane-bant*, est dimeter Catalectus, deest enim ultima syllaba; item, *Non-ebur neque au-reum*, deest enim prima syllaba. Observandum hic tantum est, eum pedem, qui proximus est syllabæ reliæ, & pendentí, Jambum esse oportere.

Aliquando deest unus pes, iique versus vocantur Brachycatalecti, sive mutili, ut

Musa Jovis-nata,

est dimeter Brachycatalectus, deest quippe pes quartus. Hoc idem in Tetrametris contingit: v.g. in illo:

Vos precor-vul-gus-silen-tum, vos-que fera-les-Deos,

deest prima syllaba. Quid si metiaris aliter, ac velis deesse syllabam in fine potius quam in prin-
ci-

epio , facies Trochaicum versum , qui nempe Trochæum pedem pro Jambo , iisdem locis atque Jambicus , ponit.

Vos pre-cor vul-gus si-lentum-vosque-ferales

Deo-si

Sic in Adelphis , A&t. 3. Sc. 2.

*Cete-res rue-rem , agerem , -raperem ; -tun-
derem & -prosterne-rem.*

Dividi etiam aliter potest prior versus ; si ponatur amphimacer in principio.

Vos precor-vulgus-silen-tum , &c.

Et tunc deerit ultimus pes , eritque Tetrameter Brachycatalecticus . Quemadmodum illi versus Andriæ , a&t. 4. Sc. 1. qui Muretum , Scaligerum , Erasmus , &c ceteram eruditorum familiam adotorserunt , dici commode possunt Trimetri Brachycatalepticæ . Sic eos metire :

Hoccine credibi-le est aut-memorabi-le.

Tanta ve-cordia in-nata cui-quam ut-fiet.

Facessant enim ii , qui ut suum quemdam , quem sibi fingunt ipsi , numerum inveniant , tollunt , mutant , vellicant , miseros versus , irato Terentio , &c veteribus fibris reclamantibus .

In quibusdam , sive Dimetris , sive Trimetris abundat syllaba una , vel pes unus , vocanturque Hypercatalecticæ , sive Hypermetri , qui nempe habent aliquid supra communem mensuram . Ita longior est iste una syllaba :

Muse-sorores sunt Minerva.

Ad inveniendum quoque numerum Comicorum versuum , juvabit observare quæ sequuntur .

i. Sæpissime litteram S , elidi , ita ut legendum sit magi , pro magis , sati , pro satis &c. Sexcenta sunt exempla , immò interdum ex crito S , vocalis præcedens eliditur . Sic in Andria :

*Bonum ingenium narras-adole-scentis , opti-
mum.*

ita ut *scentis op* , Spondæus sit *scent' op* ; nisi malis amphimacrum ponere . In eadem Andria :

Semper enim dicta est ejus atque habita est soror .

Quo

Quo in versu voces, est ej³ at, sunt tres longæ:
Item:

Sed quid opus est verbis?

Sed quid op' est verbis?

2. Voces quasdam dissyllabas in unam syllabam concrescere; v. gr. *fuit*, *fiet*, *puer*, *rei*, *eho*, *mews*, *inus*, *suus*, *suo*, *Deus*, &c. Sic metire versum Andriæ, Scena I. act. i.

Liberi us vi-vendi, fuit-potes-tas, nam antea.

Nonnulli volunt esse Amphimacrum in voce *liberius*, in qua duæ syllabæ coeant in unam, quasi si esset *Librius*; alii *Dactylum*, si expungatur *S. Libriu*. Sic illum ejusdem *Comœdiæ*, qui est in act. 4. Sc. 1.

ut malis gaudeat a-lienis, aequa ex-incom-modis.
in gaudeat, duæ ultimæ syllabæ in unam brevem coalescunt, quasi *gaudeat* legeretur, in *alienis* duæ mediæ concrescunt in unam longam. Sic verba *quiesci*, *melius*, *potius*, pro dissyllabis ponuntur; *grandiuscula*, pro trisyllabo: ita Virgilius vocem *stellio* dissyllabam posuit. Horadius *putuita* trisyllabam. Contra vero voces quædam monosyllabæ in duas syllabas porriguntur: ut *jam*, quasi esset *j-am*.

3. Sæpe vocales non elidi, cum in sequenti voce occurrunt aliis, neque litteram M.

4. Voces *illum*, *illam*, *eccum*, *eccam*, &c. aliquando primam habere brevem, quia olim unica littera L, & C, scribebantur, i *lum*, e *cum*.

5. M, & R. in media dictione interdum elidi. Sic in Andria, act. i. Sc. 3.

Enimvero, Dave, nihil loci est segnitiei, &c.
Primus pes anapæstus est. Littera vero M. in fine interdum eliditur ante consonantem. Andria, act. 3. Sc. 2.

Certe eni-m scio non-satis me pernosti, &c. ubi primus pes dactylus, *Cert' eni*.

6. Vocales quasdam corripi, quæ non eliduntur: v. gr. in Andria, act. 4. Sc. 4.

Reliquit me homo atqu' ab-iit.
ubi me breve est, quia non eliditur more Græco.
Et Sc. 6.

Quæ

Quæ se in-hones-te optavit, &c.

Voces illæ, quæ se in... dactylum efficiunt.

Nonnulli, ut hiatum hunc effugiant, addi volunt, Plautino more, litteram D. Reliquit med' homo.

7. Nota, *echo, hem*, & alias quasdam id genus interjectiones, extra metrum aliquando censendas, neque cum metiri voles versum, annumerandas aliis vocibus.

§. II. De versibus Lyricis.

Lyricorum vatum Poemata vocantur Odæ, quæ vox Græca significat cantilenam, quia Odæ ad Lyram, sive citharam vulgo canebantur. Odæ istæ proptium quoddam carminis genus habent: immò constat aliquando è tribus plane diversis. Ab inventoribus vulgo nomen sortiuntur. Sic Ode Alcaica dicitur, cuius auctor Alcæus, Poeta Græcus; Sapphica, quam invenit Sappho, &c. singula Odarum, &c versuum, è quibus componuntur, genera breviter percurro.

Primum genus Odarum est earum, quibus sunt omnes versus Choriambici Asclepiadei Tetrametri: qualis est apud Horatium Od. Lib. I. *Mæcenas atavis, &c.* Vocantur Choriambici, quia in illis præcipuum locum obtinet pes Choriambus, qui componitur ex Choræo, sive Trochæo, & Jambo, id est, longa & brevi, & longa. Asclepiadei vocantur ab auctore: inventus enim fertur iste versus à quodam Asclepiade. Tetrametri denique, quia pedes 4. habent, quorum 1. est Spondæus, 2. & 3. Choriambus, 4. Pyrrichius, constans è duobus brev.

Mæce-nas ata-vis-edite Re-gibus.

Potest etiam aliter idem versus dividi, si nempè interponatur cæsura in medio.

Mæce-nas ata-vis edite-Re-gibus.

Porro cum Ode unius generis versibus ita constat, vocatur Monocolos: quæ vox Græca significat, esse partes omnes unius formæ ac speciei. Quando duplicitis generis sunt versus in Ode, vocatur illa Dicilos: quando triplicis, Tricilos: quadruplicis, Tetracolos, &c.

Rur-

Rursum, quando versus iidem & ejusdem generis recurrent; si alternis, id est, si post alterum quemque versum, vocatur **Ode Distrophos** (quæ vox Græca id significat); si post tertium quemque versum, **Tristrophos**; si post quartum, **Tetrastrrophos**: quia ille ordo versuum, qui identidem revertitur, **Græcis est Strophe**.

Denique si pes nullus, nulla syllaba desit, aut abundet, versus vocatur **A catalectic tus**; si desit una syllaba, vocatur **Catalectic tus**; si pes totus desit, **Brachycatalectic tus**: si abundet unus pes, **Hypercatalectic tus**, vel **Hypermeter**.

II. Genus Odarum, est earum, in quibus primi quique tres versus sunt Hendecasyllabi (hoc est undecim syllabarum) Saphici (à Sapho inventi). **A catalekti**, sive quibus nihil deest; **Pentametri**, sive quinque pedibus constantes, quorum 1. est **Trochæus**, 2. **Spondæus**, 3. **Dactylus**, 4. & 5. **Trochæi**. Quartus autem quisque versus est **Adonius** (ab Adone inventus) **Dimeter**, hoc est, duobus constans pedibus, nempe **Dactylo-Spondæo**. Talis est Ode 2. lib. 1. apud eundem Horatium.

Jam sa-tis ter-ris nivis-atque-dire.

Similes sunt duo sequentes quartus;
Terruit orbem.

Tota Ode est Dicolas Tetrastrrophos.

III. Genus, Ode Dicolas **Distrophos**, in qua primus quisque versus est **Choriambicus Glyconius** (ab Glycone inventore) **A catalectic tus**, **Trimeter**, id est, pedes ternos habens: quorum 1. est **Spondæus**, 2. **Choriambus**, 3. **Pyrrichius**. Secundus vero quisque versus est **A clepiadæus**, de quo dictum est in 1. genere Odarum. Talis est Ode 3. Lib. 1.

Sic te Diva-potens-Cipri,
Sic fra-tres Helena lucida-sidera.

IV. Ode Dicolas Distrophos; in qua primus quisque versus est **Dactylicus**, **Archilochius**, **Heptameter**. **Dactylicus** dicitur, quia in eo maxime regnat pes **Dactylus**: **Archilochius**, quia inventus, & usurpatus ab Archiloco Poeta Græco Lyrico: **Heptameter**, quia septem constat pedibus, quorum

rum 4. primi sunt Da&styli, mixtis tamen ad arbitrium, ut in versu Heroico sit, Spondæis, tres postremi semper sunt Trochæi. Secundus vero quisque versus, Jambicus, Hexameter, Catale&tus constans sex pedibus, dempta una syllaba. Primus est Spondæus, vel Jambus. 2. Jambus, 3. Spondæus, 4. 5. & 6. Jambi. Talis est Oda 4. Lib. I.

Selvitur-acris hi-ems gra-ta vice-veris. &c. Fauoni.

Trahunt-que sic-cas machinæ cari-nas.

Secundus versus aliter explicari potest, nempe interposita in medio versu cæsura; & sic tres pedes ultimi erunt Trochæi.

Trahunt-que sic-cas machinæ cari-nas.

V. Ode Tricolos Tetrastrophos, in qua primi quique duo versus sunt Asclepiadei; qualis est in primo genere explicatus. Tertius autem quisque, Pherecratius, auctore Pherecrate sic dictus; Heroicus, quia videtur esse pars versus Heroici, seu Hexametri, Trimeter; quia tres pedes habet. Spondæum, Da&ctylum, Spondæum. Quartus quisque est Glyconius; de quo dictum in 3. genere. Talis est Ode 12. lib. I.

*O na vis refe-rent-in mare-te novi-
Fluctus: o quid a-gis? -fortiter, occupa-
Portum: -nonne vi-des, ut
Nudum-remigio latus.*

VI. Ode Dicolois Tetraphos. Primi quique tres versus sunt Asclepiadei; quartus Glyconius. Talis est Ode 5. lib. I.

Scriberis vario, &c.

VII. Dicolois Distrophos. Primus versus est Hexameter, secundus est Da&ctylicus Alcmanius, Tetrameter. Dicitur Da&ctylicus, quia frequentiores in eo sunt Da&styli; Alcmanius, quia inventus ab Alcmane, Græco poeta; Tetrameter, quia 4. habet pedes, nempe similes 4. ultimis versibus Heroicis Hexametris. Talis est Ode 6. lib. I.

3. *Lauda-bunt ali-i claram Rhodon-aue
Miti-lenem.*

Aut Ephe-sum, bimarisve Corinthi? &c.

VIII. Ode Dicolois Distrophos. Primus quisque ver-

versus est Aristophanius , Dimeter , constans è duobus pedibus , nempe Choriombo , & Bacchio. Pes autem Bacchius ita dicitur , quia in hymnis Bacchi sëpe adhibebatur : constat ex una brevi , & duabus longis . Talis est versus Odæ 7. lib. I.

Lydia dic-per omnes.

Aristophanius appellatur ab auctore illius Aristophane , poeta Comico , apud Græcos celeberrimo. Secundus quisque versus est Alcaicus , (ab Alcæo inventus) Tetrometer , quia 4. pedes habet. Primus est Epitritus , 2. & 3. Choriambus , 4. Bacchius.

Te Deos - ora è Sibarim cur properes-amando.

Porro pes Epitritus ita vocatur , quæ supra tres syllabas , unum habet. Quadruplex est : 1. ex Jambo & Spondæo compositus , ut *voluptates* , 2. ex Trochæo , & Spondæo , ut *concitatas* , 3. è Spondæo & Jambo , ut *communicant* , 4. è Spondæo , & Trochæo , ut *expellare*. Potest hujus Odæ primus versus aliter dividi , nempe :

Lydia-dic per-omnes.

IX. Ode Alcaica Tricolos Tetrastrophi. Dicitur Alcaica , quia inventa fuit ab Alcæo , Lyrico poeta clarissimo. Primi quique duo versus sunt , Jambici Senarii Brachycatale&ti , qui appellari quoque possunt Dactylici Pentametri Catale&ti. Constant illi ex Jambo , vel Spondæo , deinde Jambo , postea Spondæo , tum Anapæsto , denique Jambo. Si aliter metiari , ac esse Dactylicos velis , constabunt ex Jambo , vel Spondæo , tum Jambo , cæsura , & duabus Dactylis. Talis est Od. 8. lib. I.

Vides-ut al-ta stet-nive can-didum.

Vides-ut al-ta-stet nive-candidum.

Tertius quisque versus est jambicus dimeter , sive 4. pedibus constans : (nam in versibus Jambicis , una mensura duos pedes comple&titu) hypercatele&titus , sive abundans una syllaba , post 4. pedes.

Silva-laborantes gelu-que.

Quartus quisque versus est Dactylicus Alcaicus , con-

constans pedibus quattuor, duobus Dactylis, & duobus Trochaeis.

Flumina-constiterint a-cuto.

X. Ode Monocolos, in qua sunt omnes versua Choriambici Alcaici Pentametri, qui constant è Spondæo, tribus Choriambis, & Pyrrichio. Talis est Ode 10. lib. 1.

Tu ne-quæsieris-scire nefas- quem mihi , quem tibi.

Potest etiam dividi versus iste aliter, cæsuris interpositis.

Tu ne-quæsieris scire ne-fas- quem mihi , quem ti-bi.

XI. Ode Dicolas Distrophos, in qua primus quisque versus est jambicus dimeter Catalectus, constat enim 4. pedibus, sed una syllaba deest, nempe prima. Talis est Ode 15. lib. 2.

Non-ebur-neque aure-um.

Si velis pendulam, & abundantem syllabam in finem versus rejicere; facies ex jambico Trochaeum, &c sic metieris.

Non e-bur nequ-au-reum.

Secundus versus est jambicus trimeter Catalectus, constans 6. pedibus, dempta una syllaba.

Mea reni-det in-demo-lacu-nar.

XII. Ode Dicolas Distrophos: in qua primus quisque versus est Heroicus Hexameter, secundus q[uod] que est Dactylicus Dimeter Hipercatalectus, constans 2. Dactylis & syllaba. Talis est Ode 6. lib. 6.

*Diffu-gere ni-ves, redeunt jam gramina-campis
A-bori-busque co-me.*

XIII. Ode Dicolas Distrophos, in qua primus versus est jambicus trimeter, sive sex pedibus constans, secundus jambicus dimeter, duabus constans mensuris, sive pedibus 4. Ejus generis est Ode I. Epodon.

Ibis-Libur-nis in-ter al-ta na-vium.

ami-ce , pro-pu-gnacula.

Aliud quoddam genus est huic simile; in quo pro versu primo jambico, ponitur Heroicus Hexameter.

*Mollis i-nertia-eur tan-tam dif-fuderit-imis
oblivio-nem sen-sibus.*

XIV. Ode Dicolas Distrophos: in qua primus quisque versus est Heroicus Hexameter: secundus vero Archilochius Hexameter Hypercatale^{stus}, constans 4. Jambis, 2. Dactylis, & una syllaba. Talis est ode 10. Ep.

*Horrida-tempes-tas Calum con-traxit, & imbræ:
Nives-que de-ducunt-jovem:
Nunc mare-nunc sil-va.*

Quidam hanc Odem faciunt Tricolon Tristrophon & secundum versum in duos secant: quorum primus est jambicus Dimeter.

Nives-que de-ducunt-jovem.

Alter est Dactylicus Archilochius, de quo dictum in duodecimo genere.

Nunc mare nunc sil-va.

Hic affine est generi aliud, in quo Dactylicus Archilochius præponitur jambico dimetro: & in primo loco, pro Heroico Hexametro, ponitur jambicus Trimeter.

*Peti, nihil me si-cut ant-ea, juvat-scribere-ver-
si-culos,*

amo re per-culsum-gravi.

In quo genere, quidam duos illos versus in unum constant hoc modo.

Scribere-versicu-los amo-re per culsum.gravi.

XV. Ode Dicolas Distrophos: cuius primus quisque versus est Heroicus: secundus vero jambicus. Talis est Od. II. lib. Epod.

*A'tera-jam teri-tur bel-lis ci-vilibus-etas;
Suis-et ip-sa Ro-ma vi-ribus-ruit.*

Ultimum genus est earum, in quibus sunt omnes versus jambici Trimetri. Talis est Ode 17. lib. Epod. *Jam jam efficaci, &c.*

§. III. De aliis quibusdam usitatorum versuum generibus. Ex lib. IV. Prosodiæ Bononiensis Joan. Baptista Riccioli.

*A*Napasticum Archilechium carmen est constans quattuor pedibus, quorum quilibet potest esse Anapæstus aut Spondæus: primus vero & tertius etiam daëtylus. Sit exemplum ex Seneca in Herc. fur. ch. 1.

*Turbine magno spes sollicita
Urbibus errant, trepidique metus.
Ille superbos aditus Regum
Durasque fores expers somni
Collit, ac nullo fine beatus
Componet opes, gazis inhians,
Et cōgesto pauper in auro est.*

Qui quidem Seneca admisit secundo loco, sed raro, tribrachum & daëtylum, & in illo Medeæ verso 311. in fine daëtylum sic:

Non erat usus. Nondum Plejadas.

Idem in choro ejusdem Medeæ separatum Adoniu[m] subjecit.

De Glyconio dictum est supra. Constat spondæo & daëtylis duobus. At Seneca Choro 4. Oedipi tricies ponit choreum primo loco: quod & saepè fecit Catullus: rarius vero Horatius, ut in illo: *Ignis Iliacas domos.* Immo Seneca aliquando 3. loco posuit spondæum.

Anacreonticum constat tribus jambis & syllabæ: recipit tamen primo loco spondæum ac anapestum, & raro tribrachum. Utitur hoc Theocritus Idyll. 29. Anacreon vero saepissime: ex quo illud latinitate donatum accipe:

*O ter quaterque felix
Cicada, qua supremis
In arborum viretis,
Roris parum ut bibistis;
Cantare dulce gaudes.*

Jambicum Archilechium dimetrum acataleætum constat quattuor jambis: recipit tamen primo & tertio loco spondæum, raro autem anapestum, aut tribracum. Habes exempla passim in Horatio lib.

epod. ubi jambis trimetris subjicit dimetros sic:

Beatus ille, qui procul negotiis:

Ut prisca genus mortalium,

Paterna rura bobus exercet suis

Solutus omni fænore, &c.

*Uitetur hoc Ecclesia in Hymnis. Tale est illud Sab-
bati ante Domin. Passionis ad Vesperas:*

Vexilla Regis prodeunt,

Fulget Crucis mysterium,

Qua vita mortem pertulit,

Et morte vitam protulit.

Jambicum Hippoæcteum constans quinque pedi-
bus dissylabis, & una in fine syllaba: quorum se-
cundus, quartus, & quintus sunt jambi: primus
vero & tertius vel jambi, vel spondæi. Tale est
illud elegantissimum :

Ternos vetusti congios falerni

Uno die convivii peractis

Hausit potentum Romuli Nepotum

Regnator audax, arbiterque regum,

Exinde ples Quiritium vocavit

Non Claudium Tiberium Neronem,

Sed Caldium Biberium Meronem.

*Jambicum senarium, seu archilochium acataleæti-
cum, si purum est, constat solis jambis; si mix-
tum, requirit locis paribus, id est, secundo, quar-
to, & sexto, jambum; imparibus vero, piæter
jambum, excipit anapæsum tribrachum, spon-
dæum & dactylum: immo secundo & quarto non
recusat tribrachum. Tragicum vero, ut sit gravius,
non debet, nisi rarissime, constare ex puris jam-
bis; Comicum autem, modo in fine retineatur fere
semper jambus, reliquis quinque locis recipit jam-
bus, spondæum, anapæsum, tribrachum, dacty-
lum. Exempla sint jambici puri ex Catullo.*

Phaselus ille, quem videtis, hospites,

Ajunt fuisse navium celerrimus.

Tragici vero jambici ex Senecæ Herc. fur. aet. 2.

O magne Olympi rector, & mundi arbiter,

Jam statue tandem gravibus ærumnis modum.

*Comici denique jambici exemplum sit ex Terentio
in Andria:*

Qui utrambris recte norit, ambas noverit.

Accusant, quos hic noster auctores habet.

Perduxere illuc secum, ut una esset mecum.

Nihil ista opus est arte ad hanc rem, quam pars.

Et in Eunuchi prologo:

Si quisquam est, qui placere se studeat bonis.

Quamplurimis, & minime multos lēdere,

In his Poeta hic nōmēn profiteri vult suum.

*Phaleucium hendēcasyllabum est, & constat
spondæo, dactylo, & tribus choreis. Martial. I. i.*

Hic est quem legis, ille quem requiris,

Toto notus in orbe Martialis,

Cui lector studiose, quod dedisti

Viventi decus atque sentienti,

Raro post cineres habent Poetae.

Admittit tamen aliquando prima in sede jambum;
ut apud Catullum pœne tricies; apud Martiale
fortasse nonnisi semel in illo libri 3. epigr. 21.

Veterno resinaque pigriores.

Apud eumdem Catullum primo loco videbis choreum, & quidem duodecim: & ibidem dactylum bis, anapæstum semel. Apud Senecam vero in Oedipi 2. Choro anapæstum secundo loco.

De Saphico item dictum est paragrapho superiori. Hic addem nonnulla. Solis sapphicis Catullus, Seneca, Statius usi sint, Adonio non interjecto. Secunda sede, pro spondæo, Sapho inventrix, & Catullus non semel, & Seneca choreum adhibuere. Sit exemplum ex Catullo:

Otium, Catulle tibi molestum est.

Seu Saccas, Sagittiferosque Parthos.

Quid? quod Sappho quarto loco spondæum, raro tamen, posuit, ut docet Gretserus, & secundo loco dactylum? quod fecit Seneca in choro actus 3. Medea, & in choro aëtus 3. Troadis sic:

Sumere inumeras solitum figuræ,

An feras varii Lapidis Carystos.

Immo idem Seneca, teste Martino Delrio, primo loco admisit spondæum, dactylum, & anapæstum; & secundo jambum.

Sæzon, seu Choriambicum carmen est jambicum senarium, seu claudicans, quia loco ultimi jambi habent spondæum, ita tamen ut penultimo loco sit jambus. In ceteris servat leges jambici Senatii:

atque adeo in secunda & quarta sede habet jambum vel tribrachum : in prima & tertia jambum , aut spondæum , aut etiam anapæstum , & dactylum , quia tempore sunt cōpares Spondæo ; quum duæ breves uni longæ æquivaleant ; & tribrachum , quia compar est jambus. Pro exemplo sit illud Persii:

*Nee labra fonte prolui caballino,
Nec in bicipiti somniasse Parnasso
Memisi , ut repente sic Poeta prodirem.
... Quod si dolos spes refulserit nummū
Coruas Poetas & Poeridas Picas,
Cantare credas Pegasejum melos.*

Hoc melos torquet Grammaticos, est enim jambus in ultima sede contra leges Scazonis. Manutius , Emmanuel, & Gretserus putant imitatione Græcum productam primam in Melos, sicut ab Homero producta fuit in hymnis, Politianus legendum censet neclar. Alii alia.

Trochaicum Alemarium dimetrum est & acataleatum , constaque quattuor trocheis : recipit tamen secundo & quarto loco spondæum & primo loco pyrrichium. Tale illud Ecclesiæ:

*Pango lingua gloriōsi. Tale & illud Catulli:
Aye, cuncta nuptiali.*

Trochaicum Hipponaicum est tetrametrum acatalepticum , & constat octo pedibus , quorum impares sunt trochæi ; reliqui aut trochei , aut spondæi : apud comicos vero , omnibus locis recipit cōpares spondæo , nempe anapæstum & dactylum , & cōpares trochæo , nempe jambum & tribrachum , excepto ultimo. Sit exemplum prioris:

Pelle tonsis , terga Ponti , vela tende , jam pergamur.

Trochaicum , Galiambicum , tetrametrum est , constatque vel trocheis , vel partim trocheis , partim Pyrrichiis , & raro admittit pedes his cōpares. Exemplum esto illud Catulli:

Super alta vetus Atys celeri tate maria.

Alia versuum genera , quæ sunt innumerabilia , si velis cognoscere , adito Servium , & Terentianum in Centimetro : Nebrixensem lib. 8. cap. 8.

Despauterium lib. 5. Scaligerum in Poetica , lib. 2. &c. Pauca modo de Dithyrambo subnectam.

§. IV. De Dithyrambo.

Dithyrambus canebatur in honorem Bacchi, quo nomen est sortitus. Bacchus enim ab antiquis dictus est Dithyrambus, quasi duabus jannis in lucem emissus. Fabulas consule. Bacchum igitur, India perdomita, redeuntem in Graeciam Satyri cum Mænadibus comitati sunt. Hi vino graves, & mente ac voce parum constantes, Carmina sine modo ac numero viatori Baccho decantabant. Illos imitati Poetæ, & antheo furore correpti, carmina quædam audaci, tumido, vario stylo scripsere, quo canere modo ebriosi solent, permixtis in unum versibus omnis generis & metri. Hæc origo Dithyramborum & forma. Exemplum habes in Seneca Tragoëdo, post secundum Actum Tragœdiæ, cui nomen fecit *Oedipus*: Chorus, qui actum illum sequitur, merus est Dithyrambus: *Effusam redimite comam.*

Vates recentior partam de Turcis victoriam anno 1716. hoc genere carminis celebravit. Quos enim effert lætitia, ii mentis & vocis ægre sume compotes.

Surge, Phœbe, pone curas,
Summe plectra, funde lætum
Ore carmen, usitatis
Parce modis agitare cantus.
Clio docta cur moratur?
Cur talia lenta cessat?
Otiosa cur sonorum
Turba monte torper alto?
Huc adeste, convolate,
Quæis Apollo labra sacro
Fonte tingit; hac adeste:
Turca mari fugit atque terra.
Hinc proterva turba, Fauni,
Huc, amœna turba, Nymphæ
Ferte serta, ferte flores:
Turca mari jacet, atque terra.
Ferte sistra, barbitosque,
Fistulasque, tibiasque,
Et canendo, lusitando,

Saltitando, prædicat:

Turca mari fugit atque terra.

Audiat Æther,

Gaudet Æther,

Te Duce, Clemens,

Roma triumphet:

Turca mari jacet atque terra.

Itala festis

Æra resultent

Undique templis:

Turca mari fugit atque terra.

Audiat Ister,

Litora multo

Flore coronet.

Plaudat Iberus,

Et tagus almam

Vertice flavo

Nectat olivam:

Tum sua Nereo

Lætus uterque

Gaudia portet:

Turca mari fugit atque terra.

Curre, fama, clange, clama,

Gaudiaque extremum, & plausus, & carmina longe

Differ in orbem.

§. V. De Symbolo Heroico.

Symbolum Heroicum, Italis vulgo *Impresa*, Gallis, *une divise*, definitur picta metaphora, sive imago quædam picta, significans rem aliam non pietant, propter utriusque similitudinem, addita voce seu sententia, quæ utriusque connexionem ostendat. Exempli causa Sol pictus cum hac epigraphe, *Sufficit Orbi: recte designat Imperatorem aliquem Romanum*, v. g. Cæsarem Augustum: sicut enim sol satis habet lucis ad orbem totum collustrandum, & caloris ad fovenendum; sic Augustus satis habuit sapientiae ad gubernandum orbem, & potentiae ad continendum Figura picta, corpus symboli appellatur: Verb. seu sententia, dicitur anima: Ut enim homo constat ex anima & corpore, ita symbolum heroicum

com-

componitur ex figura & verbis. Ubi nulla intercedit similitudo inter figuram pictam & rem illa significatam, nullum est symbolum proprium ac vere dictum. Itaque Illud Caroli V: *Pius ultra*, sententia est, non symbolum. Inter figuram, è quibus symboli corpus constat, negant periti locum esse humano corpori vivo: Statuam, quæ corpus repræsentet, adhiberi posse non negant, v. gr. si statuam ponas, quam sculptor crebris ictibus format, politique; & addas. *Perficitur dum cœditur*: Recte sic exprimas virum probum, qui rebus adversis ad virtutem proficit.

Figuræ sumuntur è rebus naturalibus, iisque vulgo notis, non fabulosis, aut peregrinis.

Voces & quæ figuræ adduntur, & ejus similitudinem cum re significata indicant, non solum Latino. Græcoque seruione, sed etiam vulgari & vernaculo scribi possunt. Placent in primis hemistichia, sive partes primæ, aut ultimæ alicujus versus, v. g. Hexametri. Videndum ut voces illæ sint paucæ, claræ, & accommodatæ rei quæ significatur. Intervidum optativo efferuntur modo; nonnunquam infinito: fere indicativo.

Res significata exprimi non debet in ipsis, quæ Lemma, sive Epigraphem componunt, verbis; sed generali quodam efferrri modo, qui conveniat figuræ significanti, & rei significatæ. Sic; pone lucernam, adde, *Lucet, & ardet*: significabis S. Joannem Baptistam, aut quemvis Apostolicum virum; quod enim proprie convenit lucernæ, ut ardeat & luceat, hoc per metaphoram congruit viro Apostolico. Aliquando figura ipsa loquens inducitur. Sic idem vir Apostolicus virtutum fama & prædigiorum peccatores blande trahens significabitur; si magnetem pingas cum hoc lemmate, seu inscriptione: *Ad me dura traho*.

Placet milites laudare, quos Regis præsentis exemplum accedit ad rem bene gerendam? Pingue pullos aquilæ, solem adversum intuentes, cum hoc emblemate: *Crescunt vires animique videndo*. Vir dives & probus insigni aliqua dignitate auctus, notabitur humine majori alveo decurrente: *Utilior quo maior*. Princeps temina ad solitum erecta signabitur

pieta luna & plena : In publica commoda crevit.

Victoriam de Turcis anno 1716, felicissime reportatain, CLEMENTIS XI. Pontificis Maximi auspiciis, precibus, & consiliis, ita describit Romanus vates: Exhibit regem apum, qui aculeo caturae dicitur, fucos alveari abigentem: Subjicit hæc verba: *Vincit inermis,*

D. *In quo Emblema discrepat à symbolo Heroico, qui videtur esse simillimum?*

M. In hoc maxime discrepat, quod Emblema significantur quæcumque ad virtutem, pietatem, & mores pertinent: neque tam religiose observantur in eo leges Symbolis heroicis præscriptæ. De voce si quæris, Emblema, Græca vox, significat elegans opus, arte & manu elaboratum, quod mensæ, pavimento, vasis, & parietibus inseritur & immittitur: quales sunt figuræ Hieroglyphicæ, sesselatae imagines, & alia id genus.

LIBER V.

Achrostichis, Anagramma, Grifus, &c.

§. I. De Acrostichide.

D. Quid est *Acrostichis*, & quomodo sit?

M. Q Acrostichis Græca vox est, & significat breve poema, in quo primæ cajusque versus litteræ nomen aliquod, sive sententiam, exhibent. Exempli caussa si S. Carolum laudare vēis, primi carminis prima Littera erit C. secundi A. tertii R. quarti O. quinti L. sexti U. septimi S. Ita primæ cajusque Versus litteræ, seorsim sumptæ, dabunt vocem CAROLUS. Sic nomen Sacrum JESUS offeret Acrostichis.

Alle, sacrum cuius legis hoc in carmine nomen,
Virginis castæ sinu,
Servator mundi, nostrum productus in orbem
C omnibus vitam daret,
M moriens totum indulxit mortalibus ægris.

Sic in omnium Sanctorum laudet vates recentior hanc sententiam Acrostichide explicuit:

Vivite felices, quibus est fortuna peracta
Jam sua: nos alia ex aliis in bella vocamus.

Vivite felices, quibus est fortuna peracta
Nam sua, securam cælestem ducite vitam,
Galles Elysias læti, saltusque beatos
Incolite; æternis eja indulgete choreis,
Hælure optata tandem, portumque potiti;
Repti ex undis pelagi, ridete fruentes
Nuctus, & ventos, tempestatesque sonoras,
Et quicquid sævum Neptunia monstra minantur.
Ræstantes Scyllam effugisse, trucemque Charybdis;
Rasque undisoni horrendas, rabiemque tridentis.
Quibus ætheriam mulcete perennibus aulam;
Pæana simul canite, æternumque triumphum,
Accis ambrosiaz saturati, & nectaris haustu, &c.

Interdum geminatur Acrostichis, ita ut extrema cajusque versus littera sit eadem ac prima: ut si dicas:

Ille, sacrum cuius nomen tibi carmine pinxi
Emissus alto ex æther F, &c.

Totum hoc carminis genus laboriosum, & exiguae frugis.

§. II. De Anagrammate.

D. Quid est Anagramma?

M. Anagramma sit, dum ex alicujus nomine eruitur aliqua sententiam ejus laudem, aut virtutem, servatis nominis litteris, sed vatis arbitrio transpositis. Licet unam, alteramve addese, aut mutare litteram. Exempla subjicio: Logiea, Caligo, Ursula, Laurus, Calvinus, Lucianus, Corpus, Porcus. Sacramentum Eucharistiae: Chara ceras in JESUM mutata. Ignatius de Lojola: O ignis à Deo illatus. Sic lusit vates in Galenum: Galenus: Angelus.

Angelus es: bonus anne malus, Galene? salutis

Humanæ custos; Angelus ergo bonus.

Humanam tamen heu! quoties, Galene salutem
Arte mala turbas! Angelus ergo malus.

Gregorius decimus quartus.

Murus custodiaque gregis.

Ni Dominus alto cinxerit muro domum,
Cingentis est vanus labor.

Nisi sit ovilis tutor & custos Deus,
Frustra excubat pastor vigil.

Gaudere fas est, missus è cœlo gregi,
Est murus & custodia.

Vir pie ingeniosus, & ingeniose pius, centum anagrammata pura in laudem Immaculatæ Conceptionis Deiparæ ante aliquot annos deprompsit ex illis verbis Ave Maria gratia plena. Puta vocantur anagrammata, in quibus nulla mutatur littera, nulla additur, vel demitur.

§. III. De Gripho, Logogripho, & Inscriptione.

D. Recire cupio quid sibi volint iste a voce, quibus
nostræ vulgo schola personant, Griphus, Logogriphus, &c.

M.

M. Grifus aliud nihil est , quam enigma scripto adumbratum , sed obscuris tamen & intricatus , adeo ut negotium facessere homini , etiam acuto , possit. Nomen invenit à voce græca (a) , Latinè *rete* , quia explicantes implicat , irretiturque : sic appellatur etiam quælibet obscura propositio , præsertim jocosa & ludrica. Suppeditabit exempla P. Laurentius *Le Bruns* in sua eloquentia Poetica.

Logogriphus non versatur in rebus ipsis , eruditio vocum , aut colorum velo regendis , sed in ipsis vocibus celandis , earum syllabas , aut litteras re secando , trajiciendo , & varie commutando Sic in voce , *Ovis* , si demas primum elementum , restabit *vis* , vnde natus versiculus :

Imbellis tota est , caput exime , vis erit illi.
Sic à verbo *navem* si tollas primam , & ultimam litterulam , habebis *ave* : unde aliquis ad amicum scribens ajebat :

Mitto tibi navem prora puppique carentem.

In vocabulo *aper* invenies *pera* , *aer* , *par* . Hujus obscuritatis acumen , quia in meris vocibus consistit , Logogriphus appellatur , quasi dicas , vocis ambages & lusus .

Griphus vocantur figuræ , voces , litteræ , quæ sua dispositione , numero , actio ne , vel colore , verborum , sensuum , parœmiam , aud aliud quidpiam exprimunt , non sine aliquo sale. Ita Cupidinem aliquis plexit , qui orbem terrarum ligat , cum hoc lemmate : *omnia vincit amor* . Hoc genus facile in pueriles ineptias excudit.

D. Libenter aliquid audirem de *Inscriptione* , quam te pretermissam esse miror ?

M. Num est illa tantum opus Poetarum , sed etiam Oratorum , etsi versum non respuat. Duplex illius dos ; Brevitas & Perspicuitas. Optima est quæ necessaria personæ , loci , temporis , & modi adjuncta paucis complebitur. Parco exempla congere , quæ tot colecta voluminibus leguntur.

F I N I S.

(a) γριψίς.

INDEX.

CAPITUM.

Elementa Rhetoricæ.

CAP. I. De Fabula.	pag. 1.
§. I. De variis Fabularum generibus.	2.
§. II. De Fabula Rationali, sive Parabola.	ibid.
§. III. De Fabula Morali, sive Apologo.	3.
§. IV. De Fabula Mixta.	4.
§. V. De legibus, & artificio Fabulæ.	4.
§. VI. De utilitate Fabulæ.	ibid.
CAP. II. De Narratione.	8.
§. I. De virtutibus Narrationis.	ib.
§. II. De Schematibus, seu Figuris quibus illuminari potest Narratio.	12.
§. III. Varia Narrationum genera, & selecta illarum exempla.	16.
CAP. III. §. I. De Chria.	24.
§. II. Chria verbalis in hanc Virgilii sententiam: Breve & irreparabile tempus omnibus est vita.	29.
§. III. Argumenta Chriarum verballium ex Horatio.	32.
CAP. IV. De Amplificatione.	34.
§. I.	

§. I. De Amplificatione rerum.	36.
§. II. De Amplificatione per conge- riem Definitionum.	ibid.
§. III. De Amplificatione per conge- riem adjunctorum.	37.
§. IV. De Amplificatione per conge- riem, seu enumerationem par- tium.	38.
§. V. De Amplificatione per conge- riem caussarum & effectuum.	39.
§. VI. De Amplificatione per conge- riem consequentium.	40.
§. VII. De Amplificatione per com- parationes , similitudines , & exempla.	ibid.
§. VIII. De Amplificatione per con- flictionem contrariorum.	42.
§. IX. De Amplificatione per incre- mentum.	43.
§. X.	ibid.
§. XI.	44.
§. XII.	45.
§. XIII.	ibid.
§. XIV.	46.
§. XV. De Amplificatione per re- petitionem.	47.
§. XVI. Quid sit in Amplificatione vitandum.	48.
Proœmium Rheticæ.	49.
§. I. De natura & fine Rheticæ.	ib.
§. II. De materia Rheticæ.	50.
	§ III.

- 348
- §. III. De partibus Rheticæ. 52.
 §. IV. De dignitate, & utilitate
 Rheticæ. ibid.
De Imitatione. 53.

L I B E R I.

De Elocutione.

CAP. I. De Figuris, seu Schematibus.

61.

- §. I. De Figuris Sententiarum. ibid.
 II. De Figuris ad movendum idoneis. ibid.
 §. III. De Dubitatione. 63.
 §. IV. De Obsecratione. 65.
 §. V. De Imprecatione. ibid.
 §. VI. De Interrogatione & Subjectione. 66.
 §. VII. De Præteritione & Retentia. 67.
 §. VIII. De Expolitione. 68.
 §. IX. De Epiphonemate. ibid.

CAP. II. De Figuris ad delectandum magis idoneis.

69.

- §. I. De Apostrophe. ibid.
 §. II. De Hypotiposi. 70.
 §. III. De Prosopopœja. 71.
 §. IV. De Etopœja. 72.

CAP. III. De Figuris ad docendum idoneis.

74.

- §. I. De Antithesi. ibid.
 §. II. De Sustentatione. 75.
 §. III. De Communicatione. 76.
 §. IV.

§. IV. De Correctione.	3 ¹⁹ ibid.
CAP. IV. De Figuris verborum.	77.
§. I. De Tropis.	ibid.
§. II. De Metaphora.	ibid.
§. III. Quid vitandum in Metapho- ra.	80.
§. IV. De Allegoria.	81.
§. V. De Metonymia.	82.
§. VI. De Synecdoche.	84.
§. VII. De Ironia.	85.
§. VIII. De Sarcasmo.	87.
CAP. V. De Figuris verborum proprie- tatis, seu quæ non sunt Tropi.	88.
§. I. Figuræ per adjectionem.	89.
§. II. De Figuris per detractionem.	91.
§. III. De Figuris per similitudi- nem.	92.
§. IV. Appendix de Transitione.	94.
CAP. VI. De Periodo.	97.
§. I. De partibus Periodi.	98.
§. II. De variis Periodorum gene- ribus.	99.
§. III. De legibus ac regulis Perio- di.	100.
§. IV. De artificio Periodi amplifi- candæ.	101.
§. V. De numero & ceteris virtuti- bus Periodi.	102.
§. VI. Regulæ sex, quibus reddi potest numerosa Periodus.	103.
§. VII. Quomodo parari possit fa- cul-	

cultas numerose dicendi.	107.
CAP. VII. de Stilo oratorio.	108.
§. I. De Stilo sublimi.	ibid.
§. II. De Arte comparandi Stili sublimis.	109.
§. III. De Stilo simplici.	110.
§. IV. De Stilo mediocri.	111.
§. V. De usu triplicis Stili, seu Characteris.	112.
§. VI. De Stilo vitioso.	ibid.
§. VII. De Stilo Laconico & Asiatico.	114.

L I B E R I I.

De Inventione.

CAP. I. De Locis intrinsecis.	124.
§. I. Definitio.	ibid.
§. II. Enumeratio partium.	126.
§. III. Notatio nominis & Conjugata.	128.
§. IV. Genus & Species, seu Forma.	130.
§. V. Similitudo & dissimilitudo.	131.
§. VI. Contraria & Repugnantia.	133.
§. VII. Adjuncta.	135.
§. VIII. Antecedentia, & Consequentia.	136.
§. IX. Causæ.	137.
§. X. Effecta.	139.
§. XI. Comparatio.	140.
CAP. II. De Locis extrinsecis, seu remotis.	142.
CAP.	

CAP. III. De secunda Inventionis par-	
te, seu de motibus excitandis.	146.
§. I. De Amore & Odio.	147.
§. II. De metu , spe & audacia.	149.
§. III. De Misericordia.	152.
§. IV. De Ira & Indignatione	153.
§. V. De Mansuetudine.	156.
§. VI. De Æmulatione.	158.

LIBER III.

De Dispositione.

CAP. I. De Exordio.	161.
§. I. De variis Exordiorum generi- bus.	162.
§. II. De virtutibus ac vitiis Exor- dii.	163.
§. III. De variis Exordiorum fonti- bus.	165.
§. IV. De officio ac munere Exor- dii.	168.
§. V. De paranda attentione.	171.
§. VI. De Propositione.	173.
§. VII. De Divisione.	174.
CAP. II. De Confirmatione.	175.
§. I. De Confirmatione proprie di- cta.	176.
§. II. De Syllogismo.	ibid.
§. III. De Enthymemate.	179.
§. IV. De Inductione.	180.
§. V. De Exemplo.	181.
§. VI. De Dilemmate.	182.
§. VII. De Crocodillo, & de argu- men-	

mento insolubili. 184.

§. VIII. de Sorite & Epicheremate. ib.

CAP. III. De Confutatione. 185.

CAP. IV. De Peroratione. 188.

§. I. De Enumeratione. ibid.

§. II. De Affectuum commotione. 189.

L I B E R IV.

De diversis Orationum generibus.

CAP. I. De Orationibus quæ pertinent
ad genus demonstrativum. 193.

§. I. De oratione Panegyrica. ibid.

§. II. De inventionibus & fontibus
Panegyrici. ibid.

§. III. De tempore, quod oratum
antecessit. 195.

§. IV. De iis, quæ in vita ipsa lau-
dari possunt, 198.

§. V. De corporis & fortunæ laudi-
bus. 200.

§. VI. De tempore illo, quod mor-
tem subsequitur. 203.

§. VII. Animadversiones quædam cir-
ca personarum laudationem. 205.

§. VIII. De oratione natalitia, seu
genethliaca. 206.

§. IX. De oratione nuptiali, sive
Epithalamio. 208.

§. X. De laudatione Funebri. 209.

§. XI. De oratione Eucharistica. 213.

§. XII. De Epinicio & gratulatio-
ne. 216.

CAP.

CAP. II. De orationibus, quæ perti- nent ad genus deliberativum.	218.
§. I. De suasione & dissuasione.	ib.
§. II. De variis variarum ætatum moribus.	221.
§. III. De moribus Nobilium, Di- vitum, & Plebejorum.	223.
§. IV. Dehortatione & dehortatio- ne.	226.
§. V. De concitatione & concilia- tione.	229.
§. VI. De commendatione.	ibid.
§. VII. De petitione.	230.
§. VIII. De consolatione.	231.

L I B E R V.

De Pronuntiatione.

§. I. De memoria.	234.
§. II. De voce.	ibid.
§. III. De monotomia & cantu.	236.
§. IV. De gestu.	237.

INSTITUTIONUM POETICARUM.

L I B E R I.

CAP. I. Definitio Poeseos.	243.
CAP. II. De materia Poeseos.	245.
CAP. III. De forma Poeseos.	246.
CAP. IV. De Peripetia.	249.
CAP. V. De Anagnorisi.	250.
CAP. VI. De Episodio.	251.
CAP. VII. de Machina,	252.
CAP. VIII. De Moribus.	253.
CAP.	

CAP. IX. De Sententia.	255.
CAP. X. De Dictione.	256.
CAP. XI. De caussa efficiente Poeseos.	260.
CAP. XII. De fine Poeseos.	262.
CAP. XIII. De divisione Poeseos.	263.

L I B E R II.

De Epopœja.

CAP. I. Definitio Epopœjæ.	264.
CAP. II. De materia Epopœjæ.	265.
§. I. Actio Feminæ an materia Epopœjæ.	266.
§. II. Actio Epopœjæ quomodò Una.	269.
§. III. Actio Epopœjæ quomodò Tota.	270.
§. IV. Actio Epopœja qui vera & verisimilis.	271.
§. V. Actio Epopœjæ quomodo illustris & felix.	272.
CAP. III. De forma Epopœjæ.	273.
§. I. Fabulæ Epicæ dotes.	ibid.
§. II. Fabulæ Epicæ partes.	276.
§. III. Fabulæ Epicæ dispositio.	277.
CAP. IV. De propositione Epopœjæ.	278.
CAP. V. De invocatione Epopœjæ.	280.
CAP. VI. De narratione Epopœjæ.	281.
CAP. VII. De epilogo Epopœjæ.	283.

LIBER III.

De Dramate.

CAP. I. Definitio Poematis Dramati- ci.	285.
CAP. II. De materia Poematis Dra- matici.	286.
Cap. III. De forma Poematis Drama- tici.	287.
§. I. Unitas & simplicitas Fabulæ Dramaticæ.	288.
§.II. Magnitudo Fabulæ Dram.	289.
CAP. IV. De partibus Poematis Dra- matici.	291.
CAP. V. De Choro in Dramate.	294.
CAP. VI. De Scenico Apparatu.	295.
CAP. VII. Definitio Tragoediæ.	296.
CAP. VIII. De materia Tragoediæ.	297.
CAP. IX. De forma Tragoediæ.	300.
CAP. X. De fine Tragoediæ.	301.
§. I. Qui affectus concidentar in Tra- goedia.	302.
§.II. A quibus concidentur affectus in Tragoedia.	ibid.
§. III. Quomodo concidentur affec- tus in Tragoedia.	304.
CAP. XI. Præceptorum usus in scri- benda Tragoedia.	305.
CAP. XII. De Comœdia.	307.

LIBER IV.

CAP. I. De Elegia.	310.
CAP. II. De Epigrammate.	311.
CAP.	

CAP. III. De Satyra.	312.
CAP. IV. De Poemate Lyrico.	313.
CAP. V. De Hymno, Parodia, & Carmine Intercalari.	313.
CAP. VI. De Eclogis, Silvis & Diris.	316.
CAP. VII. De Epithalamio, Genethlia- co, Episodio.	317.
CAP. VIII. De Epinicio, Eucharistico, Propemptico.	318.
CAP. IX. De Carmine Soterico, Pre- treptico & Parænetico.	319.

LIBER V.

CAP. I. Poetarum Latinorum præstan- tiorum nomina, ætas, stflus.	321.
CAP. II. De Stilo Poetico	324.
CAP. III. De variis Versuum generi- bus.	325.
§. I. De Versibus Comicis.	ibid.
§. II. De Versibus Lyricis.	329.
§. III. De aliis quibusdam usitatio- rum Versuum generibus. Ex lib.	
IV. Prosodiæ Bononiensis P. Jo. Baptistæ Riccioli.	335.
§. IV. De Dithyrambo.	339.
CAP. IV. Acrostichis, Anagramma, Griphus.	343.
§. I. De Acrostichide.	ibid.
§. II. De Anagrammate.	344.
§. III. De Gripho, Logogripho, & Inscriptione.	ibid.

F I N I S.



E
Es para el uso de
H. Ramon el Buz
lo estrenar al s.
Comis en la V. a
Ullaniz.

